

宋幸

梁 沈 約 撰

華 書

中

局

卷 第 一

至卷一三(紀志)

册

出版説明

宋書一百卷,包括本紀十卷,志三十卷,列傳六十卷,梁沈約撰。

以後,一共傳了七代,到宋順帝昇明三年(公元四七九年),又爲蕭齊所滅。 揚州市)兩地起兵,推翻桓玄,名義上恢復晉朝的統治,實際上掌握了東晉的軍政大權。 史桓玄代晉稱帝。 了十五年,晉恭帝元熙二年(公元四二〇年),劉裕就建立宋朝,都於建康(今南京)。 宋是繼東晉以後在南方建立的封建王朝。 第二年,當時的北府兵將領劉裕在京口(今江蘇鎮江市)和廣陵(今江蘇 晉安帝元興二年(公元四〇三年), 荆州 劉裕 過 刺

訖大明時止。 隋書經籍志著錄徐爰宋書 六十五卷,可見他的書曾和沈約宋書並行,現 參照前人舊稿,編成「國史」,上自東晉義熙元年(公元四○五年)劉裕實際掌權開始,下 家何承天草立紀傳,編寫了天文志和律曆志。此後,又有山謙之、裴松之、蘇寶生等陸 在太平御覽等類書中,還保存了徐爰宋書的殘篇零段。但徐爰不久爲宋朝所斥退,宋 續參預編撰。 |宋朝國史的修撰,在||宋文帝||元嘉十六年(公元四三九年)||就已開始。 但他們任史職的時間都很短。 大明六年(公元四六二年),徐爰領著作郎,他 當時由著名科學

諱 ; 這時沈約爲太子家令,兼著作郎。他依據何承天、徐爰等人的舊作補充修訂,花了將近一 朝「國史」的修撰也就停了下來。 帝(公元四九四年)以後,甚至在梁武帝卽位(公元五〇二年)以後了。 鸞鳥爲神鳥,是避齊明帝蕭鸞的諱,律曆志改「順」作「從」字,是避梁武帝父親蕭順之的 撰諸志,須成續上」,可見宋書的八志三十卷,是後來續成的。在八志中,符瑞志改稱 年的時間,在永明六年(公元四八八年)二月完成紀傳七十卷。沈約在當時的奏文中說「所 樂志稱鄒衍爲鄒羨,是避梁武帝蕭衍的諱。可見宋書的最後定稿,當在齊蕭鸞稱 南齊永明五年(公元四八七年)春,又命沈約修撰宋書。

亡佚,關於劉宋一代的史書,比較完整的,現在就只有沈約的這部宋書。 有裴子野著宋略二十卷,王琰著宋春秋二十卷,鮑衡卿著宋春秋二十卷。 與沈約同時或稍後, 南齊時有孫嚴著宋書六十五卷,王智深著宋紀三十卷,梁代 但這些著作都已

帝蕭衍代齊稱帝,因而在梁朝被封爲建昌侯,官至尚書左僕射、尚書令、領中書令。 朝,宋時爲尚書度支郎,齊代做到五兵尚書、國子祭酒,在齊梁政權交替之際,他力勸梁武 作很多, 沈約(公元四四一——五一三年),字休文,吴興吴康(今浙江德清縣西)人。他歷仕三 但現在除了宋書一百卷和文集九卷外, 其他如晉史、齊紀、梁高祖紀、 沈約的

宋文章志等,都已亡佚。

齊 力, 類 擁 本是吴興 在 韶 有 山的 梁三代, 書 極 政 東 情況大加抨擊。 治 漢 中 平 、士族, 經濟 還特別提到了要糾正 流 末年以來所形成的門閥制度, 殘 ご酷 進 也都仕 各方 取, 地 所謂 剥 坐致公卿」(南齊書褚淵王儉傳論)。 削 面 . 宦顯赫。 和 的特權,他們大量兼併土地,廣泛收羅「蔭户」,用各種手段霸佔 江東之豪, 因此 壓迫 沈約在 人民。 梁蕭統文選載沈約奏彈王源文,對於某些士族地主「婚宦失 「冠履倒錯,珪甑莫辨」的現象(梁書武帝紀)。 莫强周、沈」(晉書周處傳附周札傳)。 沈約一門, 他們以門第相誇, 齊梁時期撰 到東晉南北朝時期得到了充分的發展。 成的宋書, 把持官位, 梁武帝蕭衍也極力支持士族, 也就帶有其時代和階級的特點, 所謂 「貴仕 「素資, 沈約先世, 門閥 在宋、 皆由 士族 . 勞動 他

傳中 説什麽是「前代名家」,風度「簡貴」,「風格高峻」,「世重清談, 人因 王 一微 族 ", 傳中 譬如 來 都是高門 他 説 宋書 如如 只是連篇累牘收載他給友 宋書裏 何忙 列 土 於經營謝氏 傳 族, 中, 王氏立傳的達十五六人, 有關 所以宋書都 地主階級中代表 (産業,傳末却又吹捧他爲 爲 人的信, 他 們 立了 人物高門士族的傳,幾乎佔了 謝氏 却説 「佳傳 立傳的 他肉懷 人簡而 <u></u> 也近十 耿介, 宋書中對 不 士推素論」, 人之多。 失,淡而 峻節 於 不 土 可 不 族 半數。僅就王 ,輕干」。 流 像陳郡 等等。 中的 人 又 謝弘 物 這 如 而 對於 琅 兩 微, 總 邪 個

它的

個

突出

内容,就是頌楊豪門士族,維護門閥制

度。

像鮑照那樣在作品中表現了對門閥制度反抗的詩人,又由於他出身寒微,就只附見於臨川 子義慶傳中。

的材料 採之地,亦又如茲」。 王 治 六孔琳之傳、卷六十范泰傳、卷六十六何尚之傳所載關於改鑄錢幣的争議,反映了封建統 時人的許多奏議、書札和文章,可以從中看出那個時期社會、政治、經濟的一些實際情況。 篇,號爲繁富。」宋書百卷,記述六十年間的史事,保存了不少歷史資料,尤其是它收載了當 如卷八十二周朗傳載周朗上書,講到貲調的爲害,嚴重阻礙了當時生産力的發展。 子尚 !者如何在錢幣改鑄中加緊對人民的剥削。卷五十四;羊玄保傳兄子;羊希附傳, 但宋書仍有其一定的史料價值。 上書,提到南朝初期農村兩極化的發展,「富强者兼嶺而佔,貧弱者樵蘇 卷六十七謝靈運傳載謝靈運的山居賦全文,提供了研究大地主莊 史通書志篇説:「宋氏年唯五紀, 地止江淮, 無託,至漁 收載 卷五十 書滿百 西陽 粛

很 所成都達數月之久(文帝紀、 元嘉九年(公元四三二年),有廣漢趙廣領導的 從 (宋書的 如景平元年(公元四二三年), 記載中,還可以看出那時的農民起義不但人數衆多, 劉粹傳弟道濟附傳)。 有富陽孫法光領導的 起義, 另外, 人數有十多萬 在元嘉初年, 起義 人,起義 (少帝紀、 而且 有淅川 地域很廣, 軍 圍 困 丹川的 益 度傳)。 州 規模 治

少數 展到 族起義,到元嘉末年,荆、雍、豫三州的少數族人民,起義就更加頻繁,參加的人數有發 百 除萬 人以 上的 (夷蠻傳、 張邵傳、沈慶之傳等)。 這些記載雖然是極不充分,而且

還是 經過 嚴 重歪 曲 [的,但終究爲我們提供了研究當時階級矛盾、階級鬥争的綫索。

沈約 自己關 此 外, 宋書的 於詩歌 聲律的主張, 謝靈運傳及傳末的史論,談到了魏晉以來文學的發展 是研究六朝文學批評史的重要資料。 夷蠻傳對於南朝前 和演變, 以 及

期我 以及東晉以來的 的著作。 何承 輸 廓 口 數。 天 國 在)的元嘉曆、 宋書 和 樂志保存 亞洲 這 逃户 八 各國 志 僑置州郡 口 中, 「數固 人民之間經濟、文化的友好交往,也作了適當的敍述。 祖沖之的大明曆全文, 了許多漢魏樂府詩篇。 有些志 |然不 分布 盡準確 是 情況, 比 可信, 較 講得 可 這 取的, 比較詳 州郡志 但 一多少使人得知當時南方人口 幾 種 如 細。 對 曆 律曆志收了楊偉的景初曆全文,以及 南方地 法 而 都 且在每個 是能够反映當時自然科學水平 區自三國以 州 郡 名 來的 分布 下, 的 地 都 理 記 個大概 沿 載 着

末年 或雜以李延壽南史。」 人晁説 宋書 在 之所 長期 流 説 傳過 「沈約宋書一 (嵩山集卷十二讀宋書) 程中, 有不 百卷, 少散失, 嘉祐 到北宋時, 末韶館閣校響, 據前人的考訂和我們整 竟有 漏脱數葉或 始列 、學官。 理 過程 全卷的。 尚多殘脱 中所考查到 據 、駢舛, 北宋

父沈璞 張暢傳 後 史張 的 的 又 如 Ĺ 宋書卷 、 用 南 在 邵 源傳後的 的 卷 事 情況 史等書補 百 璞 四 1少帝紀 張敷、 沈約自序中敍沈亮事,於「聯事惟忝,憂同 有子日」下 卷七十六朱脩之宗慤王玄謨傳,原卷也有闕失, 足。 有闕葉, 張暢附傳也一起鈔録進去。 卷六十二 也注一闕 爲後人所補。 字。 張敷傳和卷 敍沈伯玉事、「先帝在蕃」下也注「闕」字。 五十九張暢傳, 卷四十六除到彦之傳闕而 這樣就出 .職同」下,各本都注「闕」字,於敍其 現了宋書有兩篇張敷傳和 補闕 由後人採南史等書補 者没有通檢全書, 未補外, 其餘都是 中類似 兩篇 把

實緣 典等書的 穆所作的校語,是三朝本原有的,我們仍予保留。 稿 商 本、毛氏汲古閣本(簡稱毛本)、清乾隆 務印 !本,成孺宋書州郡志校勘記,李慈銘宋書札記,孫獻宋書考論 情況還 另外,卷二十二樂志四、卷四十六趙倫之傳卷尾,都附 、册府元龜、資治通鑑和資治通鑑考異等書的有 我 們這 書館影印三朝本(簡稱百衲本)互校, 有 有 關部 次點校宋書, 不 少。 分。 對於前 用北京圖書館所藏宋元明三朝遞修本 人的校勘成果,我們利 四年武英殿本(簡稱殿本)、金陵書局本(簡 擇善而 用 了 爲了易於尋檢,全書的總目,是我們 關部分; 從。 張元 紀傳方 有 幾行 濟 志的方面 ,以及錢大昕廿二 、張森楷的兩種宋書校勘 面 (簡稱 小字,這是宋嘉祐 還通校了 三朝 也參校了晉書 本)、 '南史、 史考異等 稱局 時 明 (建 北 鄭

指正。

中華書局編輯部

本書由王仲犖同志點校,傅璇琮同志擔任編輯整理工作。錯誤及不妥之處,敬希讀者

宋 睿 出 版 説 明

宋書目錄

朱書目錄	孝武帝駿	卷六 本紀第六	文帝義隆	卷五 本紀第五	少帝義符	卷四 本紀第四	武帝下·····	卷三 本紀第三	武帝中	卷二 本紀第二	武帝劉裕上	卷一 本紀第一
	卷十二 志第二	律曆上10六	志序	卷十一 志第一	順帝準	卷十 本紀第十	後廢帝显	卷九 本紀第九	明帝彧三二	卷八 本紀第八	前廢帝子業・・・・・・・・・・・・・・・・・・・・・	卷七一本紀第七

樂一 … 五三	卷十九 志第九	禮五	卷十八 志第八	禮四	卷十七 志第七	禮三	卷十六 志第六	禮一	卷十五 志第五	禮一	卷十四 志第四	律曆下 **********************	卷十三 志第三	
卷二十七 志第十七	天文四」	卷二十六 志第十六	天文三———	卷二十五 志第十五	天文二····································	卷二十四 志第十四	天文一 *****************************	卷二十三 志第十三	樂四	卷二十二 志第十二	樂三	卷二十一 志第十一	樂二	

越州	交州	廣州一六	寧州***********************	益州 二元	州郡四•••••	卷三十八 志第二十八	秦州••••••	梁州一問	雍州一三	湘州一三元	野州一言	荆州	州郡三	卷三十七 志第二十七	: : : : : : : : : : : : : : : : : : : :
弟子瓊之 ************一二六七	文帝路淑媛	文元袁皇后	武帝胡婕妤	少帝司馬皇后三三三	武帝張夫人	武敬臧皇后	孝懿蕭皇后	孝穆趙皇后	后妃	卷四十一 列傳第一	百官下	卷四十 志第三十	百官上・・・・・・・・・・・・・・・・・・・・・・・・・・・	卷三十九 志第二十九	ļ

卷四十三 列傳第三	後廢帝江皇后
練子釗=三三	明帝陳貴妃
弘從父弟練••••••••••••••• 三 三	明恭王皇后
子錫	文帝沈婕妤
王弘三三	誕
穆之女壻蔡.祐	恢
穆之少子貞之	瑪兄子亮
式之子瑀 ••••••••••••	瑀子邁
穆之中子式之一三〇九	父瑀 ····································
慮之子邕 *********************	前廢帝何皇后
長子慮之 **********************	偃子藻
劉穆之一三0三	父偃
卷四十二 列傳第二	孝武文穆王皇后
順帝謝皇后三六	茂之三六
明帝陳昭華*************	休之三六

靖弟劭 ************************************	檀砌的。。。。。。。。。。。。。。。。。。。。。。。。。。。。。。。。。。。。	弟康	王 鎭 惡•••••••	卷四十五 列傳第五	延陵蓋	商玄石**********************	謝晦	卷四十四 列傳第四	檀道濟群形 高進之 ************ 三二	傅亮父瑗 兄迪 ***************** 三三	兄子佩之	徐羨之•••••
卷四十六 列傳第六 粹族弟損	劉粹一三七九	馬文恭・・・・・・・・・・・・・・・・・・・・・・・・・三六	鎌之子應之 *************一三八	王謙之******************一三六	孫登弟道隆 *************一三六	孫登子克 ••••••••	道球弟孫登 •••••••••	懷默子道球 •••••••••	懷愼弟懷默 ••••••	榮祖===============================	子德願 ********************	劉懷愼

宋書目錄	裴方明•••••••••••	懷敬子眞道	懷肅弟懷敬	孫道存	劉懷肅	卷四十七 列傳第七	暢子淹	暢弟悅 ••••••••••••	邵兄子暢一完六	子敷 *****	張邵	王懿兄元德	到彦之闕	子伯符三元0	趙倫之一
七	虞丘進	劉鍾	蒯恩·····一四三六	孫處	卷四十九 列傳第九	傳弘之	毛脩之	弟超石回三	朱齡石交綽 ***********************	卷四十八 列傳第八	檀祗************************************	劉敬宣	龍符嗣孫係祖・・・・・・・・・・・・・・・1四0九	弟龍符	孟懷玉

王誕************************************	義欣弟義融 ·······
庚悅	44
卷五十二 列傳第十二	祗
從弟思考	義欣子瑾一四至
營浦侯遵考	子義欣一四四
子義慶 鮑照	長沙景王道憐
臨川烈武王道規[四0	宗室·····一四六一
義賓弟義綦一四七〇	卷五十一 列傳第十一
義宗弟義賓	張興世・・・・・・・・・・・・・・・・・・・・・・・・・
遐	從弟間 ••••••••••••
秉	弟詢之
義宗子玠	垣護之伯父遵 父苗
義融弟義宗一四六八	劉康祖伯父簡之 謙之 父虔之一四六
龍衣	胡藩一四三
義融子號 *************************	卷五十 列傳第十

 光子 ロ
川事等一口
列

殷淳	卷五十九 列傳第十九	王球・・・・・・・・・・・・・・・・・・・・・・・・・・・	謝弘微 弄0	王惠	卷五十八 列傳第十八	子興宗:	蔡廓・・・・・・・・・・・・・・・・・・・・・・・・一五六九	卷五十七 列傳第十七	孫道存	孔琳之	弟皭 •••••••••••	謝瞻・・・・・・・・・・・・・・・・・・一至七	卷五十六 列傳第十六	傅隆••••
伯子族弟昶••••••••••••	子赤松 ••••••••••••••••	荀伯子 一汽七	王韶之	王准之・・・・・・・・・・・・・・・・・・・・・・・・・・・・・・・・・・・・	范泰·····	卷六十 列傳第二十	江智淵····································	何偃	暢弟悅 ****************************	子淹:****************************	張暢。・・・・・・・・・・・・・・・・・・・・・・・・・・・・・・・・・一五八	淡 **********************	淳弟沖一三九八	子学 •••••

兄子坦 ••••	申恬——————————————————————————————————	子幼文	杜驥兄坦 •••••• 七 [1]	道產弟道錫 七 0	子延熙 ****** 七 九	劉道產	吉翰	卷六十五 列傳第二十五	何承天謝元	子駰 •••••• 七0	裴松之	鄭鮮之	卷六十四 列傳第二十四	演之兄子暢之************一六七
武二王****************************	卷六十八 列傳第二十八	謝靈運 黄雍 羊璿之 何長瑜 *****一七四二	卷六十七 列傳第二十七	悠之子顒之 ************一七三六	 	何尚之父叔度 孟顗 *********	延之	昇之	瓚之 *********************	子恢之		卷六十六 列傳第二十六	崔 :	世子令孫一七三

宋 書 目 錄	江湛一八四八	徐湛之父逵之 湯惠休	卷七十一 列傳第三十一	袁淑	卷七十 列傳第三十	范曄孔熙先 ************************************	劉湛一八三	卷六十九 列傳第二十九	夏侯祖權	徐遺寶・・・・・・・・・・・・・・・・・・・・・・・・・・・・・	愷 ************************	義宣子恢 ***************************	蔡超:	南郡王義宣・・・・・・・・・・・・・・・・・・・・・・・・・・・・・・・・・・・・	彭城王義康
=======================================	子伯融	始安王休仁	嗣子燮一八六九	晉熙王昶	子景素 *************************	建平宣簡王宏	伯玉 ***************	宣曜	嗣子子產 ********************	敬淵	子敬猷 ***************************	南平穆王鑠	文九王******	卷七十二 列傳第三十二	王僧綽

魯 聚 祖 宗 之 义 軌 •••••••••••••• 九二	孫沖之	任薈之一九二	臧質(父熹 ••••••••••••••	卷七十四 列傳第三十四	臭	子測 **********************	顏延之	卷七十三 列傳第三十三	巴陵哀王休若	新野懷王夷父************	臨慶沖王休倩一八一	鄱陽哀王休業一穴一	晉平刺王休祐一八六	伯猷一八六
柳元景•••••	卷七十七 列傳第三十七	王玄謨・・・・・・・・・・・・・・・・・・・・・・・・・・・・・一九七三	字	朱脩之	卷七十六 列傳第三十六	顏竣九五九	蘇寶生・・・・・・・・・・・・・・・・・・・・・・・・・・・・・・・・・・・・	王僧達······	卷七十五 列傳第三十五	程邕之・・・・・・・・・・・・・・・・・・・・・・・・・・・・・・・・・	邊榮	臧寅	沈攸之	弟 秀 · · · · · · · · · · · · · · · · · · ·

宋春日錄	思話從叔摹之	子惠明 *********************************** 0 六	蕭思話父源之 甄法護 ***************************	卷七十八 列傳第三十八	慶之從弟法系	僧榮子懷明 ····································	慶之兄子僧樂************************************	慶之弟劭之	子文叔 ***********************100四	沈慶之・・・・・・・・・・・・・・・・・・・・・・・・・・・・・・・・・・・・	顏師伯	元景從祖弟光世 *************	元景從父弟先宗 •••••••••	元景從兄元 怙•••••••••••••	弟叔仁 ····································
一五	松滋侯子房嚴龍 ************************************	晉安王子勛10五	山陰公主楚玉10五	豫章王子尚··························	孝武十四王	卷八十 列傳第四十	桂陽王休範	海陵王休茂庾深之 ************************************	武昌王渾王翼之	廬江王褘************************************	竟陵王誕范義 ************************************	文五王************************************	卷七十九 列傳第三十九	劉延孫	夢之子斌靡秀之 ・・・・・・・・・・・・・・・・・・・・・・・・・・・・・・・・・・・・

	劉秀之	卷八十一 列傳第四十一	武陵王贊********************1040	東平王子嗣・・・・・・・・・・・・・・・・・・・・・・・・・・・・・・・	淮陽思王子霄	南海哀王子師10六	晉陵孝王子雲10六	淮南王子孟10六	齊敬王子羽10六	邵陵王子元10空	始安王子眞	永嘉王子仁10六	始平孝敬王子鸞	臨海王子項10六二
、	吳喜····	曹欣之二二四	蔡那•••••	佼長生・・・・・・・・・・・・・・・・・・・・・・・・	武念······	宗越譚金 童太壹	卷八十三 列傳第四十三	弟懷遠 ************************************	沈懷文	周 朗 兄崎 ・・・・・・・・・・・・・・・・・・・・・・・・・・110元九	卷八十二 列傳第四十二	弟子愿	顧覬之	丘淵之10式

宋 書 目,錄	王景文伯父智 父僧朗二十一	謝莊・・・・・・・・・・・・・・・・・一六	卷八十五 列傳第四十五	孔覬孔璪 *********************	表 顗	劉靈遺•••••	段佛榮************************************	劉胡	鄧琬	卷八十四 列傳第四十四	高道慶	周寧民・・・・・・・・・・・・・・・・・・・・・・・・	任農夫	孫曇瓘・・・・・・・・・・・・・・・・・・・・・・	彭文之三三三
一七	卷九十 列傳第五十	表 粲····································	卷八十九 列傳第四十九	崔道固••••••••	沈文秀	薛安都從子索兒 傅靈越 張蠶 •••••二三五	卷八十八 列傳第四十八	殷琰	蕭惠開・・・・・・・・・・・・・・・・・・・・・・・一九九	卷八十七 列傳第四十七	劉勔	殷孝祖・・・・・・・・・・・・・・・・・・・・・・・・・・・・・・・・・	卷八十六 列傳第四十六	景文兄子蘊•••••••••••••••	子絢 ************************************

奚慶思・・・・・・・・・・・・・・・・ ニ三岩	潘綜三
徐元妻許氏三三	吳逵·····································
孫 棘三三六	嚴世期
余齊民三三	子原平 *******************
許昭先・・・・・・・・・・・・三宝	郭世道三三
天與弟天生 ************三芸	買 因
伯興・・・・・・・・・・・三	劉瑜
子伯宗三	龍光年初・・・・・・・・・・・・・・・・・・・・・・・・・・・・・・・・・・・・
ト天與・・・・・・・・・・・・三三三	孝義
范叔孫吳國夫 *************三三三	卷九十一 列傳第五十一
孫法宗************************	始建王禧
徐耕嚴成 王道蓋 ••••••[三]	新興王嵩三
蔣恭	隨陽王翽************三三六
王彭三宝0	邵陵殤王友三
張進之俞愈	明四王・・・・・・・・・・・・・・・・・・・・・・・・・・・・・・・

宋 書 目 錄	張祐	陳珉******	郭啓玄・・・・・・・・・・・・・・・・・・・・・・ニニー	申季歷	王歆之三七0	江秉之三六	阮長之三六	陸徽	徐豁	子弘文 ***************三空	杜慧度父瑗 *****************	王鎭之・・・・・・・・・・・・・・・・・・・・・・・・・・・・・	良吏	卷九十二 列傳第五十二	何子平三亳
一九	龔 而 ••••••三 三 云	劉疑之・・・・・・・・・・・・・・・・・・・・・・・三六四	孔淳之三六三	阮萬齡・・・・・・・・・・・・三二二	子曇生・・・・・・・・・・・・・・・・・・・・・・・・・・・・・・・・・・・・	王弘之:	周續之三六0	宗炳•••••	戴顒兄勃 •••••	隱逸	卷九十三 列傳第五十三	王悦	陸法眞・・・・・・・・・・・・・・・・・・・・・・・・一二七一	詞子克二二七一	潘詞

戴法興	恩倖・・・・・・ニ・・・・・・・・・・・・・・・ニニロー	卷九十四 列傳第五十四	關康之三六	褚伯玉****************三六	州韶・・・・・・・・・・・・・・・・三六	劉睦之•••••	王 素 *****	朱百年姚吟 ••••••三四	雷次宗************************************	郭希林三元	沈道虔・・・・・・・・・・・・・・・・・・・・・・・・	宗彧之・・・・・・・・・・・・・・・・・・・・・・・・・・・・・・・	陶潛三六六	翟 法賜 · · · · · · · · · · · · · · · · · ·	
卷九十五 列傳第五十五	楊運長・・・・・・・・・・・・・・・・・・・・・ニニー	王道隆······	李道兒・・・・・・・・・・・・・・・・・・・・・・・・・・・・・・	姜產之三三六	壽寂之・・・・・・・・・・・・・・・・・・・・・・・・・・・・	于天寶三三六	朱幼	孟次陽	阮佃夫************************************	徐爱************************************	奚顯度・・・・・・・・・・・・・・・・・・・・・・	董元嗣····································	戴明寶二三〇五	巢尙之	

穆夫子淵子 ***********************************	警子穆夫 ************************************	沈約高祖警••••••••••••	自序・・・・・・・・・・・・・・・・・・・・・・・・・・・・・・・・・・・・・	一百 列傳第六十	始興王濬三三	元凶劭三三	二凶······三四三	九十九 列傳第五十九	胡大且渠蒙遜三三	略陽淸水氐楊氏三四0三
璞子約	伯玉弟仲玉。・・・・・・・・・・・・・・・・・・・・・・・・・・・・・・・・・・・	林子弟子伯玉•••••••	邵弟璞 ************************************	林子子邵 ***********************************	田子弟林子 ***********************************	田子子亮	雲子弟田子 ***********************************	雲子子煥 •••••••••••••••	淵子弟雲子 ***********************************	淵子子正

宋書卷

本紀第

武帝上

生。 博士弘,弘生瑯邪都尉悝,悝生魏定襄太守某,某生邪城令亮,亮生晉北平太守膺,膺生相 忌,慶忌生陽城肅侯岑,岑生宗正平,平生東武城令某,某生東萊太守景,景生明經洽,給生 |交生紅懿侯富,|富生宗正辟彊,|辟彊生陽城繆侯德,德生陽城節侯安民,安民生陽城釐侯 生東安太守靖, 國掾熙,熙生開封令旭孫。旭孫生混,始過江,居晉陵郡丹徒縣之京口里,官至武原令。 及長,身長七尺六寸,風骨奇特。 初爲冠軍孫無終司馬。安帝隆安三年十一月,妖賊孫恩作亂於會稽,晉朝衞將 高祖武皇帝諱裕,字德輿,小名寄奴,彭城縣綏輿里人,行道漢高帝弟楚元王交之後也 靖生郡功曹翹, 是爲皇考。 家貧,有大志,不治廉隅。 高祖 以晉哀帝興寧元年歲次癸亥三月壬寅夜 事繼母 以孝謹稱 軍 混

本

紀第

武帝上

奮 祖 前 長 與 將 刀 軍 數 劉 十人覘賊遠近。 牢之東討。 殺 傷 甚衆。 牢之請高祖參府軍事。十二月,牢之至吳, 牢之子敬宣疑高祖淹 會遇 賊至,衆數千人,高 人, 恐爲 祖 便 賊所 進與戰。 困,乃輕騎尋之。 所將人多死,而 而賊緣道屯結, 旣而 戰 衆 意方厲,手 牢之命 騎並 高

賊

乃奔

退,斬

獲千餘

人,推鋒而進,平山陰

恩遁還

入

海

祖法令明 戰 輒 虞 推鋒 四年五月,恩復 使高祖 整 陷陣,賊乃退 一,所 戍句章 至莫不 城 入會稽,殺衞將軍謝琰。 還浹口 親 賴 句章城旣卑小,戰 焉 ō 于時東伐諸帥,御軍 士不盈 十一月,劉牢之復率衆東征,恩退走。 數 百 無律,士卒暴掠,甚 人,高祖 常被堅執 爲百 銳, 姓所苦。 爲士 卒先, 牢之屯 唯

毎

知 驅 賊 勝 執 之,築城 3、然 衆 遙問 城 短 兵,並 不 高 五 劉裕 年 祖曰:「賊兵甚精,吳人不習戰,若前驅失利, 可 寡 于 春 下 海 不 鼓 孫 所 敵 噪 鹽 乃 在。 高祖 故治。 恩頻攻 而 進 出, 向 曰:「夜已走矣。」賊信之,乃率衆大上。 、賊震懼を 滬 獨 介育章 賊 深慮 瀆。 日來攻城,城內兵力甚弱, · ,高祖屢摧破之,恩復走入海。 高祖 之。 奪氣,因其 復 一夜,偃旗 棄 城追之。 懼 而 奔之, 匿 衆,若已遁 海鹽 並棄甲 必敗我軍。 高祖 令鮑 者。 散走, 陋 乃選敢 三月, 高 遭 祖 子嗣之 明晨開 乘 斬其 可在後爲聲援。」不從。 死之士數 恩北 其懈怠,奮擊,大破之。恩 以吳 門,使羸疾 大 出 帥 海鹽, 姚盛。 百 兵 二千, 人, 高祖 數 咸脫甲胄, 雖 人 請爲 連戰剋 追 登城 而 萷 翼

伏。 皆 夜 孫 死 恩 傷 出 破 高 且 舉 祖 祖 滬 盡 旗 多 瀆 因 鳴鼓 設伏兵, 高 呼 殺 更 祖 吳 戦 慮不 賊 或 氣 兼置 謂 內 発, 史袁 色甚 匹 旗鼓,然 至 面 山松,死者四千人。 猛 有 向 軍 伏 賊 ·,乃退。 兵處, 衆 處不 以 爲 過數 乃止, 嗣之追 然, 人。 乃 令左 是月 引 奔,爲 明 軍 右 日 高高 去。 脫 , 賊 賊 取死 祖 所 高 率衆萬餘 沒。 復 祖 人 破 徐歸 衣。 賊 高 於婁 祖 迎戰。 賊 然 且. 謂 縣 後 戦 當 散 且 走反 前 退 兵稍 驅 停, 賊 旣 盛 交, 疑 五 諸 所 猶 有 領 伏

載、三三 蒜 並 石。 軍 行 追 大 Щ 與 六月, 獲 尋 討 賊 一,俘馘 僅 知 居民皆 至 俱 鬱洲 劉 得 至 恩 還 牢 乘 以萬 之已 荷擔 船 于 勝 浮 數。 時 復 還 雖 而 衆 海 大破 被 立 恩自 ,奄至丹徒 力 朝 摧 旣寡,加 廷 高祖 恩。 破, 是 有 機饉疾疫,死 猶 備 恩南 率 恃 戦 所 以步 遂走 其 走。 領 衆 士十餘萬。 遠 奔擊, 力, 向 十 一 疲勞,而 鬱洲 者 徑向 大破 月 太半 高 京 丹徒 八月 劉 之, ·, 自 師。 牢 祖 投巘 追恩 一以高 浹 守 之 樓船 軍 猶 口 於 赴 莫 屯 奔 加 高 臨 有 滬 水 Щ 大,值 爲 瀆 海 死 鬭 陰 建 京 者 志 武 及 甚 風 、邑震 將 海 衆。 恩 不 軍 鹽 得 率 動。 進, 恩 下 衆 叉破之。 邳 數 以 高祖 旬 彭 太守 萬 Ħ 排 乃 倍 鼓 う領 音 噪 至 道 敗 水 白 自 登 兼

宣 顯 遣 玄 鎭 兀 請 興元 北 和 將 年 軍 高 劉 İE 祖 月 牢 驃 與 之 年之甥 拒 騎將 之, 軍 高 東海 司 祖 馬 參 何 元 其 無忌並固諫,不從。四 顯 軍 西伐 事 0 次溧洲 荆 州 刺 史 桓玄,玄亦 玄至 逐遣敬宣詣玄。 , 高 祖 來荆 請 擊之, 楚大 衆,下 不許 玄剋京邑,殺 將遣 元 顯 子 敬

本

紀

第

武

帝

上

不然,與卿圖之。今方是玄矯情任算之日,必將用我輩也。」桓玄從兄脩以撫軍鎮丹徒,以 將何之。」高祖曰:「鎭北去必不免,卿可隨我還京口。 都已去矣,廣陵豈可得至邪!裕當反服還京口耳。」牢之叛走自縊死。何無忌謂高祖曰:「我 事 高 祖爲中兵參軍,軍、郡如故。 ,,卿能從我去乎。」答曰:「將軍以勁卒數萬,望風降服。 以牢之爲會稽內史。 懼而告高祖曰:「便奪我兵,禍其至矣。 桓玄必能守節北面,我當與卿事之, 彼新得志,威震天下。 今當北就高雅於廣陵舉 三軍人情,

循 玄 士道,追討至于晉安,循浮海南走。 自 欲 臨海 孫恩 且緝寧東土,以循爲永嘉太守。 入東陽。二年正月,玄復遣高祖破循於 自奔敗之後,徒旅漸散,懼生見獲,乃於臨海投水死。 六月,加高 循雖受命, 而寇暴不已。 祖 、東陽。 循奔永嘉,復追破之,斬其大帥張 彭 城 內史。 五月,玄復遣高祖 餘衆推恩妹夫盧循爲主。桓 東征 時

朝 可 廷之情,咸謂宜 曰「昨見劉裕,風骨不恒,蓋人傑也。」每遊集,輒引接慇懃,贈賜甚 。」十二月,桓 桓玄爲楚王,將謀篡盜。 德蓋世。 晉室微弱,民望 玄 有揖讓,卿意 篡帝位,遷天子於尋陽。 玄從兄衞將 久 以爲 移 ー, 乘 何如 運 で、高祖が 禪 軍 謙屛 代,有何 桓脩 既志 人問 入朝,高祖從至京 不可。」謙喜曰:「卿 高 欲 圖 祖 玄, 曰:「楚王勳德隆重,四 乃遜辭答曰:「楚王,宣武之 邑。 謂 厚。 玄 可 見高 爾,便 高祖愈惡之。 祖 謂 海歸懷 當當 是真 司徒

妖鋒 非 或 劉 說 裕 玄 莫 汎 日言 海 可 劉裕 付 **窮追,十殄其八。** 以 龍 大 事 行 虎 步,視 關 隴 膽 諸將力戰,多被 平定,然後當 不 凡, 恐不 别 爲 重 議之耳。」玄 人下,宜 創。 自元帥以下至于將士,並宜論賞, |蚤爲其所。||玄曰 乃下 詔 日: 劉 「:「我 裕 以寡 方欲 制 平 蕩 中 屢 摧

往就昶 德、厚之謀於京邑聚衆攻玄,並剋期齊發 時恒 城 疾 遙 之遠,事 魏詠之、高平檀憑之、琅邪諸葛長民、太原王元德、 動 不不 脩弟弘爲征虜將軍、青州刺史,鎭廣陵。 先是高 ,聚徒於江北,謀起兵殺弘。 堪步從, 濟 爲難, 祖 東 乃與無忌同船共還,建興復之計。 征 俟其篡逆事 盧循, 何無忌隨至山陰, 著,徐於京口 長民為豫州刺史刁逵左軍府參軍,謀據歷陽相應。 圖之,不憂不剋。 勸於會稽舉 道規爲弘中兵參軍,昶爲州主簿。 於是與弟道規 隴西辛扈興、東莞童厚之,並同義謀。 義。 高 至是恒脩還京,高祖託以金創 祖 (沛郡劉毅、平昌孟昶、任 以爲玄未據 極 位,且會稽 乃令毅潛 元

莞臧熹、公 之弟欣之、順之、檀憑之、憑之從子韶、韶弟祗、隆、道濟、[是] 道濟從兄範之、高祖弟道憐 |毅、||毅從弟藩、孟昶、||昶族弟懷玉、河內向彌 三年二月己丑朔,乙卯,高祖託以遊獵,與無忌等收集義徒,凡同謀何無忌、魏詠之、詠 從弟寶符、從子穆生、童茂宗、陳郡周道民、漁陽田演、譙國范淸等二十七人,願 、管義之、陳留周安穆、臨淮 劉蔚、從弟珪之、 東

本

紀

第

散, 從 昶、道規 莫 百)敢動 餘 、毅等率壯士五六十人因開門直入。 即斬脩以徇。 丙辰,詰旦,城開, 高 祖 哭甚慟,厚加殯 無忌服傳詔服,稱詔 斂。 弘 方噉粥,卽斬之,因收衆濟江 孟 居前。 義衆馳入, 其 日 出獵。 齊聲 未明 大 (開門) 呼, 吏 出 土 獵

之 正 於 尋陽 乎,今來 義 軍 初 ,我等並被密詔,誅除逆黨,同會今日。賊玄之首,已當梟於大航矣。 剋京城, 欲何爲。」弘等信之,收衆而 脩司 馬刁弘 率文武佐 退。 吏來赴。 毅旣 至,高祖命誅弘 高 祖 登 一城謂之曰: 「郭江州已奉乘輿反 諸 君非

待之。 萬 之等。 郡。 之。 、交鋒 死。 懼 是夜 玄驚 毅 安穆 彼 彼 召 兄邁先在 空行 懼 行 桓 求 玄 ", 封 見 遣 謙 戦不 與 二百 其 水軍,不 下 邁爲 (邁書日 京 惶 範 得,自然散走。 里,無所措 駭,慮事 師,事未 重安侯 之等謀 足 北府 相 一發數 じ; 旣 抗 必泄,乃 拒 高 手 人情 而 如有 貌 祖 日,高祖遣 此計之上也。」謙等固請 嫌邁不執安穆,使 氣 馳 云 ·蹉跌, 謙等 何? 已挫 歸。 目 號 則 時玄 同謀周安穆報之,使爲 卿 被氣 近 至,忽見 以邁爲 見劉裕 遣 成 兵擊之。」玄曰:「不 得逃去,行 而 竟陵 吾事 大 何所 軍 ,乃遣頓丘太守吳甫之、右衞將軍 ,必驚懼 敗矣。 道 太守,邁 乃殺之。 邁謂 內 不 應。 不 駭 如屯 玄 ·知所 然。 愕。 已 き、記徳、 邁外雖酬許,內 大衆於 知其謀, 我案 彼 爲,便下船 兵速銳,計 兵堅 覆 扈 晨 舟 興、 一陣,勿 Щ 起 欲 白 甚 厚 以 出

與

敷

北拒

義軍。

玄日 劉裕 玄 自 聞軍起,憂懼無復爲計。 足爲一世之雄,劉毅家無擔石之儲,摴蕭一擲百萬,何無忌,劉牢之甥,酷似其 或曰:「劉裕等衆力甚弱,豈辦之有成,陛下何慮之甚。」

共 、舉大 事,何謂無成。」

衆

推

高

祖

爲盟主,移檄京邑,曰

后之罹 命 參軍 劉 過 誰 之悲,摽梅 民 未 結 履 道 無 皇室,忠臣碎於虎口,貞良弊於豺狼。逆臣桓玄,陵虐人鬼,阻兵荆郢,肆暴都邑。天 亡難,凶 益州 規、龍 扼 生氣。 王元德等,並 虎 夫 治 腕。裕等所以叩心泣血,不遑啓處者也。是故夕寐宵興,援獎忠烈,潛搆崎嶇,險 促、殪,有漢之遭漭、卓,方之於玄,未足爲喩。 刺 輔 亂相因,理不常泰,狡焉肆虐,或值聖明。自我大晉,陽九屢構,隆安以來,難 驤將 史毛璩,萬里 有傾筐之墍而已哉。 力繁興,踰年之間,遂傾皇祚。主上播越,流幸非所,神器沉淪,七廟毀墜。夏 加 或 將 以士庶疲於轉輸,文武困於造築,父子乖離,室家分散,豈唯大東有杼軸 軍 軍 劉藩、振威將 率部曲,保據石頭。揚武將軍諸葛長民,收集義士,已據歷陽。征虜參 劉毅、廣武 齊契,掃定荆楚。 將軍何無忌、鎭北主簿孟昶、兗州主簿魏詠之、寧遠將軍 軍檀憑之等, 仰觀天文,俯察人事,此而能久,孰有可亡。凡在有心, 江州 忠烈斷金,精貫白 刺史郭昶之,奉迎主 自玄纂逆、于今歷年、亢旱彌時、 日,荷戈奮袂,志在 一上,宮于尋陽。鎭北 畢

本

紀

第

武

帝

上

軍 青 荊 ·庾賾之等,潛相連結,以爲內應。同力協規,所在蜂起,卽日斬僞徐州刺史安城王脩、 刺 史弘首。 義衆旣集,文武爭先,咸謂不有一統,則 事 無以輯。 裕辭不獲已,遂總

軍 要。 庶上憑祖宗之靈,下罄義夫之力,剪馘逋逆,蕩淸京輦。

丹 乎 誠 未宣 今日之舉,良其會也。 一,感慨 以諸君,或世樹忠貞,或身荷爵寵,而並俛眉猾豎,自効莫由,顧瞻周道,寧不弔 |憤躍,望霄漢以永懷,眄山川以增厲。 裕以虚薄,才非古人,勢接於已踐之機,受任於旣頹之運。 授檄之日,神馳賊廷。

以 孟 昶爲 長 史,總攝後事 ,,檀憑之爲司馬。 百姓願從者千餘人。

旭 祖 御 與 與 衆皆披靡, (無忌· 隊 何 一月戊 一、憑之戰敗見殺,其衆退散。 無忌等共建大謀,有善相者相高祖及無忌等並當大貴,其應甚近,惟云憑之無相。高 至 密 午朔,遇吳甫之於江乘。 是 相 謂 而 即斬 憑之戰死,高祖 曰:「吾等旣爲同 甫之。 進至羅落橋,皇甫敷 知 一分,理 其 高祖 事 甫之,玄驍將也,其兵甚銳。 無 必 進戰彌厲,前後奮擊,應時摧破,卽 捷 偏 異。 率數千人逆戰。 吾徒咸皆富貴,則檀不應獨殊。」深不解相 寧遠 高祖躬執長刀,大呼以衝 將軍檀憑之與高 斬敷首。 初 祖

食畢,棄其餘糧, 玄 聞 敷 等並 沒,愈懼。 進至覆舟山東, 使桓 謙 使丐士張旗幟於山上, 以爲疑兵。 屯 東 陵 П ,卞範之屯覆舟山西,衆 合二萬。 玄叉遣武騎將軍庾禕 己未旦,義軍

遣 天 地。 置 陣 配 時 ···, 而 以精卒利器,助謙等。 東 北 走意 風 急,因 已決,別使領 命縱 火,煙 軍將軍殷仲文具舟於石頭,仍將子 高祖躬先士卒以奔之,將士皆殊死戰,無不一當百 爓 張天,鼓噪之音震京邑。 謙等諸軍 姪浮 江 ·,一時土崩。 一南走。 ,呼聲動 玄始 雖

軍 諸 爲 將 錄 將 軍 尙 帥 庚 書事 徐州 追 申 玄, 高 領 尚 刺 祖 鎭 揚 史。二二 書 王嘏 州 石 刺 頭 史。 率百官奉迎乘輿。[10]司 城,立留臺官,行 於是推 高 祖爲使持節、都督揚徐兗豫靑冀幽幷八州諸 焚桓溫神主於宣陽門外,造晉新主,立于太廟。 徒王謐 與衆議推高 祖領揚州 固辭。 軍事 乃以 領 遣

禁內 · , 倡大義以復皇祚。 四 外,百官皆肅然奉職, 先 方牧守及在朝大臣,盡心伏事,臣主之分定矣。 是朝廷承晉氏亂 政,百司縱弛,桓玄雖欲釐整,而衆莫從之。 由 二三日間 是 王謐等諸 風 人時失民望,自己莫不愧 俗 頓 改。 且 桓玄 高祖 一雖以 位微 雄豪 丽 於 憚焉 、朝,衆 見推 高祖 一, 而 以身範物,先以威 無 旅 朝 ,奮臂草萊 便 有極位,

諸葛長民失期不得發,刁逵執送之,未至而玄敗。

將 軍 玄 劉 經 毅 尋陽 輔 江州 或 將 刺 軍 史郭 何 無忌 昶 之備 、振武將軍 乘輿 法物 劉道 資 規 之。 率 諸軍 玄收 追討。 略得 二千餘人,挾天子 走江陵。 冠

尙 書 左 僕 射 王愉 愉 子荆州刺史綏等,江左冠族。 綏 少有 重名,以高祖起自布衣,甚相

紀第一 武帝上

本

軍

綏,桓氏甥,亦有自疑之志。高祖悉誅之。

證益懼。及王愉父子誅,<</p>
證從弟諶謂諡曰:「王駒無罪,
而義旗誅之,
此是剪除勝己,
以絕民 爲玄佐命功臣。及義旗建,衆並謂謐宜誅,唯高祖保持之。 還,由是得釋。高祖名微位薄,盛流皆不與相知,唯謐交焉。桓玄將篡,謐手解安帝璽敍, 四月,奉武陵王遵爲大將軍,承制。 初高祖家貧,嘗負刁達社錢三萬,經時無以還。達執錄甚嚴,王謐造達見之,密以錢代 大赦天下,唯桓玄一祖後不在赦例。 劉毅嘗因朝會,問證璽紱所在,

位大臣,所懷必盡。執憲不允,自應據理陳訴,而橫興怨忿,歸咎有司。 爲御史中丞王禛之所糾察,謝牋言辭怨憤。承之造司宜藏。 將軍,深相保證,迎還復位。光祿勳十承之、自己左衞將軍褚桑、游擊將軍司馬秀役使官人, 高祖與大將軍牋,白「粲等備 宜加裁當,以清風

望。兄旣桓氏黨附,名位如此,欲求殆得乎。〕駒,偸小字也。

謐懼,奔于<u>曲阿</u>。

高祖牋白大

軌」。並発官

郭銓等于桑落洲,口思衆軍進據尋陽。加高祖都督江州諸軍事。玄旣還開郢,大聚兵衆,召 衆軍下擊,大破之。日日玄棄衆,復挾天子還復江陵。玄黨殷仲文奉晉二皇后還京師。玄至 水軍造樓船、器械、率衆二萬、挾天子發江陵、浮江東下、與冠軍將軍劉毅等相遇於崢嶸洲, 桓玄兄子歆,口回聚衆向歷陽,高祖命輔國將軍諸葛長民擊走之。無忌、道規破玄大將

玄以入蜀。 史毛璩,遺從孫祐之與參軍費恬送弟喪下,有衆二百。 江陵,因 [西走。 至枚回洲,恬與祐之迎射之。 南郡太守王騰之、荆州別駕王康產奉天子入南郡府。 益州督護馮遷斬玄首,傳京師。 璩弟子脩之時爲玄屯騎校尉 初征虜將軍、益州刺 又斬玄子昇於江 ,二三誘

陵市 桓謙先匿於沮川,亦聚衆以應。 振 至江陵,與桓振戰于靈溪。 逃於華容之涌中,自己招聚逆黨數千人,晨襲江陵城,居民競出赴之。 初玄 敗於崢嶸洲, 義軍以爲大事已定,追躡不速。 玄黨馮該又設伏于楊林,義軍奔敗,退還尋陽。 振爲玄舉哀,立喪廷。 謙率衆官奉璽綬于安帝。無忌、道規 玄死幾一旬,衆軍猶不至。 騰之、康產皆被殺。 玄從子

斬 禺 兗州 傳首京師。 刺史辛禺懷貳。 十月,高祖領靑州刺史。甲仗百人入殿。 會北靑州刺史劉該反,禺求征該,次淮陰,又反。 禺長史羊穆之

劉 毅諸軍復進至夏口。 一般攻魯城,道規攻偃月壘,皆拔之。十二月,諸軍進平巴陵。

詔曰

本

紀

第

武帝

L

故盈 古稱 大者天地,其次君臣,所以列貫三辰,神人代序,諒理本於造昧,而運周於萬 否時襲,四靈通其變,王道或昧,貞賢拯其危,天命所以永固,人心所以攸穆。

者

也。

雖 書以之休 夏、周 中傾,賴靡、申之績,莽、倫載竊,實二代是維。 詠,記策用爲美談。 未有因心撫民,而誠發理應,援神器於已淪,若在今之盛 或乘資藉號,或業隆異世,猶詩

猾 所 將 絕終古,書契以來,未之前 肸 元凶 波 徐青二州刺 史如故。 百代者 躬。 夏。 以 以愈彰德美 ,英風振路,宸居淸翳。 四傳首, 皇度 弘 朕 ,宜極名器 道 宗廟歆七百之祜,皇基融 遂 以寡昧,遭家不造,越自遘閔,屬當屯極。 有晉 誣 顯祚大邦,啓茲疆宇。 制治,深關盛衰。 回戈疊揮,則 罔 史,忠誠天亮,神武 ,天縱英哲,使持節、都督揚徐兗豫青冀幽幷江九州諸軍事、鎭軍將軍、 也。 人神、肆其篡亂。 之隆,以 鎭軍 可 荆、漢霧廓。 **暨冠軍**: 聞矣。 進位 光大國之盛。 故伊 |侍中、車騎將軍 命世,用能貞明協契, 祖宗之基旣湮,七廟之饗胥殄,若墜淵谷,未足斯譬。 、望膺殊命之錫 載新之命。 雖則 將軍毅、輔國將軍 功高 俾宣、元之祚,永固 而 鎭 靡尙,理 念功惟德, 軍 、都督中外諸軍事,使持節 謙虚 ,桓、文饗備物之禮 逆臣桓玄,乘釁縱慝,窮凶恣虐,滔天 無忌、振武將軍 至難文,而 自 義 衷,誠旨屢顯,朕 永言銘懷。 夫響臻。 於嵩、岱, 崇庸 故順聲 一、況宏 道規,升旗 命德,哲王 固 傾 已 基 道冠 重逆: 一唱, 一 、徐青二州刺 重造,再集於 不 開闢 仲父, 攸 遄邁,而 世 二溟卷 先者, 顧 獨 功 邈

懼 同 詣 祖 梁、隘、寧、確、凉七州,幷前十六州諸軍事,本官如故。 固讓。 闕 陳請,天子不能奪。 加錄尚書事,又不受,屢請歸藩。 是月,旋鎭丹徒。 天子重遣大使敦勸,又不受。 天子不許,遣百僚敦勸,又親幸公第。 於是受命解青州, 乃改授都督開 加領兗州 高祖惶

盧循浮海破廣州,獲刺史吳隱之。卽以循爲廣州刺史,以其同黨徐道覆爲始興相

刺

文武 豫蒙 六人 廣陵 其餘封賞各有差。 衆軍,須 7, 叉輔 畢力之士,敷執在己之謙,用虧國體之大。 國恩,仰契信順之符,俯厲人臣之憤,雖社稷之靈,抑亦事由衆濟。 二城,臣及撫軍將軍繳等二百七十二人,幷後赴義出都緣道大戰,所餘一千五百六十 二年三月,督凌、廣二州。 論 集續上。」於是尙 國將軍長民、故給事中王元德等十人,合一千八百四十八人,乞正封賞。 鎭軍府佐吏,降故太傅謝安府 書奏封唱義謀主鎭軍將軍裕豫章郡公,食邑萬戶,賜絹三萬匹。 十月,高祖 上言曰:「昔天禍皇室,巨狡縱篡,臣等義惟舊隸, 輒申攝衆軍先上,[15]同謀起義,始平原口、 一 等。 其翼獎忠懃之佐, 其西征

+ 一月,天子重申前令,加高祖侍中,進號 軍騎將軍、開府儀同三司。 固讓。 韶遣百僚

敦勸。

本

紀

第

武帝上

三年二月, 高祖還京師,將詣廷尉,天子先詔獄官不得受,詣闕陳讓,乃見聽。 旋于

丹徒。

胤爲主,與東陽太守殷仲文潛相連結。 史,孫恩之亂,起義於長山,故見擢用。 **閏月,府將駱冰謀作亂,將被執,** 單騎走,追斬之。 乃誅仲文及仲文二弟。凡桓玄餘黨,至是皆誅夷。 初桓玄之敗,以桓冲忠貞,署其孫胤。 誅冰父永嘉太守球。 球本東陽郡 至是冰謀以

晉,流風 遂永代, 人者乎。 制路日直植城。[110]遂使衝鯨潰流,暴鱗江漢,廟勝遠加,重氛載滌,二儀廓淸,三光反照,事 介石勝機,宣契畢舉,訴蒼天以爲正,揮義旅而一驅。 敬,誓雪國恥,慨憤陵夷,誠發宵寐。 怙寵肆逆,乃摧傾華、霍,倒拔嵩、岱,五嶽旣夷,六地易所。 公命世英縱,藏器待時,因心資 天子遣兼太常葛籍授公策曰:「有扈滔天,夷羿乘釁,亂節干紀,實橈皇極。 賊臣桓玄, 垂祚,暉烈無窮。其降承嘉策,對敭朕命。」 ·功高開闢,理微稱謂,義感朕心。 若夫道爲身濟,猶縻厥爵,況乃誠德俱深,勳冠天 是用建茲邦國,永祚山河,言念載懷,匪云足報。 旣而歲月屢遷,神器已遠,忠孝幽寄,實貫三靈。爾乃 奔鋒數百,勢烈激電,百萬不能抗限, 往欽哉!俾屛余一人,長弼皇

十二月,司徒、錄尚書、揚州刺史王謐薨。

刺 史如故。 四 年正 表解兗州。先是遺冠軍劉敬宣伐蜀賊譙縱,無功而返。 月,徵公入輔,授侍中、車騎將軍、開府儀同三司、揚州刺史、錄尙書,徐兗二州 九月,以敬宣挫退,遜

位,不許。乃降爲中軍將軍,開府如故。

監中軍 淮 北,執陽平太守劉千載、濟南太守趙元,驅略千餘家。三月,公抗表北討,以丹陽尹孟昶 初僞 留府事。 燕王鮮卑慕容德僭號於靑州,德死,兄子超襲位,前後屢爲邊患。 四月,舟師發京都,泝潍入泗。 五月、至下邳、留船艦輜重、步軍進琅邪。所 五年二月,大掠

孤軍 濟 懷貳之虜, 有 爲 當引令過峴,我以鐵騎踐之,不憂不破也。豈有預芟苗稼,先自颯弱邪。」初公將行,議者以 彼 過皆築城留守。 城聞 僑 功,將不能自反。 遠 軍 容超聞王師將至,其大將公孫五樓說超:「宜斷據大峴,刈除粟苗,堅壁淸野以待之。 入,不能持久,不過進據臨朐,退守廣固。 我一得入峴,則人無退心,驅必死之衆,向 大軍遠出,必不敢戰,若不斷大峴,當堅守廣固,刈粟清野,以絕三軍之資,非唯難以 無資,求戰不得,旬月之間,折棰以笞之耳。」超不從,曰:「彼遠來疲勞,勢不能久,但 何憂不剋。 鮮卑深父、萬城二戍並奔走。 公曰:「我揣之熟矣。 彼不能清野固守, 鮮卑貪、「二」不及遠計,進利剋獲,退惜粟苗。謂我 爲諸君保之。」公旣入峴,舉手指天曰:「吾事

出。 臨朐有巨蔑水,去城四十里。 六月,慕容超遣五樓及廣寧王賀賴盧先據臨朐城。 超告五樓曰:「急往據之,晉軍得水,則難擊也。」五樓馳 既聞大軍至,留羸老守廣固,乃悉

本

紀

第

武

帝

上

些。龍驤將軍孟龍符領騎居前,奔往爭之,五樓乃退。

幷州 軍 虜 公遣 超輜 、豹尾等,送于京師。 軍令嚴 諮 刺 衆 重 史道憐、諮議參軍劉敬宣、陶延壽、參軍劉懷玉、愼仲道、索邈等,齊力擊之。日向昃, 軍 議 參軍 步 、進,有車四千兩,分車爲兩翼,方軌徐行,車悉張幔,御者執矟。 肅,行伍 超 聞臨朐已拔,引衆走,公親鼓之,賊乃大奔。 檀韶直趨臨朐。 齊整。 斬其大將段暉等十餘人,其餘斬獲千計 未及臨朐數里,賊鐵騎萬餘,前後交至。 韶率建威將軍向彌、參軍胡藩馳往,卽日陷城,斬其牙旗,悉 超遁還廣固。 公命兗州刺史劉藩、弟 獲超馬、偽輦、玉 叉以輕騎為 遊

停江 青 爲界,獻馬千疋。 內 而 何 莫 實憚 能 、冀二州 、淮轉輸,館穀於齊土。 不 爲 明 失 日,大軍進廣固,卽屠大城,超退保小城。於是設長圍守之,圍高三丈,外穿三重塹。 也。」綱者,超偽尚 公,不敢遣。 色。 刺史。 於是使綱大治攻具。 不聽,圍之轉急。 超大將垣遵、遵弟苗 綱從長安還,泰山太守申宣執送之。 書郎,其 撫納降附,華戎歡悅,援才授爵,因而任之。七月,詔加公北 人有巧思。 河北 超求救不獲,綱反見虜,轉 並 率衆歸順。 居民荷戈負糧至者,日以千數。 會超遣 公方治攻具,城上人曰「汝不得張綱, 綱稱藩於姚興,乞師請救。 乃升綱於樓車,[三]以示城內,城 憂懼。 乃請稱藩, 求割大峴 興僞許之,

錄事參軍劉穆之,有經略才具,公以爲謀主,動止必諮焉。時姚興遣使告公云:「慕容見

六

之聞 速,彼若審能遣救,必畏我知,寧容先遣信命。 未可拔, 羌救奄至, 不審何以待之。」 公笑曰:「此是兵機, 非卿所解, 故 小,必賜 公呼興使答曰:「語汝姚興,我定燕之後,息甲三年,當平關、洛。 與隣好,又以窮告急,今當遣鐵騎十萬,逕據洛陽。 有羌使,馳入,而公發遣已去。以興所言幷答,具語穆之。 與謀之。此宜善詳之,云何卒爾便答。 此是其見我伐燕,內已懷懼,自張 公所答興言,未能威 晉軍若不退者,便當遺鐵騎長驅 穆之尤公日 今能 敵,正足 自送, 不 ·語耳。 之怒彼 便 常常 可 之辭耳 速 日事 夫 耳。 水。」穆 而進。」 兵 (貴神 若燕 無大

九月,進公太尉、中書監,固讓。

月丁亥, 張 偽 徐州刺 綱治攻具成,設諸奇巧,飛樓木幔之屬,莫不 屠廣固。 史段宏先奔索虜,十月,自河北 超踰城走,征虜賊曹喬胥獲之, 歸順。三言 ·畢備。 城上 火石弓矢,無所用之。

疋,送超京師,斬于建康 衆,不過一二 此思歸死 住嶺外 公之北伐也,徐道覆仍有闚關之志,勸盧循乘虛 士,掩 一、豈以 年間,必 襲何 理極 劉 於 璽書徵君。 此,正 之徒, त्तं 以劉 如 反掌 若劉公自率衆至豫章,遣銳師過嶺,雖復將軍神武,恐必 公難 耳。 與 (為敵故· 不 乘此機 也。 而保一 而出,循不 殺其王公以下,公司納口萬餘, 今方頓兵堅城之下,引到未 日之安,若平齊之後,小息 從。 道覆 乃至番禺 有 說 旋 馬二千 循 日。以 甲養

七

不 率衆過嶺。 能當也。 是月,寇南康、廬陵、豫章,諸郡守皆委任奔走。 今日之機,萬不可失。 旣剋都邑,傾其根本,劉公雖還,無能爲也。」循從之,乃 。于時平齊問未至,卽馳使徵公。

公之初剋齊也,欲停鎭下邳,淸盪河、洛,旣而被徵使至,即日班師

解嚴息甲。 至、劉公若還,便無所憂也。」公大喜,單船過江,逕至京口,衆乃大安。四月癸未,公至京師, 被害,則慮京邑失守,乃卷甲兼行,與數十人至淮上,問行旅以朝廷消息。人曰:「賊尚未 就公、尋知賊定未至、人情小安。公至下邳,以船運輜重,自率精銳步歸。 鎭南將軍何無忌與徐道覆戰于豫章,敗績,無忌被害。內外震駭。 朝廷欲奉乘輿北走 至山陽,聞無忌

輕。 落洲,棄船步走,餘衆不得去者,皆爲賊所擒。 克捷,天下無復事矣。根本旣定,不憂上面不平也。」循卽日發巴陵,與道覆連旗而下。別有 將向江陵。道覆聞毅上,馳使報循曰:「毅兵衆甚盛,成敗事係之於此,宜幷力摧之。若此 初下也,使道覆向尋陽,自寇湘中諸郡。荆州刺史道規遣軍至長沙,爲循所敗。逕至巴陵, 八艚艦九枚,起四層,高十二丈。公以南藩覆沒,表送章綬,詔不聽。五月,劉毅敗績于桑 宜須裝嚴畢,與弟同舉。」又遣毅從弟藩往止之。一毅不從,舟師二萬,發自姑孰。循之 撫軍將軍劉毅抗表南征,公與影書曰:「吾往習擊妖賊,曉其變態,新獲姦利,其鋒不可

循 至尋陽,聞公已還,不信也。 既破殿,乃審凱入之問, 並相 視 失色。 循欲 退還專

陽, 進平江 陵 ,據二州 以抗 ,朝廷。 道覆謂宜 一乘勝 徑 進,固 爭之。 疑議 多 日 ,乃見 從

身許 裕 足以 若 下。 豫 欲 北 擁 二鎭,戰 討 封 國 旦遷動,便自瓦解 天 毅 ",衆並 戦。 表 之志,不能遠竄 子過江,公不聽 敗問至,內 畢 士十餘萬, · 乃仰 若其克濟, 不 同,唯臣贊裕行計 藥 外洶擾。 而 舟車 昶 死 於草間 則 土崩,江北亦豈 臣 固請不 百里不 主 于時北師始還,多創 求 同 活 休,苟厄運必至,我當以死 ,致使强賊乘間, 非 絕。 也。 公曰:「今重鎭 可得至 奔敗還者, 我計 決矣, ! 設令得至,不 痍 並聲 疾 卿勿復言 社稷 外傾,强 病。 其雄 危逼, 京師 衞 盛 社稷, 宼 過 臣之罪也。 昶 戰 內逼, 延 恐 孟 士,不盈數千。 日月耳。 其不濟, 昶、諸葛長民 横尸 人情危駭,莫 廟 今謹 門, 今兵士雖 乃 爲 逐其 引分 懼 賊旣 表 寇 有 日 以 由 少,自 破 固 獑 謝 來 志 逼, 以 臣

耳。」 宜 Ę, 宜 分 且 移 兵 回 於 今聚衆 (守諸: 屯 是 避,勝負 大 石頭,乃 開 石 津 賞募 頭, 要。 之事,未可 棚 隨宜應赴, 公以 ,投身赴義者,一同登京城之科。 淮 斷 ·爲:「賊衆我寡,若分兵屯, 查 量 浦 也。 既令賊 旣 若回泊西岸,此成擒耳。」 而 **漁無以測** 羣 賊 大至,公策之曰:「賊若於新亭直進,其鋒不可當 多 少, 則 又於衆 發居民治石 人 測 力不 虚實 分。 頭城,建 且一 若徒 處失利 旅轉集 牙 戒 嚴。時 則 徐 沮 議 更論之 軍 者 之

本

紀

第

蔡洲。 卒,不 將軍 孟 矟,並結陳以待之。 甲息士,洗浴飲食之,乃出列陳於南塘。以赤特達處分,斬之。命參軍褚叔度、朱齡石率勁 **栅**,公命神弩射之,發輒摧陷,循乃止不復攻栅。設伏兵於南岸,使羸老悉乘舟艦向白石 淮北至于新亭。 衆。 勇千餘人過准。[17] 羣賊數千,皆長刀矛鋋,精甲曜日,奮躍爭進。 齡石所領多鮮卑,善步 丹陽郡。公率諸軍馳歸。 旣去,賊焚查浦步上,赤特軍戰敗,死沒有百餘人。赤特棄餘衆,單舸濟淮。賊遂率數萬屯 公憂其從白石步上,乃率劉毅、諸葛長民北出拒之,留參軍徐赤特戍南岸,命堅守勿動。公 昶 劉懷 冠軍將軍劉敬宣屯北郊,輔國將軍孟懷玉屯丹陽郡西,建武將軍王仲德屯越城,廣武 便望風 道覆 如按兵待之。」公于時登石頭城以望循軍,初見引向新亭,公顧左右失色。 道覆猶欲上,循禁之。 欲自新亭、白石焚舟 默屯建陽門外。自己使寧朔將軍索邈領鮮卑具裝虎班突騎千餘匹,皆被練五色,自 自裁,大勢言之,自當計日潰亂。 賊並聚觀, **賊短兵弗能抗,死傷者數百人,乃退走。會日莫,衆亦歸** 衆憂賊過,咸謂公當徑還拒戰。 咸畏憚之,然猶冀京邑及三吳有應之者。 遣十餘艦來拔石頭 自是衆軍轉集,修治越城,築査浦、藥園、廷尉三壘,皆守以實 而上。循多疑少決,每欲以萬全爲慮,謂 今決勝負於一朝,旣非必定之道,且殺傷士 公先分軍還石頭,衆莫之曉。 道覆曰:「大軍未至, 旣 而 旦

劉毅之敗,豫州主簿袁興國反叛,據歷陽以應賊。琅邪內史魏順之遣將謝寶討斬之。

興國 司馬襲寶, 順之不救而退, 公怒斬之。順之, 詠之之弟也。 於是功臣震懾, 莫敢不

用命。

六月,更授公太尉、中書監,加黃鉞。 受黄鉞、餘固辭。以司馬庾悅爲建威將軍、江州刺

史,自東陽出豫章

蒯恩追之。公還東府,大治水軍,皆大艦重樓,高者十餘丈。盧循遣其大將荀林寇江陵 桓謙先於江陵奔羌,又自羌入蜀,偽主譙縱以爲荆州刺史。 七月庚申,羣賊自蔡洲南走,還屯尋陽。 遣輔國將軍王仲德、廣川太守劉鍾、河間 謙及譙道福率軍二萬,出 太守

陵,適與林會,相去百餘里。 荆州刺史道規斬謙于枝江,破林於江津,追至竹町斬之。

初循之走也,公知其必寇江陵,登遣淮陵內史索邈領馬軍步道援荆州。

又遣建威將軍

孫 季高率衆三千,自海道襲番禺。江州刺史庾悦至五畝嶠,賊遣千餘人據斷嶠道,悅前驅

鄱陽 太守虞丘進攻破之。公治兵大辦。十月,率兗州刺史劉藩、 寧朔將軍檀韶等舟師南

伐。以後將軍劉毅監太尉留守府,後事皆委焉。

初 公之遣索邈也,邈在道爲賊所斷,道覆敗後方達。 是月,徐道覆率衆三萬寇江陵。 荆州刺史道規又大破之,斬首萬餘級,道覆走還盆口。 自循東下,江陵斷絕京邑之問,傳者皆

云已沒。及邈至,方知循走。

紀第一 武帝上

本

循初自蔡洲南走,留其親黨范崇民五千人,高艦百餘,戍南陵。 王仲德等聞大軍且至,

乃進攻之。十一月,大破陰民軍,焚其舟艦,收其散卒。

非要。公不從。敕季高曰:「大軍十二月之交,必破妖虜。卿今時當至廣州,傾其巢窟,令 民,戮其親黨,勒兵謹守。 |季高焚賊舟艦,悉力而上,四面攻之,即日屠其城。|循父以輕舟奔始興。 循廣州守兵,不以海道爲防。 '初公之遣季高也,衆咸以海道艱遠,必至爲難,且分撤見力,二三 是月,建威將軍孫季高乘海奄至,而城池峻整,兵猶數 季高撫其舊

踊騰爭先。軍中多萬鈞神弩,所至莫不摧陷。公中流蹙之,因風水之勢,賊艦悉泊西岸。岸 命衆軍齊力擊之。又上步騎於西岸。右軍參軍庾樂生乘艦不進,斬而徇之。 月,循、道覆率衆數萬,方艦而下,前後相抗,莫見舳艫之際。 公悉出輕利鬭艦,躬提幡鼓, 逕下。公知其欲戰,且慮賊戰敗,或於京江入海,遣王仲德以水艦二百於吉陽下斷之。十二 賊奔走之日,無所歸投。」季高受命而行,如期剋捷。 步軍,莫不疑怪,及燒賊艦,衆乃悅服。召王仲德,請還爲前驅。。留輔國將軍孟懷玉守雷池。 **循聞大軍上,欲走向豫章,乃悉力栅斷左里。大軍至左里,將戰,公所執麾竿折,折幡沈水,** 上軍先備火具,江西乃投火焚之,煙爓張天,賊衆大敗,追奔至夜乃歸。循等還尋陽。初分遣 **循方治兵旅舟艦,設諸攻備。公欲御以長算,乃屯軍雷池。** 賊揚聲不攻雷池,當乘流 於是衆軍並

逼 雖 衆 略。 並怪懼。 殊 死 戦 遣 劉藩 弗能禁。 公歡笑曰:「往年覆舟之戰,幡竿亦折,今者復然,賊必破矣。」即攻棚 、孟懷 諸 玉 輕軍追之。 軍 乘勝奔之,循單舸走。 循收散卒,尚有數千人,逕還廣州。 所殺及投水死,凡萬餘人。 道覆還保始興。公旋 納其降附,宥其 而進。循兵

校勘記

自左里。

天子遣侍中、黃門勞師于行所

- 彭城 縣綏輿里人 各本 並 奪 去 「輿」字。 御覽一二八引徐爱朱書作 「彭城綏輿里人」。 符瑞 {志
- 恩以彭排自載 中附會祥 瑞、云:元嘉二十一年,「甘露降 「彭排」各本並 作「鼓排」。 彭城綏 御覽 輿里」。 三五七引晉安帝紀作「彭排 南史亦有「輿」字。 今據 今據改。 補

王鎭

- 傳亦有「見軍人擔彭排戰具」語、釋名:「彭排、彭、旁也。 在旁排敵禦攻也。」
- = 領水軍追討至 一鬱洲 「討」各本作「罰」,據元龜一 八四 改。 **通** 亦 作「討 孫恩 於鬱洲
- 29 高 祖與牢之甥 東海 何 無忌並 固 諫 不從 「諫」各本並作「請」,據南史 改。
- **35**. 憑之從子韶韶弟祗 祗、隆、道濟並韶弟、依 隆道 濟 文義當 各本 疊『韶』字。」今據孫說補。 不疊 一一韶」 字, 又「道濟」上有「與叔」二字。 張燴讀史舉正云:「韶、祗、道濟並兄 孫彪宋書考論 云

弟,此云『與叔』,誤。」今據張說删

- ベリ 東莞臧熹 「熹」各本並作「喜」,據臧質傳改。
- **₩** 旣 而 嫌 邁 不 執安穆使得逃去 「嫌」各本並作「廉」,據通鑑晉安帝元興三年改。
- ヘベン 玄叉遺武騎將 軍 ·庾禕之 晉書桓玄傳作「武衞將軍庾頤之」。
- *ታ*υ ____ 劉裕 立留 臺百 官」。 必 臺官 無 總百官之事。 按時晉安帝尚在尋陽, 三朝本、毛本作「立留臺官」。 以此知作「總百官」者,誤。 故建康 北監 稱留臺。 本、殿本、局本作「立留臺總百官」。通鑑作 據下 文衆欲推劉裕領揚州 , 裕固辭, 則 .「立留 此 時
- CO C 領軍 歷 尚書王嘏率 領 將軍徐州 軍 、尚書。」 百官奉迎乘 刺 史 從一二八引徐爱宋書、魏書島夷劉裕傳、建康實錄並作「鎭軍將軍」。 輿 「王嘏」各本並作「王假」,據南史及通鑑改。 晉書王導傳:「 『鎭 軍 ·將軍』,則 嗣孫嘏, 孫
- 都督刺 **彪宋書考論** 史加 號 云:「領軍與都督刺史異職,晉書及宋本紀同卷後進位侍中詔皆作 也。 當從之。 然高祖時蓋 兼領軍,南史書領軍在徐州刺史下。」
- 由是王謐等諸 時失民望」。 李慈銘宋書札記云:「當作時失人望」。 人時失民望 「時失民望」,北監本、殿本作 今從三朝本、毛本、局本。 「時衆民望」。 三朝本、 毛本、局本作
- 仲文時,並誅卞承之,蓋即其人。 光祿勳卞承之 「卞承之」各本並作「丁承之」。 據晉書桓玄傳改。 按通鑑晉安帝義熙三年殺殷

- 桓玄兄子歆 「兄子歆」各本並作「兒子韶」。 據通鑑晉安帝元興三年 改。
- 二吾 道規 破玄大將 郭銓等于桑落洲 「郭銓」各本作 「鄭鈐」,舊本 ·臨川王道規傳(新本已改正) 及{維覽

二八引徐爱宋書作 郭鈐」, 本書劉懷肅傳及晉書桓玄傳 {通 {鑑 作 「郭銓」。 按作 「郭銓」是,

今改正

二合 衆軍下 擊大破之 「衆軍」各本並作「衆驚」,據元龜 一八四改。

二古 璩弟 子 脩 之時 爲 玄 屯騎校 尉 「脩之」各本 並 |譌「循之」,據南史及通鑑改。

玄從子 預左傳莊 振 逃 於 (年注:「 華容之涌 涌 水在 中 涌 南郡華容 中」各 本 縣。」水經江 作 浦 中一, 六水注 據南史及晉書桓 「江水又東, 涌 {彝 水注 }傳 曾孫振 之。 附 水 傳改。 自 夏 水 按比 南 通

於江,謂之涌 口

十八

輒 申攝衆 軍 先 上 「申」字三朝本空白,各本作「 輒 攝衆軍」,不空白。 今據元龜 八四 補

制 路 H 直 植 城 句 有 譌。

鮮 卑 貪 辆史 作「鮮卑 性 貪」。 通鑑作「鮮 卑 貪

婪」。

宣 乃升綱 於 樓車 樓 車 各 本 並 作 樓上」,據 通鑑 改。

十月自河 河 北 歸 順 各本 按孫說是,今補 並 無「自」字。 通鑑 晉 義熙五 年作「段宏自魏奔於裕」。 孫彪宋書考論

本 北 第 上當 有自 校 字 勘 記

紀

- 殺其王公以下 「王公」各本作「亡命」,據南史、元龜一八四、通鑑晉安帝義熙六年改。
- () 今方頓兵堅城之下 「頓」各本並作「領」,據建康實錄、通鑑晉安帝義熙六年改。
- 廣武將軍劉懷默屯建陽門外 「劉懷默」各本並作「劉默」,據晉書安帝紀、建康實錄補。 懐默 見

劉懷愼傳

- 任三 命參軍褚叔度朱齡石率勁勇千餘人過淮 見本書褚叔度傳,時爲中軍諮議參軍。 「褚叔度」各本並譌「諸葛叔度」。據通典兵典 叉
- 盧循遣其大將荀林寇江陵 律作「荀林」。 臨川王道 規傳作「荀林」。 晉書姚興載記及通鑑作「苟林」。今本書
- **二** 岸上軍先備火具 各本並奪「岸」字,據南史、通典兵典、通鑑晉安帝義熙六年補。

宋書卷一

本紀第二

七年正月己未,振旅于京師。 改授大將軍、揚州牧,給班劍二十人,本官悉如故,固辭

凡南北征伐戰亡者,並列上賻贈。 二月,盧循至番禺,爲孫季高所破,收餘衆南走。 尸喪未反,遣主帥迎接,致還本土。 劉藩、孟懷玉斬徐道覆于始興。

晉自中興以來,治綱大弛,權門幷兼,强弱相凌,百姓流離,不得保其產業。桓玄頗欲

。公旣作輔,大示軌則,豪强肅然,遠近知禁。

至是會稽餘姚虞亮復藏匿亡

命千餘人。公誅亮,免會稽內史司馬休之。

釐改,竟不能行。

天子又申前命,公固辭。於是改授太尉、中書監,乃受命。奉送黃鉞,解冀州。

|交州刺史杜慧度斬盧循,傳首京師。

紀 第

二八

先是諸 州郡所遣秀才、孝廉,多非其人,公表天子,申明舊制,依舊策試

太尉司 施並 不服 蒯恩前襲江陵。 馬休之爲平西將軍 朝,公命收藩及謝混,並於獄賜死。 終爲異端,密圖之。 毅 代之。 深相 也。 征 ·馬、丹陽 西將 結。 毅旣 毅 與 軍 公俱舉大義,興復晉室,自謂京城、廣陵,功業足以相抗。 有雄才大志,厚自矜許,朝士素望者多歸之。 及西鎭江陵,豫州舊府,多割以自隨,請僧施 、荆州刺史道規疾患求歸, 尹劉穆之建威將軍,配以實 十月,鎮惡剋江陵,毅及黨與皆伏誅。 、荆州刺史,兗州 **毅至西,稱疾篤,表求從弟兗州刺** 刺史道憐鎭 自表討毅。 八年四月,改授豫州 力。 丹徒,豫州 壬午,發自京師。 又假黃鉞, 史藩 爲 刺史諸葛長民監太尉留府事 以爲副 率諸軍西征。 南蠻校尉。 與尚書僕射 刺史,以 遣參軍王鎭惡、龍驤將軍 貮, 偽許焉。 後將軍 雖權! 謝混 旣知毅不能 以前鎭 八丹陽 一、豫州 事 九月,藩入 推 軍將 公, 尹郗 刺 居下 軍司 史劉 而 加加 心

十一月己卯,公至江陵,下書曰:

剝徵求,不循政道。 綏 撫未 夫去弊拯民,必存簡恕,捨網修 週。 **遂令百姓疲匱,歲月滋甚,財傷役** 宰莅之司,或非良榦,未能菲躬儉,[] 苟求盈給,積習生常,漸不 綱 ,雖煩易理。 困,慮不 江、荆彫 幸生。 殘, 凋 刑 殘之餘,而 政 多 闕, 不 頃 減舊,刻 年 事

知改。

郡縣吏,皆依尚書定制實戶置。 役,悉宜以見戶爲正。 近因戎役,來涉二州,踐境親民,愈見其瘼,思欲振其所急,卹其所苦。 州郡縣屯田池塞,諸非軍國所資,利入守宰者,今一切除之。 臺調癸卯梓材,庚子皮毛,可悉停省,別量所 凡租稅調 Щ 巴陵 州

傳、揚州牧,加羽葆鼓吹,班劍二十人。 以荆州十郡爲湘州,公乃進督。曰 以西陽太守朱齡石爲益州刺史,率衆伐蜀。 進公太

均折度支,依舊兵運。

原五歲刑已下。

凡所質錄賊家餘口,亦悉原放。

尉。 容之。劉毅旣誅,長民謂所親曰:「昔年醢彭越,今年誅韓信,禍其至矣。」將謀作亂。 東府矣。 至京邑,而每淹留不進。 弁誅 左右 九年二月乙丑,公至自江陵。 長民 其 出士丁旿等自幔後出,於坐拉 弟 黎民。 到門。 |昨 引前,卻人閑語,凡平生 公卿以下頻日奉候於新亭,長民亦驟出。 勇有 氣力,時人爲 初諸葛長民貪淫驕橫,爲士民所患苦,公以其同大義,優 焉。 之語 長民墜牀, 於長民所不 曰:「勿跋扈,付丁旿 又於地毆之, 死於牀側 盡者 ,皆與及之。 旣而 公輕舟密至,已還 長民 甚說。 輿尸付廷 公克期 已

先是 Ш 湖 川澤,皆爲豪强所專, 小民薪採漁釣,皆責稅直 一,至是禁斷之。 時民居未一,

公表曰:

臣 聞 先 王 制治,九土攸序,分境畫疆,各安其居。 在昔盛世, 人 無遷業,故井田之

越,爱託淮、海,朝有匡復之算,民懷思本之心,經略之圖,日不暇給。是以寧民綏治, 漢西京,大遷田、景之族,以實關中,卽以三輔爲鄕閭,不復係之於齊、楚。 制,三代以隆。 化所以未純,民瘼所以猶在。 國豐,實由於此。自茲迄今,彌歷年載,畫一之制,漸用頹弛。雜居流寓,閭伍弗修,王 猶有未遑。 及至大司馬桓溫,以民無定本,傷治爲深,庚戌土斷,以一其業。 于時財阜 秦革斯政,漢遂不改,富强兼幷,於是爲弊。 然九服弗擾,所託成舊,在 自永嘉播

豈不與事而至。請準庚戌土斷之科,庶子本所弘,稍與事著。然後率之以仁義,鼓之 母之邦以爲桑梓者,誠以生焉終焉,敬愛所託耳。今所居累世,墳壟成行,敬恭之誠, 勤,要終所以能易。 以威武,超大江而跨黃河,撫九州而復舊土,則戀本之志,乃速申於當年,〔三〕在始暫 臣荷重任,恥責實深,自非改調解張,無以濟治。夫人情滯常,難與慮始,所謂父

期 臣以寧濟,若所啓合允,請付外施行。 伏惟陛下,垂矜萬民,憐其所失,永懷鴻雁之詩,思隆中興之業。旣委臣以國重,

於是依界土斷,唯徐、克、青三州居晉陵者,不在斷例。諸流寓郡縣,多被倂省。 以公領鎭西將軍、豫州刺史。 公固讓太傅、州牧及班劍,奉還黃鉞。

七月,朱齡石平蜀,斬爲蜀王譙縱,傳首京師。

|州牧、加羽葆、鼓吹、班劍二十人。 將吏百餘敦勸,乃受羽葆、鼓吹、班劍,餘固 月,封公次子義眞爲桂陽縣公,以賞平齊及定盧循也。 天子 重申前命,授公太傅、揚

十年,息民簡役。築東府,起府舍。

荆州 謝。 離王文思在京師、招集輕俠、公執文思送還休之、令自爲其所。 刺 十一年正月,公收休之子文寶、兄子文祖,並於獄賜死,率衆軍 平西將軍 史。辛巳,發京師,以中軍將軍道憐監留府事。 、荆州刺史司馬休之,宗室之重,又得江漢人心,公疑其有異志,而休之兄子 休之上表自陳日 休之表廢文思,幷與公書陳 一西討。 復加黄鉞,回領

復社稷. 憤歎,口不敢言。 政用暴苛。 窮台牧 改,国鼎祚再隆。 臣聞運不常一 ,南剿盧循,北定廣固,千載以來,功無與等。 權 皇后寢疾之際,湯藥不周,手與家書,多所求告。 傾人主,不能以道處功,恃寵 問鼎之迹 前揚州刺史元顯第五息法興,桓玄之釁,逃遠於外,王路旣開,始得 ,治亂代有,陽九旣謝,圮終則 太尉臣裕威武明斷,首建義旗,除蕩元凶,皇居反正。 日彰,人臣之禮頓缺。 騎溢 O 陛下四時膳御,觸事縣空,宮省供奉,十不 自以酬賞旣極,便情在無上,刑戮逆濫 泰。 由是四海歸美,朝野推崇。 昔篡臣 皆是朝士共所聞見,莫不傷懷 肆逆,皇綱絕紐,卜世 布衣匹夫,匡 旣位 未

本

紀

第

武帝

中

右將軍 歸本。 身,皆社稷輔弼,協讚所寄,無罪無辜,一旦夷滅。 敏明慧,必爲民望所歸,芳蘭旣茂,內懷憎惡,乃妄扇異言,無罪卽戮。 及王妃公主,情計切逼,並狼狽請命。 以地卑位重 劉藩 太傅之胤,絕而復興,凡在有懷,誰不感慶。裕吞噬之心,不避輕 、前將軍諸葛長民、尚書僕射謝混、南蠻校尉郗僧施,或盛勳德胤,令望在 ,荷恩崇大,乃以庶孽與德文嫡婚,致茲非偶,實由 逆肆禍毒,誓不矜許,寃酷之痛,感動行路。 猜忍之性,終古所希。 成逼。 故衞將軍劉毅、 大司馬臣德文 重,以法興聰 自

授荆州 存,規以翦滅,成其篡殺。鎭北將軍臣宗之、靑州刺史臣敬宣,並是裕所深忌憚,欲以 問,東軍已上。 禍心,遂見討伐,加惡文思,構生罪釁。羣小之言,遠近噂喈,而臣純愚,闇信必謂不 節,請廢文思,改襲大宗,遣息文寶送女東歸。 自謂推誠奉順,理不過此。 豈意裕苞藏 遊,未知防遠,羣醜交構,爲其風聲。裕遂翦戮人士,遠送文思。臣順其此旨,表送章 母,半家 尋臣府司馬張茂度狼狽 東歸,南平太守檀範之復以此月三日委郡叛逆,尋 臣 [自惟門戶衰破,賴之獲存,皇家所重,終古難匹。 ,輒苦陳告,自以才弱位隆,不宜久荷分陝,屢求解任,必不見聽。 前經攜侍老 俱西,凡諸子姪,悉留京輦。臣兄子譙王文思,雖年少常人,粗免咎悔,性好交 |裕今此舉, 非有怨憎, 正以臣王室之幹, 位居藩岳, 時賢旣盡, 唯 是以公私歸馮,事盡祗順。 有審 臣 獨 再

次除蕩,然後傾移天日,於事可易。

須 與宗之親 理 、剋蕩 貫 幽顯 今荆 寇逆, 御 、雍義徒,不召而 大衆,出據 輒授文思振武將軍、南郡太守,宗之子竟陵太守魯軌進號輔 、尋續 、馳聞。 江津,案甲抗威,隨宜 由臣 集,子來之衆,其會如林。 輕弱 ,致裕凌横,上慚俯愧,無以厝 一應赴。 **豈臣無德所能綏致,蓋七廟** 今絳旗所指 顏 ,唯裕兄弟父子 國將軍。 而已。 臣今

問。 源, 接 迫 思 河,蘭 經 本 遠近所知 休之府 往年 正 無纖 不反,此是天地 艾吾誠不 都 景。 錄 僧 施 事參軍韓延之,故吏也,有幹用才能。 吾 去秋遣康之送還司馬君者,公推至公之極 謝邵 [處懷 分。 故 期物,自有由 之不容。 、任集之等,交構 具示 意,并示 吾受命西討,止其父子而已。 來。 同 積 懷諸人。」延之報日 今在近路,正是諸人歸身之日。 歲,專爲劉毅 公未至江陵,密使與之書曰「文思 謀主,所以至 也。 彼土僑舊 而 了不 此。 遜愧,又無表 一,爲 卿等諸 若 大軍登道,交鋒 所 驅 逼, 疏。 無所 時逼 事 文

況 疏 君 公有 始知知 以 大 承 過 親 匡 以 率 而 復 譙 戎 當 之勳 王 默 馬,遠履 前 然邪。 事 家 `,良增歎 或 蒙 西畿,闔 但康之前言有所不盡,故重使胡道諮白所懷。 賴, 息。 推德 境 司 士 委誠, 馬 庶,莫不 平 西體 毎 事 · 恇 駭。 詢 或 仰。 忠貞,欵愛待 何者? 譙王 往 莫知 以微事 物,當於古 師出之名故也。 見劾,猶 道未及反,已奏 人中 自 求 表遜位; 耳。 今辱來 以

本

紀

第

武

帝

中

權以來,四方方伯,誰敢不先相諮疇,而逕表天子邪。 表廢之,所不盡者命耳。推寄相與之懷,正當如此?有何不可,便興兵戈。 譙王爲宰相所責,又表廢之,經 自義旗秉

正何歸,表使何因,可謂「欲加之罪,其無辭乎」!

寄性命以過日,心企太平久矣。吾誠鄙劣,嘗聞道於君子。以平西之至德,寧可無授 使席上靡款懷之士,閩外無自信諸侯,以是爲得算,良可恥也。貴府將佐及朝廷賢德, 有由來」者矣。劉藩死於閶闔之內,諸葛斃於左右之手,甘言詫方伯,襲之以輕兵,遂 此矣。來示言「處懷期物,自有由來」。今伐人之君,啗人以利,眞可謂「處懷期物,自 遊於地下,不復多言。 命之臣乎!未能自投虎口,比迹鄙、任之徒明矣。假令天長喪亂,九流渾濁,當與臧洪 劉裕足下,海內之人,誰不見足下此心,而復欲欺誑國士!天地所不容,在彼不在

書歎息,以示諸佐曰:「事人當如此。」

江夏口,復爲鹹所敗,並沒。時公軍泊馬頭,即日率衆軍濟江,躬督諸將登岸,莫不奮踊爭 太守軌會于江陵。江夏太守劉虔之邀之,軍敗見殺。公命彭城內史徐逵之、參軍王允之出 休之衆潰,與軌等奔襄陽,江陵平。 三月,軍次江陵。 初雍州刺史魯宗之常慮不爲公所容,與休之相結,至是率其子意陵 加領南蠻校尉。

孤 新 役 事 寧 或或 幼 故 單 相 將 越 仍 拜 之化 紗 1, 、民 大 應 値 · ,成 艱,悉仰遣之。 召。 疲 四 田 廢 於朞月。 燕,杼軸 每永懷民瘼,宵 百, 佐史鄭鮮之、褚叔度、王弘 荆、雍二州 空置 窮獨 不能 分忘寢,誠宜蠲除苛政,弘茲簡 加 以 ,西局、蠻 存者,給其長賑。 (舊章 乖 昧, 府 傅亮 東及軍人年十二以還, 事役 頻苦,童耄奪養, 白遷日,不許。 府州 久勤將吏,依勞銓序。 惠。庶令凋 下書曰:「此州積 老稚 六十以 風 服 鄭政, Ė, 戎, 幷除 及 空 與 扶 戶 事 從 今 養 而

殿 子 義 入朝不 隆 四 爲 月, 北 趨 公復率衆進討,至襄陽, 彭 贊 城 縣公。 拜 不名, 以中 加前 軍 部 將 羽 軍 葆、鼓 道憐爲荆 休之奔羌。 吹,置 孙 左 刺 天子復重 一右長 史。 史、司 申前命,授太傅、揚州 馬、從 事 中郞 四 人。 牧, 封 劍 公 第 履

年租

稅

以 公道 八 尊 月 勳 甲子,公至 重 不 宜 復施 自 江 敬 陵 護 奉還黃 軍 旣 加 鉞, 殊 固辭 禮 一奏事 太傅 不 、州牧、前 復 稱 名。 部 以 羽 世 、葆、鼓 子 爲 吹,其 兗 州 刺 餘 史。 受命。 朝 議

公以 + 平 北 文 年 武 E 月, 寡 少 詔 , 不 公 宜 依 別 舊 置 辟 士。 於是罷 加 領 平 平 北府, 北 將 軍 以倂大府。 兗 州 刺 史。 以 世 增 都 子 爲 督 豫州 南 秦 刺 凡二 史。 十二州 三月, 加

公中外大都督。

本

紀

第

武

帝

中

初 公平 齊,仍 有定關、洛之意,值盧循侵逼,故其事不諧。 荆、灌旣平,方謀外略。 會羌

河,弱 主 內清 以 世子爲徐、兗二州 姚 姦 興 其犯罪繫五歲以還,可一原遣。 嗣叨蒙,復忝今授,情事纏綿,可謂深矣。 死 軌, 皆 泓立, 邦人州黨竭誠盡力之效也。 兄弟相 刺史。 殺,關中擾亂, 下書曰:「吾倡 文武勞滿未蒙榮轉者,便隨 大義,首自本州,克復皇祚,遂建 公乃戒嚴北討。 情若風霜, 頃軍 國務殷,刑辟未 義貫 (金石。 加領征西將軍、同豫二州 班序報 **今當奉辭** 息,眷言懷之,能不多 勳烈,外 西施 夷勍 有事 刺 關 敵, 史。

尚書右僕射劉穆之爲左僕射,領監軍、中軍二府軍司,入居東府,總攝內外。九月,公次于 劍爲四十人。解中書監。八月丁巳,率大衆發京師。 王 北伐。 公受中外都督及司州,並辭大司 五月,羌偽黃門侍郎尹沖率兄弟歸 馬琅邪王禮敬,朝議從之。 順 又加公北雍州刺史,前部羽葆、鼓吹,增班 以世 子爲中軍將軍, 公欲以義聲懷遠, 監 太尉留府事 奉 琅邪

野城,加領徐州刺史。

房於 州 師。 刺 東郡涼城,進平滑臺。 史章華先據倉垣,亦率 修復晉五陵,置守衞。 先是遣冠軍將軍檀道濟、龍驤將軍王鎭惡步向許、洛,羌緣道屯守,皆望 十月,衆軍至洛陽,圍金墉。 衆歸順。 公又遣北兗州刺史王仲德先以水軍入河。 泓弟爲平南將軍洸請降,送于京 風降服。 仲德破 偽完 索

天子詔曰:

夫嵩、岱配極,則乾道增輝,藩嶽作屛,則帝王成務。 是以夏、殷資昆、彭之伯,有

周 倚齊、晉之輔。 鑒諸前典,儀刑萬代,翼治扶危,靡不由 此

傍嗣 伯 彫題之長,莫不忘其陋險,九譯來庭,此蓋播諸徽策,靡究其詳者也。 越,荆、雍稽服,庸、岷順軌,剋黜方難,式遏寇虐。 及阿衡王猷,班序內外,仰興絕風, 秉大節,靈武霆震,弘濟朕躬,再造王室。每惟勳德,銘于厥心,遂北淸海、岱,南夷百 妖 百 、鳌孔熾,則功存社稷。固以四維是荷,萬邦攸賴者矣。 "; 稜 夏 城屈膝,千落影從。 [幅裂,終古帝居,淪胥戎虜,永言園陵,率土同慕。 公明發遐慨,撫機電征,親董侯 逸業。 太尉公命世天縱,齊聖廣淵,明燭四方,道光宇宙。 威致討。 秉禮以整俗,遵王以垂訓,聲敎遠被,無思不洽。 爰暨木居海處之**會,被**髮 旗旝首塗,則八表響震,偏師先路,則多壘雲徹。舊都載淸,五 自篇籍所載,生民以來,勳德懋功,未有若此之盛者 **爰自□□初迪**,則投懃王國 暨桓玄僭逆,傾蕩四海,**公**深 曩者永嘉不綱, 也。 陵復禮,

軌 其 每 弘 在 ,九隩同文,司 鑒 桓、文,方茲尤儉,然亦顯被寵章,光錫 昔周、呂佐叡聖之主,因三分之形,把旄仗鉞,一時指麾,皆大啓疆宇,跨州衆國。 古訓,思遵令圖。 '勳抗策,普天增佇。。遂公高挹,大愆國章,三靈眷屬,朕實祗懼 以公深秉沖挹,用闕大禮,天人引領,于茲歷載。 然品。 況乃獨絕百代,顧邈前 況 烈者哉!朕 今禹 迹 便宜

本

綬、遠遊冠,位在諸侯王上,加相國綠綟綬。 顯答羣望,允崇盛典。其進位相國,總百揆,揚州牧,封十郡爲宋公,備九錫之禮,加璽

策曰:

海,罔知攸濟。天未絕晉,誕育英輔,振厥弛維,再造區宇,興亡繼絕,俾昏作明。元勳 無位,提挈羣凶,寄命江滸。則我祖宗之業,奄墜于地,七百之祚,翦焉旣傾,若涉淵 朕以寡昧,仰贊洪基,夷羿乘纍,蕩覆王室,越在南鄙,遷于九江。 宗祀絕饗,人神

沂、岱,介恃遐阻,仍爲邊毒。 公蒐乘秣駟,夐入遠疆,衝櫓四臨,萬雉俱潰,竊號之虜, 覆江、豫,旍拂寰內,矢及王城,朝野喪沮,莫有固志,家獻徙卜之計,國議遷都之規。 顯戮司寇,拓土三千,申威龍漠。此又公之功也。盧循妖凶,伺隙五嶺,乘虛肆逆,侵 日啓,導德明刑,四境有截。此又公之功也。鮮卑負衆,僭盜三齊,狼噬冀、靑,虔劉 物反正。此又公之功也。出藩入輔,弘茲保弼,阜財利用,繁殖生民,編戶歲滋,疆宇 者也。授律羣后,泝流長騖,薄伐崢嶸,獻捷南郢,大憝折首,羣逆畢夷,三光旋采,舊 至德, 股實賴焉。 今將授公典策, 其敬聽股命: 日,氣凌霄漢,奮其靈武,大殲羣慝,剋復皇邑,奉帝歆神。此公之大節,[+]始於勤王 乃者桓玄肆僭,滔天泯夏,拔本塞源,顚倒六位,庶僚俛眉,四方莫卹。 .公精貫朝

番禺之功,俘級萬數,左里之捷,魚潰鳥散。元凶遠迸,傳首萬里,海南肅清,荒服來 遁,俾我畿甸,拯於將墜。 此又公之功也。 公乘轅南濟,義形于色,嶷然內湛,視嶮若夷,攄略運奇,英謨不世,狡寇窮衂,喪旗宵 追奔逐北,揚游江潰,偏旅浮海,指日遄至。

款。此又公之功也。 公御軌以刑,消之不日,倉兕電泝,神兵風掃,罪人斯得,荆、衡淸晏。此又公之功也。 劉毅叛換,負釁西夏,凌上罔主,志肆姦暴,附麗協黨,扇蕩王畿。

絡,僭豎伏鑕,梁、岷草偃。此又公之功也。馬休、魯宗,阻兵內侮,驅率二方,連旗稱 譙縦怙亂,寇竊一隅,王化阻閡,三巴淪溺。 公指命偏師,授以良圖,凌波浮湍,致屆井

鞠旅 幽辱,祖宗懷沒世之憤,遺氓有匪風之思。公遠齊伊宰納隍之仁,近同小白滅亡之恥, 雍來蘇,玄澤浸育,溫風潛被。此又公之功也。永嘉不競,四夷擅華,五都幅裂,山陵 亂。公投袂星言,研其上略,江津之師,勢踰風電,迴旆沔川,實繁震懾,二叛奔迸,荆、 (陳師,赫然大號,分命羣帥,北徇同、)党。 許、鄭風靡,鞏、洛載淸,爲牧逆藩, 交臂

請罪,百年榛穢,一朝掃滌。〔5〕此又公之功也。 公有康宇內之勳,重之以明德。爰初發迹,則奇謨冠古,電擊强妖,則鋒無前對,

位,納之軌度,蠲削煩苛,較若畫一,淳風美化,盈塞宇宙。是以絕域獻琛,遐夷納貢, 聿寧東畿,大造黔首。若乃草昧經綸,化融於歲計,扶危靜亂,道固於苞桑。辯方正

宰世 揆、自己去「錄尚書」之號。上送所假節、侍中貂蟬、中外都督太傅太尉印綬,自己豫章 符第一至第十左。相國位無不總,禮絕朝班,居常之名,宜與事革。其以相國總百 節、兼司空、散騎常侍、尚書、陽遂鄉侯泰授宋公茅土,金虎符第一至第五左,日日的使 邳淮陽山陽廣陵、兗州之高平魯泰山十郡,封公爲宋公。錫茲玄土,苴以白茅,爰定爾 光啓,遂荒徐宅,營丘表海,四履有聞。其在襄王,亦賴匡霸,又命晉文,備物光錫。惟 公印策。進揚州牧,領征西將軍、同豫北徐雍四州刺史如故。 今命使持節、兼太尉、尚書左僕射、晉寧縣五等男湛授相國印綬, [五]宋公璽紱;使持 居,用建冢社。昔晉、鄭啓藩,入作卿士,周、邵保傅,出總二南,內外之重,公實兼之。 公道冠前烈,勳高振古,而殊典未加,朕甚懵焉。今進授相國,以徐州之彭城沛蘭陵下

開 駟。公抑末敦本,務農重積,采蘩實殷,稼穡惟阜。是用錫公袞冕之服,赤鳥副焉。公 化,導揚休風,華夷企踵,遠人胥萃。是用錫公朱戶以居。 邪 納正,移風改俗,陶鈞品物,如樂之和。是用錫公軒縣之樂,六佾之舞。 公紀綱禮度,萬國是式,乘介蹈方,罔有遷志。是以錫公大輅、戎輅各一,玄牡一, 公官方任能,網羅幽滯,九

慝。 矢百、盧弓十、盧矢千。公溫恭孝思、致虔禋祀、忠肅之志、儀刑萬方。 錫 **皐辭野,髦士盈朝。** 卣, 圭瓚副焉。 公鈇、鉞各一。 是用錫公虎賁之士三百人。公明罰恤刑,庶獄詳允,放命干紀,罔有攸縱。 公龍驤鳳矯,咫尺八紘,括囊四海,折衝無外。 宋國置丞相以下,一遵舊儀。 是用錫公納陛以登。 公當軸處中,率下以義,式遏寇讎,清除苛 欽哉!其祗服往命,茂對天休,簡恤庶 是用錫公彤弓一,彤 是用錫公秬鬯 是用

邦,敬敷顯德,以終我高祖之嘉命。

置宋國侍中、黃門侍郎、尙書左丞、郞,隨大使奉迎。曰己 枹罕虜乞佛熾槃遣使詣公求効力討羌,拜平西將軍、河南公。

蘋蘩行潦,以時致薦。 入,慨然永歎。過大梁者或佇想於夷門,遊九原者亦流連於隨會。 間,窈然難究,源流淵浩,莫測其端矣。塗次舊沛,佇駕留城,靈廟荒殘,遺象陳昧,撫迹懷 帝師,大拯横流,夷項定漢,固以參軌伊、望,冠德如仁。若乃神交圯上,道契商洛,顯晦之 德不泯,義在祀典,微管之歎,撫事彌深。 大夫,讓不受。 十三年正月,公以舟師進討,留彭城公義隆鎭彭城。軍次留城,經張良廟,令曰:「夫盛 以紓懷古之情,用存不刊之烈。」天子追贈公祖爲太常,父爲左光祿 張子房道亞黃中,照隣殆庶,風雲玄感,自己蔚爲 可改構榱桷,修飾丹青,

豐全,帑藏盈積。公先收其彝器、渾儀、土圭之屬,獻于京師,其餘珍寶珠玉,以班賜將帥。 八月,扶風太守沈田子大破姚泓於藍田。 公命諸軍濟河擊破之。公至洛陽。七月,至陝城。 月,冠軍將軍檀道濟等次潼關。三月庚辰,大軍入河。 王鎭惡剋長安,生擒泓。九月,公至長安。長安 龍驤將軍王鎭惡伐木爲舟, 索虜步騎十萬,營據河津。 自河 浮渭。

十月,天子詔曰:

執送姚泓,斬于建康市。

謁漢高帝陵,大會文武於未央殿。

世。 有玄圭之錫,四海來王,姬旦饗龜、蒙之封。夫翼聖宣績,輔德弘猷,禮窮元賞,寵章希 况明保沖昧,獨運陶鈞者哉! **朕聞先王之莅天下也,上則大寶以尊德,下則建侯以褒功。是以成勳告就,文命**

隔,未之暫賓。 始,蘊崇姦猾之源,顯仁藏用之道,六府孔修之績,莫不雲行雨施,能 於已崩,固已道窮北面,暉格八表者矣。及外積全國之勳,內累戡麽之伐,芟夷强妖之 区 於三、五,不容於典策者焉。 醜。 **朕以不德,遭家多難,雲雷作屯,夷齊竊命,失位京邑,遂播蠻荆,艱難卑約,制命** 相國宋公,天縱睿聖,命世應期,誠貫三靈,大節宏發。拯脫躬於巢幕, 至令羌虜襲亂,淫虐三世,資百二之易守,恃函谷之可關,廟算韜略,不 自永嘉喪師,綿踰十紀,五都分崩,然正朔時暨,唯三秦懸 事必舉,諒 迴靈 已方軌

畿 字。 遂長 謀之日久矣。 所能讚揚,實可以告於神明,勒銘嵩、岱者已。 則 制,且有後 司 隸 旦。 許 長轡六合者乎。 之章。 驅灞、滻,懸於龍門,逆虜姚泓,係頸就擒。 乘馬之制,有陋舊章,徽稱之美,未窮 鄭 涉禹之迹,方行天下,至于海外,罔有不服。 風偃、鉦鉞未指,則遷 命也。 俾朕負扆高拱,而保大洪烈。 公命世撫運,闡曜威靈,內研諸侯之慮,外致上天之罰。 自茲迄今,洪勳彌劭,稜威九河,魏、趙底服,迴轅崤、潼,連城冰泮。 實以 公每秉謙德, 、洛霧披。 卑不可踰,難進之道, 俾舊闕之陽,復集萬國之軫, 是用遠鑒前典,延卽羣謀,敬 上 百稔梗穢,滌於崇朝,祖宗遺憤,雪於 豈足以顯報懋功,允塞民望,藩 功固萬世,其寧惟永,豈金石雅頌 以寵爲戚。 東京 故能 授殊錫,光啓疆 是故降損盛 父老 倉児 重 甫 輔王 訓 覩

謀,進惟道勳,退惟國典,豈得遂公沖挹,而久蘊盛策。便宜敬行大禮,允副幽顯之望。 其進宋公爵爲王,以徐州之海陵東安北琅邪北東莞北東海北譙北梁、豫州之汝南北潁 告成、靈祥炳煥,不可勝紀,豈伊素雉遠至,嘉禾近歸而已哉 十一月,前將軍劉穆之卒,以左司馬徐羨之代掌留任。]][北 南頓 朕 又聞之,周道方遠,則鸑鷟鳴岐,二南播德, 凡十郡,益宋國。 其相 國、揚州牧、領征西將軍、司豫北徐雍 則麟騶呈瑞。 大事昔所決於穆之者,皆悉以 一、朕每仰鑒玄應,俯察人 自公大號初發,爰暨 四州刺 史如 故。

本

第

武帝

中

諮。 安西將軍 公欲息駕長安,經略趙、魏,會穆之卒,乃歸。十二月庚子,發自長安,以桂陽公義眞爲 、雍州刺史、留腹心將佐以輔之。閏月、公自洛入河、開汴渠以歸

鎭蒲坂。公解司州,領徐、冀二州刺史,固讓進爵。 十四年正月壬戌,公至彭城,解嚴息甲。 以輔國將軍劉遵考爲幷州刺史,領河東太守,

隆泰,委美推功,遂方軌齊、晉,擬議國典。 所封十郡之外,悉得除用。 寡孤獨不能自存者,人賜粟五斛。 刺史檀祗爲領軍將軍,相國左長史王弘爲尚書僕射。 人爲宋公太妃,世子中軍將軍,副貳相國府。 攸託。 內外庶僚,敦勉周至。 六月,受相國宋公九錫之命。 隆祚之始,思覃斯慶。其赦國內殊死以下,今月二十三日昧爽以前,悉皆原宥。 籍運來之功,參休明之迹,乘菲薄之資,同盛德之事,監寐永言,未知 今曰:「孤以寡薄,負荷殊重,守位奉藩,危溢是懼。 府州刑罪,亦同蕩然。其餘詳依舊準。」詔崇豫章公太夫 雖亮誠守分,十稔于今,而成命弗迴,百辟胥暨 以太尉軍諮祭酒孔季恭爲宋國尚書令,青州 其餘百官悉依天朝之制。又詔宋國 朝恩 鰥

大敗,僅以身免。諸將帥及齡石並沒。 十月,公遣右將軍朱齡石代安西將軍桂陽公義眞爲雍州刺史。 先是安西中兵參軍沈田子殺安西司馬王鎭惡,諸將軍復 領軍檀祗卒,以中軍司馬檀道濟爲中領軍 殺安西長史王脩。 義眞旣還,爲佛佛虜所追, 關中亂。

十二月,天子崩,大司馬琅邪王卽帝位。

受命 識北梁、豫州之新蔡、兗州之北陳留、司州之陳郡汝南潁川祭陽十郡,增宋國。
三七月,乃 , 元熙元年正月,詔遣大使徵公入輔。 赦 國 內五歲刑以下。 遷都壽陽。 以尚書劉懷愼爲北徐州刺史,鎭彭城。九月,解 又申前命,進公爵爲王。以徐州之海陵北東海北

子、王孫爵命之號,一如舊儀。 車 ·,置旄頭雲罕,樂舞八佾,設鍾虡宮縣。進王太妃爲太后,王妃爲王后,世子爲太子,王 十二月,天子命王冕十有二旒,建天子旌旗,出警入蹕,乘金根車,駕六馬,備五時副

一年四月,徵王入輔。 六月,至京師。 晉帝禪位于王,詔曰:

域,翦焉已傾。 積,至三光貿位,冠履易所,安皇播越,宗祀墮泯,則我宣、元之祚,永墜于地, 都,雕顏 舟航淪溺矣。 無常期,禪代非一族,貫之百王,由來尙矣。 夫天造草昧,樹之司牧,所以陶鈞三極,統**天施化**。 (卉服 之鄉,龍荒朔漠之長,莫不迴首朝陽,沐浴玄澤。 若夫仰在璿璣,旁穆七政,薄伐不庭,開復 相國宋王,天縱聖德,靈武秀世, 晉道 一匡頹運,再 陵遲,仍世 疆字。 故大道之行,選賢與能,隆替 多故,爰暨元 故四靈効瑞,川岳啓圖 造區夏,固以 遂乃三俘偽主 興, 興 ,開滌五 滅繼絕, 禍 顧 難旣 膽

四六

嘉祥 雜遝,休應炳著,玄象表革命之期,華裔注樂推之願。 代德之符,著乎幽顯,瞻鳥

发止,允集明哲,夫豈延康有歸,咸熙告謝而已哉

闇,昧於大道,永鑒廢興,爲日已久。 念四代之高義,稽天人之至望,予其遜位別宮,歸 昔火德旣微,魏祖底績,黃運不競,三后肆勤。故天之曆數,實有攸在。 朕 雖 庸

禪于宋,一依唐虞、漢魏故事。

韶草旣成,送呈天子使書之,天子即便操筆,謂左右曰:「桓玄之時,天命已改,重爲劉公所

延,將二十載。今日之事,本所甘心。」甲子,策曰:

經緯三才,澄序彝化,作範振古,垂風萬葉,莫尙於茲。 葉,深鑒茲道,是以天祿旣終,唐、虞弗得傳其嗣,符命來格,舜、禹不獲全其謙。 所以 上 |聖君四海,止戈定大業。 咨爾宋王:夫玄古權輿,悠哉邈矣,其詳靡得而聞。爰自書契,降逮三、五,莫不以 然則帝王者,宰物之通器,君道者,天下之至公。 自是厥後,歷代彌劭,漢旣嗣德 昔在 上

時。 矧伊 乃者社稷傾覆,王拯而存之,中原蕪梗,又濟而復之。 昔我祖宗欽明,辰居其極,而明晦代序,盈虧 在今,天之所廢,有自來矣。 惟王體 上聖之姿,苞二儀之德,明齊日 有期。 翦商兆禍,非唯一世,曾是弗 自負固不賓,干紀放命,肆 月 ,道合四

於放勛,魏亦方軌於重華。

諒以協謀乎人鬼,而以百姓

爲心者也

位 逆 圖 분 百 .讖 伊 姓 滔 一樂推 爾躬。 博 之文旣明,人神之望已改。 天,竊據萬里。 施 ,天命攸集,豈伊在予,所得獨專。 於民,濟斯黔庶; 大祚告窮,天祿永終。 靡不潤之以風雨,震之以雷霆。 固以 義 百工 冷四海,道威 於戲 一歌於朝,庶民頌于野,億兆抃踊,傾佇惟新。 1 王其允執其中,敬遵典訓,副率土之嘉願,恢 是用仰祗皇靈,俯順羣議,敬禪神器,授帝 八荒者矣。 九伐之道旣敷,八法之化自理 至於 上天垂象,四靈 一效徴, 自非

又璽書曰.

洪

業

於於

無窮,時膺休祐,以答三靈之眷望。

宏 我洛 典。 定樊、沔。 紓 弘 故 或 發,匡復 揖 有 難 食,蹙國江 我 讓 戜 蓋 外外 必亡,卜年著其數,代謝 聞天生蒸民,樹之以君,帝皇寄世,實公四海,崇替係於勳德,升降存乎其人。 世 祖 惟先王之有作, 若 播 我 所 乃永 宏 社 以 一路,誅 一稷,重 一表,仍 撫 懷區 歸 遘 大憝於漢陽 造 運 字 我 否運 而 ٠, 永垂範於 順 國 思一聲教,王師首路, 家。 淪 人事 無常,聖哲 沒相 惟王 , 逋 乘 無窮。 修盗 因。 利 聖 見 德欽明, 於沂渚,澄氛 逮于元興, 握其符。 及劉氏 而 定天保者也。 2致禪, 則天光大, 則伊、洛澄流,稜威崤、潼,則華嶽褰 昔在 遂傾宗祀。 西岷,肅 上世 實堯是法, 而 應期 一、三聖 道 清南越 不 幸賴 誕 常泰, 一係軌 有 載 神武),再靜 魏 明保 ,疇咨 告終, 戎 光天,大節 夷 王室。 江、湘、拓 四嶽 亂華,喪 亦憲茲 內

本

紀

第

武

帝

中

文,誕敷德政,八統以馭萬民,九職以刑邦國,思兼三王,以施四事。 靄,僞酋銜壁,咸陽卽序。雖彝器所銘,詩書所詠,庸勳之盛,莫之與二也。 故能信著幽顯,義 遂偃武修

自歷世所賓,舟車所暨,靡不謳歌仁德,抃舞來庭。

時膺靈祉,酬于上天之眷命。 尉、尚書宣範奉皇帝璽綬,受終之禮,一如唐虞、漢魏故事。王其允答人神,君臨萬國, 淵」者,終饗九五之位;「勳格天地」者,必膺大寶之業。昔土德告沴,傳祚于我有晉,今 表,煥如日月。 **爱逮庶尹,咸曰休哉,罔違朕志。今遣使持節、兼太保、散騎常侍、光祿大夫膽,兼太** 曆運改卜,永終于茲,亦以金德而傳于宋。仰四代之休義,鑒明昏之定期,詢于羣公, 三光協數,必昭布新之祥。圖讖禎瑞,皎然斯在。 **朕每敬惟道勳,永察符運,天之曆數,實在爾躬。** 傳稱「惟天爲大,惟堯則之」。誤云:「有命自天,命此文王。」夫「或躍在 加以龍顏英特,天授殊姿,君人之 是以五緯升度,屢示除舊之迹,

並上表勸進。 王奉表陳讓,晉帝已遜琅邪王第,表不獲通。於是陳留王虔嗣等二百七十人,及宋臺羣臣, 上猶不許。太史令縣達陳天文符瑞數十條,羣臣又固請,王乃從之。

校勘記

- 未能菲躬儉 嚴可均云:「儉下疑奪一字。」殿本考證云:「躬下當有節字。 或儉下脫一用字。」
- [二] 公乃進督 「乃」南史作「仍」。
- = 乃速 申於當年 「申」各本並譌「由」,據建康實錄、元龜四八六改。
- 四 復 加黄 鉞 錢大昕廿二史考異云: 「加當作假。 使持節得殺二千石以下, 假黃鉞則可專戮節

將矣。」

- 五. 1 世」當是「卜世」之誤,今改正。 -世未改 「卜世」各本並作「十世」。 按自西晉武帝至東晉安帝,已十四世,言十世,無據。「十
- 去秋遣康之送還司馬君者 「君」各本並作「軍」, 據晉書譙剛王遜傳玄孫休之附傳、元龜七二
- 中〕此公之大節 各本並脫「大」字、據南史、建康實錄補。

五.

- 「ペン一朝掃滌 「滌」各本並作「濟」、據南史、建康實錄改。
- . ∱6 ₩ 今命使持節 兼太尉尚書左僕射晉寧縣五等男湛授相 國 訶 綬 各本脫「今」字、「無」字,並據預

史、建康實錄補。

- 金虎符第一至第五左 「第五」各本作「第十」,據南史改。
- 本 其以相國總 紀 第 百揆 校 勘 記 各本並脫「以」字,據南史、建康實錄補。

上送所假節侍中貂蟬中外都督太傅太尉印綬 **膨**宋書考論 云: 「按宋、齊志皆不見侍中印綬) 蓋但給朝服武冠貂蟬而已。南史侍中下有貂蟬 各本並脫「貂蟬」二字,據南史、建康實錄補。 孫

二字,是。」

置宋國侍中黃門侍郞尚書左丞郞隨大使奉迎 「郎」三朝本、北監本、毛本、局本同。殿本、南史

作「相」。

風雲玄威 李慈銘越縵堂日記補云:「當作卽隨大使奉迎。」 「玄」各本並作「言」,據局本、文選、建康實錄、元龜二一〇改。

二吾 以徐州之海陵北東海北譙北梁豫州之新蔡兗州之北陳留司州之陳郡汝南潁川滎陽十郡增宋

「北東海」上之「北」字、各本並脫去。 據南史、建康實錄補

國

宋書卷三

本紀第三

五帝下

其重。 依,爲日已久。難棘隆安,禍成元興,遂至帝主遷播,宗祀堙滅。 永初元年夏六月丁卯,設壇於南郊,即皇帝位,柴燎告天。策曰: 以上哲格文祖,元勳陟帝位,故能大拯黔首,垂訓無窮。 命于裕。 具殲,僭僞必滅。 旅,仰憤時難,俯悼横流,投袂一麾,四則皇祀克復。 皇帝臣裕,敢用玄牡,昭告皇天后帝。晉帝以卜世告終,歷數有歸,欽若景運,以 加以殊俗慕義,重譯來庭,正朔所暨,咸服聲敎。 夫樹君宰世,天下爲公,德充帝王,樂推攸集。越俶唐、虞,降暨漢、魏,靡不 誠興廢有期,否終有數。 至於大造晉室,撥亂濟民,因藉時來,實尸 至乃三靈垂象, 及危而能持,顚而能扶,姦宄 晉自東遷,四維不振,宰輔焉 裕雖地非齊、晉,衆無 山川告祥,人

本

紀

第

三

武帝

下

神協 祉 ,歲月滋著。 是以羣公卿士,億兆夷人,愈曰皇靈降鑒於上,晉朝款誠於下,天

命不 可以久淹,宸極 不可以暫曠。 遂逼羣議,恭茲大禮。

革殊事,若乃功濟區宇,道振生民,興廢所階,異世一揆。 朕以寡薄,屬當艱運,藉否終之 景祚,燔柴于南郊,受終于文祖 期,因士民之力,用獲拯溺,匡世撥亂,安國寧民,業未半古,功參襲烈。 休嘉,惠茲 曆運已移,欽若前王,憲章令軌,用集大命于朕躬。 禮畢 元辰,升壇受禪,告類上帝,用酬萬國之情。 ,備法駕幸建康宮,臨太極前殿。 猥以寡德,託於兆民之上,雖仰畏天威,略是小節,顧深永懷,曰三祗懼若實。 光光庶。 其大赦天下。 改晉元熙二年爲永初元年。 猥當與能之期,爱集樂推之運,嘉祚肇開,隆慶惟始,思俾 其有犯鄉論淸議、贓汙淫盜,一皆蕩滌洗除,與之更 韶曰:「夫世代迭興,承天統極,雖遭遇異塗,因 克隆天保,永祚于有宋。 惟德匪嗣,辭不獲申,遂祗順三靈,饗茲 賜民爵二級。 晉氏以多難仍遘, 惟明靈是饗。 鰥寡孤 獨 不能 敬簡

爲皇太后。詔曰:「夫微禹之感,歎深後昆,盛德必祀,道隆百世。 度,皆用晉典。 封晉帝爲零陵王,全食一郡。載天子旍旗, 上書不爲表,答表勿稱詔。 追尊皇考爲孝穆皇帝,皇妣爲穆皇后,尊王太后 乘五 |時副車,行晉正朔,郊祀天地禮樂制 晉氏封爵,咸隨運改,至

自存者,人穀五斛。

逋租宿債勿復收。

長徒之身,特皆原遣。亡官失爵,禁錮奪勞,一依舊准

可降始 侃、車騎將軍謝玄之祀。 於德參微管,勳濟蒼生,愛人懷 康樂公可卽封縣侯,各五 興公封始興縣公,廬陵公封柴桑縣公,各千戶,始安公封荔浦 其宣力義熙,豫同艱難者,一仍本秩,無所滅降。」封晉臨川王 |百戶:以奉晉故丞相王導、太傅謝安、大將軍溫嶠、 代, 義 無泯絕。 縣侯,長沙公封醴 降殺之宜, 大司馬陶 依前 司 陵縣 典。

寶爲西豐縣侯,食邑千戶。

効,寧內拓外,迄用有成。 威靈遠著,寇逆消蕩,遂當揖讓之禮,猥饗天人之祚。 念功簡勞, 立南郡公義慶爲臨川王。又詔曰:「夫銘功紀勞,有國之要典,愼終追舊,在心之所隆。自 軍將軍,右衞將軍謝晦爲中領軍,宋國領軍檀道濟爲護軍將軍,中領軍劉義欣爲靑州刺史。 亥,立桂陽公義眞爲廬陵王,彭城公義隆爲宜都王,第四皇子義康爲彭城王。 無忘鑒寐,凡厥誠勤,宜同國慶。其酬賞復除之科,以時論舉。戰亡之身,厚加復贈。」乙 大業創基,十有七載,世路迤邅,戎車歲動,自東徂西,靡有寧日。 實賴將帥竭心,文武盡 庚午,以司空道憐爲太尉,封長沙王。 追封司徒道規爲臨川王。尚書僕射徐羨之加鎭

至邇安。 津濟, 丑,詔曰:「古之王者,巡狩省方,躬覽民物,搜揚幽隱,拯災卹患,用能 **股以寡闇** 夕惕 永 ,

道謝前哲,因受終之期,

託兆庶之上,

鑒寐屬慮,

思求民瘼。 心馳遐域。 可遣大使分行四方,旌賢舉善,問所疾苦。 風澤遐被,遠 其有獄訟虧 才弱 事艱,

本

紀

第

武帝

下

己卯,改晉泰始曆爲永初曆。

者,

亦疇量增之。」

場,幽 求辨。 不 復 下諸 秋 沒不反者,贈賜 七月丁亥,原放 叉停廢虜 郡 輸出,悉委都水別量。 車牛, 其家。 不得 劫 就賊餘 以官威假借。 己 口 丑,陳留王曹虔嗣 沒在臺府者, 臺府所 須,皆別遣主 叉 以市 諸流徙家並聽還本土。回 薨 稅繁苦, 帥 與民和市,卽時裨直 優量 滅降。 從 征關 又運舟材及運船, 一,不復 洛,殞 責 (身戰 租民

將 安 司 倫 之進 西 楊 軍 盛 大 辛卯 號 置 將 進 安北 ,復置 軍 號 東宮冗從僕射 征 車 騎 將 東 五校三將官,增殿 大將 軍 將 ,征虜將 軍 軍。 高 、旅賁 句 甲 軍 驪 辰, 北徐 中 王 郎將 高 鎭 以中將軍1 璉 西將軍李歆 州 官。 進 刺 號 史劉 員二十人,餘在員外。 征 東大將軍,鎮東將軍百濟王扶餘映進號鎮 懷 進 愼 號 進號 征 西 平北 將軍 將 , 軍 急 戊戌,後將 征 平 西 西將軍 大 將 軍 軍 乞 一、雍州 佛 開 府 熾 盤 儀 刺 東 淮 史 同

號

戊申、遷神主於太廟、車駕親奉。

可一 除之,還遵舊條。反叛淫盜三犯補冶士,本謂一事三犯,終無悛革。 壬子,詔曰:「往者軍國務殷,事有權制,劫科峻 重,施之一時。 今王道惟新,政和法簡, 主者頃多幷數衆

事,合而爲三,甚違立制之旨,普更申明。」

辛酉,開亡叛赦,限內首出,蠲租布二年。先有資狀、黃籍猶存者,聽復本注。 八月戊午,西中郎將、荆州刺史宜都王義隆進號鎭西 將軍。

諸舊郡

苛,民不堪命,可除此條。 縣以北爲名者,悉除;寓立於南者,聽以南爲號。 又制有無故自殘傷者補冶士,實由政刑煩

罷青州併兗州。

戊辰,詔曰:「彭、沛、下邳三郡,首事所基,情義繾綣,事由情獎,古今所同。 彭城桑梓

本鄉,加隆攸在,優復之制,宜同豐、沛。其沛郡、下邳可復租布三十年。」 辛未,追諡妃臧氏爲敬皇后。癸酉,立王太子爲皇太子。乙亥,詔曰:「朕承曆受終,猥饗

罪無輕重,可悉原赦。限百日,以今爲始。先因軍事所發奴僮,各還本主;若死亡及勳勞破 情敬無違。加以儲宮備禮,皇基彌固,國慶家禮,爰集旬日,豈予一人,獨荷茲慶。其見刑 天命。荷積善之祚,藉士民之力,七廟備文,率由令範。先后祗嚴,獲遂宣訓,蒸嘗肇建,「尽」

本紀第三 武帝下

免,亦依限還直。」

立德著節,或寧亂庇民,墳塋未遠,並宜洒掃。 月壬午朔,詔曰:「晉世帝后及藩王諸陵守衞,宜便置格。 主者具條以聞。」丁酉,特進、左光祿大夫孔 其名賢先哲,見優前代,或

季恭加開府儀同三司。

略。 事役宜省,今可悉停。「引唯元正大慶,不在其例。 自今有厝意者,皆當指名其人,所見不同,依舊繼啓。」又詔曰:「諸處冬使, 辛丑,詔曰:「主者處案雖多所諮詳,若衆官命議,宜令明審。 郡縣遣冬使詣州及都督府,亦停之。」 自頃或總稱參詳,於文漫 或遣或不,

冬十月辛卯,改晉所用|王肅祥禪二十六月儀,依鄭玄二十七月而後除。 九月壬子朔,置東宮殿中將軍十人,員外二十人。壬申,置都官尚書。

十二月辛巳朔,車駕臨延賢堂聽訟。

破之。 爲 司徒,以尚書僕射、鎭軍將軍徐羨之爲尚書令、揚州刺史。 一年春正月辛酉,車駕祠南郊, 己卯,禁喪事 用 銅 釘。 罷會稽郡府 大赦天下。 丙寅, 斷金銀塗。 丙子,南康揭陽蠻反,郡縣討 以揚州刺史廬陵王 一義眞

稱旨,並以爲著作佐郎。 月己丑,車駕幸延賢堂策試諸州郡秀才、 戊申、制中二千石加公田一頃。 孝廉。 揚州秀才顧練、 豫州秀才殷朗所對

三月乙丑,初限荆州府置將不得過二千人,吏不得過一萬人,州置將不得過五百人,

更不得過五千人。兵士不在此限。

勳德立祠者, 夏 四四 月己卯朔、詔曰:「淫祠惑民費財、前典所絕、可並下在所除諸房廟。 不在此例。」戊申, 車駕於華林園 聽 訟。 己亥, 以左衛將軍王仲德爲冀州 其先賢及以 刺

五月己酉,置東宮屯騎、步兵、翊軍三校尉官。 甲戌,車駕又幸華林園 聽訟。

史。云

文行 而已,又非設罰之意。 六月壬寅,詔曰:「杖罰 雖有舊科,然職務殷碎,推 可籌量觕爲中否之格。」車駕 坐相尋。 又於華林園 若皆 一聽訟。 I有其 實, 甲辰,制諸署敕 則 體所不堪,

吏四 品以下,又府署所得輒罰者,聽統府寺行四十杖。

秋七月己巳,地震。

八月壬辰,車駕又於華林園聽訟。

九月己丑,零陵王薨。至軍駕三朝率百僚舉哀于朝堂,一 依魏明帝服山陽公故事。 太

尉持節監護,葬以晉禮。

遂令冠帶之倫,淪陷非所。 冬十月丁酉,詔曰:「兵制峻重,務在 宜革以弘泰,去其密科。 l 得宜。 役身死叛,輒考傍親,流遷彌廣,未 自今犯罪充兵合舉戶從役者,便付營 見其極

本

蒙遜 押 領 為鎭 其有戶統及適止一 軍大將軍 開府儀同三司、凉州刺史。 身者,四回 不得復侵濫 癸卯,車駕於延賢堂聽訟,以員外散騎常侍 服親,以相連染。」己亥,以凉州胡帥 大沮 渠

應襲

為寧州

刺史。

史。 遠 將 馬 此 以 弘 7,發蒙 墜于 輔 考詳舊 屆 在郊,旍旗卷舒,日不暇給。 進 癸丑,以尚書令、揚州刺史徐羨之爲司空、錄尚書事,刺史如故。撫軍將軍、江州 · |華 或 號 地。 將 衞 年春正月甲辰朔、詔刑罰無輕重,悉皆原降。 域 啓滯,咸必 軍 將 典, 載清,仰風 毛 後 軍、開府儀同三司,太子詹事傅亮爲尙書僕射,中領軍謝晦爲領軍 以 徳祖 生大懼於 時 施 由 爲同州刺史。自己乙丑,詔曰:「古之建國,敎學爲先,弘風 行。 之。 之士,日月以冀。 牆 故爱自盛王,迄于近代,莫不敦崇學藝,修建庠序。 面,故老竊歎於子衿。此國 遂令學校荒廢,講誦蔑聞,軍旅日陳,俎豆藏器, 便宜 |博延胄子,陶獎童蒙,選備儒官,弘振國學。 壬子,以前冀州刺史王仲德爲徐州 [風所以永思,小雅所以懷古。 訓世,莫尙於 一將軍。 自昔多故,戎 訓誘之風, 今王略 刺史王 乙卯, 主 刺

便。 淮西諸郡 月丁 丑 可 詔 立為豫州 日 「豫州南臨江滸,北接河、洛,民荒境曠,轉輸 自潍以東,爲南豫州。」以豫州刺史彭城王義康爲南豫州刺史, 艱遠,撫莅之宜, 各有 其

者

征 房將軍劉粹爲豫州刺史。 又分荆州十郡還立湘州,左衞將軍張邵爲湘州刺史。[三戊寅,

以徐州之梁,還屬豫州。

亡命刁彌攻京城,得入,太尉留府司馬陸仲元討斬之。 時秦羅流戶悉南入梁州。庚申,送紵絹萬匹,江門荆、雍州運米,委州刺史隨宜賦給。 以司徒廬陵王義眞爲車騎將軍、開府儀同三司、南豫州刺史。 軍檀道濟並入侍醫藥。 三月,上不豫。太尉長沙王道憐、司空徐羡之、尚書僕射傅亮、領軍將軍謝晦、 。 羣臣請祈禱神祇,上不許,唯使侍中謝方明以疾告廟而已。 上疾瘳。 己未,大赦天下。 。丁未, 護軍將 辛酉,

馬徐琰爲兗州刺史。庚寅,左光祿大夫、開府儀同三司孔季恭薨。 夏四月乙亥,封仇池公楊盛爲武都王,平南將軍楊撫進號安南將軍。丁亥,以車騎司

上崩 要,宜 江州處之。」又爲手詔曰:「朝廷不須復有別府,宰相帶揚州,可置甲士千人。若大臣中任 徐羨之、傅亮當無異圖。 若有幼主,朝 于西殿,時年六十。[18]秋七月己酉,葬丹陽建康縣蔣山初寧陵。 五. 有爪牙以備不祥人者,可以臺見隊給之。 |月,上疾甚,召太子誡之曰:「檀道濟雖有幹略,而無遠志,非如兄||韶有難御之氣也。 事 一委宰相,母后不煩臨朝。 謝晦數從征伐,頗識機變,若有同異,必此人也。小卻,可以會稽、 仗旣不許入臺殿門,要重人可詳給班劍。」癸亥, 有征討悉配以臺見軍隊,行還復舊。後世

本

|孝武不答,獨曰:「田舍公得此,以爲過矣。」故能光有天下,克成大業者焉。 燭殿,與羣臣觀之。牀頭有土鄣,壁上挂葛燈籠、麻繩拂。曰一侍中袁顗盛稱上儉素之德。 旦問起居,入閤脫公服,止著裙帽,如家人之禮。孝武大明中,壞上所居陰室,於其處起玉 十餘人。時徐羨之住西州,嘗幸羨之,便步出西掖門,羽儀絡驛追隨,已出西明門矣。諸子 繡金玉。 東西堂施局脚牀、銀塗釘,上不許,使用直脚牀,釘用鐵。 女,有盛寵,以之廢事。 魄枕,光色甚麗。 內外奉禁,莫不節儉。性尤簡易,常著連齒木屐,好出神虎門逍遙,左右從者不過 時將北征,以虎魄治金創,上大悅,命擣碎分付諸將。 謝晦諫,卽時遣出。財帛皆在外府,內無私藏。 諸主出適,遣送不過二十萬,無錦 宋臺旣建,有司 平關中,得 姚興從 奏

之業已成,天人之望將改。自斯以後,晉道彌昏,道子開其禍端,元顯成其末釁,桓玄藉運 遷,祿去王室,朝權國命,遞歸台輔。君道雖存,主威久謝。桓溫雄才葢世,勳高一時,移鼎 ·宰輔之柄,因皇族之微,世擅重權,用基王業。 至於宋祖受命,義越前模。 晉自社廟南 魏武直以兵威服衆,故能坐移天曆,鼎運雖改,而民未忘漢。及魏室衰孤,怨非結下。 史臣曰:漢氏載祀四百,比祚隆周,雖復四海橫潰,而民繫劉氏,慄慄黔首,未有遷奉之

延康之初,功實靜亂,又殊咸熙之末。 暴,祀晉配天,不失舊物,誅內淸外,功格區宇。至於鍾石變聲,柴天改物,民已去晉,異於 乘時,加以先父之業,因基革命,人無異心。 所以恭皇高遜,殆均釋負。 高祖地非恒、文、衆無一旅,曾不浹旬,夷凶 若夫樂推所歸,謳歌所 翦

校勘記

集,魏、晉采其名,高祖收其實矣。

盛哉

- 投袂一麾 「麾」各本作「援」,南史作「起」,據禮志三改。
- 顧深 永懷 「深」各本並作「探」,據禮志三改。
- = 諸供 給昔減半者 「給」各本並作「納」,據元龜 五〇五 改。
- 갣 諸 流 徙家 並 聽還本 土 各本 ·並奪「流」字,據南史補
- $\overline{}$ 五 鎭 西 將 軍 李 歆 進 號征 西將 軍 南史、通鑑作「征 西大 八將軍」。 此疑脫「大」字。
- 七廟 2
 2
 2
 2
 3
 4
 7
 7
 8
 7
 7
 8
 7
 8
 7
 8
 7
 8
 8
 7
 8
 8
 8
 8
 9
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 8
 < 備文 率由 又「蒸嘗」各本並作「七廟」,據元龜二○七改。 令範先后 祗嚴獲遂宣訓蒸嘗肇 建 各本並脱 去「七廟備文」及「獲逐」 大字,據元
- \sqcap -今可悉停
- 各本並脫「今」字,據本書禮志一、元龜一九一補。
- 戊 申 車駕於 華林園聽訟己亥以左衞將軍王仲德爲冀州刺史 按是月己卯朔,二十一日己亥,

本

紀

第

 \equiv

校

勘

記

六一

三十日戊 申。 戊申不當在己亥前,當有誤。

. ≯6 ∐ 九月己丑 零陵 王薨 通鑑考異云:「宋本紀九月己丑,零陵王薨。 晉本紀. 九月丁 丑。據長曆,九

其有戶統及讁止一身者 「戶統」,元龜二〇九作「科戶絕」。

月丙午朔,無己丑、丁丑,今不書日。」張熠讀史舉正云:「推此

九月

無己丑日」。

乙卯以輔國 將 軍毛 德祖爲司州刺史 各本並脫「祖」字。 據索虜傳, 時有司州 刺史毛德祖。 }晉

書毛寶傳宗 人德祖 |附傳:「尋遷督司雍幷三州諸軍事、冠軍 「張邵」各本並作「張紀」, 將軍、司州刺史。」今據 補

據通鑑宋武帝永初三年改。

按張邵傳,

宋武帝時,「分荆州立湘州,以邵爲刺史。」

左衞將軍

張邵爲湘州刺史

送紵絹萬匹 各本並作「時年六十七」。據御覽一二八引徐爱宋書及通鑑宋武帝永初三年胡注訂 「紵」各本並作「綜」,據元龜一九五改。

時年六十

涯 。

洪頤煊諸史考異云:「案高祖以晉哀帝興寧元年歲癸丑生,下距永初三年,止六十歲。『七』

字當衍。」

二吾 壁上挂葛燈籠麻繩拂 各本並脫「挂」字。 據南史、藝文類聚十三引、御覽一二八及四三一

引補

宋書卷四

本紀第四

少帝

|宋世子。|元熈元年,進爲|宋太子。|武帝受禪,立爲皇太子。 晚無男,及帝生,甚悅。年十歲,拜豫章公世子。回帝有旅力,善騎射,解音律。 少帝諱義符,小字車兵,武帝長子也。「」母曰張夫人。 晉義熙二年,生於京口。 宋臺建,拜 武帝

六月壬申,以尚書僕射傅亮爲中書監,司空徐羨之、領軍將軍謝晦及亮輔政。戊子,太 永初三年五月癸亥,武帝崩,是日,太子卽皇帝位。大赦。 尊皇太后曰太皇太后

尉長沙王道憐薨。

秋九月丁未,有司奏武皇帝配南郊,武敬皇后配北郊。

本紀第四 少帝

冬十一月戊午,有星孛于營室。

十二月庚戌、魏軍克滑臺。

達奚卬破金墉,進圍虎牢。回毛德祖擊虜敗之,虜退而復合。 明 年春正月己亥朔,大赦,改元爲景平元年。 文武進位二等。辛丑, 祀南郊。 [三] 虜將 拓跋木末又遣安平公涉歸寇

青州。[三]癸卯,河南郡失守。乙卯,有星孛于東壁。

大將軍,守到封河西王。以阿犲爲安西將軍、沙州刺史,封澆河公。辛未,富陽人孫法光 二月丁丑,太皇太后崩。沮渠蒙遜、吐谷渾阿犲並遣使朝貢。 庚辰,[K] 爵蒙遜為驃騎

反,[5] 寇山陰,會稽太守褚淡之遣山陰令陸劭討敗之。[5]

軍襲許昌,殺虜潁川太守庾龍。[10]乙丑,虜騎寇高平。 三月壬寅,孝懿皇后祔葬于興寧陵。是月,高麗國遣使朝貢。甲子,豫州刺史劉粹遣 初虜自河北之敗, 請修和親, 及聞

高祖崩,因復侵擾,河、洛之地騷然矣。

秋七月癸酉,尊所生張夫人爲皇太后。丁丑,以旱,詔赦五歲刑以下罪人。[11] 夏四月,檀道濟北征,次臨朐,焚虜攻具。乙未,魏軍克虎牢,執司州刺史毛德祖以歸。

冬十月己未,有星孛于氐,指尾,貫攝提,向大角,仲月在危,季月掃天倉而後滅。是

歲,魏主拓跋嗣薨,子燾立。

十二月丙寅,曰当省寧州之江陽、犍爲、安上三郡,合爲宋昌郡。

未,以皇弟義恭爲冠軍將軍,南豫州刺史。乙巳,大風,曰天有五色雲,占者以爲有兵。 二年春二月癸巳朔,日有蝕之。曰意廢南豫州刺史廬陵王義眞爲庶人,徙新安郡。

麗國遣使貢獻。執政使使者誅義眞于新安。

夏五月,江州刺史王弘、南兗州刺史檀道濟入朝。日三帝居處所爲多過失。乙酉,皇太

后令曰:

備聞。 虐,幽 作,醜聲四達。及|懿后崩背,重加天罰,親與左右執紼歌呼,推排梓宮,抃掌笑謔,殿省 府,鳩集伶官,優倡管絃,靡不備奏,珍羞甘膳,有加平日。採擇媵御,產子就宮,靦然無 極悖,一至於此。大行在殯,宇內哀惶,幸災肆於悖詞,喜容表於在感。至乃徵召樂 無辜,以爲笑樂。 王室不造,天禍未悔,先帝創業弗永,棄世登遐。義符長嗣,屬當天位,不謂窮凶 .囚日增。居帝王之位,好阜隸之役,處萬乘之尊,悅廝養之事。 親執鞭撲,毆擊 加復日夜蝶狎,羣小慢戲,與造千計,費用萬端,帑藏空虛,人力殫盡。刑罰苛 穿池築觀,朝成暮毁,徵發工匠,疲極兆民。遠近歎嗟,人神怨怒,社

紀

稷將墜,豈可復嗣守洪業,君臨萬邦。 今廢爲營陽王,一依漢昌邑、晉海西故事。

億兆。 鎭〔西將軍宜都王,仁明孝弟,著自幼辰。 主者詳依典故,以時奉迎。 未亡人嬰此百罹,雖存若隕。 德業沖粹, 識心明允。 永悼情事, 撫心摧 宜纂洪統,光臨

塞。当公

有勇力,不卽受制,突走出昌門,追以門關踣之,致殞。時年十九。[1+1] 奉還璽紱。檀道濟入守朝堂。六月癸丑,徐羡之等使中書舍人邢安泰弑帝於金昌亭。帝 指。 船唱呼,以爲歡樂。 戒宿衛,莫有禦者。 潘盛爲內應。 扶出東閤、就收璽紱、羣臣拜辭、送於東宮、遂幽於吳郡。是日、赦死罪以下。 始徐羨之、傅亮將廢帝,諷王弘、檀道濟求赴國訃。弘等來朝。 。是旦,道濟、謝晦領兵居前,羨之等隨後,因東掖門開,入自雲龍門。 時帝於華林園爲列肆,親自酤賣。又開瀆聚土,以象破岡埭,與左右引 夕游天淵池,卽龍舟而寢。 其朝未興,兵士進,殺二侍者於帝側,傷帝 使中書舍人邢安泰、 盛等先 太后令

上闕則創業之君,自天所啓,守文之主,其難乎哉!□□□

- 武帝長子也 叉它篇 例稱魏爲索虜,而此紀一云魏軍克滑臺,一云魏主拓跋嗣薨,全非休文之例。 计二史考異云:「按紀傳書諸帝皆稱廟號,獨此紀書武帝者四,而仍有稱高祖者。 又如義熙
- 十二年正月,以豫章公世子爲西中郎將、豫州刺史。三月,除征虜將軍、徐克二州刺史,鎭京口
- 十四四 年六月,除中軍將軍,副貳相國府。 若宜見於本紀,而略不及。 卷末無史臣論。 其非休文
- 書顯然。 蓋此篇外亡,後人雜採它書以補之,故義例乖 好如此°」
- 年十歲拜豫章公世子 按少帝義符生於義熙二年,而據五行志授豫章世子,在義熙七年,則當

云

六歲,此云十歲,疑有誤。

- 辛 辛丑配 南郊 「辛丑」各本作「辛巳」,據局本及南史改。 按是年正月己亥朔, 無辛巳, 初三日
- 맫 虜將達奚卬破金墉進圍虎牢 按據魏書奚斤傳, 圍虎牢者爲奚斤,斤本姓達奚氏。 「卬」當是

「斤」字之譌。

- 左 拓跋木 前 後不 末叉遺安平公涉歸寇青州 致。 「安平公」各本作「平安公」, 拓跋木末卽魏主拓跋嗣。 今從局本。 按索麡傳:「景平元年,房遺安平 本卷後又稱嗣。 蓋所採雜 凝異,故 公涉 歸
- 幡 能 健 東擊青州 。」涉 歸 幡 能 健 即叔孫 建、魏書 有傳,魏道武 時,會賜 爵安平公。
- 六 山 庚 辰 張熘 讀史舉正 云:「二月丁丑、庚辰書辛未前 誤。」按張說是。 二月戊辰朔,初四 日辛未,

本

紀

第

四

校

勘記

初十日丁丑,十三日庚辰,辛未不當在庚辰後。

一七 七 七 爵蒙遜為驃騎大將軍 大沮渠蒙遜 改爲 車騎大將軍。 各本皆無「驃騎」二字。 則各本並奪「驃騎」二字。 按本書文帝紀,元嘉二年,驃騎大將軍凉州牧 今據南史補

[C] 富陽人孫法光反 「孫法光」,褚叔度傳作「孫法亮」。

ハ た し 會稽太守褚淡之遣山陰令陸劭討敗之 爲褚淡之,「談」蓋「淡」之形譌。 按南北朝人名後之「之」字,有時可以省去。 「褚淡之」各本並作「褚談」,據褚叔度傳, 今仍改「談」作 時 會稽太守

「淡」,並補「之」字。

殺虜潁川太守庾龍 「潁川」各本並作「潁州」,據劉粹傳改。

[11] 以旱詔赦五歲刑以下罪人《各本並脫「刑」字,據南史補。

十二月丙寅 按景平元年十二月癸巳朔,無丙 寅

(宋略、建康實錄作「正月癸巳朔」、南史宋本紀作「二月己卯朔」。 二年春二月癸巳朔日有蝕之 「二月癸巳朔」,局本同,宋本、北監本、毛本、殿本、通鑑考異引 按陳垣朔閏表, 景平二年正月

癸亥朔,二月壬辰朔。 九日,作二月壬辰朔者,蓋後 查正月無癸巳,癸巳爲二月初二日。 人定朔有誤。 宋書五行志作「二月癸巳朔」 然日蝕當在朔 百一 今改從 是年正 局 月祇 本。

乙未以皇弟義恭爲冠軍將軍南豫州刺史乙巳大風 按陳垣朔閏表景平二年正月癸亥朔, 是月

江州刺史王弘南兗州刺史檀道濟入朝 各本並作「江州刺史檀道 濟、 揚州刺史王弘入朝」。

}建

康實錄作「江州刺史王弘、南兗州刺史檀道濟來朝」,是,今據改。 時道濟爲南兗州刺史、非江州、弘爲江州刺史、非揚州也。 揚州治輦下, 錢大昕廿二史考異 時以司空徐羨之領之。 云:「按是

紀所書皆誤。」

二 西將軍宜都王至 撫心摧塞 各本並脱,今據远龜一八八補。

二十二 始徐羨之傅亮將廢帝至時年十九 此段宋本已有脫葉。 北監本、 毛本、殿本、局本據南史補。

今仍錄 存。 徐羨之、傅亮、檀道濟、謝晦等入雲龍門至華林園廢少帝一段,又見沈約宋書徐羨之

}傳 中。 天淵池 ,各本作天泉池,蓋據李延壽南史,乃避唐諱。 今仍據沈約宋書徐羨之傳改爲天

淵池。

其難乎哉 各本並脫此一行,僅涵芬樓影印百衲本所據之宋本,有此殘葉。蓋卽本卷史臣曰之

殘存結尾語。

本紀第五

將進路,板上行冠軍將軍留守。 難,上年四歲,高祖使諮議參軍劉粹輔上鎭京城。十一年,封彭城縣公。 秦 四 史,持節 如 五 那諸 7, 幷前 故。 寸,博涉經史,善隸 太祖文皇帝諱義隆,小字車兒,武帝第三子也。 軍事、 關中平定,高祖還彭城,又授監司州豫州之淮西兗州之陳留諸軍事、前將軍、司州 七州。 如故、將鎮洛陽。 西中郎將、荆州刺史,持節 進號鎮 書。 西 將軍,給鼓吹一 仍改授都督荆益 晉朝加授使持節、監徐克青冀四州諸軍事、徐州刺史,將 部。 如故。 寧雍梁秦六州豫州之河南廣平揚州之義成松 又進督湘州。 永初元年,封宜都王,食邑三千戶。 晉安帝義熙三年,生於京口。 是歲入朝。 時年十四。 高祖伐羌至彭城, 進督 盧循之 長七尺

北

滋

刺

本

紀 第

五.

文

帝

諸 酄 永 聞 復 擊 稷 德 祥 距 郎 員 臣 門, 一 歸 集休 ,股肱忠賢,故能 雑 陽 將 琇 陵 中 外 以 散 朝 上答曰 沓 縣 景平二 寍. 夷 臣 、散騎常侍臣嶷之、中書監尚書令護軍將軍建城縣公臣亮、左衞將軍臣景仁、給事 軍 庭, ', 有 明之運, 袁洵 騎 龍 侯 依 符瑞 主 臣 侍 鄕 展哀 室 宮省,上不許。 生 年七月中,少帝廢。 三皇運 等上表曰「臣聞否泰相 孫 郞 縣侯臣隆、越騎校尉都亭侯臣綱、給事黃門侍郎臣孔璩之、散騎 㸌 獲 製 臣 康 陵寢,幷與賢 煇。 义。 晦,九服之命,靡所適歸 再覩太平之業。 (、吏部 潘盛、 (休否以泰,天人式序。 艱 宗廟 伏惟陛下 弊,數鍾 、中書侍郎 郎中騎都尉 神靈, 甲戌,發江陵。 (彦申 屯 君德自然, 乃眷 夷, 臣何尚之、羽林監封 行臺 百官備法駕奉迎,入奉 寫 臣 仰惟 所懷 西顧 革, 數窮 張茂度、儀曹郎中臣徐長琳、倉部郎中臣庾俊之、都官 至 高祖 止 聖明 萬 崇基, 感 猥 八月丙申,車駕至京城。〔〕丁酉,謁初寧陵,還於 望 瞻望 以 邦黎獻 則變, 一體其心 在御、孝悌著於家 之業,將 た不 德 尋 城 一。膠降 闕,不 天道所 國 ,望景託 陽 墜于 故, 勿 皇統。 縣 爲辭費。」 大命 勝喜 開 永 地。 以不蹈,卜世 生。 國侯 慕 顧 說 厥 行臺至江陵, 賴 邦,風猷宣於 臣等忝 臣蕭 躬, 鳧藻之情, 一府州 己兢 基厚德深, 悲 思話、長兼尚書左 悸,何 佐 所以 慨 荷 史並 一交集。 朝 侍郎臣劉思考、 靈長。 以克 蕃 進璽紱。 謹 列 人神 稱臣,請 牧。 計 豫 堪 賴 門 同 充將 是以 乃者 七 拜 獎, 侍 題勝 表 輒 百 徴 丞 當 祚 以 社 運

中堂卽皇帝位。

義宣 義之爲 王 濟 禄 揚 復 州 義 大夫、開府 收。 進 號征 爲 康 刺 元 豫 竟陵王, 進 嘉 史徐羡之進位司徒,衞將軍 庚子,以行 州刺 號驃騎將軍,冠軍將軍、 北將軍。 元年秋八月丁酉,大赦天下,改景平二年爲元嘉元年。文武 儀同三司, 史,南蠻校尉到彦之爲中領軍。 第七皇弟義季為 撫軍將軍 甲辰,追尊所生胡婕妤爲皇太后,諡曰章后。 撫軍將軍、荆州刺史謝晦進號衞將軍,鎭北將軍 、荆州刺史謝晦爲撫軍將軍 衡陽王。 南豫州刺史義恭進號撫軍將軍,封江夏王。 、江州刺史王弘進位 戊申,以豫州刺 己酉、減荆、湘二州今年稅布之半。 荆州刺 司空,中書監 史劉粹爲雍州刺史,驍騎將軍管 史。 衞將軍、 賜位二等,逋 癸卯,司空、錄尚 、護軍將軍傅亮加左 、南兗州 南徐州 立第六皇弟 刺 租宿 刺史彭 史檀 ."書事 債勿 城 光 道

二年 春正 月丙寅,司徒徐羨之、尚書令傅亮奉表歸政,上始親覽。辛未,車駕祠南郊,至己

大赦天下。

九

(月丙子, 立妃袁氏爲皇后。

夏五月戊寅,特進謝澹卒。三月乙丑,左將軍、徐州刺史王仲德進號安北將軍。

本紀第五 文帝

史彭 城王 秋八 義 月甲申,以關中流民出漢川,置京兆、扶風、馮翊等郡。 康 爲開 府儀同三司,新除司空王弘 爲車騎大將軍、開府儀同三司,以右軍長史 乙酉,驃騎將軍、南徐州 刺

江恒 一爲廣 州 刺 史。

冬十一月癸酉,以前將軍楊玄爲征西將軍、北秦州刺史。

州刺史彭 亮,有罪伏誅。 赦天下。 已,以前護軍將軍趙倫 三年春正月丙寅,司徒、錄尚書事、揚州刺史徐羨之,尚書令、護軍將軍、左光祿大夫傅 丁卯,以車騎大將軍 城王 義康改為荆州刺 遣中領 之爲鎭軍 軍到彦之、 、江州刺史王弘爲司徒、錄尚書事、揚州 史,撫軍將軍 將 征北 軍 將軍 檀道濟 、南豫州刺史江夏王義恭改爲南徐州刺史。 計荆州刺 史謝晦, 刺史,驃騎將軍、南 上親率六師 西征。

徐

大

閏月丙戌,皇子劭 生

車駕 守 鄭鮮之爲 發京 月乙卯,繫囚 師。 尙 書右 戊辰,到彥之、檀道濟大破謝晦於隱磯。 僕射。 見徒,一 建安 皆 太守潘 原赦。 盛 戊午,以金紫光祿 有罪伏 珠。[三] 庚申, 丙子,車駕自蕪湖 大夫王敬弘 特進 范 爲 泰 尚書左僕射 加 反旋。 光 禄 大夫。 己卯, 豫章太 是日 擒晦

於延頭,送京師伏誅

三月辛巳,車駕還宮。

其高年、鰥寡、幼孤、六疾不能自存者,可與郡縣優量賑給。 博採輿誦,廣納嘉謀,務盡銜命 良,閨蓽一介之善,詳悉列奏,勿或有遺。 忘飡。 今氛祲袪蕩,字內寧晏, 旌賢弘化, 於是乎始。 之旨,俾若朕親覽焉。」丙午,車駕臨延賢堂聽訟。 昧旦,願言傅巖,發想宵寐,而丘園之秀,藏器未臻,物情民隱,尙隔視聽。 情偽必審,幽遐罔滯,王澤無擁,九皐有聞者也。 沮渠蒙遜改爲車騎大將軍。 爲 南豫州刺史。 夏五月乙未,以征 戊戌,以後將軍長沙王義欣爲南兗州刺史。 北將軍、南兗州刺史檀道濟爲征南大將軍、江州刺史,中領軍到彦之 韶曰:「夫哲王宰世,廣達 若刑獄不卹,政治乖謬,傷民害敎者,具以事聞。 **股以寡薄,猥纂洪緒。** 迎聰, 可遣大使巡行四方。 **獨巡嶽省方,採風觀** 乙巳, 驃騎大將軍、涼州牧大 雖永念治道, 乃眷區域,輟寢 其宰守稱職之 政。 志存 所以

丙子,又聽訟。 六月己未,以鎭軍將軍趙倫之爲左光祿大夫、領軍將軍。 丙寅,車駕又於延賢堂聽訟。 以右衛王華爲中護軍。

刺史。己亥,以南蠻校尉劉遵考爲雍州刺史。 冬十一月戊寅,以梁、南秦二州刺史吉翰爲益州刺史,驃騎參軍劉道產爲梁、南秦二州

十二月癸丑,以中書侍郎蕭思話爲靑州刺史。 壬戌,前吳郡太守徐佩之謀反,及黨與

本

·第 五

文帝

朱 書 卷

四年春正月乙亥朔,曲赦都邑百里內。 辛巳,車駕親祠南郊。

二月乙卯,行幸丹徒,謁京陵。

原遣,登城三戰及大將家,隨宜隱卹。」丁亥,車駕還宮。 元氏,況情義二三,有兼曩日。思播遺澤,酬慰士民。其蠲此縣今年租布,五歲刑以下皆悉 三月丙子,詔曰:「丹徒桑梓綢繆,大業攸始,踐境永懷,觸感罔極。 戊子,尚書右僕射鄭鮮之卒。 昔漢章南巡,加恩

寅,禁斷夏至日五絲命縷之屬,富陽令諸葛闡之之議也。

夏四月庚戌,以廷尉王徽之爲交州刺史。

五 月壬午,中護軍王華卒。 京師疾疫,甲午,遣使存問,給醫藥,死者若無家屬,賜以

棺器。

六月癸卯朔,日有蝕之。 庚申,以金紫光祿大夫殷穆爲護軍將軍。

惟憂。 五 年春 加頃陰陽違序,旱疫成患,仰惟災戒,責深在予。 (正月乙亥,詔曰:「朕恭承洪業,臨饗四海,風化未弘,治道多昧,求之人事,鑒寐 思所以側身剋念,議獄詳刑,上答

天譴 ,下恤民瘼。 羣后百司,其各獻讜言,指陳得失,勿有所諱。」甲申,車駕臨玄武館閱武。

戊子,京邑大火,遣使巡慰賑賜。

夏四月己亥,以南蠻校尉蕭摹之爲湘州刺史。 戊午,以始興太守徐豁爲廣州 刺

五月己卯,以湘州刺史張邵爲雍州刺史。

六月庚戌,司徒王弘降爲衞 將 軍 、開府儀 同 三司。 京邑大水,乙卯,四遺使檢行賑贍。

以江夏內史程道惠爲廣州刺史。

秋八月壬戌,特進、左光祿大夫范泰卒。

冬十月甲辰,車駕於延賢堂聽訟。

十二月庚寅,左 閨 月癸未,以 右 光祿 軍 司 馬劉德武為豫州 大夫、領 軍 將軍趙倫之卒。 刺史。 辛卯,安陸公相周籍之爲寧州刺

是歲,天竺國遣使獻方物。

六年春正月辛丑,車駕親 祠南郊。 癸丑,以驃騎將軍 荊州刺 史彭 城王義康爲 司 徒、錄

尚書事,領平北將軍、南徐州刺史。(E)

本紀

第五

文

帝

月丁 已,立皇子砌爲皇太子。 戊午,大赦天下,賜文武位一 等。 辛酉,以左衞將軍殷

七七

5 1 :9

景仁爲中領軍。

夏四 月癸亥,以尚書左僕射王敬弘爲尚書令,丹陽尹臨川王義慶爲尚書左僕射, 吏部

尚書江夷爲尚書右僕射。

五 月壬辰朔,日有蝕之。 癸巳,以新除尚書令王敬弘爲特進、左光祿大夫。 甲午,以撫

軍司馬劉道濟爲益州刺史。乙卯,於雍州置馮翊郡。

七月己酉,以尚書左丞孔默之爲廣州刺史。 是月,百濟王遣使獻方物。

九月戊午,於秦州置隴西、宋康二郡。

冬十月壬申,中領軍殷景仁丁艱去職。

十一月己丑朔,日有蝕之。

十二月丁亥,河南國、河西王遣使獻方物。「台

七年春正月癸巳,以吐谷渾慕容璝爲征西將 軍、沙州刺史。 是月,倭國 王遣使獻 方物。

甲寅,以前中領軍殷景仁 三月戊子,遣右將軍 到彦 爲 領軍 之北伐,水軍入河。 將 軍 甲午,以前征虜司馬尹沖爲 河州刺 史。至

夏四月癸未,訶羅單國遣使獻方物。

六月己卯,以冠軍將軍氏楊難當爲秦州刺史。

戊戌,索虜滑臺戍 秋七月戊子,索虜 棄城 碻 走。 破 戍 甲寅 棄 水城走。 ,林邑國 丙 河河 申,以平北諮議參軍 羅 陁國 師 子 國遣使獻方 甄 法護爲梁、南 物 秦二州 刺

冬十月甲寅,罷南豫 州弁 豫 州 以左將軍竟陵 王 義宣爲徐州刺 史。 戊午, 立錢署,

四銖錢。戊寅,金墉城爲索虜所陷。

月癸未,虎牢城復爲索虜所陷。 壬辰, 遺征南大將軍檀道濟北討, 右將 軍 到彦之

自滑臺奔退。

亥,京邑火,延燒太社 十二月辛酉,以南兗州刺史長沙王 北牆。 兗州刺史竺靈秀有罪伏誅 義欣為豫州 刺史, 司徒司馬吉翰為司州 刺

八 年春 正月庚寅,於交州 復立珠崖郡。 癸巳,以左軍將軍申宣爲兗州 刺 酉, 征

南大將軍檀道濟破索虜於東平壽張。〔<〕

酉, 滑臺為索虜所陷。 月乙卯, 以平北 癸酉,征南大將軍檀道濟引軍還。 司 馬韋朗 爲青 州刺 史。 戊午, 以尚 書右僕射江 丁丑,青州刺史蕭思話棄城走。 夷爲湘 州 刺 史。 辛

本紀第五 文帝

以太子右

衞

率劉

遵考爲南兗州刺史。

月甲申,車駕於延賢堂聽訟。 戊申,詔曰:「自頃軍役殷興,國用增廣, 資儲不給,百

度尙繁。 宜存 :簡約,以應事實。 內外可通共詳思,務令節儉。」

夏四月甲寅,以衡陽王師阮萬齡爲湘州刺史。 乙卯,以後軍參軍徐遵之爲兗州刺史。

六月乙丑,大赦天下。己卯,割江南及揚州晉陵郡屬南徐州,江北屬兗州。 以徐州刺

史竟陵王義宣爲南兗州刺史,司徒司馬吉翰爲徐州刺史。

閨 月庚子,詔曰「自頃農桑惰業,遊食者衆,荒萊不闢,督課無聞。 一時水旱,便有罄

使肆力、地無遺利、耕蠶樹藝,各盡其力。 匱, 苟不深存務本, [元] 豐給靡因。 郡守賦政方畿,縣宰親民之主、宜思獎訓,導以良規。咸 若有力田殊衆,歲竟條名列上。」揚州旱。

乙巳,

遣侍御史省獄訟,申調役。丙午,以左軍諮議參軍劉道產爲雍州刺 史。

秋 八月甲辰,臨川王義慶解尚書僕射。 丁未,割豫州秦郡屬南兗州

冬十二月,罷湘州還幷荆 州

九 年春三月庚戌,衞將軍王弘進位太保,加中書監。 1 已,征南大將軍、江州刺史擅道

濟 進位司

夏四月乙亥,以護軍將軍殷穆爲特進、右光祿大夫,建昌縣公到彥之爲護軍將軍

五. 月壬 申, 中書監、錄尚書事、衞將軍、揚州刺史王弘薨

交、廣 爲 儀 刺 未,以征 爲平 史彭 中 同 史氐楊 東將 書 $\stackrel{\cdot}{\equiv}$ 城 六 ()境域 監 司 月甲戌 Ŧ. 西 難當 義 南兗州 軍 將軍、沙州 中軍將 幽遐,治宜物情,或多 ,[10]吐谷渾拾虔爲 康 改領揚州 加號征 ,以左軍諮議參軍申宣 軍、征 刺 史,前將軍 西 刺 刺史。 虜將軍 將 史吐谷渾慕容璝為征 軍 己卯,以司 · 衡陽王 臨 壬寅, 平北將軍, 吐谷渾輝伐 川王 偏 擁。 爲青州 以撫軍 義季 義慶 可 徒參軍崔 更遣· 爲 爲平西 刺史。 將軍、 南徐州 西 大 大使,巡求 將軍 、將軍 荆州 諲 分青州置 刺 為冀州 爲 一、荆州 、西秦 史。 刺史江 鎭 民瘼。」 軍 刺 冀州。 河 刺 將 史,南兗州 史。 軍。三三癸未,詔 夏王義 州 置積射、强弩將軍官。 刺 戊寅, 壬午,以吐谷渾慕容延 史、隴 恭 為征北將 刺 司徒、 史竟陵王 西王。 日:「益、 南 軍 徐 北 義宣 開 州 州 府 刺

僕射,太子 秋 七月戊辰,以尚書王仲德爲鎭 詹事 劉 湛 爲 領 軍 將軍。 壬申 北將軍 河南 徐州 國、 泂 刺 西 史。 王遣使獻方物。日司 庚午, 以領 軍將軍殷景仁為 尙 書

九月,妖賊趙廣寇益州,陷沒郡縣,州府討平之。

冬十一月壬子,以 少府 甄 法崇爲 益 州 刺 史。 癸丑,於廣州立宋康

十二月甲戌,以右軍參軍李秀之爲交州 刺史。 庚寅, 立第五皇子紹爲廬陵王,江夏王

義恭子朗爲南豐縣王。

本

紀

第

H.

文

帝

史,淮南太守段宏爲靑州刺史。己未,大赦天下。 年春正月甲寅,竟陵王義宣改封南譙王。 鎭北將軍、 孤老、六疾不能自存者,人賜穀五斛。 徐州刺史王仲德 加領 兗州刺 後

將軍、豫州刺史長沙王義欣進號鎭軍將軍

夏四月戊戌,青州刺史段宏加冀州刺史。

封陽縣侯蕭思話爲梁、南秦二州刺史。

五月,林邑王遣使獻 方物。

六月乙亥,以前青州 刺史韋朗爲廣州刺史。 閣婆州訶羅單國遣使獻方物。

秋七月戊戌,曲赦益、梁、秦三州。 於益州立宋寧、宋興二郡。

八月丁丑,於 青州立太原郡。 辛巳,護軍將軍到彦之卒。

冬十一月,氐楊難當寇漢川。 丁未,梁州刺史甄法護棄城走,難當據有梁州

十一年春正月,亡命馬大玄羣黨數百人寇泰山,口三州郡討平之。

二月癸酉,以交阯太守李耽之爲交州刺 史。

夏四月、梁、秦二州刺史蕭思話破氐楊難當、梁州平。

五 月丁卯, 曲赦梁、南秦二州劍閣北。 戊寅,以大沮渠茂虔爲征西大將軍、凉州刺史。

是月,京邑大水。

六月丁未,省魏郡。

是歲,林邑國、扶南國、訶羅單國遣使獻方物。

十二年春正月辛酉,大赦天下。辛未,車駕親祠南郊。 癸酉,封黃龍國主馮弘爲燕王。

夏四月乙酉,[四]尚書僕射殷景仁加中護軍。 丙辰,韶曰:「周宗以寧,實由多 士,漢室

朝,永懷前載,慚德深矣。 之隆,亦資得人。 **股寐寤樂賢,爲日已久,而則哲難階,明揚莫効。** 夫舉爾所知,宣尼之篤訓,貢士任官,先代之成准。 用令遺才在野,管庫虛 便可宣敕內

外,各有薦舉。 當依方銓引,以觀厥用。」是夜,京都地震。

米數百萬斛賜五郡遭水民。 六月、丹陽、淮南、吳興、義興大水,京邑乘船。 是月,斷酒。 師子國遣使獻方物。 己酉,以徐豫南兗三州、會稽宣城

郡

秋七月辛酉、日思閣婆娑達國、扶南國並遣使獻方物。

八月壬申,於益州立南晉壽、南新巴、北巴西三郡。曰以乙亥,原遭水郡諸逋負。

九月,蜀郡賊張尋爲寇。

冬十一月,以右軍行參軍苟道覆爲交州刺史。

紀第五

文

十三年春正月癸丑,上有疾,不朝會。

三月己未,司空、江州刺史檀道濟有罪伏誅。 庚申,大赦天下。 以中軍將軍南譙王義

宣爲鎭南將軍、江州刺史。

夏五月戊辰,鎭北將軍、徐克二州刺史王仲德進號鎭北大將軍。 庚辰,以征北司馬汪

方俳爲兗州刺史。

六月,高麗國、武都王遣使獻方物。

秋七月己未,零陵王太妃薨。追崇爲晉皇后,葬以晉禮。

八月庚寅,尚書僕射、中護軍殷景仁改爲護軍將軍。

九月癸丑,立第二皇子濬爲始興王,第三皇子駿爲武陵王。

四年春正月辛卯,車駕親祠南郊,大赦天下。 文武賜位一等; 孤老、六疾不能自存

者,人賜穀五斛。

一月壬子,以步兵校尉劉眞道爲梁、南秦二州刺史。日記

夏四月丁未,以輔國將軍周籍之爲益州刺史。

秋 八月戊午,以尚書金部郎中徐森之爲交州 刺史。

冬十二月辛酉,停賀雪。 河南國、河西王、訶羅單國 並遣使獻方物。

十五年春二月丁未,以平東將軍吐谷渾慕容延 爲鎭西將軍、秦河二州 刺史。

夏四月甲辰,燕王弘遣使獻方物。日立立皇太子妃殷氏,賜王公以下各有差。 己巳,以

倭 國 王珍爲安東將軍

五. 月己丑,特進、右光祿大夫殷穆卒。 辛卯, 鎭北大將軍、 徐州刺史王仲德卒。

以 右衞將軍劉遵考爲徐、克二州刺史。

秋七月辛未,地震。甲戌,以陳、南頓二郡太守徐循爲寧州

八月辛丑,以左衞將軍趙伯符爲徐、克二州刺史。甲寅,以始興內史陸徽爲廣州刺史。

刺史。

丁巳,以兗州刺史王方俳爲靑、冀二州刺史。

是歲,武都王、河南國、高麗國、倭國、扶南國、林邑國並遣使獻方物。

位大將軍,領司徒,餘如故。 十六年春正月戊寅,車駕於北郊閱武。庚寅,司徒、錄尚書事、揚州刺史彭城王義康進 征北將軍、開府儀同三司、南兗州刺史江夏王義恭進位司空,

本 紀 第 五

文 帝

刺 史如故。 特進、左光祿大夫王敬弘開府儀同三司。 癸巳,復分荆州置湘州

州 刺 史。 二月己亥,以南徐州 癸亥,割梁州之巴西 刺史衡陽王義季爲安西將軍、荆州刺 梓潼南岩渠南漢 中 南秦州 之南安懷 史。 寧凡六郡,[10] 1 未, 以始 興王濬 屬盆州。 爲湘

分長沙江夏郡立巴陵郡、屬湘州。

臨 JII 王 夏四月丁巳, 一義慶 爲衞將軍 以鎭南 丁江州 將軍、 刺史。 江州刺史南譙王義宣爲征北將軍、南徐州 刺史。 平西將 軍

六月己 酉, 隴 西 吐谷渾慕容延改封河南 癸丑,以 吐谷渾拾寅爲平西將軍,吐谷渾

繁暱爲撫軍將軍。

秋八月庚子,立第四皇子鱳爲南平王。

卯,以左 閨 月 衞 乙未, 將軍 劉遵考為 鎭 軍將軍 豫州刺 一、豫州 刺 史。 史長 戊 沙 申 主 , 以湘州 義欣薨。 刺 史始 戊戌, 興王濬爲南豫州 復分豫州之淮南為南 刺 史, 武陵王 豫 州 駿 癸

爲湘州刺史。

冬十二月乙亥,皇太子冠,大赦天下。

是歲,武都王、河南王、林邑國、高麗國並遣使獻方物。

十七年夏四月戊午朔,日有蝕之。

五月癸巳,領軍將軍劉湛母憂去職。

秋七月壬寅,以征虜諮議參軍杜驥爲青州刺史。 壬子,皇后袁氏崩。

八月,徐、虎、靑、冀四州大水,己未,遣使檢行賑卹。

九月壬子,葬元皇后於長寧陵。

王 領 義恭 司 `徒、錄尙書、揚州刺史彭城王義康爲江州刺史,大將軍如故。 以司空、南兗州刺史江夏 冬十月戊午,前丹陽尹劉湛有罪,及同黨伏誅。 爲司徒、錄尙書事。戊寅,衞將軍臨川王義慶以本號爲南兗州刺史,尙書僕射、護軍 大赦天下,文武賜爵一級。 以大將軍、

將軍殷景仁爲揚州刺史,僕射如故。

書僕射 利,猶 有不 有不收處,行一都原之。 給 揚 便,即 、南徐二州百 十一月丙戌,以尙 ;或禁斷,役召之品,遂及稚弱。 揚州 依 事 刺史殷景仁卒。 別言,不得苟趣一 1姓田 糧種子,院、兩豫、靑、徐諸州比 :書劉義融爲領軍將軍,祕書監除湛之爲中護軍。丁亥,詔曰:「前所 凡諸逋債,優量 時,以乖隱卹之旨。 諸如 中減。 此比,傷治 叉 州 郡 害民。 年所寬租穀應督入者,悉除半。 主者明加宣下,稱朕意焉。」癸丑,尚 估 税,所在 自今咸依法令, 務盡優允。 市調,多有 煩 刻。 山澤之 今年 如

本紀

十二月癸亥, 以光祿大夫王球爲尚書僕射。三三戊辰, 以南豫州刺史始興王濬爲揚州

刺 史,湘州刺史武陵王駿爲南豫州刺史,南平王鑠爲湘州刺史。

是歲,武都王、河南王、百濟國遣使獻方物。

十八年春二月乙卯,以豫章太守庾登之爲江州刺史。

夏五 月壬午,四三衛將軍南兗州刺史臨 川王義 慶、征北將軍南徐州刺史南譙王義宣並

府儀同三司。 癸巳,於交州置宋熙郡。 是月,沔水泛溢

開

六月戊辰,遣使巡行賑贍。辛未,領軍將軍劉義融卒。

秋七月戊戌,以徐、克二州刺史趙伯符爲領軍將軍。

冬十月辛亥,以巴東、建平二郡太守臧質爲徐、克二州刺 史。 乙卯,省南徐州之南燕

濮陽、南廣平郡。

十一月戊子,尚書僕射王球卒。〔回〕己亥,以丹陽 尹孟顗爲尚 書僕射。

氐楊難當 又寇漢川。 十二月癸亥,遣龍 **職將軍** 裴方明 與梁、 秦二州刺史劉眞道討之。

是月,三三 晉寧太守爨松子 反叛,寧州 刺史徐 循 討 平之。

是歲、肅特國、高麗國、蘇靡黎國、林邑國並遣使獻 方物。

德,崇以四術,用能納諸義方,致之軌度。盛王聖世,CIKJ咸必由之。 十九年正月乙巳,詔曰:「夫所因者本,聖哲之遠教,本立化成,敦學之爲貴。 永初受命,憲章弘遠, 故詔以三

烈。 將陶鈞庶品,混一殊風,有詔典司,大啓庠序,而頻遘屯夷,未及修建。 今方隅乂寧,戎夏慕嚮,廣訓胄子,實維時務。 便可式遵成規,闡揚景業。」

永瞻前猷,思敷鴻

夏四月甲戌,以久疾愈,始奉汭祠,曰己大赦天下。

五月庚寅、梁秦二州刺史劉眞道、龍驤將軍裴方明破氐楊難當,仇池平。

閏月,京邑雨水;丁巳,遣使巡行賑卹。

六月壬午,以大沮渠無諱爲征西大將軍、涼州刺史。

秋七月, 以梁、 秦二州刺史劉眞道爲雍州刺史,龍驤將軍裴方明爲梁、南秦二州刺史。

甲戌晦,日有蝕之。

冬十月甲申,芮芮國遣使獻方物。 己亥,以晉寧太守周萬歲爲寧州刺史。

亂,黌校殘毁,幷下魯郡修復學舍,採召生徒。 奉聖之胤,可速議繼襲。於先廟地,特爲營造,依舊給 十二月丙申,詔曰:「胄子始集,學業方興。自微言泯絕,逝將千祀, 昔之賢哲及一介之善,猶或衞其丘壟,禁其 祠置令,四時饗祀。 感事思人, 意有慨 闕里往 經寇

芻牧,況尼父德表生民,功被百代,而墳塋荒蕪,荆棘弗翦。 可蠲墓側數戶, 以掌洒掃。」魯

郡 上民孔景等五戶居近孔子墓側,蠲其課役,供給洒掃,幷種松栢六百株

是歲,婆皇國遣使獻方物。

二十年春正月,於臺城東西開萬春、千秋二門。

月甲戌,江州 刺史庾登之爲 中護軍。庚申、江云 以廬陵王紹爲江州刺史。仇池爲索虜

所沒。甲申,車駕於白下閱武。

三月辛亥,安西將軍、荆州刺史衡陽王義季進號征西大將軍。 以巴西、梓潼一 郡太守

申坦爲梁、南秦二州刺史。

夏四月甲午,立第六皇子誕爲廣陵王。

五月癸丑,中護軍庾登之卒。

秋七月癸丑,以楊文德爲征西將軍、北秦州刺史,封武都王。 辛酉,以南蠻校尉蕭思話

爲雍州刺史。甲子,前雍州刺史劉眞道、梁南秦二州刺史裴方明有罪,下獄死 八月癸未,以廷尉陶愍祖爲廣州刺史。

冬十二月庚午,以始興內史檀和之爲交州刺史。 壬午,詔曰:「國以民爲本,民以食爲

宰守微化導之方,萌庶忘勤分之義。 滋殖,庸可致乎。 觀察能殿,嚴加黜陟。 則 人 懷愁墊,歲或不稔,而病乏比室。 故一夫輟稼,饑者必及。倉廩旣實,禮節以興。自頃在所貧罄,家無宿積。 有司 古者躬耕帝籍,敬供粢盛,仰瞻前王, 其班宣舊條、務盡敦課。 永言弘濟,明發載懷。 誠由政德弗孚,以臻斯弊,抑亦耕桑未廣,地利多遺。 遊食之徒,咸令附業,考覈勤惰,行其誅賞, 雖制令亟下,終莫懲勸,而 思遵令典。 便可量處千畝,考 賦役暫偏, 坐望

是歲,河西國、高麗國、百濟國、倭國並遣使獻方物。

朕當親率百辟,致禮郊甸,庶幾誠素,將被斯民。」

ト元辰。

是歲,諸州郡水旱傷稼,民大饑。 遣使開倉賑卹,給賜糧 種。

欲附農,而種糧匱乏者,並加給貸。 在十九年以前,一切原除。 二十一年春正月己亥,南徐、南豫州、 辛酉,以太子詹事劉義宗爲南兗州刺史。 去歲失收者,疇量申減。 營千畝諸統司役人,賜布各有差。 揚州之浙江西,行己並禁酒。 尤弊之處,遺使就郡縣 戊午,衞將軍臨川 大赦天下。 隨宜 賑 卹。 諸逋 債 凡

尉,領司徒。 二月庚午,以領軍將軍趙伯符爲豫州刺史。 庚寅,以右衞將軍沈演之爲中領軍。 己丑,司徒、錄尚書事 辛卯,立第七皇子宏爲建平王。 江夏王義恭進位 甲午,以

:

廣陵王誕爲南兗州刺史。

夏四月,晉陵延陵民徐耕以米千斛助卹饑民

五月壬戌,以尚書何尚之爲中護軍,諮議參軍劉道錫爲廣州刺 史。

六月,連雨水。 丁亥、詔曰:「霖雨彌日、水潦爲患,百姓積儉、易致乏匱。 二縣官長及

營署部司,各隨統檢實,給其柴米,必使周悉。」

民間 地 屬 利, 郡 詔曰:「比年穀稼傷損,淫亢成災,亦由播殖之宜,尚有未盡。 專務陸作,可符二鎭,履行舊陂,相率修立,幷課墾闢,使及來年。 ,自今悉督種 秋七月丁酉,揚州刺史始興王濬加中軍將軍,南豫州刺史武陵王駿加撫軍將軍。〔三〕乙 勸導播殖,蠶桑麻紵,各盡其方,不得但奉行公文而已。」 麥,以助闕乏。速運彭城下邳郡見種,委刺史貸給。 南徐、党、豫及揚州浙江 凡諸州郡,皆令盡勤 徐、豫土多稻 田 而 . 西

史,征北將軍、南徐州刺史南譙王義宣爲車騎將軍、荆州刺史。「三」南兗州刺史廣陵王誕爲 月戊辰,征西大將軍、荆州刺史衡陽王義季爲征北大將軍、開府儀同三司、南兗州刺

南徐州刺史。

九 月甲辰,以大沮渠安周爲征西將軍、凉州刺史,封河西王。

冬十月己卯,以左軍將軍徐瓊爲兗州刺史,大將軍參軍申恬爲冀州刺史。

一十二年春正月辛卯朔,改用御史中丞何承天元嘉新曆。 壬辰, 撫軍將軍 、南豫州 刺

史武 陵王駿改為雍州刺 史,湘 州 刺 史南 平王鑠爲南 豫州 刺 史。

月辛巳,以侍 中 王僧朗爲湘 州 刺史。 甲戌,立第八皇子禪爲東海王,第九皇子昶

義陽王。

夏六月辛亥,以南豫州刺史南平王鱳爲豫州刺史。

秋七月己未,以 尚書僕 射 孟 顗 爲 尙 書左僕射,中護軍何尚之爲尚書右僕射。 雍州 刺史

陵王 駿 討緣 沔 蠻 移 萬 四 千餘 口 於京師。 乙酉,征北大將軍、南兗州刺 史衡陽王 義

改爲徐州刺史。

武

九月己未,至三開酒禁。

冬十月,起湖熟廢田千頃。

十二月乙未,太子 詹事 范 曄謀 反,及 黨 與皆伏誅。 1 一酉,免大將軍彭城王義康爲庶人。

庚戌,以前豫州刺史趙伯符爲護軍將軍。

春 正月丁巳,以長沙內史陸徽爲益州刺史。 庚申,尚書左僕射孟顗 去 遷

本

紀

第

漢川流民於沔次。[計]

二月癸卯,以左衞將軍劉義賓爲南兗州刺史。

三月,索虜寇兗、豫,靑、冀刺史申恬破之。

夏四月丁未,大赦天下。

六月癸未朔,日有蝕之。
交州刺史檀和之伐林邑國,剋之。

秋七月辛未,以散騎常侍杜坦爲青州刺史。

八月癸卯,揭陽赭賊攻建安郡,燔燒城府。

九月己卯,車駕幸國子學,策試諸生,答問凡五十九人。

泗,永懷在昔。 冬十月戊子,詔曰:「庠序興立累載,胄子肄業有成。近親策試,覩濟濟之美,緬想洙、 諸生答問,多可採覽。教授之官,並宜沾賚。」賜帛各有差。

十二月丁酉,以龍驤司馬蕭景憲爲交州刺史。

是歲,大有年。築北堤,立玄武湖,築景陽山於華林園。

一十四年春正月甲戌,大赦天下,文武賜位一等。繫囚降宥,諸逋負寬減各有差。 蠲建康、秣陵二縣今年田租之半。 孤

老、六疾不能自存,人賜穀五斛。

九四

三月壬申,護軍將軍趙伯符遷職。

夏五月甲戌,青州刺史杜坦加冀州刺史。

六月,京邑疫癘,丙戌,使郡縣及營署部司,普加履行,給以醫藥。 是月,以貨貴,

錢一當兩。

秋七月乙卯,以林邑所獲金銀寶物,班賚各有差。

八月乙未,征北大將軍、徐州刺史衡陽王義季薨。 癸卯,以南兗州刺史劉義賓爲徐州

刺史。

九月己未,以中領軍沈演之爲領軍將軍。 辛未,以太子詹事徐湛之爲南兗州刺史。

冬十月壬午,豫章胡誕世反,殺太守桓隆之,前交州刺史檀和之南還至豫章,因討平

之。壬辰,以建平王宏爲中護軍。

十一月甲寅,立第十皇子渾爲汝陰王。

二十五年春正月戊辰,詔曰:「比者冰雪經旬,薪粒貴踊,貧弊之室,多有窘罄。 可檢行

京邑二縣及營署,賜以柴米。」

月庚寅,詔曰:「安不忘虞,經世之所同,治兵敎戰,有國之恒典。 故服訓明恥,然後

本紀第五 文帝

宋書卷五

少 長 知禁。 頃戎政雖修,而號令未審。 今宣武場始成, 便可剋日大習衆軍。 當因校獵,肄

五輔事。」

閏月己酉,大蒐于宣武場。

三月庚辰,車駕校獵。

夏四月乙巳,新作閶闔、廣莫二門,改先廣莫門日 承明, 開陽日津陽。 乙卯,以撫軍將

史

丙

軍、雍州刺史武陵王駿爲安北將軍、徐州刺史。 癸亥,以右衞將軍蕭思話爲雍州 刺

五月己卯、罷大錢當兩。

寅,車騎將軍、荆州刺史南譙王義宣進位司空。 六月庚戌,零陵王司馬元瑜薨。 庚申, 安北將軍、徐州刺史武陵王駿加兗州刺史。

秋七月壬午,左光祿大夫王敬弘薨。

八月己酉,以撫軍參軍劉秀之爲梁、南秦二州刺史。 甲子,立第十一 皇子彧爲淮陽王。

九月辛未,以尚書右僕射何尚之爲尚書左僕射,領軍將軍沈演之遷職,吳興太守劉遵

考為領軍將軍

二十六年春正月辛巳,車駕親祠南郊。

二月己亥,車駕陸道幸丹徒,謁京陵。

壹,苞總形勝,實唯名都。 沒之家,老病單弱者,普加贍卹。 遣使巡行百姓,問所疾苦。 半。行所經縣,蠲田租之半。二千石官長並勤勞王務,宜有沾錫。 歲稔,復獲拜奉舊塋,展罔極之思,饗讌故老,申追遠之懷。固以義衆於桑梓,情加於過沛 不逮往日。 永言慷慨,感慰實深。 人賜穀五斛。」遣使祭晉故司空忠肅公何無忌之墓。乙丑,申南北沛下邳三郡復。 「京口肇祥自古,著符近代,衿帶江山,表裏華甸,經塗四達,利盡潍、海,城邑高明,土風淳 三月丁巳,〔圖詔曰:「朕違北京,二十餘載,雖云密邇,瞻塗莫從。 皇基舊鄉,地兼蕃重,宜令殷阜,式崇形望。可募諸州樂移者數千家,給以田 宜聿宣仁惠,覃被率土。其大赦天下。復丹徒縣僑舊今歲租布之 故能光宅靈心,克昌帝業。 頃年岳牧遷回,軍民徙散,廛里廬宇, 孤老、鰥寡、六疾不能自存者, 登城三戰及大將戰亡墜 今因四表無塵,時和 叉詔曰

復以蒙稚,猥同艱難,情義繾綣,夷險棄備,舊物遺蹤,猶存心目。 歲月不居,逝踰三紀,時 身已亡而子孫見在,優量賜賚之。」車駕水路發丹徒,壬午,至京師。 人故老,與運零落。 五月丙寅,詔曰:「吾生於此城。及盧循肆亂,害流茲境。 眷惟旣往,倍深感歎。可搜訪于時士庶文武今尚存者,具以名聞。人 先帝以桑梓根本,實同休戚, 丙戌,婆皇國, 壬辰,婆

本紀

第

九八

達國,並遣使獻方物。

秋七月辛未,以江州刺史廬陵王紹爲南徐州刺史,廣陵王誕爲雍州 刺史。

八月己酉,以中護軍建平主宏爲江州刺史。 癸丑,以南豐王朗爲湘州刺史。

冬十月,廣陵王誕改封隨郡王。甲辰,以中軍將軍、揚州刺史始興王濬爲征北將軍、開

府儀同三司、南徐亮二州刺史、南徐州刺史廬陵王紹爲揚州刺史。

一十七年春正月辛未,制交、 寧二州假板郡縣,俸祿聽依臺除。 辛卯, 百濟國遣使獻

方物。

南頓二郡太守鄭琨、汝陽潁川二郡太守郭道隱委守走。 二月辛丑,右將軍、豫州刺史南平王鑠進號平西將軍。 索虜攻懸瓠城,行汝南郡事陳憲拒 辛亥、[編]索廣寇汝南諸郡,陳

之。以軍興滅百官俸三分之一。

三月乙丑,淮南太守諸葛闡求滅俸祿同內百官,於是州及郡縣丞尉並悉同減。 戊寅,

罷國子學。乙酉,以新除吏部尚書蕭思話爲護軍將軍。

六月丁酉,侍中蕭斌爲靑、冀二州刺史。 夏四月壬子,安北將軍、徐克二州刺史武陵王駿降號鎭軍將軍。曰於

秋 七月庚午,遣寧朔將軍王玄謨北伐。 太尉江夏王義恭出次彭城,總統諸軍。

索虜碻磝戍委城走。

冬閏月癸亥,玄謨攻滑臺,不克,爲虜所敗,退還碻磝。 辛未,雍州刺史隨王誕遣軍攻

弘農城,克之。丙戌,又克關城。

十一月戊子,索虜陷鄒山, 魯、陽平二郡太守崔邪利沒。 甲午,隨王誕所遣軍又攻陝

城,克之。癸卯,左軍將軍劉康祖於壽陽尉武戍與虜戰敗見殺。丁未,大赦天下。

壬午,內外戒嚴

乙丑,冗從僕射胡崇之、太子積弩將軍臧澄之、建威將軍毛熙

庚午,虜偽主率大衆至瓜步。

十二月戊午,內外纂嚴。

二十八年春正月丙戌朔,以寇逼不朝會。 丁亥,索虜自瓜步退走。 丁酉,攻圍盱眙城。

是月,寧朔將軍王玄謨自碻磝退還 極下

流。 凶 調。」甲戌,太尉、領司徒江夏王義恭降爲驃騎將軍、開府儀同三司。 , 羯痍挫, 迸跡遠奔, 彫傷之民, 宜時振理。 東作方始,務盡勸課。 一月丙辰,索虜自盱眙奔走。 貸給之宜, 癸酉,詔曰:「儼狁孔熾,難及數州,眷言念之,鑒寐興悼 ,事從優厚。 凡遭寇賊郡縣,令還復居業,封屍掩骼,賑 其流寓江、淮者,並 辛巳,鎭軍將軍、 聽卽屬,幷蠲 徐克 贍饑 復 稅

本 紀 第

五

州刺史武 陵王駿降號北中郎將。 壬午,車駕幸瓜步,是日解嚴。

雍州刺史。 三月乙 戊申, 酉,車駕還宮。 徐州刺史武陵王駿爲南兗州刺史。 壬辰, 征北將軍始興王濬解南兗州。 甲寅,護軍將軍蕭思話爲撫軍將軍、 庚子,以輔國將軍臧質

徐克二州刺史。

夏四月癸酉,婆達國遣使獻方物。 索虜偽寧南將軍魯爽、中書郎魯秀歸順。 戊寅,以

爽爲同州刺史。

令,太子詹事徐湛之爲尚書僕射、護軍將軍。壬子,以後將軍隨王誕爲安南將軍、廣州刺史。 方物。「言己己,驃騎將軍江夏王義恭領南兗州刺史。 六月壬戌,以北中郎將武陵王駿爲江州刺史,以振武將軍、秦郡太守劉興祖爲靑、冀二 五月乙酉,亡命司馬順則自號齊王,據梁鄒城。丁巳,婆皇國,戊戌,河南王,並遣使獻 戊申,以尚書 左僕射何尚之爲尚書

州 刺史。

秋七月甲辰,安東將軍倭王倭濟進號安東大將軍。

八月癸亥,梁鄒平,斬司馬順則。

冬十月癸亥,高麗國遣使獻方物。

十一月壬寅,曲赦二殪、徐、豫、靑、冀六州。 是冬,徙彭城流民於瓜步,淮西流民於姑

二十九年春正月甲午,詔曰:「經寇六州,居業未立,〔言〕仍值災澇,饑困荐臻。 可速符

諸鎭,優量救卹。 今農事行興,務盡地利。 若須 田種,隨宜給之。」

二月庚申,虜帥拓跋燾死。 戊午、三立立第十二皇子休仁爲建安王。

夏四月戊午,訶羅單國遣使獻方物。 以驃騎參軍張永爲冀州 刺史。

懷內款,河朔遺民,注誠請効。 戎醜常數,虐虜窮凶,著於自昔。 五月甲午,罷湘州幷荆州。 拯溺蕩穢,今其會也。 以始興、臨賀、始安三郡屬廣州。 未勞資斧,已伏天誅,子孫相殘,親黨離貳,關、洛僞 可符驃騎、司空二府,各部分所統,東 丙申, 詔曰: 「惡稔身滅, 帥、並

西應接。歸義建績者,隨勞酬獎。」是月,京邑雨水。

六月己酉,遣部司巡行,賜樵米,給船。 撫軍將軍蕭思話率衆北伐。 以征北從事中郎

劉瑀爲益州刺史。

秋 七月壬辰,汝陰王渾改封武昌王,淮陽王彧改封湘東王。 丁酉,省大司農、太子僕、

廷尉監官。

八月丁卯,蕭思話攻碻傲,不拔,退還。

本紀第五 文帝

九 月丁亥,以平西將軍吐谷渾拾寅爲安西將軍 、秦河二州刺史。 己丑,撫軍將軍

二州刺史蕭思話加冀州刺史,兗州如故。

冬十月癸亥,司州刺史魯爽攻虎牢不拔,退還。

十一月壬寅,揚州刺史廬陵王紹薨。

十二月辛未,以驃騎將軍、南兗州刺史江夏王義恭爲大將軍、南徐州刺史,錄尚書事

如故。

州刺 兗州 以 豫州刺 并南 史始興王 三十年春正月戊寅,以司空、荆州刺史南譙王義宣爲司徒、中軍將軍、揚州刺史。 徐州 史南平王 濬 爲 庚辰,以領軍將軍劉遵考爲平西將軍、豫州 衛將軍 鑠 爲 撫 軍將軍 荆州 刺史。 、領軍 戊子, 將 軍 江 州刺史武陵王駿統衆軍伐西陽蠻。 刺史。 壬午,以征北將軍 癸巳, 南徐 以南

唐、徐州饑,二月壬子,遣運部賑**卹**。

世

祖

踐

作,追改諡

及廟號。

甲子, 上崩 于含章殿。 時年四十七。 諡 日景皇帝, 廟日中宗。 三月癸巳,葬長寧陵。

0

漢氏 之命,才謝光武,而 延寇感境,抑此之由。 面,歷年長久,綱維 東京常稱建武 史臣曰: 太祖幼年特秀,顧無保傅之嚴,而天授和敏之姿,自禀君人之德。 遙制兵略,至於攻 、永平故事,自茲厥後,亦每 備舉,條禁明密,罰 及至言漏衾衽,難結商豎,雖禍 日戰時, 有恒科,爵無濫 以元嘉 莫不仰聽成旨。 爲言, 品。 生非慮, 蓋亦有以而然 故能內清外晏,四海 斯固盛矣。 雖覆師喪旅,將 授將遣 也。 謐 非韓、白,而 帥 及正位南 如 嗚呼哀 乖分 也。 閫

校勘記

哉!

車駕至京城 孫彪宋書考論云:「當作京邑。 京城則京口矣。」按通鑑作建康。 宋書京城往往指

京口城、此則指建康。

- 辛未車駕祠南郊 各本並脫「辛未」二字,據南史、建康實錄、通鑑
- = 建安太守潘盛有罪伏誅 「潘盛」各本作「潘城」,據少帝紀、徐羨之傳改。
- 깯 乙卯 各本並作「己卯」,據局本及南史改。 按是月丁酉朔,十九日乙卯,無己卯。
- Ŧ. 領平北將軍南徐州刺史 各本並脫「南」字,按彭城王義康傳、 建康實錄、通鑑並作南徐州刺

史,今據補。

本紀第五 校勘記

- 十二月丁亥河南國河西王遣使獻方物 「河西王」,各本及南史並作「西河 據少帝紀景平
- 元年、大沮渠蒙遜傳、南史宋本紀少帝景平二年改。
- 以前征虜司馬尹沖爲司州刺史 各本並脫「尹」字,按索廣傳,時尹沖爲司州刺史,通鑑同。

據補

- 征南大將軍檀道濟破索虜於東平壽張 云:「按檀道濟傳作東平壽張、此『東』下脫『平』字。」 各本並脫「平」字。 據檀道濟傳補。 洪頤煊諸史考異
- 九九 苟不深存務本 各本並脫「苟」字、據元龜一九八補。
- 以 吐谷渾慕容延爲平東將軍 「慕容延」本書吐谷渾傳作「慕延」。 魏書作「慕利延」。
- 吐谷渾 輝伐為鎭軍將軍 各本並脫「谷」字,據前後文例補。「輝伐」魏書作「緯代」。
- 壬申 河 南 國 河 西 王遣使獻方物 河河 ·西王」各本作「西河王」,據少帝紀景平元年及大沮渠蒙遜
- **漢傳改。**
- 亡命馬 梁」。 大玄羣黨數百人寇泰山 三朝本作「泰山」、弘治本、 北監本、 毛本、殿本、局本作「秦
- 二吾 秋七月辛酉 夏 四 月乙 酉 「辛酉」各本並作「乙酉」,據南史改。 按是月丁 亥朔,無乙酉。 二十三日己酉了「乙酉」或是「己酉」之譌。 按是月庚戌朔,初六日辛酉,無「乙酉」。

二合 於益州立南晉壽南新巴北巴西三郡 云:「據州郡志 是南晉壽、南新巴、北巴西三 各本並作「於益州立南晉壽新巴西三郡」。孫彪宋書考論 |郡。」按孫說是,今訂正。又此條上云「壬申」,下云

「乙亥」。按是月丙戌朔,無壬申,亦無乙亥。

以步兵校尉劉眞道爲梁南· 劉 真道,見劉懷肅傳 下十八年 秦二州 亦作劉眞道。」按張說是,今改正。 刺史 劉 |眞道」各本並作「劉道眞」。 張森楷校勘記云:「當作

河南 國 河 西王訶羅單 國並 遣使獻方物 「河西王」各本並作「西河王」, 據少帝紀及大沮渠蒙遜

}傳 改。

二九 燕王弘 遣使獻 方物 「弘」各本並作「年」,據晉書載記改。

安固。 割梁州之巴西梓 懷寧安固六郡 張茂度傳、太祖 諸 軍 潼南岩渠南漢中 事 元嘉元 吉翰傳,元嘉 年, 南 出爲使持節、 秦州之南安懷寧凡六郡 三年,徙督益 督益 寧二州梁州之巴西 寧二州梁州之巴西梓潼宕渠南 洪頤煊諸史考異云:「南安當作 I 梓 潼 岩渠 南漢 漢 中 中 秦州 秦州 Ż 之

安固懷寧六郡諸軍事。皆其證。」

[二] 今年有不收處 「年」各本並作「半」,據元龜四八九改。

以光祿大夫王球爲尚書僕射 「王球」各本並作「王琳」,據南史、 通鑑改。 洪頤煊諸史考異云:

「王球作王琳」是傳寫之譌。」

本

紀

第

五

校

勘

記

- 夏五月壬午 「壬午」各本作「壬申」。局本作「壬午」。 按是月壬午朔,無壬申。 今從局本。
- 尚書僕射王球卒 「球」各本並作「琳」,據南史、通鑑改。
- 三三 是月 各本並作十二月。按上已有十月,十一月,十二月,不當重出十二月。 今改作是月。
- [三六]盛王聖世「聖」各本並作「祖」、據元龜一九四改。
- [lif] 始奉於祠 「於」各本並作「初」,據元龜二〇七改。
- 庚申 各本同。按是月壬申朔,初三日甲戌,是月無庚申。 下有甲申,爲十三日。 甲戌、甲申

之間有庚辰。庚申疑庚辰之譌。

- 二之 南徐 南豫州揚州之浙江西 各本同。 南史於「南徐」下有「南兗」二字。
- 南豫 孝武 帝。 州 刺史武 贊爲宋明帝第九子,後亦封武陵王,時尚未生。 今改作「駿」。 陵王駿加撫軍將軍 「駿」各本作「贊」,三朝本作「諱」。按時武陵王駿,即後之
- 宣傳 征北 將 軍 南 徐州刺史南譙王義宣爲車騎將軍荆州刺史 「南徐州刺史」各本並脫「南」字,據義
- 九月己未 「己未」各本並作「乙未」,局本作「己未」。 按是月丁巳朔,初三日己未,無乙未。今
- 遷漢川流民於沔次 「漢川」各本作「漢州」,按時無「漢州」,據元龜四八六改。

從

局

- [ME] 三月丁巳 下有乙丑。各本同。按是月丁卯朔,無丁巳,亦無乙丑。四月丙申朔,二十二日丁
- **巳**,三十日乙丑。
- 辛亥 各本並作「辛巳」。 通鑑考異云:「按長曆,二月壬辰朔,十日辛丑,二十日辛亥。辛巳當
- 作辛亥。」今據改。
- 安北將軍徐兗二州刺史武陵王駿降號鎭軍將軍 「駿」宋本作「諱」。三朝本、北監本、三本、殿
- 本作「贊」,今據委武帝紀訂正。說見本卷校勘記第三十條。
- 五月乙酉亡命司馬順則自號齊王據梁鄒城丁巳婆皇國戊戌河南王並遣使獻方物

按是年五月

甲申朔,初二日乙酉,十五日戊戌,無丁巳。丁巳日支當有誤。

- [II代] 居業未立 「立」各本並作「能」,據元龜一九五改。
- 二型 戊午 各本並作「庚午」,據南史改。 按是月庚戌朔,無庚午。 初九日戊午。

宋書卷六

本紀第六

孝武帝

未有皇子重鎭,時太祖欲經略關、河,故有此授。尋給鼓吹一部。 順陽新野隨六郡諸軍事、〔〕寧蠻校尉、雍州刺史,持節、將軍如故。 事。 二十一年,加督秦州,進號撫軍將軍。明年,徙都督雍梁南北秦四州荆州之襄陽竟陵南陽 二年,立爲武陵王,食邑二千戶。十六年,都督湘州諸軍事、征虜將軍、湘州刺史,領石頭戍 十七年,遷使持節、都督南豫豫同雍幷五州諸軍事、南豫州刺史,將軍如故,猶戍石頭。 世祖孝武皇帝諱駿,字休龍,小字道民,文帝第三子也。元嘉七年秋八月庚午生。十 自晉氏江左以來,襄陽

節如故,北鎭彭城。 二十五年,改授都督南兗徐兗靑冀幽六州豫州之梁郡諸軍事、安北將軍、徐州刺史,持 尋領兗州刺史。 始興王濬爲南兗州,上解督南兗。 二十七年,坐汝陽

本

紀第六

孝

武帝

戰 州刺史,持節如故。 史,當鎭 敗, 降 山陽。 號 鎭 軍 尋遷都 將 軍 時緣江蠻爲寇,太祖遣太子步兵校尉沈慶之等伐之,使上總統衆 ٠, 督江州荆州之江 又以索虜南侵, 降爲 一夏豫州之西陽晉熙新蔡四郡諸軍 北 中郎將。 二十八年,進督南兗州 事 南 中鄭 南兗州刺 江

寧。 軍將軍柳元景前鋒至新亭,修建營壘。 衆 入討, 丁卯 三十年正月,上出次西陽之五洲。 荆州刺史南譙王義宣、雍州刺史臧質並舉義兵。 ·大將軍江夏王義恭來奔,奉表上尊號。 戊辰,上至于新亭。 會元凶弑逆,以上爲征南將軍,加散騎常侍。 甲子,賊励親率衆攻元景,大敗退走。丙寅,上次江 四月辛酉,上次溧洲。 癸亥,冠 率

之爲 儀 史 改 年 太祖 南 同 、、鰥寡、孤幼、六疾不能自存,人賜穀五斛。 書 譙王 領 己巳,卽皇帝位。大赦天下,文武賜爵一等,從軍者二等。 軍 號 右僕射。 將軍 荆州 義宣 諡 一。以大將軍江夏王義恭爲太尉、錄尚書六條事、南徐 ٠, 爲中書監 刺 撫軍 改新亭爲中興亭。 史,雍州 將軍 、丞相、錄尚書六條事、揚州 一克冀二州 刺史臧質爲車騎將軍、開府儀同三司 刺史蕭思話爲尚書左僕射。 逋租宿債勿復收。 刺 史,安東將軍隨王誕爲衛將軍 江 州 贓汙淸議,悉皆盪除。 壬申,以征虜將軍王僧達 長徒之身,優量降宥。 州 刺 史。 刺 史,征虜將 庚午,以荆州 軍 開: 沈 慶 府 刺 高

愆。 劭 及 始 朕 五. 興王 以眇身,奄承皇業,奉尋曆命,鑒寐震懷。 月甲戌,輔國將軍申坦克京城。 濬諸同逆並伏誅。 庚辰,詔曰:「天步艱難, 乙亥,輔 國將軍朱脩之克東府。丙子,克定京邑。日 萬邦 風 國 政, 道 用 人治之本, 否,雖 基 一構 感念陵 永 固, 替, 而 若 氣 疚 數 時

乙酉,立妃王氏爲皇后。戊子,以左衞將軍柳元景爲雍州刺史。 可分遣大使巡省方俗。」是日解嚴。 辛巳,車駕幸東府 城。 甲申,尊所生路淑媛爲 壬辰,以太尉 江 夏 皇

義恭 一鑠爲司空,建平王宏爲尚書左僕射,東海王緯爲撫軍將軍,新除尚書左僕射蕭思話遷 爲 、太傅,領大司馬。 甲午,曲赦京邑二百里內,幷蠲今年租 稅。 戊戌,以撫軍將軍 南 平

秦 規,每存茲道。 王 號 爲 丞 世 王 驃 豫 車駕還宮。 州 曇 騎 六月壬寅,以驃騎參軍 州 恢 大 刺 刺 生爲廣州刺史。 爲湘 將 史,衞 史。〔三〕庚戌,以梁、南秦 軍 州 初置 軍司 猥 刺 尙 以眇 史。 書右 馬徐遺寶 |殿門及上閤屯兵。 躬 戊申,以新除雍州 T 僕 射王 屬 已, ·垣護之爲冀州 承景業,闡揚遺澤,無廢厥心。 為竟州 「圖」韶 僧達 二州刺 曰:「興王立訓,務弘 遷職,丹陽尹褚 刺 史,寧朔將軍王玄謨爲徐州刺史,衞將軍隨王 以江夏內史朱脩之爲平西將軍、雍州刺史,御史中 史劉 刺史柳元景爲護軍將軍。 刺 史。 秀之爲益州刺 甲辰,以山陽太守申恬爲靑州刺史。 湛 之爲尙 治 節,輔臣 夫量入爲出,邦 史,太尉 書右僕射。 佐時,勤獻 己酉 司馬龐秀之爲梁、南 一以司州刺史魯爽 丙辰,以侍 有 政 恒典,而經給 要,仰惟 中 誕進 南 丙

本

紀

第

六

孝

武

帝

之宜,多違常度。 兵役糜耗,府藏散減,外內衆供,未加損約,非所以聿遵先旨, 敬奉遺圖。

自今諸可薄已厚民、去煩從簡者,悉宜 酉,安西將軍 、西秦河二州刺史吐谷渾拾寅進號鎭西大將軍、開府儀同三司。 一施行,以稱朕意。」庚申,詔有 司論 功班賞 庚午,還分南 各有差。 辛

辛未,改封南譙王義宣爲南郡王,隨王誕爲竟陵王,義宣次子宜陽侯愷爲宜

陽男王

徐立南兗州。

史,南蠻校尉王僧達爲護軍將軍。 甲午,丞相南郡王義宣改為荆、湘二州刺史,驃騎大將軍、荆州刺史竟陵王誕改為揚州刺 領軍將軍。 丙子,遣兼散騎常侍樂詢等十五人巡行風 閨 月壬申,以領軍將軍沈慶之爲鎭軍將軍、南兗州刺史。 是月,置衞尉官。 俗。 甲申,蠲尋陽、西陽郡租布三年。 癸酉,以護軍將軍柳元景爲

開 膳 訓俗,咸達乃誠,無或依隱。」辛酉,詔曰:「百姓勞弊,傜賦尙繁,言念未乂,宜崇約損。 弛。 所議,況以寡德,屬衰薄之期,夙宵寅想,永懷待旦。」王公卿士,凡有嘉謀善政,可以維風 ·國,宜悉停功。可省細作幷尙方,雕文靡巧,金銀塗飾,事不關實,嚴爲之禁。 秋七月辛丑朔,日有蝕之。甲寅,詔曰:「世道未夷,惟憂在國。 除遊侈。 貴戚競利,悉皆禁絕。」戊戌,日以右衞將軍宗慤爲廣州刺史。己已,司空南平王鑠 水陸捕採、各順時月。官私交市、務令優衷。其江海田池公家規固者、詳所 夫使羣善畢舉,固非一 供御服 凡用

薨。 平王宏加中書監 八月辛未,武皇帝舊役軍身,嘗在齋內,人身猶存者,普賜解戶。 、中軍將軍。 丁亥,以沛郡太守垣閎爲寧州刺史,撫軍司 乙亥, 馬費沈 尚書左僕射建 爲梁、南秦

二州刺史。甲午,護軍將軍王僧達遷職。

九月丁巳,以前尚書劉義綦爲中護軍。 壬戌, 新亭戰亡者,復同京城。 砂黨南海

蕭簡據廣州反。丁卯,輔國將軍鄧琬討平之。

冬十月癸未,車駕於閱武堂聽訟。

月丙午,以左軍將軍魯秀爲司州刺史。 丙辰,停臺省衆官朔望問訊。 丙寅,

國遣使獻方物。

令、步兵、翊軍校尉、旅賁中郎將、宂從僕射、左右積弩將軍官。 月甲戌,省都水臺,罷都水使者官,置水衡令官。癸未,以將置 中庶子、中舍人、庶子、舍 「東宮,省太子率更

人、洗馬,各減舊員之半。

北將 軍。 軍、 孝建 戊 申 徐州刺史。 認 元年春正月己亥朔,車駕親祠南郊,改元,大赦天下。壬寅,以丹陽尹蕭思話爲安 曰:「首食尙農,經邦本務,貢士察行,寧朝當道。 甲辰,護軍將軍劉義綦遷職,以尚書令何尚之爲左光祿大夫、護軍 內難甫康,政訓未洽,衣食有 將

本

紀

第

六

孝

武

列曹 除署 制,咸 聞。 疚 仍 天下 懷,無忘鑒寐。 耗 之弊,選 為父後者 ;若有不堪 褒甄之科,精爲其格。 責厥成 局 司 有在 ,糾覈動惰,嚴施賞罰。」壬戌, 造無觀國之美。 爵 酬 奉,虛竊榮薦,遣還田里,加 凡諸守莅親民之官,可詳 級。 而 頃事無巨細 孝子、順孫、義夫、節婦粟帛 四方秀孝,非才勿舉,獻答允值,即就 昔衛文勤民,高宗恭默,卒能收賢巖穴,大殷季年。 悉歸 令僕, 更鑄 申舊條 以禁錮。 非所以衆材成構, 四 、勤盡 [銖錢。 各有 尚書百官之元本,庶績之樞機,丞 差。 地利。(云) 丙寅, 是月,起正 立皇子子業爲皇太子。 羣能濟業者也。 銓擢。 力田 .善蓄者,在所具 光殿 若止無可採, 可 **股每側席** 更明 獪 以 體 名 賜 鄎 賜

午,曲 馬夏 史徐遺寶 侯 赦 月 祖 豫州 庚午 歡 舉兵反。 爲 兗州 豫州刺 辛卯,左衞將軍王玄謨爲豫州刺史。 刺 乙亥,撫軍將軍 史。 史魯爽、車騎將 東海王緯遷職。 軍 江州 刺史臧質、 己卯, 癸巳,玄謨進據梁山。 丞相 領軍將軍柳元景 荆州刺史南 郡王 加撫 丙申, 一義宣 軍將 以 安北 軍。 刺 壬

撫軍 夏侯 將軍柳元景即 祖 三月癸亥,日內 歡 所 破 棄 衆 本 走。 外戒 號 爲 丙寅, 雍州 嚴。 以輔國 辛丑,以安北將軍、徐州 刺 史。 癸卯,以 長史明胤 太 為冀州 子左 刺史蕭 刺 衛率龐 史。 思話 秀之爲徐州 爲安南將軍、江州 刺 史。 徐遺寶爲 刺

夏四 月戊辰,以後將軍劉義綦爲湘州刺史。 甲申, 以平西將軍、雍州刺史朱脩之爲安

西將 已,進慶之號鎭北大將軍。 軍 、荆州刺史。 丙戌,鎮軍將軍、南兗州刺史沈慶之大破魯爽於歷陽之小峴,斬爽。 封第十六皇弟休倩爲東平王。 未拜,薨。 癸

五月甲寅,義宣等攻梁山,王玄謨大破之。己未,解嚴。 癸亥,以吳興太守劉延孫爲尚

書右僕射

軍,鎭北大將軍沈慶之並開府儀同三司。丙子,以征西將軍武昌王渾爲雍州刺史。癸未,分 六月戊辰,臧質走至武昌,爲人所斬,傳首京師。甲戌,撫軍將軍柳元景進號撫軍大將

於江陵賜死。

揚州

立東揚州。

分荆、湘、江、豫州立郢州。

罷南蠻校尉。

戊子,省錄尚書事。

庚寅,義宣

酉,於雍州立建昌郡。 秋七月丙申朔,日有蝕之。丙辰,大赦天下。 以會稽太守義陽王昶 為東揚州 文武賜爵一級。 刺 史。 **逋租宿債勿復收。** 辛

徐州 刺史。 八月庚午,撫 壬辰,以安西司 軍大將軍 馬 柳元景 梁坦 爲梁 復爲 、南秦二州 領軍將軍, 刺 本 史。 號 如 壬 申,以游擊將軍垣護之爲

辰,加尙之特進。 九月丙 申,以 强弩將軍 丙午,以安南將軍 尹 為寧州刺 一、江州 刺 史。 史蕭思 1 話 酉,左光祿 爲鎭 西將 大夫何尚 軍 郢 州 之解護 刺 史。 軍 一將軍。 甲

冬十月戊寅, 詔 曰:「仲尼體天降德,維周興漢, 經緯三極,冠冕百王。 爱自前代,咸加

举

紀

第六

孝

武

帝

褒述。 典司失人,用闕宗祀。 先朝遠存遺範,有詔繕立,世故妨道,事未克就。國難頻深,

塏,厚給祭秩。」丁亥,以秘書監東海王韓爲撫軍將軍、江州刺史。 忠勇奮厲,實憑聖義,大敎所敦。 永惟兼懷,無忘待旦。 可開建廟制,同諸侯之禮。 於郢州立安陸郡。 詳擇爽

十一月癸卯,復立都水臺,置都水使者官。

是歲,始課南徐州僑民租。

一年正月壬寅,以冠軍將軍湘東王彧爲中護軍。

一月己丑,〔<〕婆皇國遣使獻方物。 丙寅,以鎮北大將軍、南兗州刺史沈慶之爲左光祿

大夫、開府儀同 一司。 辛巳,以尚書右僕射劉 延孫 為南兗州刺 史。

三月辛亥, 以吳興太守劉遵考爲湘州 刺史。 壬子, 以行征 西將軍楊文智爲征西將軍、

北秦州刺史。

夏 四 月壬申,河南國遣使獻方物。 壬午,以豫章太守檀和之爲豫州 刺史。

國將 軍 五月戊戌,以湘州刺 申坦 爲徐、兗二州刺史。 史劉遵考爲尚 癸卯,以右衞將軍顧覬之爲湘州刺史。 書右僕射, 前 軍司 馬 垣閎 爲交州 丁未, 刺 史。 以金紫光祿 庚子, 以 輔

大夫王偃爲右光祿大夫。

六月甲子,以國哀除釋,大赦天下。 庚辰,以曲江縣侯王玄謨爲豫州刺史。

業爲 鄱 秋 陽王。 七月癸巳,立第十三皇弟休祐 戊戌,鎭 西將軍 蕭思話卒。 爲 山陽王,第十四皇弟休茂爲海陵王,第十五皇弟休 己酉,以益州刺史劉秀之爲郢州刺史。 槃槃國遺

使獻方物。甲寅,以義興太守到元度爲益州刺史。

苑禁制 軍將 一州刺 軍 雍州 月庚 史,青州 綿遠,有妨肄業。〔五〕 申,雍州 刺 刺史 史。 申恬為 刺史武 斤陀利 可詳 豫州 昌王渾有罪,廢爲庶人,自殺。 國遺使獻 刺史。 所開弛 方物。 行,假 甲申 與貧民。」壬午,以新除豫州刺史王玄謨 一,以右 三吳民饑,癸酉,詔所在賑貸。 衛將軍 檀和之爲南兗州刺 辛酉,以南兗州刺史劉 丙子,二 史。 詔曰 延孫爲鎮 為青

膺鴻 前,凡以罪徙放,悉聽還本。 慶。 九月丁亥,[10] 惟新之祉,實深百 車駕於宣武場閱武。 王;而惠宥之令,未殊常渥。 犯釁之門,尚有存者,子弟可隨才署吏。」 庚戌,詔 日:「 國道再屯,艱虞畢集。 永言勤 慮,寤寐 、載懷。 **股雖寡德,終** 在朕受命之

徐州 刺史,中書監、尚書左僕射、中 冬十月壬午,太傅江夏王義恭領揚州 軍 將軍 建 刺 平王 史,驃騎 宏爲尚書令,將軍 大將軍 、揚州刺史竟陵王 如 故。 誕爲司空、南

玄謨 爲 十一月戊子,中護軍湘 雍州 刺 史。 甲午,以大司馬垣護之爲青、冀二州刺史。日日辛亥,高麗國遣使獻方物。 東王 彧遷 職, 鎭軍將軍劉延孫 爲護軍 將 軍 青、冀二 州 刺

本紀

第

大

孝

武

帝

十二月癸亥,以前交州刺史蕭景憲爲交州刺史。

三年春正月庚寅,立第十八皇弟休範爲順陽王,第十九皇弟休若爲巴陵王。戊戌,立

第二皇子子尚爲西陽王。辛丑,車駕親祠南郊。壬子,立皇太子妃何氏。甲寅,大赦天下。 二月癸亥,右光祿大夫王偃卒。甲子,以廣州刺史宗慤爲平西將軍、豫州刺史。丁卯,

官有田在近道,聽遺所給吏僮附業。 以新除御史中丞王翼爲廣州刺史。曰曰丁丑,始制朔望臨西堂接羣下,受奏事。壬午,內外

三月癸丑,以西陽王子尚爲南兗州刺史。

閏月戊午,尚書右僕射劉遵考遷職。癸酉,鄱陽王休業薨。庚辰,停元嘉三十年以前

兵工考剔。

夏五月辛酉,制荆、徐、兗、豫、雍、靑、冀七州統內,家有馬一匹者,蠲復一丁。壬戌,以

石衞將軍劉瑀爲益州刺史。

六月,上於華林園聽訟。

監

建安王休仁爲南兗州刺史。

秋七月,太傅江夏王義恭解揚州。 丙子,以南兗州刺史西陽王子尚為揚州刺史,祕書

八月戊戌, 以北中郎諮議參軍費淹爲交州刺史。四一丁未,以尚書吏部郎王琨爲廣州

刺史。[18]

九月壬戌,以丹陽尹劉遵考爲尚書右僕射。日司

冬十月癸未,以尋陽太守張悅爲益州刺史。 丙午,太傅江夏王義恭進位太宰,領司徒。

丁未,領軍將軍柳元景加驃騎將軍,尚書令建平王宏加中書監、衞將軍,撫軍將軍、江州刺

史東海王禕進號平南將軍。

十一月癸丑,淮南太守袁景有罪棄市。

十二月丙午,以侍中孔靈符爲郢州刺史。

延 孫遷 大明元年春正月辛亥朔,改元,大赦天下。 職,右衞將軍湘東王彧爲中 護軍。 京邑雨水,辛未,遣使檢行,賜以樵米。 賜高年孤疾粟帛各有差。 庚午,護軍將軍

二月己亥,復親民職公田。索虜寇兗州。

劉

三月壬戌,制大臣 加班劍者,不得入宮城門。 梁州獠求內屬,立 懷漢郡。

夏 \四月,京邑疾疫,丙申,遣使按行,賜給醫藥。 死而 無收斂者,官爲斂埋。 庚子,省湘

州宋建郡幷臨賀。

本

五. 一月,吳興、義興大水,民饑。 乙卯,遺使開倉賑卹。 癸酉,於華林園聽訟。

衞 將軍沈曇慶爲徐州 刺史,輔國將軍梁瑾葱爲河州刺史、宕昌王。

東揚州刺史。 六月己卯,以前太子步兵校尉劉祗子歆繼南豐王朗。 丁亥,休祐改爲湘州 刺 史。 以丹陽尹顏竣爲東揚州刺史。 辛巳,以長水校尉山陽王休祐爲

秋七月辛未,土斷雍州諸僑郡縣。

改 爲 南兗州刺史,太子詹事劉延孫爲鎭軍將軍、南徐州刺史。 八月戊戌,於兗州立陽平郡。 壬寅、於華林園聽訟。甲辰、司空、南徐州刺史竟陵王誕

澆季。 慶爲鎭東 謗,未聞朝聽者,皆聽躬自申奏,小大以聞。 自達者寡,惠民利公,所昧實衆。 冬十月丙申,詔曰:「旒纊之道,有孚於結繩,日昃之勤,已切於極后。況世弊敎淺,歲月 朕雖勠力宇內,未明求衣,而識狹前王,務廣昔代,永言菲德,其愧良深。 大將軍 自今百辟庶尹,下民賤隸,有懷誠 朕因聽政之日,親對覽焉。」甲辰,以百濟王餘 抱志,擁鬱衡閭,失理負 朝咨野怨,

十二月丁亥,順陽王休範改封桂陽王。 戊戌、於華林園 悪訟。

年 春正月辛亥,車駕祀南郊。 壬子, 詔曰: 「去歲東土多經水災。 春務已及,宜加優

龍飛西楚,歲紀浸遠,感往纏心。 糧種所須,以時貸給。」丙辰,復郡縣田秩,幷九親祿俸。 奉迎文武,情深常隸,思弘殊澤,以申永懷。吏身可賜爵一 壬戌,詔曰:「先帝靈命初興,

級,軍戶免爲平民。」

尙書 甚傷之。 了,驃騎將軍柳元景以本號開府儀同三司。 甲辰, 散騎常侍義陽王昶爲中軍將軍 左僕射。 三月丁未,中書監、尙書令、衞將軍建平王宏薨。 二月丙子,詔曰:「政道未著,俗弊尙深,豪侈兼幷,貧弱困窘,存闕衣裳,沒無斂槥,朕 其明敕守宰,勤加存卹。賻贈之科,速爲條品。」乙酉,以金紫光祿大夫褚湛之爲 丙戌,中書監、尚書令、衞將軍建平王宏以本號開府儀同三司,中書監如故。 乙卯,以田農要月,太官停殺牛。 T

卯,上於華林園 [聽訟。 癸酉,以寧朔將軍劉季之爲司州刺史。

夏四月甲申,立皇子子綏爲安陸王。 甲午,以海陵王休茂爲雍州刺史。 辛丑,地震。

五月戊申,復西陽郡。

多。 連 司。 山 染逆,懼 **豈習愚爲性**,忸 戊子,以金紫 六月戊寅 致 ()增置 軍 ·憲;或辭役憚勞,苟免刑 光祿大夫羊玄保爲右光 |東部尚書一人,省五兵尚書。丁亥,左光祿大夫何尚之加開府儀同三 惡難反,將在所長吏,宣導乖方。 罰 禄 大夫。 雖約 丙申,詔曰:「往 法 可普加寬申,咸與更始。」 從 簡,務思弘宥,恩令驟下 因 師旅 多 有 , 而 · 逋亡。 逃伏猶 或

本

紀

第

秋 七月甲辰,彭城民高閣等謀反伏誅。 癸亥,以右衞將軍顏師伯爲靑、冀二州刺史。

杜叔文爲寧州刺史,交州刺 八 月乙酉,河南王遣使獻方物。丙戌,中書令王僧達有罪,下獄死。 史費淹爲廣州刺史,南海太守垣閬爲交州刺史。 己丑,以强弩將軍 甲午, 以寧朔

將軍沈僧榮爲兗州刺史。

九 月癸卯,於華林園聽訟。 壬戌,以寧朔將軍劉道隆爲徐州刺史。 襄陽大水,遣使巡

行賑贍。庚午,置武衞將軍、武騎常侍官。

冬十月甲午,以中軍將軍義陽王昶爲江州刺史。 乙未,高麗國遣使獻方物。

十一月壬子,揚州刺史西陽王子尚加撫軍將軍。

十二月己亥,諸王及妃主庶姓位從公者,喪事 聽設凶門,餘悉斷。

時,而主者玩習,遂爲常典。 閨 ·月庚子,詔曰:「夫山處巖居,不以魚鼈爲禮。 **炖檊瑤琨,任土作貢,積羽羣輕,終致深弊。** 頃歲多虞, 軍 調繁切,違方設賦, 永言弘革,無替 本濟

股 約之風 心 ,有**学於品性**,惠敏之訓 凡寰衛貢 職,山淵採捕,皆當詳 無漏 辨產 於幽仄。」庚申,上於華林園聽訟。 殖,考順 歲時, 勿使牽課虛懸, 壬戌,林邑國遣使 睽忤氣序。 庶簡

是冬,索虜寇青州,刺史顏師伯頻大破之。

獻

方物。

三年春正月丁亥,割豫州梁郡屬徐州。 己丑,以驃騎將軍、領軍將軍柳元景爲尚書令,

尙書右僕射劉遵考爲領軍將軍。 丙申,婆皇國遣使獻方物。

立乃止。 二月乙卯,以揚州所統六郡爲王畿。 撫軍將軍 、揚州刺史西陽王子尚徙爲揚州 以東揚州爲揚州。日以時欲立司隸校尉,以元凶已 刺史。甲子,復置廷尉監官。

軍湘東王彧遷職,以中書令東海王韓爲衞將軍、護軍將軍。 荆州饑,三月甲申,原田租布各有差。庚寅,以義興太守垣閬爲兗州刺史。壬辰,中護 癸巳,太宰江夏王義恭加中

兗州 之爲車騎大將軍、開府儀同三司、南兗州刺史討誕。 州 刺史劉季之反叛,徐州刺史劉道隆討斬之。 刺史竟陵王誕有罪,貶爵。 夏四月癸卯,上於華林園聽訟。 誕不受命,據廣陵城反,殺兗州刺史垣閬。 丙午,以建寧太守苻仲子爲寧州刺史。 甲子,上親御六師,車駕出頓宣武堂。 以始興公沈慶 乙卯,司空、南

下貧之家,與近行頓所由,並蠲租一年。丙子,以丹陽尹劉秀之爲尚書右僕射。丙戌,分淮 秋七月己巳,剋廣陵城,斬誕。 尚方長徒、奚官奴婢老疾者悉原放。 孝子、順孫、義夫、 節婦,賜栗帛各有差。 王畿 悉誅城內男丁,以女口爲軍賞。 是日解嚴。辛未,大赦

本紀

第

孝

武帝

南 北 復置 二豫州 以 新除車騎大將軍 、開府儀同三司、南兗州刺史沈慶之爲司 空, 刺 ,史如

故。 護 戊子, 軍 將 軍 以衞將軍 泛冠 軍將軍 、護軍將軍 柱陽 王休範 東海王韓為南豫州 為江州 刺史。 癸巳,以前 刺 史,衞將 左衛將軍王玄謨爲郢 軍 如 故。 江州 刺 史義 州 陽 刺 史。 王昶

姬 旣 **僞深,重以 槥卑薄。** 道方凝, 有矜復。 八 . 月 丙 可普更賻給,務令豐厚。」己酉,以車 寡德,弗能 刑法斯厝,漢德初明,犴圄 神,韶 加國 [慶民和,獨 曰:「近北討文武,於軍亡沒,或殞身矢石,或癘疾死亡,並盡勤 心化。 隔凱澤,益以 故知方者尠 |用簡。 慚焉。 了趣辟實繁。 良由 騎長史庾深之為豫州 可詳 上 所原 其道,下淳其性。 向因巡覽,見二尚方徒隸,嬰金屨校, 宥。」 刺 史。 今民澆俗薄, 甲子,詔曰 王事 ,而斂 誠淺 ...「昔

容其私。 親察,以盡情狀。 捷;市獄 九 .月己巳,詔曰:「夫五辟三刺,自古所難,巧法深文,在 勿擾,漢史飛聲。 自今囚 至辭具,並卽以聞,殷當悉詳斷,庶無留 自後依舊聽訟。」壬辰,於玄武湖北 廷尉遠邇疑讞,平決攸歸,而一 立 上 獄。 蹈 林苑 幽圄,動逾時歲。 季 若繁文滯劾,證逮遐廣, ,彌甚。 故沿情 察訟, 民嬰其困,吏 鲁師 必須 致

獻 妃 方物。 嬪修親桑之禮。」庚子,鎭軍 冬十月丁 庚戌,以河西王大沮渠安周爲征虜將軍、涼州刺史。 ·酉,詔曰:「古者薦鞠 將軍 青 、南徐州 壇 子 聿 祈 刺 多慶, 史劉 延孫進號車 分繭 玄郊,以供 騎將軍 純 服。 戊申,河西國遣使 來 歲,可使六宮

十二月戊午,上於華林園聽訟。 月已已,高麗 國 遣 使獻方物。 辛 肅愼 酉,置謁者僕射官。 國 「重譯獻楛矢、石砮。 西域獻舞馬。

子子頭為歷陽王,第八皇子子鸞爲襄陽王 朱脩之進號鎭軍將軍。 勸有章者,詳加褒進。 順,賜爵 赦天下。 四 年 尚方徒繫及逋租宿债,大明元年以前,一皆原除。 一級。 春正月辛未,車駕祠南郊。 孤老貧疾,人穀十斛。 壬午,以北中郎司馬柳叔仁爲梁、南秦二州刺史。 庚寅,立第三皇子子勛爲晉安王,第六皇子子房爲尋陽王,第七皇 甲戌,宕昌 藉田 職司,優沾普賚。 王奉表獻方物。 力田之民,隨才敍用。 百姓乏糧種,隨宜貸給。 乙亥, 車駕躬耕 左將軍、荆州 藉 孝悌 田。 刺史 吏宣 大

酉,以徐州刺史劉道隆爲青、冀二州刺史。索虜寇北陰平孔堤,太守楊歸子擊破之。甲申, 三月甲子,以冠 二月庚子,侍中建安王休仁爲湘州刺史。 軍將軍巴陵王休若爲徐州刺史。丁卯,以安陸王子綏爲郢州 己未,以員外散騎侍郎費景緒爲寧州刺史。 刺史。癸

皇后親桑于西郊。

本

紀

第

六

孝

帝

昭 度。 夏 股 四 綈 月癸卯,以南 帛之念,無忘于懷。 琅邪隸王畿。丙午,詔曰:「昔紩衣御字,貶甘示節; 土簋 雖深詔有司,省游務實,而歲用兼積,年量虛廣。 |臨天, 飭儉 豊 以 捐

從損 辛酉 詔 ,允稱約心。 日 :「都邑節氣未調,疫癘猶衆,言念民瘼,情有矜傷。 四時供限,可詳減太半。 庶裘絺順典,有偃民華;纂組傷工, 可遣使存問,幷給醫藥;其死 無競堰市。」

亡者,隨宜卹贈。」

五月庚辰,於華林園聽訟。乙酉,以徐州之梁郡還屬豫州。丙戌,尚書左僕射褚湛之卒。

以撫軍長史劉思考爲益州刺史。 庚寅,以南 下 邳併南彭 城郡

秋七月甲戌,左光祿大夫、開府儀同三司何尚之薨

八月壬寅,宕昌王遣使獻方物。 己酉,以晉安王子勛爲南兗州 刺史。 雍州大水,甲寅,

遺軍部賑給。

九月辛未,以冠軍將軍垣護之爲豫州刺史。 甲申,上於華林園聽訟。 丁亥,改封襄陽

王子鸞爲新安王。

冬十月庚寅,遣新除司空沈慶之討沿江蠻。 壬辰、制郡縣 減祿,並先充公限

十一月戊辰,改細作署令爲 左右御府令。 丙戌,復置大司 農 官。

十二月乙未,上於華林園 聽訟。 辛丑,江北車駕幸廷尉寺,凡囚繫咸悉原遣。 索虜遣使

請和。 丁未,車駕幸建康縣,原放獄囚。 倭國遣使獻方物。

五年春正月丁卯,以宕昌王梁唐子爲河州刺史。

然。」 半。 其逋 以 知禁,逭役 聽 覽餘閒,因 甲寅,加右光祿大夫羊玄保特進。 近 負 籍 在大明三年以前,一賜 月癸巳,車駕閱 改 達調 新 制,在所承用, 起 時講事,坐作有儀,進退)觸刑 武 網。 韶曰:「昔人稱 凡諸逃亡,在今昧 原停。 殊謬 質多, 自此 無爽。 以還 人道 可 普 ,鰥貧疾老,詳所申 爽以前,悉皆原赦。 何先,於兵爲首,雖淹紀勿用,忘之必危。 軍 更符下,聽以今爲始。 幢 以下,普量班錫。 減。 已滯囹圄者,釋還本役。 若先已犯制,亦 伐蠻之家,蠲租稅之 頃化 弗能学,而民未 同 ."

九皇子子仁爲雍州 丙午,雍州 同 司。 夏 四 月癸巳,改封 戊戌,詔 刺史海 陵 日 刺 王 南徐 史。 休茂殺 西陽 、克二州去歲水潦傷年,民多 王子尚爲豫章王。 司 馬庾深之, 舉兵反,義成太守薛繼考討 丙申,加尚書令柳元景左光祿 困 窶。 逋 租 未 斬之。口口甲寅,以第 入者,可 大夫、 申至 一秋 開府儀 登。」

五. 月癸亥,制帝室 期 親 朝官非祿官者,月給錢十萬。 丙辰,車駕幸 閱武堂聽訟。

秋 六 七月 万万丙 午,以 丙辰,韶 護 日「雨 軍 將軍 水 義陽王 猥降,街衢泛溢。 昶爲中軍 將 軍。 可遣使巡行。 壬子, 分廣陵 窮弊之家,賜以薪粟。」丁卯, 置 沛郡 省東 平郡 幷廣陵。

高麗國遣使獻方物。庚午,曲赦雍州。

縣,年限依臺除,食祿三分之一,不給送故。衞將軍東海王禕以本號開府儀同三司。 屯,學落年永。 弘 風慕義, 化民成俗,茲焉時矣。[15]來歲可修葺庠序,旌延國胄。] 庚寅,制方鎭所假白板郡 奮至德之光。 爲 寧州刺史。 八月 ·戊子,立第九皇子子仁爲永嘉王,第十一皇子子眞爲始安王。 聲實同和,文以均節,化調其俗,物性 獄訟微衰息之術,百姓忘退素之方。今息警夷嶂,恬波河渚,棧 己丑, 詔曰:「自靈命初基, 聖圖 重遠。 |其情。故臨經式奠,煥乎炳發,道喪世 参正 一樂職,感神明之應,崇殖 以北· 中郎參軍費伯 山航海, 禮囿 嚮

縣。 丁丑,以冠軍將軍尋陽王子房爲南豫州刺史。 九月甲寅朔,日有食之。丁卯,行幸琅邪郡,囚繫悉原遣。甲戌,移南豫州治淮南于湖

玄武湖。壬寅,改封歷陽王子頊爲臨海王。 閏月戊子,皇太子妃何氏薨。 丙申,初立馳道,自閶闔門至于朱雀門,又自承明門至于

劉 秀之爲安北將軍、雍州刺史。 冬十月甲寅,以車騎將軍、南徐州刺史劉延孫爲尙書左僕射、領護軍將軍,尙書右僕射 以冠軍將軍臨海王子頊爲廣州刺史。 乙卯,以東中郎將新

安王子鸞爲南徐州刺史。

檢,幷與守宰平治庶獄。 十一月壬辰,詔曰:「王畿內奉京師,外表衆夏,民殷務廣,宜思簡惠。可遣尙書就加詳 其有疑滯,具以狀聞。」丁酉,增置少府丞一人。

十二月壬申,以領軍將軍劉遵考爲尚書右僕射。 甲戌,制天下民戶歲輸布四 疋。 庚

辰,以太常王玄謨爲平北將軍、徐州刺史。

宗祀 匹,穀十斛。下四方旌賞茂異,其有懷眞抱素,志行清白,恬退自守,不交當世,或識通古 今,才經軍國,奉公廉直,高譽在民,具以名奏。 別堂。 六年春正月己丑,湘州刺史建安王休仁加平南將軍。 大赦天下。 孝子、順孫、義夫、悌弟,賜爵一級,慈姑、節婦及孤老、六疾,賜帛五 乙未,置五官中郞將、左右中郞將官。 辛卯,車駕親祠南郊。 是日,又

二月乙卯,復百官祿。

改豫州南梁郡爲淮南郡,舊淮南郡幷宣城。丁未,輔國將軍、征虜長史、廣陵太守沈懷文有 三月庚寅,立第十三皇子子元爲邵陵王。 壬寅,以倭國王世子興爲安東將軍。 乙旦,

罪,下獄死。

四月庚申,原除南兗州大明三年以前逋租。 新作大航門。

五月丙戌,置凌室,修藏冰之禮。壬寅,太宰江夏王義恭解領司徒。

六月辛酉,尚書左僕射、護軍將軍劉延孫卒。CIOJ

秋七月庚辰,以荆州刺史朱脩之爲領軍將軍,廣州刺史臨海王子頊爲荆州刺史。甲

申, 地 震。戊子,以輔國將軍王翼之爲廣州刺史。 辛卯,以西陽太守檀翼之爲交州刺史。

乙未,立第十九皇子子雲爲晉陵王。

八月癸亥,原除雍州大明四年以前逋租。 乙亥,置淸臺令。

九月戊寅,制沙門致敬人主。 戊子,以前金紫光祿大夫宗慤爲中護軍。 乙未, 尚書右

僕 射劉遵考爲尚書左僕射,丹陽尹王僧 朗爲尚書右 I僕射。

冬十月丁巳,以山陽王休祐子士弘繼鄱陽哀王休業。 丁卯,詔上林苑內民庶丘墓欲還

合葬者、三二勿禁。 十一月己卯,陳留王曹虔秀薨。 辛巳,以尙書令柳元景爲司空,尙書令如故。

巡江 示 丑,以尚 民 入軌則。 右 七 年春正月癸未,詔曰:「春蒐之禮,著自周令;講事之語,書于鲁史。 ,講武校獵。」丁亥,以尙書右僕射王僧朗 書令柳元景 今歲稔氣榮, 中外寧晏。 爲驃騎大將軍、開府儀同三司。 當因農隙,葺是舊章。 爲太常,衛將軍顏師伯爲尚書右 庚寅, 以南兗州刺史晉安王 可克日於玄武湖大閱 所以昭宣德度, 僕射。 子勛為江 水師,并 己

二月甲寅,車駕巡南豫、南兗二州。 丙辰,韶曰:「江漢楚望,咸秩周禮,禮九疑於盛唐, 州

刺史。

癸巳,割吳郡屬

南

徐州

迹惟 蠲 情義,實繫于懷。 盡 河 十一年於茲矣。 己未,車駕登烏江縣六合山。 祀 加 序,鐃鉦協 歴陽 一驆于 以 天罄瑞,率宇竭 而 蓬 羊酒。凡一介之善,隨才銓貫,前國名臣及府州佐吏,量所沾錫。 其逋租 事,傾慨兼著。 檢云、岱。 萊 郡 野 於渤海,皆前 7,有事 租輸三年。 節,獻鬯如 餘債,勿復 岐陽 今恢覽功成,省風畿表,觀民六合,蒐校長 憑七廟之靈,獲上帝之力,禮橫四海,威震八荒。 歡。 今或練蒐訓旅 " 瞻睇 載流訓,列聖 太宗燕故、晉陽洽恩、世祖流仁、濟畿暢澤。 遣使巡慰,問民疾苦,鰥寡、 禮,饁獸 年操製,出牧同瘫,承政宣風 收。 思散太極之泉,以福無方之外。 風 賜民爵一級,女子百戶牛酒。 雲, 傾郊,敬舉王公之觴,廣納 庚 申, ,

涉茲境間,故邑耆舊,在目罕存。 徘 遺式。霍山是日南嶽,實維 徊以 割 歷陽秦郡置臨江郡。 想。 可遣使奠祭。」丁巳, 孤老、六疾不 () 荐歷 可 士民之壽。 洲。 年紀。 大赦天下,行幸 刺守邑宰及民夫從 國鎭,韞靈呈瑞,肇光宋道。 壬戌、四四詔曰:「朕受天慶命, 騰 能 沙飛礫 或 永言 自 車駕校獵于歷陽之烏江 方巡三湘 年世未遠,殲亡太半, 步 [存者, 八風 中 往猷 阻,治 ,平嶽盪 人身已往, 所 循 厚賜 經 m 通, 思廣 蒐者, 普加 一無出 戎 奠衡嶽 粟帛 卿 江 海,鼖晉合 前 甸 雲叢聚, 施及子 賚。 今歲租 次九 難 高 股 年 撫 可 夷 沾

孫。」壬申,車駕還宮。 四四 月甲寅,以 領軍將軍朱脩之爲特進。 丙辰,以尚書湘東王彧為領軍將軍 甲子,

夏

六

詔 一一自 非 臨 軍 戦陳, 不得專殺。 其罪甚重辟者、三三皆如舊先上須報,有司嚴加聽察。

犯者以殺人罪論。」

發,變起倉卒者,不從此例。」 州 刺史。丙子,詔曰:「自今刺史守宰,動民興軍,皆須手詔施行。 五月乙亥,撫軍將軍、揚州刺史豫章王子尚進號車騎將軍,輔國將軍始安王子眞爲廣 唯邊隅外警,及姦釁內

六月甲辰,以北中郎司馬柳元怙爲梁、南秦二州刺史。戊申,芮芮國、高麗國遣使獻方

物。戊辰,以秦郡太守劉德願爲豫州刺史。

申明舊制。」 「前詔江海田池,與民共利。歷歲未久,浸以弛替。 七月乙亥,征東大將軍高麗王高璉進號車騎大將軍、開府儀同三司。 名山大川,往往占固。 丙申,空部曰: 有司嚴加檢糾,

畿內 考讁貿襲,在大明七年以前,一切勿治。 損河,陽偏不施,歲云不稔,咎實脫由。 必著,感之所震,雖厚必崩。朕臨察九野,志深待旦,弗能使爛然成章,各如 及 八月丁巳,詔曰:「昔匹婦含怨,山燋北鄙;孀妻哀慟,臺傾東國。 神州所統,可遣尙書與所在共詳,畿外諸州,委之刺 太官供膳,宜從貶撤。 尤弊之家,開倉賑給。」乙丑,立第十六皇子子孟爲 史。 近道刑獄,當 幷詳省律令,思存 良以誠之所動,在微 其節。 親料 :利民。 省。 遂令炎精 其王 其

淮南王,第十八皇子子產爲臨賀王。 車駕幸建康秣陵縣訊獄 囚

經,先見百年者,及孤寡老疾,並賜粟帛。 皆所以上對幽靈,下理民土。 史新安王子鸞兼司徒。乙未,車駕幸廷尉訊獄囚。 規,以塞謀危之路。當沿時省方,觀察風俗。 月重光,琁璣得序,五星順命,而戎車歲動,陳詩義闕。 墾殖。 尤弊之家,量貸麥種。」戊子,詔曰:「昔周王驥跡,實窮四溟, 冬十月壬寅,太子冠,賜王公以下帛各有差。戊申,車駕巡南豫州。 九月巳卯,詔曰:「近炎精亢序,苗稼多傷。 自天昌替馭,臨宮創圖,禮代夭鬱,世貿興毁。 獄繋刑罪,並親聽訟。 外詳考舊典,以副側席之懷。」庚寅,南徐州 今二麥未晚,甘澤頻降,可下東境郡,勤課 丙申,立第十七皇子子嗣爲東平王。 朕聿含五光, 奄一天下, 思盡寶戒之 其士庶或怨鬱危滯,受抑 漢帝鸞軫,夙遍五 詔曰:「朕巡幸所 皇家造宋,日 嶽。 刺

江寧縣訊獄囚。車騎將軍、揚州刺史豫章王子尙加開府儀同三司。癸亥,衞將軍、開府儀 吏司,或隱約潔立,負擯州里,皆聽進朕前,面自陳訴。若忠信孝義,力田殖穀,一介之能, 親巡江甸,因觀嶽守,躬求民瘼。思弘明試之典,以申考績之義。 國彝軌 同三司東海王緯爲司空,中軍將軍義陽王昶加開府儀同三司。丙寅,詔曰:「賞慶刑威,奄 一藝之美,悉加旌賞。雖秋澤頻降,而夏旱嬰弊。 , 點幽 升明,闢宇恒憲。 故採言聆風,式觀侈質,貶爵加地,於是乎在。 可即開行倉、「三式」並加賑賜。」癸丑,行幸 行幸所經,莅民之職,功 **今類帝宜社**,

本紀第

六

孝武

宣於聽,即加甄賞。 若廢務亂民,隨諐議罰。 主者詳察以聞。」己巳,車駕校獵於姑孰

大旱、「計」壬寅、「三」遣使開倉貸卹、聽受雜物當租。 有白爵二集華蓋,有司奏改大明七年為神爵元年,詔不許。 馬桓溫、征西將軍毛璩墓。上於行所訊溧陽、永世、丹陽縣囚。 十一月丙子,曲赦南豫州殊死以下。巡幸所經,詳減今歲田租。 乙未,原放行獄徒繫。 癸巳,車駕習水軍於梁山, 乙酉,詔遣祭晉大司 東諸郡

考襲讁戍、悉停。歷陽郡女子百戶牛酒;高年孤疾,賜帛十匹,蠲郡租十年。己未,太宰江 夏王義恭加尚書令。於博望梁山立雙闕。癸亥,車駕至自歷陽。 十二月丙午,行幸壓陽。甲寅,大赦天下。南豫州別署勅繫長徒,一切原散。 其兵期

新安王子鸞爲撫軍將軍、「同」領司徒、刺史如故,輔國將軍江夏王世子伯禽爲湘州 稅。 刺史建安王休仁爲安南將軍、江州刺史,晉安王子勛爲鎭軍將軍、雍州刺史,南徐州刺史 其以仗自防,悉勿禁。」癸未,安北將軍、雍州刺史劉秀之卒。戊子,以平南將軍、湘州 八年春正月甲戌,詔曰:「東境去歲不稔,宜廣商貨。遠近販鬻米粟者,「云」可停道中雜 刺 史。

絕。 或下窮流亢,頓伏街巷,朕甚閔之。可出倉米付建康、秣陵二縣,隨宜贍恤。 二月辛丑,特進朱脩之卒。壬寅,詔曰:「去歲東境偏旱,田畝失收。使命來者,多至乏 若濟拯不

時,至已以至捐棄者,嚴加糾劾。」乙巳,以鎭軍將軍湘東王彧爲鎭北將軍、徐州刺史。 平北

將軍、徐州刺史王玄謨爲領軍將軍。

夏閏五月辛丑,以前御史中丞蕭惠開爲青、冀二州刺史。 壬寅,太宰江夏王義恭領太

尉。特進、右光祿大夫羊玄保卒。

庚申,帝崩於玉燭殿,時年三十五。 秋七月丙午,葬丹陽秣陵縣巖山景寧陵。

紂之行也。 史臣曰:"役己以利天下,堯、舜之心也;利己以及萬物,中主之志也;盡民命以自養,桀、 觀大明之世,其將盡民命乎!雖有周公之才之美,猶終之以亂,何益哉

校勘記

徙都督雍梁南北秦四州荆州之襄陽竟陵南陽順陽新野隨六郡諸軍事 「南陽」各本作「南陵」。

錢大昕廿二史考異云:「南陵當作南陽。」按州郡志,荆州有南陽郡,無「南陵郡」。 今從錢說 改。

丙子克定京邑 府,克定京師,當在初四日丙子。 戌,初三日乙亥,初四日丙子,二十四日丙申。 「丙子」各本及南史作「丙申」。 元凶傳,四日建康破,則作丙子是。 據上文,初二日甲戌克京口城,初三日乙亥克東 建康實錄作「丙子」。按是月癸酉朔,初二日甲 今據建康實錄改

以司 州刺史魯爽爲豫州刺史 「豫州」各本並作「南豫州」。廿二史考異云:「案是時無南豫州。

『南』蓋衍 文也。 自元嘉二十二年罷南豫州幷壽陽,至孝武大明三年始復分置,中間無南豫者

計十年。」按錢說是,今删。

广 四 山 丁巳 各本並作「丁亥」。 孫彪宋書考論云:「丁亥蓋丁巳誤。」按是月壬寅朔,無丁亥,十六日

丁巳。 孫說是一个改正。

戊戌 孫彪宋書考論云:「以前後辛酉已巳推之,戊戌必譌。」按是年七月辛丑朔,二十一日辛

酉,二十九日己已,無戊戌。疑是二十二日壬戌或二十八日戊辰之誤。

广六山 勤盡地利 「勤」各本並作「勸」,據元龜一九一改。

「七」三月癸亥 通鑑考異云:「宋本紀、宋略皆作癸亥、下有辛丑。按長曆、是月戊戌朔、癸亥二十六

二月己丑 下有丙寅。按是月壬戌朔,初四日丙寅,二十八日己丑,己丑不當在丙寅前。

疑己

日,辛丑乃四日也。當作己亥。」

丑是乙丑之譌,乙丑爲二月初三日。

九月丁亥 有妨肄業 「肄」各本並作「肆」、據远龜一九五改。 按本月己丑朔,二十二日庚戌,是月無丁亥。

以大司馬垣護之爲青冀二州刺史 孫彪宋書考論云:「護之不得爲大司馬,蓋大司馬僚佐也。

- 以新除御史中丞王翼爲廣州刺史 「王翼」當作「王翼之」。 張森楷校勘記云:「下大明六年作
- 王翼之,武昌王渾傳作王翼之,此脫『之』字。」按南北朝人名後之「之」字,有時可省略
- 以北中郎諮議參軍費淹爲交州刺史 之廢久矣,當是北中郎諮議參軍 ,行『軍』字。」按張說是,今删「軍」字。 北中 郎」各本並作「北軍中 郎。 張森楷校勘記 云:「北軍
- 以尙書吏部郎王琨爲廣州刺史 各本並脫「郎」字,據南齊書王琨 (傳
- 以丹陽尹劉遵考爲尚書右僕射 「右僕射」各本並作「左僕射」, 據通鑑改正。 按下大明三年春

爲是。 正月己丑,以右僕射劉遵考爲領軍將軍。 劉遵考傳, 孝建三年, 爲尙書右僕射。 則 作「右僕射」

- 子尚傳亦云,大明二年,「以浙江東爲揚州」。「隸」字顯誤。 嘉、臨海五郡爲東揚州。 以東揚州爲揚州 「爲」各本並作「隸」。 大明三年、罷州(揚州)、以其地爲 按州郡志,「孝建元年,分揚州之會稽、東陽、新安、永 王畿。 今據通鑑、元龜一九六改。 而 東揚州直云揚州
- 各本作「辛巳」,據局本及南史改。 張增讀史舉正云:「按上書乙未,下書丁未,不當
- 已,作辛丑是。」
- 本 義成太守薛繼考討斬之 紀 第 六 校 勘 記 计二史考異云:「案休茂傳」繼考爲休茂盡力攻城,及休茂死, **詐稱立**

三八

義,乘驛還都,事泄伏誅。 則繼考乃黨於休茂者,紀所書誤。南史云參軍尹玄慶起義斬之,爲

得其實。」按休茂傳,言尹玄慶旣斬休茂,繼考以兵脅行府州事劉恭之作啓,言繼 考起義, 因 得

封賞,尋事泄伏誅。蓋國史誤仍當日記注,沈約竟不追改,而於休茂傳則詳述其事始末。

茲焉時矣 各本並作「茲時篤矣」,據元龜一九四改。

吕 尚書左僕射護軍將軍劉延孫卒 「左僕射」各本並作「右僕射」,據南史改。 按前五年十月以劉

丁卯詔上林苑內民庶丘墓欲還合葬者 延孫

爲尙書左僕射,見同卷。

各本並脫「丁卯詔」三字、據南史補。 按是月戊申朔,二

十日丁卯。

壬戌 各本並作「壬寅」。據南史、建康實錄、元龜二〇七改。按是月丙午朔,無壬寅,十七日

壬戌。

普加沾賚 「治」各本並作「治」、據元龜一九七改。

其罪 甚重辟者 「甚」通鑑作「應」,似是。

至艺 丙申 各本「丙申」上有「秋七月」。按是年七月甲戌朔,初二日乙亥,二十三日丙申。上已有

「七月乙亥」,此「秋七月」三字符,今删

三合 可即開行倉 元龜一九五及二〇五無「行」字。 記

写出 東諸郡大旱 「大旱」各本並作「大獄」,據南史改。 洪頤煊諸史考異云:「大獄,當從南史作大

旱。故下文遣使開倉賑恤。」

[15] 壬寅 按是月壬申朔,無壬寅,當有誤。

[1元] 遠近販鬻米粟者 各本並脫「粟」字,據南史補。

南徐州刺史新安王子鸞爲撫軍將軍 各本並脱「南」字,據子鸞傳補。

[III] 若濟拯不時 「濟」各本並作「溫」,據元龜一九五改。

宋書卷七

本紀第七

前廢帝

子業留京邑。三十年,世祖入伐元凶,被囚侍中下省,將見害者數矣,卒得無恙。 前廢帝諱子業,小字法師,孝武帝長子也。元嘉二十六年正月甲申生。 世祖鎭尋陽,

宮。[1]四年,講孝經於崇正殿。七年,加元服。 世祖踐阼,立爲皇太子。始未之東宮,中庶子、二率並入直永福省。大明二年,出居東

驃騎大將軍柳元景加開府儀同三司。丹陽尹永嘉王子仁爲南豫州刺史。CID 令,加中書監,驃騎大將軍柳元景加尚書令。甲子,置錄尚書,太宰江夏王義恭錄尚書事。 八年閏五月庚申,世祖崩,其日,太子卽皇帝位。大赦天下。太宰江夏王義恭解尚書

本紀第七 前廢帝

妄興威福,加以氣緯舛互,四偏頗滋甚。 以豫州之淮南郡復爲南梁郡,復分宣城還置淮南郡。庚辰,以南海太守袁曇遠 雕文篆刻,無施於今。 恤 可 ,可具詢 以拱默守成,治風 秋七月己亥,鎮軍將軍、雍州刺史晉安王子勛改 六月辛未 執事,詳訪民隱。 詔 曰「朕以眇身,夙紹洪業,敬御天威,欽對靈命。 長世 悉宜幷省,以酬氓願。 。而寶位告始,萬宇改屬,惟德弗明,昧于 凡曲令密文,繁而傷治,引關市僦稅,事施 宜其寬徭輕憲,以救民切。 藩王貿貨,壹皆禁斷。 爲江州刺史,中護軍宗慤爲安西 大道。 仰遵凝緒,日鑒前圖,實 外便具條 御府諸署, 一時,而姦 思宣 為廣州 以聞。」戊寅, 睿範,引茲簡 事 亦 吏舞文, I將軍 · 須 刺 廣 史。

馳道。 刺 雍州刺史,鎮北將軍、徐州刺史湘 史。 孝建以來所改制度,還依元嘉。丙辰,追崇獻妃爲獻皇后。 庚戌,婆皇國遣使獻方物。 東王彧爲護軍將軍,中軍將 崇皇太后日太皇太后,皇后曰皇太后。 軍義陽王昶 乙丑,撫軍將軍、南徐州 爲征 乙卯, 北將 罷南 軍、徐州

刺史新安王子鸞解領司徒。

惠開 爲益 八月丁 州 刺史。己丑,至皇太后崩。 卯,領軍將軍王玄謨爲鎭北將軍、靑冀二州刺史。至己已,以靑 京師雨水。 庚寅,[+] 遣御史與官長隨宜 、冀二州刺史蕭 賑 卹

九 月辛 ·丑,護軍將軍湘東王彧爲領軍將軍。癸卯,以尚書左僕射劉遵考爲特進、右光

祿

大夫。

乙卯,文穆皇后祔葬景寧陵。

冬十月甲戌,太常建安王休仁爲護軍將軍。 戊寅, 輔國將軍宗越爲司州刺史。〔六〕庚

辰,原除揚、南徐州大明七年逋租。

十二月乙酉,以尚書右僕射顏師伯爲尚書僕射。至五壬辰,以王畿諸郡爲揚州,以揚州

爲東揚州。 癸巳,以車騎將軍、揚州刺史豫章王子尚爲司徒、揚州刺史。

去歲及是歲,東諸郡大旱,甚者米一升數百,京邑亦至百餘,餓死者十有六七。

孝建以

來,又立錢署鑄錢,百姓因此盜鑄,錢轉僞小,商貨不行。

州刺 東王 史,左衞將軍桂陽王休範爲中護軍,南豫州刺史尋陽王子房爲東揚州刺史。 彧為衛將軍 永光元年春正月乙未朔、改元。大赦天下。 、南豫州刺史,護軍將軍建安王休仁爲 乙巳,省諸州臺傳。 領軍將軍,祕 書監 戊午,以領軍將軍湘 山陽王 休站為 豫

二月乙丑,減州郡縣田祿之半。[10]庚寅,鑄二銖錢。

三月甲辰,罷臨江郡。

五月己亥,割郢州隨郡屬雍州。 丙午,以後軍司馬張牧爲交州刺史。

壬午,衞將軍、南豫州刺史湘東王彧改爲雍州刺史。[11]尚書令、驃騎大將軍柳元景加南豫 **六月己巳,左軍長** 史劉道隆爲梁、南秦二州刺史。 乙亥,安西將軍、雍州刺史宗懿卒。

本紀第

七

前廢

四四

州刺史。

揚州 陵 府 沈 事 旦。 鈇 史。 將 軍 吏 王 城 電 慶之爲 治民,務 將 部 軍 子元 斷,正卯斯戮。思所 秋 爲 可 刺 軍 柳 尙 乙亥,詔 未 甄 書王景文爲尚書右僕射。 史豫章王子尚領尚書令, 建安王休仁爲安西將軍、雍州刺史,衞將軍湘東王彧還爲南豫州刺 八 元 央宮。 太尉,鎮北將 訪郡 景 月辛酉,越騎校尉戴法興有罪,賜死。庚午,以尚書僕射顏師伯爲尙 爲 加旌 湘 、尚書左僕射顏師伯、三三廷尉劉德願。改元爲景和元年。 日 州 國,招聘閭部 舉,隨才引 刺 罷 史。 東揚州 軍、青冀二 丙 以仰宣遺烈,俯弘景祚,每結夢庖鼎,瞻言板築,有劬日昃,無忘 幷揚州 戌,原除吳、吳興、義興、晉陵、琅邪五 擢。 :其有孝性忠節,幽居遯棲,信誠義行,廉正表俗,文敏博識,幹 庶官克順,彝倫 癸酉, 射聲校尉沈文秀為青州刺史, 州 甲 刺 申 史王玄謨爲領軍將軍。庚辰,以石頭城爲長樂宮,東 帝自率宿衞兵,誅太宰江夏王義恭、尚 ,以北邸爲建章宮,南第爲長楊宮。 咸叙。 主者精加詳括,稱股意焉。」以始興公 郡大明八年 朕位御三極,風澄萬字,資 左軍司馬崔道固爲冀州刺 文武賜位二 史。 ·以前 書左僕射、三 以冠軍將軍邵 甲戌 書令驃 逋 等。 租。 ,司徒、 以領 騎 昧 大

丑

,復立南

北二馳

道

九月癸巳,車駕幸湖熟,奏鼓吹。

戊戌,車駕還宮。

庚子,以南兗州刺史永嘉王子仁爲

鎭 軍 州 発 南 加 一、徐州 西 開 爲 刺 徐 大 史。 府 庶 州 將 儀 人,賜 刺 刺 戊申、 軍 史, 同 史義 死。 丹陽 甲 司 陽 以 寅 特 前 王 丙 尹 涟、右 昶, 梁 午, 以 始安王子真 安 南 内 以 西西 兗州 外 光 秦 長史袁 戒 禄 嚴 州 刺 大 (為南 夫 史薛 刺 顗 劉 昶 史 竞州 爲 柳 安 遵 奔 雍 考爲 于 都 元怙 刺 州 索 爲 火史。 刺 虜。 平 安 復 史。 爲 西 北 辛 梁 辛亥,右 將 將 戊午, 丑 軍 重 南 南 徐 秦 撫 以左民尚 將 孙 軍 豫 州 將 軍 孙 刺 豫州 軍 史。 刺 刺 史。 史,寧朔 南 書 丁未 徐州 刺 劉 史 思考 衞 酉 Щ 將 刺 史新 陽 車 軍 將 為 王 駕 殷 軍 益 休 討 孝 湘 安 州 王 祐 祖 征 東 刺 進 北 Ŧ. 爲 號 將 兗 彧

守 酉 主 藻 冬 以鎭 十 F 獄 月癸亥,曲 西大 死。 將 以宮 軍、豫州 赦 人謝 徐 州 刺 貴 史 嬪 丙 Щ 爲 寅, 陽 夫 人,加 王 車 休 駕還宮。 祐 虎 爲鎭 賁靸 軍 以建安王 戟 大 鸞 將 輅 軍 開 巃 休仁 旂, 府 爲 儀 出 護 警 同 軍 入 將 司 蹕 軍 , o 實 己卯, 新 蔡 公主 東陽太 也

是

H

解

嚴

車

駕幸

瓜

步

開

百

姓

鑄

錢

o

午,南 職。 樂。 級 T 赦 十 平王 未, 揚、 壬子,以 月壬辰, 敬 皇子 南徐 猷 特進、 生, 廬 寧朔 州 陵 少府 王 左 將 敬先 護 光 劉 軍 祿 軍 勝 何 將 大夫 之子 安南 邁 軍 下 建 F侯敬淵: 也 護 獄 安王 。二三大 軍 死。 將 休 新除 並 軍 赦 賜 建 加 天 安王 死 太尉 下。 特 進、 休仁為驃騎大將軍 沈 贓汙 慶之薨。 左光 淫 祿 盜 大夫。 壬寅, 悉皆 中 原 立皇后 対開 除 護 府 軍 儀 賜 桂 路 陽 同 爲 氏, 三司 王 父 後 休 匹 者 範 廂 爵 戊 遷 奏

巡荆 左右 此堂有鬼。」故帝自射之。 壽寂之、 時帝 湘 三州 凶悖 以厭之。 姜產之等十一人,謀共廢帝。戊午夜,帝於華林園竹林堂射鬼。 日甚, 誅殺相繼, 內外百司, 不保首領。 先欲誅諸 壽寂 之懷刀直入,姜產之爲副。 叔,然後發引。 太宗與左右阮佃夫、王道隆、李道兒密結帝 先是訛言云:「湘中出 帝欲走,寂之追而殞之。時年 天子。」帝將南 時巫覡云:

十七。 南平 酷。 考,以爲 禮 凶 當 樹僞豎,莫 乙慘難 頓 辰 太皇太后令曰 曆。 置 釋, 昶茂 司 一門,特鍾 抑 徒 朝業業, 戲謔。 香輔 領護 親作扞,横 自梓宮在殯,喜容靦然,天罰 知 旦肆禍,遂縱戮上宰,殄害輔臣。 誰 長夜, 軍 行游莫 其酷。 息。 人不 八座:子業雖曰嫡長,少稟凶毒,不仁不孝,著自髫齔。 拜嬪 庶事 相 自保, 徵 反天 止,淫縱 討。 立后,慶過 傾遺。 百姓遑遑, (滅理,顯暴萬端。 新蔡公主 無 朝賢 度。 恒典。 (舊勳 肆宴 手足 重離,歡恣 三遍離 園 宗室密戚,遇若 魔厝。 棄若遺土。 夫族,幽置深宮,詭云薨殞。 苛罰 陵,規圖 子鸞兄弟,先帝鍾愛,含怨旣往,枉加 淡遊甚。 酷令,終 行 穢 |發掘。 管絃 禽獸 逼以內外維持, 忍虐未露, 無 婢僕,鞭 不輟, 紀極 誅剪無辜,籍略婦 罪盈 一夏桀 三千。 捶陵 珍羞 備膳。 曳,無 孝武 殷辛,未足以 襄 高祖 事 棄世,屬 復尊卑。 甫 之業將 **詈**辱 女。 而 屠 建 祖 喪

泯,七廟之享幾絕。

吾老疾沈篤,每規禍鴆,憂煎漏刻,氣命無幾。

開闢

以降,

所未嘗

聞。遠近思奮,十室而九。

允集。 禮 潛 衞 將 運宏規,義士投袂,獨夫旣殞,懸首白旗,社稷 且勳德高邈,大業攸歸,宜遵漢、晉,纂承 軍湘 東王體自太祖,天縱英聖, 文皇 鍾 皇極 愛, 再興、宗祏 寵冠 主者詳舊典以 列藩。 永 吾早識 固 時 人 奉行 神睿, 鬼 屬 心 特 大 兼常 命

未亡人餘年不幸嬰此百艱,永尋情事,雖存若殞。 當復奈何! 當復奈何 1

葬廢帝丹陽秣陵縣南郊壇西。

不震 遣 此 之子。」其後 此 固 之。子業 度,謂帝曰 亦亦 寧馨兒 呼 乃 帝。 攝。 酮 帝 非運祚所及。 幼 邪 !」及太后崩後數日,帝夢太后謂之曰:「汝不孝不仁,本無人君之相。 帝曰:「病 於是又誅羣公。元凱以下,皆被毆捶牽曳。內外危懼,殿省騷然。 ! 初踐阼, 受璽紱, 悖然無哀容。 始猶難諸大臣及戴法興等, 旣殺法興, 諸大臣莫 啓事陳謝,上又答曰:「書不長進,此是一條耳。 而 :「妾與 湘 狷 急,在東宮每爲世祖所責。世祖西巡,子業啓參承起居,書迹不謹,上詰 東王紹位, 陛 人間多鬼,可畏,那可往。」太后怒,語侍者:「將刀來,破我腹,那得生如 孝武 下,雖男女有殊,俱託體先帝。 一險虐 果文帝子 滅道,怨結 也。 故帝 人神,兒子雖多,並無天命。 聚諸叔京邑, 陛下六宮萬數,而妾唯駙馬一人。 聞汝素都懈怠,狷戾日甚,何以 慮在外爲患。 大運所歸, 應還文帝 山陰公主 初太后疾篤, 子尚愚悖如 淫恣過 讓

本

紀

第

七

前

廢帝

就帝請以自侍,帝許之。 千戶、江沿給鼓吹一部,加班劍二十人。帝每出,與朝臣常共陪輦。 淵侍主十日,備見逼迫,誓死不回,遂得免。帝所幸閹 主以東部郎褚淵貌美, 人華願兒,

采。以魏武帝有發丘中郎將、摸金校尉,乃置此二官。以建安王休仁、山陽王休祐領之。
5150 官至散騎常侍,加將軍帶郡。 帝少好讀書,[1+]頗識古事,自造世祖誄及雜篇章,往往有辭

其餘事迹,分見諸列傳。

未足舉其毫釐。 史臣曰:廢帝之事行著于篇。 假以中才之君,有一于此,足以實社殘宗,汚宮瀦廟, 若夫武王數殷紂之釁,不能往其萬一 ,霍光書昌邑之過, 況總斯惡以萃一人

校勘記

之體乎!其得亡亦爲幸矣。

- 〔一〕 出居東宮 各本並脱「居」字,據远鑑二五六補。
- 丹陽尹永嘉王子仁爲南豫州刺史 「南豫」子仁傳作「南兗」。
- [三] 繁而傷治 「傷」各本並作「作」,據远龜一九一改。

- 四 氣 **海**対
 互 「互」各本並作「玄」、蓋 形近 而譌,今改正。
- 五 領軍 將 軍王玄謨爲鎭北將軍靑冀二州 字。 按新安王子鸞傳,不言曾爲青、冀二州刺史, 刺史 各本「鎭北 將軍」下 而王玄謨傳, 並行「南徐州 言玄謨時徙 刺史新安王 爲 青 子鸞 |冀

州刺史。 今訂 正

- 己丑 各本並作「己未」。 按是月丁卯朔,二十三日己丑,無己未、乙丑。 今據建康實錄 及通
- - 庚寅 改正 各本並作「庚子」。 按是月丁 卯朔、無庚子、二十三日己丑後、二十四 日 有 決寅。 今改正。
- 輔國將軍宗越爲司州刺史 「宗越」書中多誤作「宋越」,今據宗越傳改正。 以下類此者皆逕改

不具校。

- /^ 九 凵 朱書札記云:「左字行」當據南史删。」按是時但置尚書僕射,不分立左右。今據南史删「左」字。 以尚書右僕射顏 師伯爲尚書僕射 「尙書僕射」各本作「尙書左僕射」,南史無「左」字。 李慈銘
- 康實錄作「祿秩」。 故 減州郡縣田祿之半 建康實錄改稱爲「祿秩」。 按普減國內田租之半,非封建統治者所肯爲,此必減州郡縣官吏田祿之半。 宋本、三朝本、北監本、毛本及頭史作「田祿」。殿本、局本作「田租」。建
- 本 衛將軍 紀 第 南豫州 七 校 刺史湘東王彧改爲雍州刺史 勘 記 各本並脫「南」字。按明帝紀,永光元年爲南豫州刺

史,鎭姑孰。 又按州郡志, 此時南豫州鎭姑孰, 而豫州則未嘗以姑孰爲州治。 今據明帝紀補

李慈銘宋書札記 以尙書僕射顏師伯爲尙書左僕射 云「當從南史。 師伯傳: 各本並作 『大明七年,補尚書右僕射。 「以尚書左僕射顏師伯 爲尚書僕射」, 廢帝卽位、遷尙書僕射、 據南史改。

領丹陽

尹。

廢帝欲

親朝政、發詔轉師伯爲左僕射、

以吏部尚書王景文爲右僕射,

奪其京尹,又

分臺任,師伯始懼。』南史宋本紀及師伯傳皆不誤。」

以鎭西大將軍豫州 尚書左僕射顏師伯 刺史山陽王休祐爲鎭軍大將軍開府儀同三司 「尙書左僕射」各本並作「尙書僕射」,據蔣史改,說見前。 鎭 西 大將軍各本並作

大

將

軍」。

上九

月辛亥下作鎭西大將

軍,休祐傳亦作鎭西,今改

Ę

. 「鎭北

二吾 少府劉勝之子也 帝 紀 作 |劉 矇,南史休仁傳作劉 「劉勝」元鑑一九七及二〇七同本紀。 符瑞志及始安王休仁傳、 **徐** 徐 张 张 、 無決

食湯沐邑二千戶 「食」各本並作「侯」。 據 縦 御 覽 一五二改。

二七 帝少 好 讀 書 讀 書」各本並 作 講 書」,據南史、元龜 九二、御覽一 二八引改。

以建· 按建安王乃休仁,休祐 安王休仁山 陽王 休 則山陽王也。 祐 領 之 各本並 南史作『以建安王休仁、山陽 一脱「休 仁山陽王」 五. 字, 據南史補。 王休祐 領 之』爲是。」 張 熘 讀史舉正

宋書卷八

本紀第八

明帝

將軍。 將軍。 事中。 十五 徙爲南彭城、東海二郡太守,將軍如故,鎭京口。 故。 督徐兗二州豫州之梁郡諸軍事、鎭北將軍、徐州刺史,給鼓吹一部。 年,封淮陽王,食邑二千戶。二十九年,改封湘東王。元凶弑立,以爲驍騎將軍,加給 三年,爲都官尙書,領游擊將軍,衞尉如故。 太宗明皇帝諱彧,字休炳,小字榮期,文帝第十一子也。元嘉十六年十月戊寅生。二 世祖踐作,爲秘書監,遷冠軍將軍、南蘭陵下邳二郡太守,領石頭戍事。孝建元年, 未拜,復爲領軍將軍,侍中如故。 三年,徙衞尉,侍中如故。 又爲左衞將軍,衞尉如故。 其年,徵爲中護軍。 二年,遷侍中,領游擊 七年、遷領軍將軍。八年、出爲使持節、都 。大明元年,轉中護軍,衞尉如 其年,徵爲侍中、護軍

本紀第八

明帝

永 光 元 年, 又出爲使持節、 散騎常侍、 都督南豫豫司江四州揚州之宣城諸軍事 雍州 衞將

刺 軍 史,持節 南 豫 州 刺史,鎭姑孰。 、常侍、將軍如故。 又徙 未拜,復本位。 爲都督雍梁南 北 尋以 秦 本號 四州郢州之竟陵諸軍事、寧蠻校尉 開府儀同三司

幹力, 廢帝 並 左 右 拘 之殿 常 於 旣 廢帝 在 後堂。 慮 而 一殿省 內, 景和末,上入朝,被留停都。 害 禍 及 上意定,明 久, 遇上 了人人有 十一月二十九日 衆並 無禮 且 <u>,</u> 畏服之,故莫敢 異 一便應就 志 事在文諸王傳。 唯有直 夜 禍。 也 閣將 上先 動。 廢帝誅害宰輔,殺戮大臣,恒慮有圖之者,疑畏諸父, 軍宗越 遂收上付廷 已與腹 是夕, 越等並外宿。 心阮佃夫、李道兒等密共合謀。 、譚金、童太一等數人爲其腹心,並 耐, 一宿被原。 佃夫、道兒因結壽寂之等殞 將加 禍害者,前後非 于時 虓 廢帝 虎 有

倉卒,上失履 太一謀反 凡 衆 事 事 悉 定, 伏 稱 上未知 令書施 誅 、跣至 が所為。 西堂, 行。 己未, 建安王 猶著. 烏帽。 司 休仁 徒揚州刺 便稱 坐定,休仁呼主衣以 史豫章王 臣 奉引升西堂, 子尚、山陰公主並 白帽 登御 代之,令備羽 坐,召見諸大臣。 賜死。 儀。 宗越 雖 于時 譚金、 未 卽 事起 重 位,

進 號車騎將軍、開府儀同三司。 月 庚 申朔,令書 以 司 空 癸亥,以新除驃騎大將軍建安王休仁爲司 東 海王 韓爲 中 書監、 太尉,鎭軍將軍、江州 徒、尚書令、揚州 刺 史晉安王 子 勛

刺 休 範 史, 爲 鎭軍將軍 鎭北將軍、南徐州刺史。 開府儀同三司山陽王休祐進號驃騎大將軍、荆州刺史。 乙丑,改封安陸王子綏爲江夏王 崇憲衛尉桂陽王

泰始元年冬十二月丙寅,上卽皇帝位。 詔曰:

妻子 積纍 寧亂。 挫。 戮之刑。 嚚 鴆 辱戚 正 在 **宁**矯誣 見躬,方深北里之樂。 自 藩,檟 不 崇憲 罔 收 天,忍悖成性,人面獸心,見於齠日,反道敗德,著自比年。 高 復 掩 極 日 祖 上天,毒流下國,實開闢所未有,書契所未聞。 一,日 之旨, ,虐加 子鸞 武皇帝德洞四瀛,化綿九服。 月所照,梯山航海,風 相 楚妃主。 保。 月滋深。 同生,以昔憾殄殪。 焼虎 諸 所以鬼哭山鳴,星鉤血降,神器殆於馭索,景祚危於綴旒 父, 結 奪 虎兕難 事均宮閩, 轍,掠奪之使,白刃相 立左右,竊子置儲,肆酗于朝,宣淫于國。 比 逐 圖 (匣,憑河必彰,遂誅滅上宰,窮釁逆之酷,虐害國輔,究孥 犯玄宮,志窺題湊,將肆梟、鏡之禍,騁商、頓之心。 雨所均,削衽 聲遍 敬猷兄弟,以睚眦 國 太祖文皇帝以大明定基,世祖孝武皇帝以下武 都。 望。 襲帶。 鴟 梟小豎,莫不寵暱, 百僚危氣,首領無 所以業固盛漢,聲溢隆周。 殲夷。 再罹遏密,而無一日之哀,齊斬 徵逼義陽,將加屠**膾**。 事穢東陵,行汙 其狎侮五常, 有全地 朝 廷 忠誠,必也戮 ,萬姓崩心, 子業凶 怠棄三 :飛走。 叉欲 陵

本

紀

第

八

明

帝

大赦天下,改景和元年爲泰始元年。 承乾統,上緝三光之重,俯顧庶民之艱。 逋租宿債勿復收。 靈,藉八百之慶,巨猾斯殄, 股假寐凝憂,泣血待旦,慮大宋之基,於焉而泯,武、**文之業,將墜于淵**。 犯鄉論淸議,贓汙淫盜,並悉洗除。 鴻沴時褰。 賜民爵二級。 業業矜矜,若履冰谷,思與億兆,同此維新。可 皇綱絕而復紐,天緯缺而更張。 鰥寡孤獨不能自存者, 長徒之身,特賜原遣。 猥 以寡薄,屬 人穀五斛。 賴七廟之 亡官失

貞婦孝子,高行力田,詳悉條奏。〔₹〕務詢輿誦,廣納嘉謀,每盡皇華之旨,俾若脫親覽焉。」 若獄犴淹枉,傷民害敎者,具以事聞。 詔曰:「朕戡亂寧民,屬膺景祚。 建平王景素爲南豫州刺史。 己巳,以安西將軍 乙亥,追尊所生沈婕妤曰宣皇太后。後軍將軍垣閎爲司州刺史,前右將軍長史殷琰爲豫州 心,罔識攸濟。巡方問俗,弘政所先,可分遣大使,廣求民瘼,考守宰之良,採衡閭之善。 子輿爲廬陵王。壬申,以尚書左僕射王景文爲尚書僕射。 子仁爲中軍將軍,自立左衞將軍劉道隆爲中護軍。 爵,禁錮舊勞,一依舊典。 、南豫州刺史劉遵考爲特進、右光祿大夫,輔國將軍、歷陽南譙二郡太守 庚午,以荆州刺史臨海王子頊爲鎭軍將軍,南徐州刺史永嘉王 其昏制謬封,並皆刊削。 鴻制初造,革道惟新。 鰥寡孤獨,癃殘六疾,不能自存者,郡縣優量 辛未,改封臨賀王子產爲南平王,晉熙王 而國故頻罹,仁澤偏壅。 新除中護軍劉道隆卒。 癸酉,急 每鑒寐疚 一賑給

鎭 一級、子房、子頭並不受命,舉兵同逆。 軍、會稽 刜 王 存 政 刺 字勛 道 軍 簡 州 史。 將 約, 未 刺 字, 慨 軍 史 舉 丙子,詔 太守尋陽王子房進 以稱 兵反, Ш 陽 壬午,車駕謁 愧 股 王 兼 曰:「皇室多故,糜費滋廣,且久歲不登,公私 休祐 鎮軍長史鄧琬爲其謀 心。」戊寅,崇太后爲崇憲皇太后。 積。 改爲江州 太官供膳, 太廟。 し號安 刺 (東將軍 甲申, 史, 可詳所 戊子,新除中軍將軍永嘉 荆州 主,雍州刺史袁顗 後將軍 ٠, 前將軍 減 刺史臨海王子 撤, 一、野州 尚方御府雕 荆州 立皇后王氏。 刺 刺 史安陸王子綏進號 率衆赴之。 頭即留本任。 史 文篆 歉弊。 臨 王子仁為護軍將 海王子頊 刻 鎭 無益 方刻意 辛巳, 軍 將軍、江州 進 加領 之物,一 號 從儉,弘 征 驃騎大將 軍 平 南 將軍 西 將 皆蠲省,務 [將軍。 刺史晉安 軍 濟時艱, 王玄 軍、 右 前 謨 將

事, 將 都 府 亦不 軍, 、領軍將軍 儀同三司。 統 二年春正 衆軍 司 受命 徒 南 左長史袁愍孫 王玄謨 討 癸巳,以左衞將軍巴陵王休若爲鎭 月己丑 **壬辰,驃騎** 以青州 爲 一朔, 車騎 大將軍 以軍 刺史劉祗爲南兗州刺史。 爲領軍 將 軍、江州刺史、平北 事 大江州 一將軍。 示 朝會。 甲午, 刺史山陽 庚寅, 中外 將軍 東將 王 以金紫光祿大夫王僧朗 休祐 丙申,以征虜司馬申令孫爲徐州刺史, 戒 、徐州 軍,新除安東將軍尋陽 嚴 改爲南 刺 司徒建安王休仁都督征討諸 史薛安都進號安北 豫州 刺史,鎭 爲左光祿 歷陽。 王 子房為 將軍。 大 鎭軍 大、開 撫 軍 安 將 軍

本

紀

第

八

明

帝

道 州刺史殷孝祖入衞京都,仍遣孝祖前鋒南伐。 義 固 陽 內史 州 行事何 慧文、廣州刺 州 史袁 曇遠、益州刺 、孟蚪及豫州刺史殷琰、 甲辰, 史蕭 加孝祖撫軍 惠開、梁州刺史柳元怙並 青州 ·將軍。 丙午, 文秀、冀州刺史崔 車駕親御六 同 叛逆。

師 ,出頓中興堂。 辛亥,驃騎大將軍、南豫州刺史山陽王休祐改爲豫州刺史,統衆軍西討。

吳郡 反。 平定義興。 太守顧琛、吳興太守王曇生、義興太守劉延熙、晉陵太守袁摽、山陽太守程天祚並舉兵 鎭東將軍巴陵王休若統衆軍 永世縣民史逸宗據縣為逆,殿中將軍陸攸之討平之。丙辰,以新除左光祿大夫、 東討。 壬子, 崇憲皇太后崩。 是日,軍主任農夫、劉懷珍

開 (府儀同三司王僧朗爲特進,左光祿大夫如故。

月乙丑 僧朗卒。 尚書僕射 王景文 父憂去職。 曲赦吳、吳興、義興、晉陵四郡。 吏部

尙 五 書蔡興宗爲 丁亥,鎭東將軍巴陵王 尚書左僕射,吳興太守張永、右軍將軍齊王東討,平晉陵。癸未,曲 休若進號衛 將軍。 建武將軍吳喜公率諸軍破賊於吳、吳興、 赦浙江東

會稽,平定三郡,同逆皆伏誅。 輔國將軍 齊王前鋒北討,輔國將軍劉勔前鋒西討。四財劉

胡 領 衆四萬據赭圻。

稍盛,袁顗頓鵲尾,聯營迄至濃湖,衆十餘萬。壬辰,以新除太子詹事張永爲青、冀二州刺 月 (庚寅) 撫軍 將軍殷孝祖攻赭圻,死之。 以 輔 國將 軍沈攸之代爲南討前 · 至 賊

北 南 州 徐 將 刺 軍 史。 丙申, 州 南 囚 戊 徐 鎭 繋, 戌, 州 北 凡 刺 貶尋 將 史桂 逋 軍 亡 • 陽 陽 南 王 無 王 徐 子 所 休 州 房爵 問 範 刺 史桂 領 爲 南 松滋 兗 陽 州 王 縣 一休範 刺 侯 史。 總統 乙 壬 巳 子, 北 , 討 以 斷 奉 諸 新 朝 軍 錢, 請 事 0 鄭 專用 黑 丁 酉 爲 古錢。 司 以尚 州 刺 癸丑 書劉 史。 , 原 思考爲徐 辛亥,鎭 赦揚

夏四月壬午,以散騎侍郎明僧暠爲靑州刺史。

景文 甲寅,葬崇憲 爲 五 中 月 軍 1: 辰 將 軍 以 • 以青 皇太后 輔 或 將 冀二 於修寧陵。 軍 沈 州 攸 刺 之為 史張 雍 冠 永 州 爲 軍 刺 鎭 將 史。 軍 軍 二、益州 將 Ţ 軍 酉 刺 庚 曲 史蕭 戌, 赦 豫州 以寧朔 惠 開 進號 丁未 將 平 軍 新 西 劉 乘民 除 將 尙 軍 爲 書 冀 僕 州 射 王 刺

將 軍 六月辛酉,鎭 垣 恭祖 爲梁 、南秦二州刺 軍 將軍 張永領徐州 史。 刺 史。 京師 雨水,丁卯,遣殿中將軍檢行 賜 卹 。以左

舉爲 爲 寅,以男子時朗之爲 軍 徐 徐州 北豫 州 秋 刺 七月己 刺史張永改為 州 史。 刺 史, 丑 , 鎭北將 鎭 北 軍 南兗州 豫 將 州 軍 軍 刺 刺史。 史。 南兗州刺史張永復領徐州刺 南徐克二 乙巳, 丁酉 州 龍驤 刺 以 史桂陽 將軍劉道符 仇 池 太守楊 王 休範進號 | 本山 僧嗣 史。 陽。 爲北秦州 甲寅,復以冀州刺 征 北 辛亥, 大將軍 刺史、 叉以 o 辛卯 武都 義 史崔 軍 缜 主 道固 鄭 軍 叔 將 壬

將軍 五 州,平定之。 帥封賞各有差。 八月己卯 一, 司 晉安王子勛、安陸王子綏、臨海王子頊、邵陵王 徒建安王休仁 甲申,以護軍將軍、永嘉王 率衆軍大破賊,斬僞尚書僕射袁顗,進討江 子仁為平南將軍 子元並賜死,同黨皆伏誅 大湘州 刺史。 即 開 雍、 湘

午,以 將 陽 建 祿 軍 平 大 王 大、開 一休祐 巴陵 主 九 中軍 景 月 改爲荆州刺史。 、乙酉,曲赦江、郢、荆、雍、湘五州,守宰不得離職 素 王 府 將 爲 休若卽本號 儀 軍 南 王景文爲安南將軍 同三司、護軍將軍。 竞州 刺 爲雍州刺 史。 分豫州立南豫州。 史。 ·、

江州刺史。戊戌、以車騎將軍、

江州刺史王玄謨爲左光 庚子,以建安王休仁世子伯融爲豫州刺史。[t]辛丑,衞 雍州刺史沈攸之爲郢州刺史。 癸巳,六軍解嚴。 壬 一辰,驃騎大將軍、豫州刺史山 大赦天下,賜民爵一級。 庚戌,以太子左衞率 甲

刺 爲 房 史, 湘 並 州 賜 十 左軍將 月乙 死 刺 史。[公戊寅 |卯,永嘉王子仁、始安王子眞、淮南王子孟、南平王子產、廬陵王子輿、松滋侯子 1 軍 卯,以郢 張世 爲 ,立皇子昱爲 州 豫 刺 州 史沈 刺 史。 攸 皇 之為 太子。 中 領 曲赦 軍 •, 與張永 揚 南徐 俱 二州。冠以輔 北討。 庚午,以吳郡 國 將 軍 太守 劉 勔 顧 爲 影號之 廣

州

替 明著軌跡者也。 十 月甲 ·申,以 安 **朕拯斯墜運,屬此屯極,仍之以凋耗,因之以師旅,而識昧前** 成 太守 劉 襲 為郢 州 刺 史。 壬辰, 詔 日:「治崇簡 易,化 突繁侈 王,務艱昔 一遠關隆

本紀第八 明帝

揚, 晏,敷化維始,屢懷存治,實望箴闕。 訓道未敷,雖側席忠規,竚夢巖築,而良圖莫薦,奇士弗聞,永鑒通古,無忘宵寐。 之攸 咸存 事陳奏,無或依隱。若乃林澤貞栖,丘園耿潔,博洽古今,敦崇孝讓,四方在任,可明書搜 末違本之業,雕華靡麗,奇器異技,並嚴加裁斷,務歸 寬惠,更立科品。 三司王玄謨爲車騎將軍、南豫州刺史。丙申,制使東土經荒流散,並各還本,蠲衆調二年。 具即 一本,舉賢聘逸,弘化之所基。故負鼎進策,殷代以康,釋釣作輔,周祚斯乂。朕甫 儉約。 俾夫舊 以聞,隨就褒立。」以建平王景素子延年爲新安王。 賦 庶淳風至敎,微遵太古,阜財興讓, 旣 繁,爲費 其方物職貢,各順土宜,出獻納貢,[10]敬 (彌廣) 鑒寐萬務,每思弘革。 王公卿尹、羣僚庶官,其有嘉謀直獻,匡俗濟時,咸切 少敦季俗。」又詔曰:「夫秉機詢 要實。 方欲 依 緩繇優調,愛民 左右尚方御府諸署,供御 以新除左光祿大夫、開府儀同 時 令。 凡諸蠹俗妨 爲 先,有司 政、二二立教 民 今藩隅克 之 承大業, 制 事 詳加 ,趣

廣州 誠 刺 **股眷言靜念**,思弘 係本朝,事緣 十二月己未,以尙書金部郞劉善明爲冀州刺史。乙丑,詔曰「近衆藩稱亂,多染釁科。 以 史劉 輔 或 勔 將 爲益 軍 這道,混同證錮,良以悵然。夫天道尙仁,德刑並用,雷霆時至,雲雨必 劉 州 靈遺 刺史,前巴西、梓潼二郡太守費混 風澤,凡應禁削,皆從原蕩。 爲梁、南秦二州刺史。日日薛安都 其文武堪能,隨才銓用。」辛未,以新除 爲 廣州 要引索虜, 刺 史。 張永、沈攸之大敗,於 劉 勔 克壽陽,豫州平。

是逐失淮北四州及豫州淮西地。

三年春正月庚子,以農役將興,太官停宰牛。 癸卯,曲赦豫、南豫二州。 衛將軍巴陵王

休若降號鎭西將軍。

史。〇言 閏 月庚 午,京師大雨雪,遣使巡行,賑賜各有差。 戊寅, 以游擊 將軍 垣閎爲益州 刺

州。 西司 馬劉亮爲梁、 月甲申,以御史中丞羊希為廣州刺史。日即是日,車駕為戰亡將 南秦二州刺史。 索虜寇汝陰,太守張景遠擊破之。 丙申, 士舉哀。 曲 一教青 己 丑, 以鎭

三月丙子,以尙 書左僕射蔡興宗爲安西將軍、郢州刺史。 戊寅, 以冠軍將軍王玄載

徐州刺史,寧朔將軍崔平爲兗州刺史。

號 征 西將軍。 夏 四四 月癸巳,以 庚子,立桂陽 前司州 刺史鄭黑為 王休範第二子德嗣爲廬陵王,立侍中劉韞第二子跣爲南豐王 司 州 刺史。 乙未, 冠軍 將軍、 北秦州刺史楊僧嗣進

丙午,安西將軍蔡興宗降號平西將軍。

五月丙辰,宣太后崇寧陵禁內墳屋瘞遷徙者,給葬直, 蠲復家丁。 戊午,以車騎將軍

南 豫 州 刺 .史王玄謨爲左光祿大夫、開府儀同三司。 辛酉,罷南豫州并豫州 壬戌, 以太子

事 袁 粲 爲 尙 書僕射

六 月 乙 酉 以以 侍中劉韞爲湘州刺史。

安都

子

伯

令

略

據

雍州

四

郡

刺

史巴陵王休若討斬之。

秋 七 月 主 子,以 左 光祿 大夫、開府儀同三司王玄謨爲特進、左光祿大夫、護軍將軍

採、器 簡, 卯, 所 遂 爲 車 言 名 | 戎伍 騎 豫 永 以 生 以 詔 還 德 將 懷 州 八 隆 味 日 月 竊 風 軍 刺 良 所須,可一 至治。 尙 Ţ 史。 頃 爵私 法 兼 本, 酉,詔 商 丙 網 矜 午,遣 販逐末,競早爭新,折未實之菓,收豪家之利, 疚。 庭,因戰散亡,託懼 之用,期世 捐 而 頻罹 曰:「古者衡虞置制 皆禁斷,嚴爲 華務實。 思所以 吏部尚書褚淵慰勞緣准將帥, 兵革 而行,寬惠之道,因 一、繇賦 重 宜修道布 播 科 至澤,覃 未休,軍 逃役。 制 , 蟓蚳不收; 。」壬寅,以中領 仁,以革斯蠹。 被區 民 且 巧偽, 往 字。 時 諸 而 淪逼,雖 川澤產育, 興 布。 隨宜 可 軍沈 大赦 事 自今鱗介羽毛, 況段 甚 量賜。 天下。」 多 攸之行南兗州 經累宥,逋竄 一,蹈刑 尙 籠非膳之翼,爲戲童之資。 登器進御。 。德戡亂,依仁馭俗,宜每就 戊申, 加新 入憲 除左光 以新除 肴核 " 諒 非 之黨,猶 刺史,率衆北討。癸 所以繁阜民財,養 衆品,非時月 右 祿 科。 衞 大 爲 實繁。 將 大王 軍 至 方假 玄 劉

本

紀

第

八

明

帝

謨

弘

可

釵千枚, 號安西將軍。 九月癸丑,鎭西將軍、雍州刺史巴陵王休若進號衞將軍,平西將軍、郢州刺史蔡興宗進 班賜北征將士。 乙卯,以越騎校尉周寧民爲兗州刺史。戊午,以皇后六宮以下雜衣千領,金 庚申,前將軍棄冀州刺史崔道固進號平北將軍。 甲子,曲赦徐、

冬十月壬午,改封新安王延年爲始平王。 戊子, 芮芮國遣使獻方物。 辛丑,復郡縣公

一克、青、冀四州

田。 鎮西大將軍、西秦河二州刺史吐谷渾拾寅進號征西大將軍。

置東徐州,以輔國將軍張讜爲刺史。 十一月,立建安王休仁第二子伯猷爲江夏王,改封義陽王昶爲晉熙王。 高麗國 百濟國遣使獻方物。 乙卯, 分徐州

十二月庚辰,以寧朔將軍劉休賓爲兗州刺史。

四年春正月己未,車駕親祠南郊,大赦天下。庚午,衞將軍巴陵王休若降號左將軍。乙

亥,零陵王司馬勗薨。

史。日司乙巳,右光祿大夫、車騎將軍、護軍將軍王玄謨薨。日日 二月辛丑,以前龍驤將軍常珍奇爲平北將軍、同州刺史,珍奇子超越爲北冀州刺

三月己未,日刊以游擊將軍劉懷珍爲東徐州刺史。戊辰,以軍司馬劉靈遺爲梁、南秦二

州 刺 史,日日南譙太守孫奉伯爲交州刺史,日也交州人李長仁據州叛。 妖賊攻廣州, 殺刺史

羊希,行的龍驤將軍陳伯紹討平之。

晉平王,改晉安郡爲晉平郡。 夏四月已卯,復減郡縣田祿之半。至三丙申,東海王緯改封廬江王,至三山陽王休祐 辛丑,芮芮國及河南王並遣使獻方物。 甲辰,以豫章太守張 改封

辯爲廣州刺史。

五月乙巳,行三曲赦廣州。 癸亥,以行雍州刺史巴陵王休若行湘州刺史,會稽太守張永

爲雍州刺史,湘州刺史劉韞爲南兗州刺史。

秋七月乙已朔,以吳郡太守王琨爲中領軍。 丙辰, 始平王延年薨。 己未,以侍中劉

爲中護軍。庚申,以驍騎將軍齊王爲南兗州刺史。

爲 東青州刺史。日三丁酉,安南將軍、江州刺史王景文進號鎮南將軍 八月戊子,以南康相劉勃爲交州刺史。曰即辛卯,分靑州置東靑州, 以輔國將軍沈文靖

寺,及害吏民者,凡此諸條,悉依舊制。五人以下相逼奪者,可特賜黥刖,投界四遠,仍用代 殊用,三典異施。 劫制科罪,如此輕重同之大辟,即事原情,未爲詳衷。 九月丙辰,以驃騎長史張悅爲雍州刺史。戊辰,詔曰:「夫愆有小大,憲隨寬猛,故五 而降辟次網,便暨鉗撻,求之法科,差品滋遠。 自今凡竊執官仗,拒戰邏司,或攻剽亭 **朕務存欽衈,每有矜貸。尋** 刑

本紀第

八

明

卷 八

殺,方古爲優,全命長戶,施同造物。 庶簡惠之化,有字**羣萌,好生之德,無漏** 幽品。」庚午,

曲 赦揚 、南徐、克、豫四州

並不 在徵發之例。 冬十月癸酉朔,日有蝕之。 甲成,割揚州之義興郡屬南徐州 發諸州兵北討。 南康、 建安、安成、宣城四郡,昔不同南逆,

五. 年春正月癸亥,車駕躬耕藉田。 大赦天下,賜力田爵一級。

月 丙 申,分豫州 、揚州立南豫州,以太尉廬江王禕爲車 騎將軍,開府儀同三 司、 南

州 刺史。

子,以寧朔將軍崔 夏四月辛未,割雍州 三月乙卯,於南豫州立南義陽郡。 公烈為 党州 隨郡 刺 屬 史。 野州。 戊戌,新除給事黃門侍郎杜幼文爲梁 乙酉,割豫州 丙寅,車駕幸中堂聽訟。 義陽 郡 屬 郢 州,郢州 己已,河南王遣使獻方物。 西陽 南秦 郡 三州 屬 豫 刺 州 史。

南將軍、湘州刺史。 鎭 丑,車騎 東將軍。 六月辛未,立晉平王休祐 將 軍、南豫州 癸酉,以左衞 壬午,罷南豫州。 刺史廬江王褘免官爵。 將軍沈攸之爲郢州 子宣曜 爲南 丙戌,以新除給事黃門侍郎劉亮爲益州刺史。 平王。Clay3壬申,以安西 刺史。 戊寅,以 以軍 左 將軍 興已來, 、行湘州刺 1將軍 百官斷俸, 工、野州 史巴陵王休若為征 並給 刺史蔡興宗爲 生食。 T

秋 七月己酉,以輔國將軍王亮爲徐州刺史, 東莞太守陳伯紹爲交州刺史。 甲寅,以山

陽 太守李靈 謙爲兗州 刺史。 壬戌,改輔國將軍爲 輔 師 將 軍

八 月己 丑,以右將軍行豫州刺史劉勔爲平西將軍、 豫州刺史。 壬辰, 以海陵太守劉崇

智爲冀州刺史。

平西 今雖 精 潁 興竚歎。 之操,振古所貴,沖素之風,哲王攸重。股屬橫流之會,接難晦之辰,龕暴剪亂, 加 1將軍 搜括,時以 關 九月甲寅,立長沙王纂子延之爲始平王。 、隴猶靄,區 豫州 其有貞栖 刺史劉 名聞。 隱約,息事衡樊、自己鑿坏遺榮,負釣辭聘, 縣澄氣,偃武修文,於是乎在。 勔 將賁園 爲 中領 一 矜德,茂昭厥禮。 軍。 戊午,中領軍王琨遷職。 羣司各舉所知,以時授爵。」乙丑,以新除 思崇廉耻, 志恬江海,行高 用靜馳薄, 己未,詔 固已物色載 塵俗者,在所 日言 日不 暇給 懷,寢 夫箕、

冬十月丁卯朔,日有蝕之。

十一月丁未,索虜遣使獻方物。

史巴陵 閨 月 王 休 戊子,驃騎 若 爲 征 西將 大 將軍 軍、荆州刺史、輔師將軍孟次陽爲兗州 、荆州刺史晉平王休祐以本號爲南徐州刺史,征南將軍 刺史,行記義陽太守呂安國爲 一、湘州 刺

司州刺史。

本紀第八 明帝

六六

休範 爲中書監、中軍將軍、揚州刺史、「同司吳興太守建平王景素爲湘州刺史,輔師 月 戊戌,司徒建安王休仁解揚州刺史。 己未,以征北大將軍、 南徐 州 刺 史桂 將軍建安 陽

六年春正月乙亥,初制間二年一祭南郊,間一年一祭明堂。

王世子伯融為廣州刺史。至三庚申,分荆、益州五郡置三巴校尉。

月壬寅,司徒建安王休仁爲太尉,領司徒。 癸丑,皇太子納妃。 甲寅,大赦天下。 巧

注從軍,不在赦例。 班賜各 ī有差。

夏

三月乙亥,中護軍劉襲卒。丁丑,以太子詹事張永爲護軍將軍。

(四月癸亥,立第六皇子)燮爲晉熙王。

五 月丁丑, 以前 軍將軍陳胤宗爲徐州刺史。 丁亥,以冠軍將軍吐谷渾拾虔爲平西將

軍。 戊子,奉朝請 孔玉 為寧州刺 史。

僕射。 史, 史。 前將軍、郢州 癸卯,以 六月己亥,以第五皇子智井繼東平沖王休倩。 己未,改臨賀郡爲臨慶郡,追改東平王休倩爲臨慶沖王。 鎭 南將軍 刺史沈攸之進號鎭軍將軍,揚州 、江州刺 史王景文爲尚書左僕射、揚州 刺刺 庚子,以侍中劉韞爲撫軍將軍、雍州 史桂 陽王休範爲征南大將軍 刺 史,尚書僕射袁粲爲尚書右 工工州 刺 刺

七月丙戌,第五皇子智井薨。

九月乙丑,中領軍劉勔加平北將軍。 戊寅,立總明觀,徵學士以充之。 置東觀祭酒。癸

未,以第八皇子智渙繼臨慶沖王休倩。

冬十月辛卯, 立第九皇子]贊爲武陵王。 乙巳,以前右軍馬詵爲北雍州刺史。 己酉,車

駕幸東堂聽訟。

十一月己已,高麗國遣使獻方物。

十二月癸巳,以邊難未息,制父母陷異域,悉使婚宦。 戊戌,以始興郡爲宋安郡。 丙

辰,護軍將軍張永遷職。

七年春正月甲戌,置散騎奏舉郎。

戌,置百梁、儱蘇、永寧、安昌、富昌、南流郡,又分廣、交州三郡,合九郡,立越州。 己亥,以 休若爲征北大將軍、南徐州刺史、湘州刺史建平王景素爲荆州刺史。 大將軍、開府儀同三司、南徐州刺史晉平王休祐薨。戊午,以征西大將軍、荆州刺史巴陵王 前將軍劉康爲平東將軍。妖寇宋逸攻合肥,殺汝陰太守王穆之,郡縣討平之。甲寅,驃騎 二月癸巳,征西將軍、荆州刺史巴陵王休若進號征西大將軍,至三開府儀同三司。至三戊

一六八

三月辛酉,索虜遣使獻方物。壬戌,芮芮國遣使奉獻。

夏四 月辛 ·丑,減天下死罪 一等,凡敕繫悉遣之。 甲辰,於南兗州置新平郡。 癸丑,金紫

光祿大夫張永領護軍。

書緒淵爲尙書右僕射。〔圖〕辛未,監吳郡王僧虔行湘州刺史。 僕射、揚州刺史王景文以刺史領 五月戊午,司徒建安王休仁有罪,自殺。 中書監。 庚午,以尚書右僕射袁粲爲尚書令, 辛酉,以寧朔長史孫超之爲廣州刺史,尚書左 丙戌, 追免晉平王休祐 新除吏部尚 爲庶

軍 巴陵王休若爲車騎大將軍、江州刺史。甲辰,芮芮國遣使獻方物。 六月丁酉,以征南大將軍、江州刺史桂陽王休範爲驃騎大將軍、南徐州刺史,征北大將

休範以新除驃騎大將軍,還爲江州。庚午,以第三皇子準爲撫軍將軍。 劉 乗爲南 秋七月丁巳,罷散騎奏舉郎。 徐州刺史。 戊寅,以寧朔將軍沈懷明爲南兗州刺史。 乙丑,新除車騎大將軍、江州刺史巴陵王休若薨,桂陽王 乙酉,於冀州置西海郡。 辛未,以太子詹事

加 青州刺史。戊戌,立第三皇子準爲安成 九月辛未,以越騎校尉周寧民爲徐州刺史。 八月戊子,第八皇子躋繼江夏文獻王義恭。 玉。 庚寅,以疾愈大赦天下。 冀州刺史劉崇智

冬十一月戊午、「三」百濟國遺使獻方物。

十二月丁酉,分豫州、南兗州立南豫 州,以 歷陽太守王玄載爲南豫州 刺史。

差。 戊午,皇太子會萬國於東宮,幷受貢計 泰豫元年春正月甲寅朔,上有疾不朝會。 以疾患未痊,故改元。 賜孤老貧疾粟帛各有

刺史。

三月癸丑 二月辛丑,以給事黃門侍郞 朔,林邑國 遣使獻方物。 王瞻爲司 己未,中書監、揚州刺史王景文卒。 州

日, 詳 覃遠,軍 軍 中領軍劉勔 己亥,上大漸。 郢 有 上崩于景福殿,時年三十四。 簡衷。 夏四 州 國 刺 [月辛 凋 史沈攸之進號安西將軍。 務以愛民 加尚書右僕射,鎭東將軍蔡興宗爲征西將軍、開府儀同三司 弊,刑訟未息。 卯,以撫 驃騎大將軍 爲先,以宣朕遺意。」袁粲、褚淵 軍 司 江州刺 馬蔡那爲益州刺史。 今大漸維. 五月戊寅,葬 史桂陽王休範進位司空,尚書右僕射褚淵 詔曰:「朕自臨御 危, 載深矜歎。 臨沂縣 癸巳,以右衞將軍張 劉勔、 莫府 億兆,仍屬戎寇,雖 可緩徭優調, Щ 蔡興宗、 高 寧陵。 去繁就約。 沈攸之同 興世爲雍州 一每存 荆州 弘 爲 刺 被顧 史,鎭 化, 護軍將軍 因改之宜, 刺史。〔三〕 命。 而 惠弗 軍 將 是

帝少而 和令, 風姿端雅。 早失所生,養於太后宮內。 大明世, 諸弟多被猜忌, 唯 上見

本

紀

第

八

明 帝

思。 啓」。 甚,移牀治壁,必先祭土神,使文士爲文詞祝策,如大祭饗。 百官 嘗誤犯,上變色曰:「白汝家門 改「騧」爲馬邊瓜、「兲」亦以「騧」字似「禍」字故也。 年好鬼神,多忌諱,言語文書,有禍敗凶喪及疑似之言應回避者,數百千品,有犯必 任不易,故衆爲之用,莫不盡力。平定天下,逆黨多被全,其有才能者,並見授用,有如 卷,行於世 親,常侍路太后醫藥。 各三十,須 左 見之怒甚,觅中庶子官,職局以之坐者數十人。〔言〕內外常慮 右失旨忤意,往往有斮刳斷截者。 並 才學之士,多蒙引進,參侍文籍,應對左右。 其 日料禄 事類皆如 物輒 及卽大位,四方反叛,以寬仁待物,諸軍帥有父兄子弟同逆者,並授以禁兵,委 俸,[80]而 此。 造九十枚,天下騷然,民不堪命。 好讀書,愛文義,在藩時,撰江左以來文章志,又續衛瓘所注論語二 宣陽門,民間謂之白門,上以白門之名不祥,甚諱之。 上奢費過度,務爲彫侈。 」。證稽顙謝,久之方釋。 時經略淮、泗,軍旅不息,荒弊積久, 於華林園含芳堂講周易、言己常自臨聽。未 以南苑借張永,云「且給三百年,期訖更 毎所 其餘事迹, 造制,必爲正 太后停屍漆牀先出東宮,上嘗幸宮, 犯觸, 泰始、泰豫之際,更忍虐好殺, 列見衆篇。[6]〕親近讒慝,剪 人不自保。 御三十副, 府藏 尚書右丞江謐 空竭。 宮內禁忌尤 御次、 加罪戮。 副 內外 叉 舊

落皇枝,宋氏之業,自此衰矣。

隙之情,據已行 以阿訓之微行,遂成滅親 資,「EII)徒見昆弟之義,未識君臣之禮,冀以此家情,行之國道,主猜而猶犯,恩薄而未悟,致 画, 命隨樂推回改。 下,情由恩變。 實有君人之懿焉, 史臣曰:聖人立法 之典,剪落洪枝,願不待慮。 至於易衣而出,分苦而食, 斯蓋履霜有漸,堅冰自至,所從來遠也。 垂制,所以必稱先王,蓋由遺訓餘風,足以貽之來世也。 經 國之義 之大禍。 雖 弘, 開端樹 而隆家之道不足。 隙,垂之後人。 與夫別宮異門,形 旣而 本根無庇,幼主孤立,神器以勢弱 雖天倫之重,義殊凡戚,而中人以 彭城王照不窺古,本無卓 陳事 隔者 ,宜有降矣。太宗因 太祖負展南 傾移 爾

校勘記

- 南徐 州刺史永嘉王子仁爲中軍將軍 各本並 脫「南」字,據永嘉王子仁傳補
- 癸酉 此 詔 在十三日壬申後,十六日乙亥前 各本並作「壬午」,據建康實錄改。 `則作壬午誤`作癸酉是。 按是月庚 申 朔, 十三 日 · 壬申, 十六 日乙亥。宋書本紀
- [1] 詳悉條奏 「詳」各本並作「許」,據元龜二一三改
- 四 輔 國 將 軍 劉 **動前鋒西計** 「西討」各本作「南討」,據南史改。 按 劉勔時攻壽陽, 當 云 西西 討
- 35. 撫軍 將 軍殷孝 祖 攻赭圻死之以輔國將軍沈攸之代爲南討前鋒 撫 軍」下脫文十三字, 據南史

本

紀

第

八

校

勘

記

補。時殷孝祖爲撫軍將軍。史事參沈攸之傳、殷孝祖傳。

ベレ 葬崇憲 皇太后於修寧陵 「修」各本並譌「攸」,據南史、通鑑改。 通鑑胡三省注曰:「修寧陵,在

孝武陵東南。」

. ---- ---以建安王休仁世子伯融爲豫州刺史 「豫州」建安王休仁傳作「南豫州」。

ヘレ 以吳郡太守顧覬之爲湘州刺史 「覬」各本並作「顗」,據號之傳改。

[九] 曲赦揚南徐二州 各本並脱「南」字,據建康實錄補。

[10] 出獻納貢 「出」元龜一九八作「來」。

以輔 國將軍劉靈遺爲梁南秦二州刺史 「劉靈遺」各本並作「劉靈道」。 張森楷校勘記云:「當作

劉 靈遺』,鄧琬傳可證。 下四 年亦作『劉靈遺』。」按張說是,今改正。

以游擊將軍垣閎爲益州刺史 爲竟陵王 誕所殺,見垣護之傳。 「垣閎」各本並作「垣閬」。張森楷校勘記云:「垣閬」大明三年已 此 爲垣閎之誤。」按張說是,今改正。

以御史中丞羊希爲廣州刺史 「羊希」各本並作「羊南」,據芙玄保傳,兄子希時由御史中 丞 出

爲廣州刺史。「南」字誤,今改正。

珍奇子超越為北冀州刺史 孫彪宋書考論云:「劉勔傳,超越爲北豫州刺史,非北冀州。」

- 右光祿大夫車騎將軍護軍將軍王玄謨薨 三朝本、北監本、毛本、殿本作「右光祿大夫」,局本
- 及王玄謨傳作「左光祿大夫」。
- 三月己未 未之譌,戊辰或戊戌之譌。 下有戊辰。按是月丙子朔,無己未、戊辰。二十日乙未,二十三日戊戌。 己未或乙
- 以軍司馬劉靈遺爲梁南秦二州刺史 孫彪宋書考論云:「軍上脫一字。」
- 二之 南譙太守孫奉伯爲交州刺史 「南譙」各本並作「譙南」、據州郡志訂正。
- 殺刺史羊希「羊希」各本並譌「羊南」,據南史、建康實錄、通鑑及本書羊玄保傳兄子希附傳

改正

- 復減郡縣田祿之半「田祿」各本及通鑑並作「田租」。按普減國內田租之半,決非封建統治者 所肯為,當是減削郡縣官吏田祿之半。建康實錄作「田祿」,是。今據改。
- 丙申東海王韓改封廬江王 各本並脫去「丙申」二字、據南史、建康實錄補。
- 五月乙巳 各本並作「乙未」,按是月乙巳朔,無乙未。下有十九日癸亥。 此乙未當是乙巳之
- 史,於道遇病卒。勃、斅形近,當卽一人。」

以南康相劉勃爲交州刺史

張森楷校勘記云:「劉勔傳,有弟數、泰始中,爲寧朔將軍、交州刺

本紀第八 校勘記

- 以 輔 國 將 軍沈文靖爲東青州刺史 「沈文靖」沈文秀傳及通鑑作「沈文靜」。
- 尋 劫 制 科罪 「劫」各本並作 :「剏」。 孫彪宋書考論 云:「當云劫 制 ,剏字誤。」 按孫說是,今改正。
- 呈出 立晉平王休祐子宣曜爲南平王 各本並脫「立」字,據南史、建康實錄補。
- 息 事 衡 樊 「息」各本並作「自」,據元龜二一三及六四五改 正。
- 輔 師 將 軍孟 次陽 爲 兗 州 刺史 各本並 脫「次」字,據阮佃夫傳、殷琰
- 以 征 北 大 將 軍 南徐 州 刺 史桂 陽 王 休範 爲 中書監中軍 上將軍! 揚 州 刺 史 中 軍 將 軍 各本並作 中

傳

補

將軍」,據桂陽王休範傳補。

- 輔 師 將 軍 建 安王 世子 伯 融爲 廣 州 刺 史 各本並 脱伯 字。 據始安王休仁傳補
- 衍。 }史、 征 西 建康實錄 將 軍 荆 州 訂 刺 핉 史巴陵 孫彪宋書考論 王休若進 號 云 征 西 大 荆 將 州 軍 不 以 征 南 爲 西 號, 將 軍 據休若傳 各本 並 譌 征 是征 南 西 大將軍 將 軍 __ -大 據 }南
- 並 開 府 儀 同三司 開 府儀 同 三司」 上, 辆驶、 建康實錄 有 及征 南大將軍 江州 刺 史 桂 陽王 休範
- 南史、建康實錄改。 新 除 吏部尚 書褚淵 爲 尚書右 僕 射 「右僕射」 各本及通鑑 並 作「左僕射」。 今據南齊書褚淵

- 宣告 冬十一月戊午 「十一月」各本並作「十月」。據建康實錄改。 按十月丙戌朔,無戊午。 十一月
- 乙卯朔,初四日戊午。
- 以右 衞 將 軍張興世爲雍州刺史 各本並脫「世」字。 據張興世傳補。
- いこ 於華林園含芳堂講 周 易 各本並脫「含」字,據元龜 一九二 一補。
- 改騎爲馬 邊瓜 三朝本、北監本、毛本、殿本無「馬」字、今據局本及魏書島夷傳、南史補。
- 「宝む」 職局以之坐者數十人 魏書島夷傳、南史、建康實錄「坐」下有「死」字。
- 並日料禄俸 各本並同。 魏書島夷傳作「普斷祿奉」。 南史及通鑑作「並斷祿奉」。
- 列見衆篇 三朝本作「列」。 北監本、毛本、殿本、局本作「別」。 張元濟校勘記云:「所見處不止
- 一篇,故云列見衆篇。」
- [四] 本無卓爾之資 「資」各本作「姿」,據南史改。

宋書卷九

本紀第九

後廢帝

立爲皇太子。 三年,始制太子改名 是。安車乘象輅。 子在孕,皆以周易筮之,卽以所得之卦爲小字,故帝字慧震, 廢帝諱昱,字德融,小字慧震,明帝長子也。 大明七年正月辛丑、生於衞尉府。 六年,出東宮。 其餘皇子亦如之。 又制太子元正朝賀, 泰始二年, 太宗諸

服袞冕九章衣。

褚淵共輔朝政。 酉,特進、右光祿大夫劉遵考改爲左光祿大夫。 泰豫元年四月己亥,太宗崩。 乙巳,以護軍將 軍張永 庚子,太子卽皇帝位,大赦天下。 爲右光祿大夫, 撫軍將軍安成王爲揚州刺史。 尚書令袁粲、護軍將軍

本紀第九

後廢帝

一七

五. 月 Ţ E, 以 吳興太守張岱爲益州刺史。 戊辰,緣江戊兵老疾者, 悉 聽 還。 班劍依 舊

入殿。

善, 採。 朕 令 事 有 永 言民 精 紕 **咈民** 以 立皇后江氏 咸 沖 洽 繆 其 大 無 . 月壬 昧 惰 有 深 政,未接 法 遺 孝 嗣 簡 不 公 逸。 女聞 一辰,詔曰:「夫興王經制,實先民隱,方求廣敎,刑於 便 膺寶 存 行 俗 聽覽,眷言乃顧,無忘鑒寐。 識,俾若 私,害民 虚 族,義 《業,思 者,悉各條奏。 輪 佇 ३ 譲 光 帛, 股 利 仰 親 述 己者,無或隱昧。 俟聞 関,或 聖猷, 覽焉。」又詔曰:「夫寢夢期賢,往誥 嘉薦。」京師 匿 若守宰威恩可紀,廉 勉弘 | 名 | | | 政道, 一釣,隱 可遣大使 雨 廣納芻輿之議,博求獻藝 興言 身耕 水 詔賑 牧,足 *S* 分 士 勭 岬二縣貧民。 沧著, 行四方, 觀採 以整厲澆風,扶益淳化者,凡 常想得人。 四維。 依 垂美,物色求良,前書稱盛 事 騰聞 可普下牧守, 一之規。 風謠 乙巳,尊皇后曰皇太 7 如 問 巡省之道,務 獄 夙 其疾苦。 訟 [誣枉, 膺寶 廣加搜 厥 歷, 令 職

秋七月戊辰,崇拜帝所生陳貴妃爲皇太妃。

軍 州 、郢州刺史沈攸之爲鎭西將軍 甲 閨 月丁 辰, 以新 玄,罷 除 宋安 征 西 郡 將軍 還屬 、開府儀 廣 、荆州刺史, 興 己 同 丑: 割 司 南 南徐州刺史劉秉 荆 豫 州 州 刺 南汝 史蔡興宗 陰 郡屬西豫州 爲平西將軍 爲 中 書監 西 光 .、 郢 像州 祿 州刺 大 廬江 夫, 史,新 安 郡 屬 西 除 將

太常建平王景素爲鎮軍將軍、南徐州刺史。

八月戊午,新除中書監、左光祿大夫、開府儀同三司蔡興宗薨。

冬十月辛卯,[1]撫軍將軍劉韞有罪免官。 辛未,護軍將軍褚淵母憂去職。

十一月已亥,新除平西將軍、郢州刺史劉秉爲尚書左僕射。 辛丑,護軍將軍褚淵還攝

本任。芮芮國、高麗國遣使獻方物。

十二月,索廣寇義陽。丁巳,司州刺史王瞻擊破之。

貸眚,訓俗彝義。朕臨馭宸樞,夤制氓宇,式存寬簡,思字矜惠。 元徽元年春正月戊寅朔,改元,大赦天下。 壬寅、詔曰:「夫緩法昭恩,裁風茂典,蠲憲 今開元肆宥,萬品惟新,凡

茲流斥,宜均弘洗。 自元 年以前貽罪徙放 者,悉聽還 本。」

二月乙亥,以晉熙王燮爲郢州刺史。

三月丙申,以撫軍長史何恢爲廣州刺 史。 婆利 國遣使獻方物。 戊戌,以前淮南太守劉

靈遺爲南豫州刺史。

夏五 月辛 卯,以輔 師將軍李安民為司州 刺史。 丙申,河南王遣使獻方物。

六月壬子, 以越州 刺史陳伯紹爲交州刺史。〔三乙卯,特進、左光祿 大夫劉遵考卒。

本紀第九 後廢帝

陽 大水、己未、遺殿中將軍賬卹慰勞。 丙寅,以左軍將軍孟次陽爲兗州刺 史。

秋 七月丁丑,散騎常侍顧長康、長水校尉何翌之表上所撰諫林,上自虞、舜,下及晉武,

凡十二卷。

揚、越。 令 京師旱。 Щ 流,戎役惰散,違鄉寓境,漸至繁積。 之豪,關西熾齊、楚之族,並通籍新邑,卽居成舊。 用能 困 . 之險 弊昭 吾 尚繁,枉滯猶積,夕厲晨矜,每惻于懷。 七教克宣,八政斯序。雖綿代殊軌,沿革異儀,或民懷遷俗,或國尚興徙,漢陽列燕、代 八月辛亥,詔曰:「分方正俗,著自虞册,川谷異制,煥乎姬典。 蘇。 聖武 澄瀚海之波,括河圖於九服,振玉靱於五都矣。」秘書丞王儉表上所撰七志三十卷。 甲寅、詔曰:「比亢序騫度、留熏燿晷、有傷秋稼、方貽民瘼。 朕以眇疚、未弘政道、 頒 (造運,道一閎區,貽長世之規,申土斷之制。 下州郡,咸令無壅。」癸亥,鎭軍將軍、南徐州刺史建平王景素進號鎮 宜式遵鴻軌,以爲永憲,庶阜俗昌民,反風定保。夷胥 尙 書令可與執法以下,就訊衆獄,使寃訟洗遂, **洎金行委御,禮樂南移,中州黎庶,襁負** 而夷險相因,盈晦 故井遂有辨,閭伍無雜, 遞襲,歲饉 北將軍。 凋

湘、江二州,糧運偏積,調役旣繁,庶徒彌擾。 九 月壬 年 詔曰:「國賦氓 税,蓋 有恒品, 往屬戎難,務先軍實,徵課之宜, 因循權政,容有未革,民單力弊, 歲 或 月愈甚。 乖昔准。

庚

陳留

王

曹銑

永言矜歎,情兼宵寐。 可遣使到所,明加詳察。 其輸遠舊令,役非公限者,並卽蠲改,具條

以聞。」丁亥,立衡陽王嶷子伯玉爲南平王。

冬十月壬子,以撫軍司馬王玄載爲梁、南秦二州刺史。 癸酉、割南兗州之鍾離、豫州之

馬頭,又分秦郡、梁郡、歷陽置新昌郡,立徐州。

十一月丙子,以散騎常侍垣閎爲徐州刺史。丁丑,尚書令袁粲母喪去

攝本任,加號衞將軍。癸亥,立前建安王世子伯融爲始安縣王。 十二月癸卯朔,日有蝕之。乙巳,司空、江州刺史桂陽王休範進位太尉,尚書令袁粲還 丙寅,河南王遣使獻方物。

一年春正月庚子,以右光祿大夫張永爲征北將軍、南兗州刺史。

一月己已,加護軍將軍褚淵中軍將軍。

三月癸酉,以左衞將軍王寬爲南豫州刺史。

夏四月癸亥,詔曰:「頃列爵敍勳,銓榮酬義,條流積廣,又各淹闕。 歲往事留, 理至逋

壅,在所參差,多違甄飭。 賞未均洽,每疚厥心。 可悉依舊准,並下注職。」

五月壬午,日之太尉、江州刺史桂陽王休範舉兵反。庚寅,內外戒嚴。

加中領軍劉勔鎮

軍將軍,加右衞將軍齊王平南將軍,前鋒南討,出屯新亭。 征北將軍張永屯白下,前南兗州

本紀第九 後廢帝

淺,而 逋債, 撫軍 以第七皇弟友爲江州刺史。芮芮國遣使獻方物。 平王景素、郢州刺史晉熙王燮、湘州刺史王僧虔、雍州刺史張興世並舉義兵赴京師。己亥, 文靡麗,廢而勿修。凡諸游費,一皆禁斷,外可詳爲科格。」荆州刺史沈攸之、南徐州刺史建 埋 賊於宣陽門、莊嚴寺、小市,進平東府城, 梟擒羣賊。 敗績,力戰死之。右軍將軍王道隆奔走遇害。張永潰於白下,沈懷明自石頭奔散。甲午,日司 拒 刺 藏 擊,大破之。 史沈懷 典籤茅恬開東府納賊,「尽」賊入屯中堂。 所殺賊,幷戰亡者,復同京城。 .軍費已多,廩藏虛罄,難用馭遠。 其有課非常調、役爲民蠹者,悉皆蠲停。詔曰:「頃國賦多騫,公儲罕給。 明戍 石頭、衞將軍袁粲、中軍將軍褚淵入衞殿省。 越騎校尉張敬兒斬休範。 是日解嚴,大赦天下,文武賜位一等。戊戌,原除江 宜矯革淫長,務在節儉。 賊黨杜黑蠡、丁文豪分軍向朱雀航 羽林監陳顯達擊大破之。 賞賜封爵各有差。 壬辰,賊奄至,攻新亭壘。 其供奉服御,悉就減撤,雕 丁酉,詔京邑二縣 丙申, 張敬兒等破 ,圖劉 近治戎雖 勔 拒賊 州

專陽,江州平。 戊申,以淮南太守任農夫爲豫州刺史,右將軍、南豫州刺史王寬進號平西將 六月庚子,以平南將軍齊王爲中領軍、鎭軍將軍、南兗州刺史。癸卯,晉熙王燮遣軍剋 壬戌,改輔師將軍還爲輔國。

秋七月庚辰,立第七皇弟友爲邵陵王。辛巳,以撫軍司馬孟次陽爲兗州刺史。乙酉,

軍。

將軍、空並開府儀同三司。 鎭 西將軍、荆州刺史沈攸之進號征西大將軍,鎭北將軍、南徐州刺史建平王景素進 征虜將軍、郢州刺史晉熙王燮進號安西將軍 前將軍、湘州 號征北 刺

史王僧虔進號平南將軍。

八月辛酉,以征虜行參軍劉延祖爲寧州刺史。

監,即本號開府儀同三司,領司徒,加護軍將軍褚淵尚書令,撫軍將軍、揚州刺史安成王進 九月壬辰,以游擊將軍呂安國爲兗州刺史。丁酉,以尚書令、新除衞將軍袁粲爲中書

冬十月庚申,以新除侍中王蘊爲湘州刺史。甲子,以游擊將軍陳顯達爲廣州刺史。

號車騎將軍。

級,鰥寡孤獨篤癃不能自存者,穀人五斛,只年八十以上,加帛一匹。 十一月丙戌, 御加元服, 大赦天下。賜民男子爵一級, 爲父後及三老孝悌力田者爵二 大酺五日,賜王公以

下各有差。

十二月癸亥,立第八皇弟躋爲江夏王,第九皇弟贊爲武陵王。

三年春正月辛巳,車駕親祠南郊、明堂。

三月丙寅 河 南王遣使獻方物。 己已,以車騎將軍張敬兒爲雍州刺史。 其日, 京師大

水,遣尙書郞官長檢行賑賜。

繁,永言夕惕,寢興增灰。 閏月戊戌,詔曰:「頃民俗滋弊,國度未殷,歲時屢騫,編戶不給。 思弘豐耗之制,以惇約素之風, 庶偫蓄拯民,以康治道。 且邊虞尙警,徭費 太官 珍 彌

膳,御府麗服,諸所供擬,一皆減撤,可詳爲其格,務從簡 衷。」

貲 財足以充限者,督令洗畢。 夏四月,遣尙書郎 到諸州檢括民戶,窮老尤貧者,蠲除課調;丁壯猶有生業,隨宜寬申; 丙戌,車駕幸 中堂聽 訟。

六月癸未,北 國使至。 兼司徒袁粲、尚書令褚淵並固讓。

秋七月庚戌,以粲爲尚書令。 壬戌,以給事黃門侍郎劉懷珍爲豫州 刺史。

九月丙辰,征西大將軍河南王吐谷渾拾夤進號車騎大將軍。 八月庚子,日加護軍將軍褚淵中書監

十二月乙丑,以冠軍將軍姚道和爲司州刺史。冬十月丙戌,高麗國遣使獻方物。

梁、南秦二州刺史王玄載爲益州刺史。 四 年 春正月已亥, 車駕躬耕籍田, 大赦天下。 賜力田爵 — 級; 貸貧民糧種。 壬子,以 帝優韶答之。庚戌,以驍騎將軍曹欣之爲徐州刺史。

夏五 二月壬戌,以步兵校尉范栢年爲梁、南秦二州刺史。 月,以寧朔將軍武都 王楊 文度爲北秦州刺史。乙未,尚書右丞虞玩之表 丁卯,加金紫光祿大夫王琨特進。 陳 诗事

歲矣。 故得 府所 署府謝雕麗之器, 課以揚、徐衆逋,凡入米穀六十萬斛,錢五千餘萬,布絹五萬匹, 及。 敕令給賜,悉仰交市。 折供文武。 力,五不餘一,都水材官朽散, 推 資, 尋所入定調,用恒不周,旣無儲 天府虛散,垂三十年。 移。 唯 有淮、海。 豫、虎、司、徐,開口待哺,西北戎 即今所懸轉多,興用漸廣,深懼供奉頓闕,軍器輟 土木停緹紫之容,國戚無以贍, 民荒財單, 不及曩日。 尚書省舍,日就傾 江、荆諸州、稅調 十不兩存。 畜, 理至空盡。 類,第宅府署, 備豫都庫,材竹俱盡;東 將,裸身求衣。 本少,自頃以來,軍募多乏。 而 國度弘費、[10]四倍元嘉。 勳求無以給。 積弊累耗, 鍾於今日。 類多穿毁。 委輸京都,蓋爲寡薄。 功,將士飢怨,百官騫祿。 雜物 如 西二塢,塼瓦雙匱。 視不遑救, 愚管所慮, 不月則 在外, 其穀帛所入, 二衞臺坊人 賴 昔 此 歲奉敕, 知不暇 相 贍 天

留 [須臾之鑒,垂永代之計,發不世之詔,施必行之典。 經 國遠謀,臣所不敢言,朝夕祗勤,心存於匪 懈。 則氓隸齊歡、三三高卑同泰 起伏震遽,事屬 冒聞。 伏願陛下

本紀第九 後廢帝

六月乙亥,加鎭軍將軍齊王尚書左僕射。

州刺史。 嚴。 鄉侯伯猷賜死。辛卯,豫州刺史段佛榮統前鋒馬步衆軍。甲午,軍主、左軍將軍張保戰敗見 將軍任農夫、冠軍將軍黃回北討,鎭軍將軍齊王總統衆軍。 黄回等至京城,與景素諸軍戰,連破之。 丙申,大赦天下,封賞各有差。 秋七月戊子, 征北將軍 、南徐州刺史建平王景素據京城反。己丑,內外纂嚴。 原京邑二縣元年以前逋調。 乙未,剋京城,斬景素, 曲赦南徐州。 辛丑,以武陵王贊爲南徐 同逆皆伏誅。 始安王伯融、都 遣驍 其 日 解 騎

庚午,以給事黃門侍郎阮佃夫爲南豫州刺史。乙酉,以行靑、冀二州刺史劉善明爲靑、冀二 八月丁卯,立第十皇弟翽爲南陽王,第十一皇弟嵩爲新興王,第十二皇弟禧爲 始建王

軍、揚州 九月丁亥,割郢州之隨郡屬司州。 刺史安成王進號驃騎大將軍、開府儀同三司,安西將軍、郢州刺史晉熙王燮進號鎭 戊子, 驍騎將軍

高道慶有罪, 賜死。

己丑, 車騎將 州

刺史。

刺 史。 多十月辛酉,以東部尚書

王僧虔爲尚書右僕射。 丙寅, 中書監、護軍將軍褚淵母憂去職。十一月庚戌, 詔攝本任。 岩昌王梁彌機爲安西將軍、河凉二州

五年春二月壬申,以建寧太守柳和爲寧州刺史。

四 月甲戌,豫州刺史阮佃夫、步兵校尉申伯宗、朱幼謀廢立, 佃夫、幼下獄死, 伯宗

伏誅。

五 月己亥,以左軍將軍沈景德為一一刺史,驍騎將軍全景文為南豫州刺史。日三丙午,

以屯騎校尉孫曇瓘為越州刺史。

六月甲戌、誅司徒左長史沈勃、散騎常侍杜幼文、游擊將軍孫超之、長水校尉杜叔文、

大赦天下。

七月戊子夜,帝殞於仁壽殿,時年十五。己丑,皇太后令曰:

方筴 载之衞,委天畢之儀,趨步闤闠,酣歌壚肆,宵遊忘反,宴寢營舍,奪人子 意窮 側。 移,日月滋甚。 所 凶極悖,自幼而長,善無細而 至乃單騎遠郊,獨宿深野,手揮矛鋋,躬行刳斮, 衞將軍、領軍、中書監、八座:昱以冢嫡,嗣登皇統,庶其體識日弘,社稷有寄。 不 書,振古所未聞。 棄冠毁冕,長襲戎衣,犬馬是狎,鷹隼是愛,阜歷軒殿之中 沈勃儒士,孫超功臣,幼文兄弟,並豫勳効,四人無罪, 不違,惡有大而 必蹈。 白刃爲弄器, 前後 訓誘,常加 斬害爲 女,掠人 隱蔽, ·,鞲緤宸扆之 恒務。 險戾 、財物, 捨交 朝 難 豈

本

紀

第

九

後

廢布

帑藏空竭 酖 同 戮。 毒,將騁凶忿。 飛 ,横賦關河,專充別蓄,黔庶嗷嗷,厝生 鏃 鼓劍,孩稚無遺,屠裂肝腸,以爲戲謔,投骸江流,以爲 沈憂假日,慮不終朝。 自昔辛、癸,爰及幽、厲,方之於此,未譬萬分。 一無所。 吾與 其所生每厲 歡 笑。 以 叉淫 義 方, 費 無度, 遂謀

民怨既深,神怒已積,七廟阽危,四海褫氣。

便依舊典,以時奉行。未亡人追往傷懷,永言感絕。 遠,德映在田。 領 軍 潛運明略,幽顯協規,普天同泰。 廢昏立明,前代令範,況迺滅義反道,天人所棄,釁深牧野, 地隆親茂,皇曆攸歸,億兆係心,含生屬望。 驃騎大將軍安成王體自太宗,天挺淹叡,風神凝 宜光奉祖宗, 臨享萬國 理絕桐宮。 故密令蕭

太后 封 蒼梧 又令曰:「昱窮凶極暴,自取灰滅,雖曰罪招,能無傷悼。 郡王。」葬丹陽秣陵縣郊壇西。 棄同品庶,顧所不忍。 可特追

丈餘 車 得 此 - , 隨相 肆志。 爲 ,如此者半食久,乃下。 年漸長,喜怒乖節,左右有失旨者,輒手加撲打。 初昱在 檢攝。 主帥 自 |東宮,年五六歲時,始就書學,而惰業好嬉戲, 主帥不能禁。 加 元服,變態轉興,內外稍無以制。 以白太宗,上輒敕昱所生,嚴加捶訓。及嗣位,內畏太后,外憚諸大臣,猶未 昱漸自放态,太妃不復能禁。 單將左右,棄部伍,或十里、二十里,或入市 三年秋冬間,便好出遊行,太妃每 好緣漆帳竿, 去地 徒跣蹲踞,以 乘 青篾

便韻 在一 篷,乘以出入,從者不過數十人。羽儀追之恒不及,又各慮禍,亦不敢追尋,唯整部伍 佃 衞 過。 左右。 行 本李道兒妾,道路之言,或云道兒子也。 褶,未嘗服衣 里,或往營署, 與左右 夫 :翼輦營女子私通,每從之遊,持數千錢,供酒肉之費。 人男女,及犬馬牛驢, 手自 處瞻望而已。凡諸鄙事,過目則能,鍛鍊金銀,裁衣 敗,叛走,後捕得,昱自於承明門以車轢殺之。 於耀 嘗以 天性好殺,以此爲歡,一日無事,輒慘慘不樂。內外百司,人不自保,殿省憂遑,夕不 人 l臠割。 靈殿 解僧智 鐵 冠。 維椎 上養驢數 日暮乃歸。 執幼文兄叔文於玄武 、張五兒恒 或有忤意,輒加以虐刑。 人陰 破, 一十頭,所自乘馬,養於 値 四年春夏,此行彌 無発者。 相 左右人見之有斂眉者,昱大怒,令此 馳 逐,夜出 民間 湖北,昱馳馬執矟,自往刺之。 , 開 昱每出入去來,常自 擾懼 有白棓數十枚,各有名號, 承 御牀 數。 明門, 晝日不敢開門,道上行人殆絕。 。杜延載 側。 自京城剋定, 夕去晨反,晨出暮 先是民間 阮佃 作帽,莫不精絕。 、沈勃、杜幼文、孫超,皆躬運矛 夫腹 稱 劉統,或自號李將軍 意志轉驕, , 訛言, 謂太宗不男, 陳太 人袒胛正 心人張羊爲佃夫所 鍼椎鑿鋸之徒, 制露車一乘,其上施 歸。 未嘗 立, 於是 從者 以矛 吹篪,執管 無日 並 常著 執 刺 委信 不出 鋋矛, 不 與右 胛 小 別 洞 離 袴 妃

齊 $\dot{\Xi}$ 順 天人之心,潛圖廢立,與直閤將軍王敬則謀之。 七月七日,昱乘露車,從二百許

紀

及旦。

常行 奉太后令奉迎安成王。 敬則出外,玉夫見昱醉熟無所知,乃與萬年同入氈幄內,以昱防身刀斬之。奉伯提昱首,依 成、錢道寶、馬敬之、陳寶直、吳璩之、劉印魯、唐天寶、兪孫等二十五人,謀共取昱。其夕, 智 幄中臥。 內外無相禁攝。 人,無復 鍾 ,稱行還,開承明門入。 法,稱 千載、嚴道福、雷道賜、戴昭祖、許啓、戚元寶、盛道泰、鍾千秋、王天寶、公上延孫、兪 |鹵簿羽儀,往靑園尼寺,晚至|新安寺就||曇度道人飲酒。 醉,夕扶還於仁壽殿東阿氈 時昱出入無恒,省內諸閣,夜皆不閉。且羣下畏相逢值,無敢出者。 敕開承明門出,以首與敬則,馳至領軍府,以首呈齊王。 王敬則先結昱左右楊玉夫、楊萬年、呂欣之、湯成之、陳奉伯、張石留、羅僧 昱他夕每開門,門者震懾不敢視,至是弗之疑。 王乃戎服, 率左右數十 齊王旣入,曉,乃 宿衞並 逃避,

姬、夏之隆,質文異尙,亡國之道,其亦然乎。 警淸路 史臣 蒼梧王 曰:喪國亡家之主,雖適末同途,發軫或異也。 則 、藏璽懷紱,魚服忘反, 危冠短服,匹馬孤征。 前廢帝卑遊褻幸,皆龍駕帝飾,傳 至於殞身覆祚,其理若一。

- 冬十月辛卯 下有辛未。 按是月庚戌朔,二十二日辛未,無辛卯。
- 以越州刺史陳伯紹爲交州 年,置越州。 南齊書州郡志云, 刺史 元徽二年,陳伯紹爲越州刺史, 張森楷校勘記云:「按明帝紀、泰始五年、伯紹爲交州 當卽指此。 此當是以交州 刺 史。 刺史 七

陳伯紹爲越州刺史,刻譌互倒。」

五月壬午 「壬午」各本並作「壬子」,據南史、 建康實錄、通鑑改。 按是月辛未朔,十三日壬午,

無壬子。

24 賊黨杜黑蠡丁文豪分軍向朱雀航 「杜黑蠡」魏書作「杜黑騾」。

35. 甲午 各本並作「戊午」,據局本及南史、建康實錄改。 是月辛未朔,二十四日甲午,無戊午。

六 U 撫軍典籤茅恬開東府納賊 「撫軍」南史作「車騎」,建康實錄作「護軍」。

₩ 鎮北將軍南徐州刺史建平王景素進號征北將軍 各本並脫「南」字、據景素傳補。

「ス」 穀人五斛 各本並脱「人」字、據元龜二〇七補。

へたし 八月庚子 按是月癸亥朔,無庚子,初三日庚午,庚子或是庚午之譌。

[10] 而國度弘費 「弘」各本並作「引」,據元龜四七一改。

[11] 則氓隸齊歡 「隸」各本並作「祇」,據远龜四七一改。

驍騎將軍全景文爲南豫州刺史 「驍騎」各本並作「驃騎」,據南齊書呂安國傅全景文附傳改。

本

紀第

九

校

勘配

宋書卷十

本紀第十

順帝

儀同三司,班劍三十人,都督、刺史如故。 騎將軍、都督揚南豫二州諸軍事,給鼓吹一部,刺史如故。四年,又進號驃騎大將軍、開府 安成王,食邑三千戶。仍拜撫軍將軍,置佐史。廢帝卽位,爲揚州刺史。元徽二年,進號車 順皇帝諱準,字仲謀,日小字智觀,明帝第三子也。 泰始五年七月癸丑生。 七年,封

元徽五年七月戊子夜,廢帝殞,奉迎王入居朝堂。壬辰,卽皇帝位。

丙申,詔曰:「露臺息構,義光漢德; 雉裘焚制, 事隆晉道。故以檢奢軌化,敦儉馭俗。 昇明元年,改元,大赦天下,賜文武位二等。甲午,鎭軍將軍齊王出鎭東城,輔政作相。 頃甸

本

紀第十

順帝

齊王錢五百萬,布五 儀 車 服 射 西將軍 軍 服 王僧虔爲尚書僕射,右衞 ,刺史如 同三司,尚書左僕射、中領軍、鎭軍將軍、南兗州 皆禁斷。 未 儀 靜 制,實宜約損,使徽章 ···, 師 、郢州刺史晉熙王燮爲撫軍將軍、揚州刺史,南陽王翽爲郢州 故,中書令、衞將軍、開府儀同三司,撫軍將軍劉秉爲尚書令,加 旅連年 庶永 昭憲則,弘茲始政。」征西大將 ,委蓄屢空,勞敞莫偃。 千匹。 將軍劉韞爲中領軍, 癸卯,車駕謁太廟。 有 序,勿得 侈 而丹雘之飾,糜耗難訾,寶賂之費,徵 溢。 軍、 可罷省御府 金紫光祿大夫王琨 丙午,以安西參軍明慶符為青、冀二 荆州 刺史齊王 刺史沈攸之進號車 二署。 爲 河空、 凡工 爲右光祿 刺 錄尙 史。 一麗彫 中軍 書事 辛丑 騎大 鐫 大夫。 將 賦靡計。 一,尙 傷 將軍 軍 驃騎大 風 給司 .書右 ·、開府 毁治, 州 將 刺 空 僕 安

州 所 史,武陵王贊爲郢州刺史,新除郢州刺史南陽王翽爲湘州刺史,司空、南兗州刺史齊王改領 候 太守于天 南 徐州 生陳 入直 刺 雍州 史。癸亥,司 一殿省,參侍文義。 昭 刺史,征虜將軍李安民爲南兗州刺史。 華爲 實、新吳縣子秦立有罪,下獄死。 大水,八月壬子,遣使賑卹,蠲除稅調。 皇太妃。庚午,司空長史謝朏、衞軍長史江斅、中書侍郎褚炫、武陵王文學劉 徒袁粲鎭石頭。〔三〕丁卯,原除元年以前逋調;復郡縣祿田。 齊王固讓司空,庚辰,以爲驃騎大將軍、開府儀同三司 戊午,改平準署。 以驃騎長史劉澄之爲南豫州刺 辛酉,以宣城太守李靈謙 戊辰, 史。 崇拜帝 爲克 Щ

才之制 晏忘疲,永言 擾,世淪物競,道陂 九月己丑,詔曰:「昔聖王旣沒,淳風已衰,龜書永 ,地節 朕將親覽,甄其茂異。 剏獨行之品。 興替,望古盈 人諛。 然猶 慮。 振維務本,存乎得 正士比轂,奇才接軫。 姬、夏典載, 庶野無遺彥,永激遐芬。」己酉,廬陵王 猶傳緗帙,漢、魏餘文,布 人。 今可宣下州郡, **朕襲運金** 湮,龍圖長祕。 樞,纂 搜揚 靈瑤 在 暠 故三代之末,德刑 幽仄, 方册。 薨。 極,負扆巡政, 摽采鄉邑,隨 故元封 興 茂 相 H

刺 史沈景德為廣州刺史。 冬十一月己酉,[四]倭國遣使獻方物。 丙午,員外散騎侍郎胡羨生行越州刺史,以交州

將軍 將軍彭文之密相 述 申, 軍。庚午,新除 爲安西將軍、荆州刺史,征虜將軍、雍州刺史張敬兒進號鎭軍將軍。 丁卯,錄公齊王入守朝堂,侍中蕭嶷鎭東府。 、冠軍王蘊 以驍騎將軍 、郢州刺史,督諸軍前鋒南討。 十二月丁巳,以驍騎將軍王廣之爲徐州 率衆赴之。 左衞將軍齊王世子奉新除撫軍 周盤龍為廣州 響應。 中領軍 黄回及輔國將軍孫曇瓘、屯騎校尉王宜興、輔國將軍任候伯、左軍 刺史。 劉韞、直閣將軍卜伯興在殿內同謀。 征虜將軍呂安國爲湘州刺史,都官尚書王寬加平西將 是日,司徒袁粲據石頭反,尚書令劉秉、黃門侍郎劉 刺史。 戊辰,內外纂嚴。 將軍、揚州刺史晉熙王燮鎭尋陽之盆城。壬 車騎 大將軍、 己巳,以郢州刺史武 荆州刺史沈攸之舉 錄公齊王誅韞等於省 右衛將軍黃回 陵王贊 爲平西 兵反。

本紀

第

-|-

順帝

內。 並伏誅。 軍主蘇烈、王天生、薛道淵、戴僧靜等陷石頭,斬粲於城內。 其餘無所問。 豫州刺史劉懷珍、雍州刺史張敬兒、廣州 秉、述 刺史陳顯達並 、蘊踰城走,追擒之, 舉義兵。 司

州 書僕射王僧虔爲尚書左僕射,新除中書令王延之爲尚書右僕射。 刺史姚道和、梁州刺史范栢年、湘州行事庾佩玉擁衆懷貳。 甲戌,大赦天下。 吳郡太守劉遐據郡反, 乙亥,以尚 輔

國將軍張褒討斬之。

鉞。 辛丑, 攸之弟登之作亂於吳興,吳興太守沈文季討斬之。[三] 己亥,內外戒嚴,假錄 盟 月辛巳,屯騎校尉王宜興有罪伏誅。 寧朔將軍、北秦州刺史武都王楊文度進號征西將軍。[长] 癸巳,沈攸之攻圍郢城,前軍長史柳世隆 乙巳,錄公齊王出頓 公齊王黃 固

南將軍 除侍 軍 自 將軍 郢城 中 二年春正月,沈攸之遣將公孫方平據西陽,辛酉,建寧太守張謨擊破之。丁卯,沈攸之 奔散。 柳世隆爲尚書右僕射。是日,錄公齊王旋鎭東府。 、南豫州刺史。[P] 左衞將軍齊王世子爲江州刺史,侍中蕭嶷爲領軍,鎭軍將軍、雍州 、雍州刺史張敬兒克江陵, 斬攸之子光琰, 荆州平, 同逆皆伏誅。 己已,華容縣民斬送之。 左將軍、豫州刺史劉懷珍進號平南將軍。 丁丑,以江州刺史邵陵王友爲安 丙子,解嚴。 辛未,鎭 以新

刺 史張敬兒進號征西將軍,平西將軍 、野州刺史黃回進號鎮西將

年。 州 事 刺 錄 ·史晉熙王燮進號中軍將軍、開府儀 同 三司。 任候伯殺前湘州行事庾佩玉,傳首京邑。 刺 公齊王加授太尉,衞將軍褚淵爲中書監、司空。 史。 辛卯,郢州刺史、新除鎭南將軍黃回爲鎭北將軍、南兗州刺史,南兗州 月庚辰,以尚書左僕射王僧虔爲尚書令, 癸巳,以山陰令傅琰爲益州刺史。 丙申, 戊子,蠲雍州緣沔居民前被水災者租 尚書右僕射王延之爲尚書左僕射。 甲申,曲赦荆州。 左軍將軍彭文之有罪,下獄死。 丙戌, 刺史李安民為 撫軍 將軍 行湘州 癸未, 揚州 布三 郢

三月庚戌,以廣州刺史周盤龍爲同州刺史,輔國將軍劉悛爲廣州刺史。 丙子,給太尉

齊王羽葆、鼓吹。

有罪賜死。 夏四 月己卯,以游擊將軍垣崇祖爲兗州刺史。 甲午,輔國將軍、淮南宣城二郡太守蕭映行南兗州刺史。 辛卯,新除鎭北將軍、南兗州刺史黃回

五. 月戊午, 倭國王武遣使獻方物,以武爲安東大將軍。 輔國將軍、行湘州事任候伯有

罪伏誅。

六月己 丑,以 前新會太守趙超民爲交州刺史。 丁酉,以輔國將軍楊文弘爲北秦州刺

史、武都王。

本紀第十 順帝

八月辛卯,太尉齊王表斷奇飾麗服,凡十有四條。〔5〕乙未,以江州刺史齊王世子爲領

軍將軍、撫軍將軍。丙申,以領軍蕭嶷爲江州刺史。

小 履 刺史晉熙王燮爲司徒。戊申,行南兗州刺史蕭映爲南兗州刺史。甲寅,給太傅齊王三望 上殿,入朝不趨,贊拜不名。置左右長史、司馬、從事中郎、掾、屬各四人。 九月乙巳朔,日有蝕之。丙午,加太尉齊王黃鉞、都督中外諸軍事、太傅,領揚州牧,劍 中軍將軍

車。 己未,芮芮國遣使獻方物。癸酉,武陵內史張澹有罪,下獄死。

獲,伏誅。 冬十月丁丑,寧朔將軍、淮南宣城二郡太守蕭晃爲豫州刺史。 壬寅,立皇后謝氏,減死罪一等,五歲刑以下悉原。 孫曇瓘先逃亡、己卯、擒

十一月壬子,立故武昌太守劉琨息頒爲南豐縣王。癸亥,臨澧侯劉晃謀反,晃及黨與

皆伏誅。甲子,改封南陽王翽爲隨郡王,改隨陽郡。

十二月丙戌,皇后見于太廟。戊子,高麗國遣使獻方物。

除。 將軍、江州 辛亥,以驍騎將軍王玄邈爲梁、南秦二州刺史。 三年春正月甲辰,以江州刺史蕭嶷爲鎭西將軍、荆州刺史,尚書左僕射王延之爲安南 刺史。 安西長史蕭順之爲郢州刺史。 乙卯,太傅齊王表諸負官物質役者,悉原 領軍將軍、撫軍將軍齊王世子加尚書

刺史。

二月丙子,安南將軍、南豫州刺史邵陵王友薨。

加璽紱遠游冠,位在諸王上,加相國綠綟綬,其驃騎大將軍、揚州牧、南徐州刺史如故。 午,以中軍大將軍蕭賾爲南豫州刺史、齊公世子,副貳相國,綠綟綬。 三月癸卯朔,日有蝕之。 甲辰,崇太傅爲相國,總百揆,封十郡,爲齊公,備九錫之禮, 庚戌,臨川王綽謀反, 丙

冕十有二旒,建天子旌旗,出警入蹕,乘金根車,駕六馬,備五時副車,置旄頭雲罕,樂儛八 佾, 設鐘廣宮縣。 綽及黨與皆伏誅。 禪位于齊。 夏四月壬申,進齊公爵爲齊王,增封十郡。甲戌,安西將軍武陵王贊薨。 壬辰,帝遜位于東邸。 進世子爲太子,王子、王女、王孫爵命之號,壹如舊儀。 辛卯,天祿永終, 丁巳,以齊國初建,給錢五百萬,布五千匹,絹千匹。 旣而遷居丹陽宮。 齊王踐阼,封帝爲汝陰王,待以不臣 丙戌,命齊王

行宋正朔,上書不爲表,答表不 - 爲詔

建元元年五月已未,殂于丹陽宮,時年十三。 諡曰順帝。 六月乙酉,葬于遂寧陵。

亡之極,然後符樂推之運。

史臣曰 ·聖王膺錄,自非接亂承微,則天曆不至也。 自三、五以來,受命之主,莫不乘淪. 水德遷謝,其來久矣,豈止於區區汝陰揖禪而已哉!

校勘記

- 字仲謀 元龜一八二同。南史、建康實錄、御覽一二八引作「字仲謨」。
- 中書令衞將軍開府儀同三司撫軍將軍劉秉爲尚書令加中軍將軍 按據李慈銘朱書札記、孫虨

宋書考論,並參考南史宋本紀、本書袁粲傳、南齊書褚淵傳,「中書令」當作「尚書令」,「衞將軍」

下,似脫「袁粲爲中書監,領司徒,中書監褚淵爲衞將軍,並」十九字。

- 及本書袁粲傳。 司徒袁粲鎭石頭 今據南史、建康實錄改正。 「司徒」各本作「司空」。 按時蕭道成爲司空,袁粲爲司徒,見南齊書高祖紀,
- 不當在丙午前。 冬十一月己酉 建康實錄作乙酉,疑己酉是乙酉之譌。 下有丙午。按是月辛巳朔,初五日乙酉,二十六日丙午,二十九日己酉。 己酉
- 吳興太守沈文季討斬之 按沈文秀明帝世守靑州,已爲北魏所俘。此吳興太守乃沈文季。 「沈文季」三朝本作「沈文李」,北監本、毛本、殿本、局本作「沈文秀」。 南齊書沈文季傳可
- 寧朔將軍北秦州刺史武都王楊文度進號征西將軍 「楊文度」各本並譌作「楊文慶」,

フキノ 以江州刺史邵陵王友爲安南將軍南豫州刺史 「豫州上當有『南』字。」按邵陵王友傳 時爲南豫州刺史、孫說是、今補。 「南豫州」各本並作「豫州」。

孫彪宋書考論云:

【八】 凡十有四條 南史齊本紀及南齊書高帝紀並作「凡十七條」。

宋書卷十一

志第一

志序 律曆上

左史記言,右史記事,事則養秋是也,言則尚書是也。 至於楚書、鄭志、晉乘、楚机之

篇,皆所以昭述前史,俾不泯於後。

不言天形,致使三天之說,紛然莫辨。是故感爲於朔方上書,謂宜載述者也。 洽,固並因仍,以爲三志。而禮樂疏簡,所漏者多,典章事數,百不記一。天文雖爲該舉,而 片文隻事,鴻纖備舉。班氏因之,靡違前式,網羅一代,條流遂廣。律曆禮樂,其名不變,以 **采孟軻之書,用序食貨。** 天官爲天文,改封禪爲郊祀,易貨殖、平準之稱,革河渠、溝洫之名,綴孫卿之辭,以述刑法, 司馬遷制一家之言,始區別名題,至乎禮儀刑政,有所不盡,乃於紀傳之外,創立八書, 劉向鴻範,始自春秋,劉歆七略,儒墨異部,朱赣博采風謠,尤爲詳

志

此 也。 地 漢 少川源,是故鰝、酆、潦、潏,咸入禮典。漳、滏、鄭、白之饒,溝渠沾溉之利,皆民命所 河自龍門東注,橫被中國,每漂決所漸,寄重災深,堤築之功,勞役天下。 興,接秦阬儒之後,典墳殘缺,耆生碩老,常以亡逸爲慮。 劉歆七略,固之藝文,蓋爲 且關、洛高

回改,自魏至宋,宜入今書。 竊以班氏律曆,前事已詳,自楊偉改創景初,而魏書闕志。 及元嘉重造新法,大明博議

祖,國以爲天,溝洫立志,亦其宜也。

世殊事改,於今可得而略。

續。 求 已該,隨流派別,附之紀傳。樂經殘缺,其來已遠,班氏所述,政抄舉樂記,馬彪後書,又不備 非 無概見。郊廟樂章,每隨世改,雅聲舊典,咸有遺文。又案今鼓吹鐃歌,雖有章曲,樂人傳習, 相 義,無一可了。不知今之鐃章,何代曲也。今远自郊廟以下,凡諸樂章,非淫哇之辭,並 ,郊祭朝饗,匪云別事,旗章服物,非禮而何。今總而裁之,同謂禮志。刑法、食貨,前說 師祖,所務者聲,不先訓以義。今樂府鐃歌,校漢、魏舊曲,曲名時同,文字永異,尋文 至於八音衆器,並不見書,雖略見世本,所闕猶衆。爰及雅鄭,謳謠之節,一皆屛落,曾 班固禮樂、郊祀,馬彪祭祀、禮儀,蔡邕朝會,董巴輿服,並各立志。 夫禮之所苞, 其用

天文、五行,自馬彪以後,無復記錄。何書自黃初之始,徐志肇義熙之元。今以魏接漢,

綠文赤字之書,言之詳矣。 居上,而震蝕之災不弭,百靈咸順,而懸象之應獨違。今立符瑞志,以補前史之闕 鳥之瑞,斯固不可誣也。 帝哲王,咸有瑞命之紀,蓋所以神明寶位,幽贊禎符,欲使逐鹿弭謀,窺覬不作,握 式遵何氏。 然則自漢高帝五年之首冬,暨宋順帝昇明二年之孟夏,二辰六珍,甲子無差。聖 若夫衰世德爽,而嘉應不息,斯固天道茫昧,難以數推。 爱逮道至天而甘露下,德洞地而醴泉出,金芝玄**秬之**祥,朱草白 亦由明主 河括地,

蓄懷本之念,莫不各樹邦邑,思復舊井。旣而民單戶約,不可獨建,故魏邦而有韓邑,齊縣 幽淪寇逆。 所不能記。 豫,今隸司、虎,朝爲零、桂之士,夕爲廬、九之民,去來紛擾,無暫止息,版籍爲之渾淆,職方 班固、馬彪二志,晉、宋起居,凡諸記註,悉加推討,隨條辨析,使悉該詳。 重啓邊隙,潍北五州,翦爲寇境,其或奔亡播遷,復立郡縣,斯則元嘉、泰始,同名異實。今以 而有趙民。且省置交加,日回月徙,寄寓遷流,迄無定託,邦名邑號,難或詳書。大宋受命, 地 理參差,事難該辨,魏晉以來,遷徙百計,一郡分爲四五,一縣割成兩三,或昨屬荆 自戎狄內侮,有晉東遷,中土遺氓,播徙江外,幽、抖、冀、雍、院、豫、靑、徐之境, 自扶莫而裹足奉首,免身於荆、越者,百郡千城,流寓比室。人佇鴻雁之歌,士

百官置省,備有前說,尋源討流,於事爲易。

元嘉中,東海 何承天受詔纂朱書,其志十五篇,以續馬彪漢志,其證引該博者,卽而因

浩漫,非孤學所盡,足蹇途遙,豈短策能運。 之,亦由 毎含毫握簡, 班固、馬遷共爲一家者也。其有漏闕,及何氏後事,備加搜采,隨就補綴焉。 **村軸忘飡,終亦不足與班、左並馳,董、南齊轡。** 雖斟酌前史,備覩妍嗤,而愛嗜異情,取捨殊 庶爲後之君子削藁而 淵流

以丈尺;器有大小,故定以斛斗;質有輕重,故平以鈞石。故處書曰:「乃同律、度、量、衡。」 然則律呂,宮商之所由 爲黃鍾之宮。 黃帝使伶倫自大夏之西,阮隃之陰,取竹之懈谷生,其竅厚均者,斷兩節間而吹之,以 制十二管,以聽鳳鳴,以定律呂。 生也 夫聲 有淸濁,故協以宮商; 形有長短,故檢

盛 之情也; 祖,各有其樂。 奏黃鍾,歌大呂,舞雲門,以祀天神。 而 化 夫樂有器有文,有情有官。 !神,和順積中,而英華發外。」故曰:「樂者, 欣喜歡愛,樂之官也。」「是以君子反情以 又曰:「圜鍾爲宮,黃鍾爲角,太蔟爲徵,〔1〕姑洗爲羽,雷鼓雷鼗,孤竹之管, 鍾鼓干戚,樂之器也,屈伸舒疾,樂之文也,「論倫 乃奏太蔟, 歌應鍾, 心之動 和志,廣樂以成教,故能情深而 也; 舞咸池, 聲者,樂之象也。」周禮 以祭地祇。」 四望 文明,氣 無息, 回一乃 Щ .川先

雲和之琴瑟,雲門之舞,冬日至,於地上之圜丘奏之。若樂六變,則天神皆降,可得而禮 矣。」地祇人鬼,禮亦如之。其可以感物興化,若此之深也。

時。甲子,中呂之徵也;丙子,夾鍾之羽也;戊子,黃鍾之宮也;庚子,無射之商也,壬子,夷 與正晉比,故爲和。和,從聲也。[日]應鍾生蕤賓,蕤賓不比於正音,故爲繆。繆,晉相干也。周律故有繆、和, 徵,徵生商,商生羽,羽生角,角生姑洗,姑洗生應鍾,比於正音,故爲和。回站洗三月,應鍾十月, 之數四十五,主九月,上生中呂。中呂之數六十,主四月,極不生。極不生,鍾律不能復相生。宮生 夷則。夷則之數五十一,至三主七月,上生夾鍾。夾鍾之數六十七,主二月,下生無射。無射 主十月,上生蕤賓。蕤賓之數五十七,主五月,上生大呂。大呂之數七十六,主十二月,下生 呂之數四十八,主八月,上生姑洗。姑洗之數六十四,主三月,下生應鍾。應鍾之數四十三, 下生林鍾。林鍾之數五十四,主六月,上生太蔟。太蔟之數七十二,主正月,下生南呂。南 成,故置一而三之,凡積分十七萬七千一百四十七,爲黃鍾之實。故黃鍾位子,主十一月, 爲武王伐紂七晉也。日冬至,晉比林鍾浸以濁,日夏至,晉比黃鍾浸以淸。以十二月律應二十四 則之角也。」 「道始於一,一生二,二生三,三三而九。三故黃鍾之數六,分而爲雌雄十二鍾。鍾以三

「古人爲度量輕重,皆生乎天道。黃鍾之律長九寸,物以三生,三三九,三九二十七,故

音之數五,以五乘八,五八四十尺爲匹。匹者,中人之度也,一匹爲制。秋分而禾標定,標,禾 時而一歲,故四鈞而一石。」「其爲音也,一律而生五音,十二律而爲六十音,因而六之,六 因而四之,四四十六,故十六兩而一斤。三月而一時,三十日一月,故三十斤而爲一鈞。四 銖,十二銖而當半兩。 衡有左右,因而倍之,故二十四銖而當一兩。 天有四時,以成一歲, 以當日。日之數十,故十寸而爲尺,十尺爲丈。其以爲重,十二粟而當一分,十二分而當一 穗芒也。標定而禾孰。律之數十二,故十二標而當一粟,十二粟而當一寸。「尽」律以當辰,音 上生者四,以三除之。」 六三十六,故三百六十音以當一歲之日。故律曆之數,天地之道也。下生者倍,以三除之, 廣二尺七寸,古之制也。音以八相生,故人長八尺,尋自倍,故八尺而爲尋。有形卽有聲,

聲和音諧,是謂五樂。」 相協,而八音生。協,和。宮、商、角、徵、羽,謂之五聲。金、石、匏、革、絲、竹、土、木,謂之八音。 鍾,丑爲大呂之屬。聲以情質,質,正也。各以其行本情爲正也。律以和聲,當以律管鍾均,和其淸濁之聲。聲律 揚子雲曰:「聲生於日,謂甲己爲角,乙庚爲商,丙辛爲徵,丁壬爲羽,戊癸爲宮。律生於辰,謂子爲黃

樂均,度晷景,候鍾律,權土炭,効陰陽。冬至陽氣應,則樂均淸,景長極,黃鍾通,土炭輕 夫陰陽和則景至,律氣應則灰除。是故天子常以冬夏至御前殿,合八能之士,陳八音,

端 密, 用 中 而 玉 衡 布緹 案 律 仰。至 能 十 二。 曆 各以 幔。 而 候 夏至陰氣應, 室中 候狀聞。 之。 唯二至乃候 以木爲案,每律各 氣至者灰 太史令封 則樂均濁, 靈臺, 動。 Ę 其爲氣動者其灰散, 用竹律六十。行 景短 ---, 効則 內庫外高 極,蕤賓 和,否則占。 取弘農宜陽縣金門山竹爲管, 從 通, 其方位,加 人及風 土炭 候氣之法,爲室三重,戶 重而 所動者, 衡低。 律其上。 其灰聚。云 進退於先後 以葭莩灰 別, 河 殿 布其 內 塗 五日之 中候, 釁 內 周

爲

灰

(017°)

太族爲 瑟,長 而復, 矣。 郞 正 八卦之變 五聲、六律、十二管還相 也。 $\dot{\oplus}$ ·京房 中呂 三代 文而 陰陽 故 商 各統 上生 ,姑洗 至於六十四 知五 陵遲,音律失度。 寒煖 十三弦,隱間九尺,以應黃鍾之律九寸,中央一弦,下有畫分寸,以爲六十律淸濁 執 音六十律之數,受學於小黃令焦延壽。 風 爲角, 始, 日。 雨之占於是 執始下生去滅,終於南事,而六十律畢矣。 其 餘 林 也。 鍾 爲 以 爲 宓羲作易,紀陽氣之初,以爲律 宮。」此之謂 漢興、北平侯張蒼始定律曆。 次 徵,南呂 生焉。 運行 , 房 爲羽,應鍾 當 也。 又曰「竹聲 日者各自 以六十律分一春 爲 l 爲 宮, 變宮,蕤賓 不可 其下生、 以度 而 孝武 法。 商 調 角徴 芝 爲 、之世,置協律之官。 建日冬至之聲,以黃 上生,終於 變徵。 夫十二律之變至於六十,猶 放 日, 羽 作準以定數。 黄鍾 以 類 此聲氣 自 中呂,而 從 冬至 焉。 之元,五音之 始, 禮運篇 準 十一 鍾爲宮 元帝 之狀 及冬至 律 華 如

芯

之節。」房言律詳於歐所奏,自己其術施行於史官,候部用之。續漢志具載其律準度數。

準法教子男宣,願召宣補學官,主調樂器。」詔曰:「嵩子學審曉律,別其族,協其聲者,審試。 漢章帝元和元年,待詔候鍾律殷肜上言:「官無曉六十律以準調音者,故待詔嚴嵩具以

乃爲能傳嵩學耳。」試宣十二律,其二中,其四不中,其六不知何律,宣遂罷。 不得依託父學,以聾爲聰。聲微妙,獨非莫知,獨是莫曉,以律錯吹,能知命十二律不失一,

爲準。 其器,形制如房書,猶不能定其絃緩急。音不可書以曉人,自己知之者欲敎而無從,心達者體 靈帝熹平六年,東觀召典律者太子舍人張光等問準意。光等不知。 歸閱舊藏,乃得 自此律家莫能

知 m 無師,故史官能辨淸濁者遂絕。 其可以相傳者,唯候氣而已。

舊律度	新律度	舊律分	新律分新律小分母三十六[1]]
黃鍾九寸	九寸	十七萬七千一百四十七	十七萬七千一百四十七
林鍾大寸	六寸一釐	十一萬八千九十八	十一萬八千二百九十六二十五
太蔟八寸	八寸二釐	十五萬七千四百六十四	十五萬七千八百六十一十四
南呂五寸三分三	五寸三分大釐少强	十萬四千九百七十六	十萬五千五百七十二三

姑洗七寸一分 釐强 七寸!分五釐强[l吾]十三萬九千九百六十八 十四萬七百六十二三十八

釐少强[]四]

蕤賓六寸三分二釐强 應鍾四寸七分四釐强二 四寸七分九釐强 黄鍾八寸八分八釐弱 中呂六寸六分六釐易 無射四寸九分九 夾鍾七寸四分九 夷則五寸六分一 大呂八寸四分二釐大强 釐半弱[三三] 釐少弱(三0) 釐大强 九寸 六寸七分七釐 五寸九釐半 六寸三分八釐强〇七一十二萬四千四百一十 五寸七分弱 八寸四分九釐大强 七寸五分八 釐少弱.[二] 九萬三千三百一十二 三分之二,不足二千三百 十三萬一千七十二 十六萬五千八百八十八 十七萬四千七百六十二 九萬八千三百四 十四萬七千四百五十六 十一萬五百九十二 六二公 十七萬七千一百四十七 十四萬九千二百四十四九 十一萬二千一百八十一二十 十六萬七千二百七十八三十一 七二十五〇三三 九萬四千三百五十七 十三萬三千二百五十 十萬二百九十三十四 十二萬五千六百八六二九

論曰:律呂相生,皆三分而損益之。 志 律 曆 上 先儒推十二律,從子至亥,每三之,凡十七萬七千

八十四,三分之一 [三]

玉鑄 取玉所鑄 漢末,亡失雅樂,黃初 鍾,其聲清濁,多不如法。 |蔡邕從朔方上書,云前漢志但載十二律, 日三不及六十。 鍾,雜錯更試,然後 中,鑄工柴玉巧有意思,形器之中,多所造作。 數毁改作,玉甚厭之,謂變淸濁 知變爲精,於是罪压及諸子,皆爲養馬士。曰於 六律尺寸相生,司馬彪皆已志 任意。更相訴白於魏王。 協律都尉 杜夔令 魏

列和,辭一一昔魏明帝時,令和承受笛聲,以作此律,欲使學者別居一坊,歌詠講習,依此律 試,其三具與杜夔及左延年律法同,其二十二具,視其銘題尺寸,是笛律也。 + 车, 中書監荀勗、中書令張華,出御府銅竹律二十五 具, 部太樂郎劉秀等校 問 協律 中 郎將

清者,用短笛短律。凡絃歌調張清濁之制,不依笛尺寸名之,則不可知 調 。 至 一於都合樂時,但識其尺寸之名,則絲竹歌詠,皆得均合。 歌聲濁者,用長笛長律,歌聲 心也。」

姓名。 于後 宜 經 中。日日是故郊祀朝宴,用之有制,歌奏分敍,清濁有宜。故曰『五聲十二律,還相爲宮』。此 律。』是爲作笛無法。 用 示 傳 儀 便 利 者 刑 相 記 勗 府 等奏:「昔先王之作樂也,以振風蕩俗, 古昔、「圖」以求厥夷,合于經禮,於制爲詳。 也。 籍可得 其 應,吹其聲均,多不諧合。又辭:『先師傳笛,別其淸濁,直以長短,工人裁制,舊不依 施 餘 講 行。〔三〕平議諸杜夔、左延 無所 肄 謹 而 彈擊,必合律呂,況乎宴饗萬國,奏之廟堂者哉!雖恰、變曠遠,至音難精,猶 條牒諸律,問和意狀如左。及依典制,用十二律造笛像十二枚,聲均調和,器 施用,還付御 知者也。 而和寫笛造律,回己又令琴瑟歌詠,從之爲正,非所以稽古先哲,垂憲 如和對辭,笛之長短,無所象則,率意而作,不由曲度。考以正律, 府毀。」奏可 年律可 皆留。 饗神佑賢、三弘必協律呂之和, 若可施用,請更部笛工,選竹造作,下太 其御府笛正聲下徵各一具,皆銘題作者 以節八音之

樂東 五尺有餘, 廂 勗 長 叉 笛 問 和昔日作之,不可吹也。 和 IE 「作笛 聲已長四尺 爲 可 依 二寸,今當復取 十二律作十二笛,令一孔依一律,然後乃以爲樂不。]和辭:「太 又笛諸孔,雖不校試,意謂不能得一孔輒應一律也。」案 其下 徵之聲,於法,聲濁者笛當長, 計 其尺寸,乃

志

第

父祖 長二尺六寸有奇,不得長五尺餘。 太樂,四尺二寸笛正聲均應蕤賓,以十二律還相爲宮,推法下徵之孔,當應律大呂。 一孔一校,聲皆相應。 |漢世以來,笛家相傳,不知此法,而今調均與律相應,實非所及也。」郝生、魯基、种整、 ,皆與和同 然後令郝生鼓筝,宋同吹笛,以爲雜引、相和諸曲。 令太樂郎劉秀、鄧昊等依律作大呂笛以示和。又吹七律, 和乃辭曰:「自和 大呂笛

周禮 從笛 受鍾 也。 豔 知其皆應何律。 何檢知 、魏邵等與笛工參共作笛,Cillio 工人造其形,律者定其聲,然後器象有制,音均 爲正。 **磬之均,即爲悉應律也。** 若當作笛,其仰尙方笛工,依案舊像訖,但吹取鳴者,初不復校其諸 叉問 調樂金 。]和辭:「先師相傳,吹笛但以作曲 和「笛有六孔,及其體中之空爲七。 是爲笛猶鍾磬,宜必合於律呂。 石,有一定之聲,是故造鍾磬者,先依律調之,然後施於廂懸 調與不調,無以 至於饗宴殿堂之上,無廂懸 檢正。 唯取竹之鳴者,爲無法 相語,爲某曲當舉某指,〔三〕初不 如和所對,直以意造,率短 和爲能盡名其宮商角徵不。孔調與不調,以 鍾磬,以笛 制。 輒令部郎劉秀、鄧昊、王 有一 孔調 。作樂之時,諸音皆 寸, 定調 知七孔 與不 七孔聲均,不 ,故諸絃歌 和 調 盡應何聲 也。」案 皆

隨歌者聲之淸濁,用笛有長短。假令聲濁者用三尺二笛,因名曰此三尺二調也。聲淸者用二 叉 問問 和:「若不知律呂之義,作樂音均高 下清濁之調,當以 何名之。」和辭:「每合樂時,

奏之義,當合經禮,考之古典,於制爲雅 尺九笛,因名曰此二尺九調也。漢、魏相傳,施行皆然。」案周禮奏六樂,乃奏黃鍾,歌大呂, 鍾之律,若宜用短笛,執樂者曰「請奏黃鍾」。 之,俗而不典。 乃奏太蔟,歌應鍾。皆以律呂之義,紀歌奏淸濁。 曰「請奏無射」。周語曰:「無射所以宣布哲人之令德,示民軌儀也。」二尺八寸四分四釐應黃 部郞劉秀、鄧昊等以律作笛,三尺二寸者,應無射之律,若宜用長笛,執樂者 周語曰:「黄鍾所以宜養六氣九德也。」是則歌 而和所稱以二尺三尺爲名,雖漢、魏用

故復 蔡邕 還相爲宮。」劉歆、班固纂律曆志,亦紀十二律。唯京房始創六十律,至章帝時,其法已亡, 依 (典記,以五聲十二律還相爲宮之法,制十二笛象,記注圖側,如別。省圖,不如視笛之了, 重作蕤賓伏孔笛。 |雖追紀其言,[]圖]亦曰「今無能爲者」。依案古典及今音家所用六十律者,無施於樂。 謹 漢曰:「予欲聞六律五聲八音,在治忽。」 [io] 周禮載六律六同。禮記又曰:「五聲十二律, 其制云:

日正 九德 聲。 也 、爲變徵,第五附孔。 。」正聲調法,〔三六〕以黃鍾爲宮,則姑洗爲角。翕笛之聲應姑洗,故以四角之長爲黃鍾之笛也。 鍾之笛,正聲應黃鍾,下徵應林鍾,長二尺八寸四分四釐有奇。周語曰:「黃鍾所以宣養六氣 正 聲 調法,黃鍾爲宮,第一孔。應鍾爲變宮,第二孔。 姑洗爲角,笛體中聲。 太族爲商。笛後出孔也。 南呂爲羽,第三孔。 商聲濁於角,當在角下,而角聲以在 林鍾 其宮聲正而不倍,故 爲徵 第四

志

也。 然 角 舊 南 則 笛首下度之,盡二律之長而 體 故 本 笛 出 度之,盡律 次第之名也。 孔,〔三〕則 出法,雖 假用 Ė 之制, . 於 得徵聲 中,故上其 則 呂 生變宮 一聲黃 變徵 本 正 也 黄鍾以 正 壂 各以 一。以 也。 聲 附孔之下,(三)則 調 鍾 倍 得 前 黃鍾之變宮,今爲下徵之角也。黃 之徴 清 一,姑洗 爲孔, 商 再倍,[四]]但令均同。 變宮之聲也。 南呂律從商孔下度之、〔三〕盡律爲孔 其宮爲主。 徴 〔三〕下章說律呂相生,笛之制也。正聲調 爲變徵也。 孔, 。徵清當 下 生商 徴 則得角聲也。 令在宫上,清於宮也。 生應 調 濁 在宮上,用笛之宜,倍令濁下,故曰下 林 (温三)相 也。 假用之法:當變徵之聲, 變宮生 鍾 爲孔 吹者右手所不逮也,故不作角孔。 鍾 也。 南呂爲商 生太蔟也。 生之法 ,則得宮聲也。 然則出於商孔之上,吹笛者左手所不及也。 變徵,應鍾 上句所謂 適足爲唱和之聲,無害於曲均故也。 ,或倍或半,其 然則宮商正也,餘聲皆倍也。 第三孔 當爲角 鍾 以太蔟律從徵孔上度之、盡律以爲孔、則得商擊也。 宮生徵, 爲 生蕤賓 列則 則俱發黃鍾及太蔟、應鍾三孔。 變徵 孔 也。〔四公〕 便 得羽聲也。 加 事用、[四]例皆一 出商上者、「四」墨點識 法,黃鍾爲宮,作黃鍾之笛,將求宮孔,以 , 也。 黄鍾 下 推 徴。下 本正 徴 而下之,復倍其均,是以角聲在笛體中,古之制 以 之調 羽生角,南呂生姑 生林 聲 蕤賓律從變宮下度之, 徴更爲宮者 黄鍾 7,林鍾 :鍾也。 **湯**語 是故從宮以下,孔轉下轉濁也。此章說笛孔上下 者也。 之羽, 「為宮?· 日,匏竹利 從羽 之,以 F 詑 **今為下** 大呂當 以林鍾之律從宮孔下度之, 孔下行度之, 黃鍾濁而太蔟淸、[四]大呂律在二律 所謂 五 徴 應律 調 制,議 徴之商。 變徵。而 盡律 洗也。 法,林 也。 聲 十二律還相 爲孔, 宜,謂 從此 盡律而 黄鍾 應 鍾 以姑 商 點下行度 則 便 爲宮, 鍾 笛 於 得 生 爲 洗 姑洗及黃鍾 爲 事用 本無大呂之聲, 變徵之聲。 爲 孔 律從 羽 角, ,亦得 宫 ,太蔟 第四 從 之,盡律 盡律 也。 羽 也 宜 孔上行 第 [五]。[一者也。 角聲, 扎 作 音家 律從 二孔 也。 Ł 生 爲

非 之變徵也,今爲下徵之變宮也。 擊之商,今爲下徵之徵。姑洗爲羽,笛體中翕擊也。本正聲之角,今爲下徵之羽也。蕤賓爲變宮,附孔是也。本正聲 之間,俱發三孔而微磑嚄之,「四八則得大呂變徵之聲矣。諸笛下徵調求變徵之法,皆如此。太蔟爲徵, 合雅樂也。 即是笛體中翕聲也,於正聲爲角,於下徵爲羽。淸角之調,乃以爲宮,而哨吹令淸,故曰淸角。 正也。 太蔟爲變宮。非正也。 蕤賓爲商,正也。 然則正聲之調,孔轉下轉濁;下徵之調,孔轉上轉清也。清角之調:以姑洗爲宮, 林鍾爲角,非正也。南呂爲變徵,非正也。 清角之調,唯宮商及徵,與律相應,餘四聲非正者皆濁,一律哨吹令清,假而用之,其 應鍾爲徵,正也。 唯得爲宛詩謠俗之曲,不 笛後出孔,本正 黄鍾爲羽,

其度,以應進退上下之法,所以協聲均,便事用 宮孔, 也。 齊,必不得已,取其聲均合。 |二宮一曰正聲,二曰下徵,三曰淸角。 六,短笛竹宜受八律之黍也。[Bc]若長短大小不合於此, 諸笛例皆一 倍令下者也。 凡 笛體用角律,其長者八之,蕤賓、林鍾也。短者四之,其餘十笛,皆四角也。空中實容,長者十 也。 四日 伏孔四,所以便事 一變徵,遠於徵孔,倍令高者也。[AO]或倍或半,或四分一, 用也。一曰正角,出於商上者也。 也 其本孔隱而不見,故曰伏孔。 或器用不便聲均法度之齊等也。然笛竹率上大下小,不能均 二十一變也。 二曰倍角、近笛下者也。三曰變宮、近於 取則於琴徽也。 宮有七聲,錯綜用之,故二十一變 四者皆不作其孔而取

例

也。

大呂之笛: 正聲應大呂, 下徵應夷則, 長二尺六寸六分三釐有奇。 周語曰:「元間大呂,助

宣物也。」

志

太蔟之笛:正聲應太蔟,下徵應南呂,長二尺五寸二分八釐有奇。「哥」媽語曰:「太蔟 所 以金

奏,贊陽出滯也。」

夾鍾之笛:正聲應夾鍾,下徵應無射,長二尺四寸。周語曰:「二間夾鍾,出四隙之細也。」

姑洗之笛:正聲應姑洗,下徵應應鍾,長二尺二二寸四分七釐有奇。馮語曰:「姑洗所以修潔百

物,考神納賓也。」

中呂之笛:正聲應中呂,下徵應黃鍾,長二尺一〕寸三分三釐有奇。至三週語曰:「三間中呂,

宣中氣也。」〔三〕

蕤賓之笛:正聲應蕤賓,下徵應大呂,長三尺九寸九分五釐有奇。頌語曰:「蕤賓所以安靜神

獻酬交酢。」變宮近宮孔,故倍半令下,〔吾〕便於用也。林鍾亦如之。

林鍾之笛:正聲應林鍾,下徵應太蔟,長三尺七寸九分二釐有奇。〔臺〕周語曰:「四間林鍾,和

展百事,俾莫不任肅純恪。」

夷則之笛:正聲應夷則, 下徵應夾鍾, 長三尺六寸。悶語曰:「夷則所以詠歌九則,平民無貳

也。」「具〕變宮之法,亦如蕤賓,體用四角,故四分益一也。

南呂之笛:正擊應南呂,下徵應姑洗,長三尺三寸七分一釐有奇。[至]周語曰:「五間南呂, 贊

無射之笛:正聲應無射,下徵應中呂,長三尺二寸。 测語曰:「無射所以宣布哲人之令德**,** 示民軌

儀也。」

利器

用,

俾應復也。」

應鍾之笛:正聲應應鍾,下徵應蕤賓,長二尺九寸九分六釐有奇。〔丟〕周語曰:「六間應鍾, 均

以鑄 漸 而 白應。 長於古四分有餘。變依爲律呂,故致失韻。乃部佐著作郎劉恭依周禮更積黍起度,「熟〕 新律。 勗 又以魏杜夔所制律呂,檢校太樂、總章、鼓吹八音,與律乖錯。始知後漢至魏,尺度 初勗行道,逢趙郡商人縣鐸於牛,其聲甚韻。至是搜得此鐸,以調律呂焉。 旣成,募求古器,CKOJ得周時玉律,比之不差毫釐。 又漢世故鍾,以律命之,不叩

後、掘地得古銅尺、果長國尺四分、時人咸服其妙。 晉武 帝以勗律與周、漢器合,乃施用之。散騎侍郎阮咸譏其聲高,非興國之音。

|元康中, 裴頠以爲醫方民命之急,而稱兩不與古同,爲害特重,宜因此改治權衡。 不

見省。

奚縱 減爲三尺三寸七分,縱又減一寸一分,爲三尺二寸六分。 叉減五 黃鍾箱笛,晉時三尺八寸,元嘉九年,太樂令鍾宗之滅爲三尺七寸。 十四年,治書令史 分,爲三尺六寸五分。 列和云:「東箱長笛四尺二寸也。」太蔟箱笛,晉時三尺七寸,宗之 姑洗箱笛,晉時三尺五寸,宗之減

爲二尺九寸七分,縱又減五分,爲二尺九寸二分。 蕤賓箱笛,晉時二尺九寸,宗之減爲二尺

六寸,縱又減二分,爲二尺五寸八分。

校勘記

黄鍾爲角太蔟爲徵 各本脫「爲角太蔟」四字,據周禮春官大司樂職文補。

三三而九 各本並作「三而九」,據淮南子天文訓原文補正。

= 夷則之數五十一「五十一」宋書各本並作「五十」,據淮南子天文訓及晉書律曆志(以下簡稱

(晉志) 補。 錢寶琮宋書律志校勘記云:「夷則之數爲五〇・五七、若舉成數言之、當作五十一。

| |23 | |___| 比於正晉故 爲和 各本「比」字上並有「不」字,據雅南子天文訓原文刪。 小注「與正音比」上各

本亦有「不」字、今並删去。

五 故爲和和從 聲也 「故」各本作「效」、「從」各本作「徙」、並據淮南子天文訓原文改正。

ベレ 十二粟 而當一寸 各本並作「一粟而當一寸」,據淮南子天文訓原文改正。

フセリ 輕 而衡仰 「仰」,各本譌邛,當由卬之形似而譌。 卬仰古今字,續漢志、晉志作仰,今改正。

至者次去散人及風所動者其灰聚」,殿本但「次」字作「吹」字,其餘文字並同。 氣至者灰 動其爲 氣 動者其灰散人及 風所 動者其 灰聚 三朝本、北監本、毛本、局本原作「氣 字句奪譌,義不

可 通。 今據續漢志、晉志改正。

ナъ 唯二至乃候靈臺用竹律六十 「靈臺用竹律六十」七字,各本並脫,據續漢志、御覽一六引京房

}傳 補

(10) 取弘農宜陽縣金門山竹爲管河內葭莩爲灰 各本並脫「爲管河內葭莩」六字,據晉志補。

房言律詳於歆所奏 各本並脫「於歆所奏」四字,據晉志補。

音不可書以曉人 「書以」各本作「以書」,據晉志乙正。

南呂五寸三分三釐少强 新律小分母三十六「母」各本並作「十」、據錢寶琮校勘記改。 「三分」各本並作「二分」,張文虎舒藝室隨筆云:「當作南呂五寸三分

三釐少强。」錢寶琮校勘記云:「太蔟正律度八寸,二乘而三除之,正得五寸三分三釐少强也。」

今據張、錢二家說改正。

七寸一分五釐强 「强」各本並作「少强」,據律理校算改正。

應鍾 四寸七分四釐强 ·百衲本、北監本、毛本作「應鍾四寸七」。殿本、局本作「應鍾四寸七分」。

據錢寶琮校勘記訂正。

六寸三分八釐强 「强」各本並作「少强」,據律理校算改正。

萬四千四百一十六 各本並作「十二萬四千四百三十六」。據續漢志改。

志

第

校 勘 記

- 十二萬五千六百八六 各本並作「十二萬五千六八六」。 錢寶琮校勘記云:「據術當作十二萬五
- 千六百八•六。」今改正。
- 夾鍾七寸四分九釐少弱 「少弱」各本並作「少强」,據錢寶琮校勘記改。
- 七寸五章 分八釐少弱 「少」字,各本並脫,據律理校算補 正
- 無射四 一寸九 分九釐半弱 「半弱」各本並作「半强」、據錢寶琮校勘記改。
- 十三萬三千二百五十七二十五 「二十五」各本並作「二十三」,據錢寶琮校勘記 改
- 三分之二不足二千三百八十四三分之一 各本並作「三分之二分二千四百八十四三分之一」,

據錢寶琮校勘記改正。

- 云前漢志但載十二律 「十二律」各本皆脱「二」字。今據前漢志補
- 於是罪玉及諸子皆爲養馬士 「士」各本並作「主」,據三國志魏志杜夔傳改。
- 饗神佑賢 「佑」各本並作「佐」,據晉志改。
- 合 以節八音之中 「中」各本並作「用」、據晉志改。
- 而和寫笛造律 「和」各本並作「知」,據晉志改。 按和指協律中郎將列和
- **猶宜儀刑古昔** 各本並奪「儀」字、據晉志補
- 〔三〕下太樂樂府施行 「下」字各本並奪去,據晉志補。

- [Ji] 為某曲當舉某指 「舉」各本並作「與」,據晉志改。
- 輒令部郎劉秀鄧昊王豔魏邵等與笛工參共作笛 「輒」晉志作「趣」,嚴可均全晉文「趣」下有
- 「令」字,今不改「輒」字,補「令」字。「王豔」二字各本皆空白,據晉志補
- 在治忽 忽」,今據改。 三朝本作「在治七始」,北監、三本、殿本、局本作「在治忽始」。 按尚書益稷篇作「在治
- 晉志補。 蔡邕雖追紀其言 「紀」字,百衲本空格一字。 北監、毛本、殿本、局本作「古作」二字。 今據
- CIP.) 正聲調法 「正聲」各本並作「主聲」,據晉志改。
- 此章說笛孔上下次第之名也 「次第」百衲本作「太律」,北監、毛本、殿本、局本作「大律」,今據

晉志改。

志改。

- 以南呂律從商孔下度之 「南呂律」下各本有「度」字,據晉志删。「商孔」各本作「角孔」,據晉
- (景型) 出於變徵附孔之下 |法 亦誤。 當云出於變徵附孔之下。 「變徵附孔」各本並作「附商孔」,晉志作「商附空」。 變徵附 .孔,卽上文所謂第五孔也。」今據錢說改。 錢寶琛校勘記云:「晉

上 句 所 謂當爲角孔而出商上者 「商上」各本及晉志並作「商下」。 張文虎舒藝室隨筆及錢寶

琮校勘記 並云 商下當作商上。 今據改。

盡律爲孔 各本只有「爲孔」二字,奪去上二字。 晉志作「應律爲孔」。 張文虎舒藝室隨筆云:

當作盡律爲孔。」今據張氏

說補。

「應律爲孔,

各以其宮爲主 「各」各本並作「名」,據晉志

其便 事 用 「便」各本並作「使」,據晉志改。

記

所謂

五聲十二律還相爲宮也

「也」各本並作「者」,據晉志改。

第三孔· 也 各本奪「也」字,依前後文例,據晉志補。

四门 黄鍾 濁 而太 族清 「濁」字上,各本並有「應」字,錢寶琮校勘記云:「應字是衍文。」今删

當作微,晉志亦誤。」按對注蓋據張氏說改。 俱發三孔而微磑穫之 「微」各本並作「徴」。 今改正 晉書斠注改作「微」。 張文虎舒藝室隨筆云 徴

「四九」 長者十六短笛竹宜受八律之黍也 錢寶琮校勘記云:「注文與正文不相屬,疑有脫誤。」

金 四日變徵遠於徵孔倍令高者也 據錢寶琛校勘記云:「當云四日變徵, 近於徵孔, 半令高 者

呈 長二尺五寸二分八釐有奇 各本並作「長二尺五寸三分一釐有奇」。 據張文虎舒藝室隨筆說

也。」

至三 長二尺二寸四分七釐有奇至長二尺一寸三分三釐有奇 各本均奪去「寸四分至二尺一」,據

張文虎舒藝室隨筆說補。

至三 三間中呂宣中氣也 「宜」各本譌「宮」,據晉志改。

變宮近宮孔故倍半令下 各本並脫去「近宮孔」之宮字,今據晉志補。「倍」,各本作「陪」,今據

晉志改正。

金哥 長三尺七寸九分二釐有奇 「二釐」各本並作「七釐」。據錢寶琮校勘記改。

至 夷則所以詠歌九則平民無貳也「九則」各本並作「九州」,據國語原文改正。

至 長三尺三寸七分一釐有奇「一釐有奇」四字,各本並脫,據錢寶琮校勘記補。

[云] 長二尺九寸九分六釐有奇 「二尺」各本作「三尺」,殿本作「五尺」。 張文虎舒藝室隨筆、錢寶

踪校勘記並云:「三尺當作二尺。」今據張、錢二家說改。

乃部佐著作郎劉恭依周禮更積黍起度 「乃」各本並作「及」,據晉志改。

CSC 募求古器 「募」各本並作「慕」,今改正。

志

第

校

勘 記

宋書卷十二

志第二

律曆中

畅羣生,蒙其利澤。 若昊天。故虞書曰:「朞三百有六旬六日,以閏月定四時成歲。」其後授舜,曰:「天之曆數在 爾躬。」舜亦以命禹。 氏司曆。 顓頊之代,南正重司天,北正黎司地。 堯復育重黎之後,使治舊職,分命養、和,欽 使大撓造六甲,容成制曆象,羲和占日,常儀占月。少昊氏有鳳鳥之瑞,以鳥名官,而鳳鳥 生之性,章爲五才,五才之靈,五星是也。曆所以擬天行而序七耀,紀萬國而授人時。黃帝 天地之象。 古先聖哲,擬辰極,制渾儀。 夫陰陽二氣,陶育羣品,精象所寄,是爲日月。 羣 夫天地之所貴者生也,萬物之所尊者人也,役智窮神,無幽不察,是以動作云爲,皆應 三王旣謝,史職廢官,故孔子正春秋以明司曆之過。 爱及殷、周二代,皆創業革制,而服色從之。順其時氣,以應天道,萬 秦兼天下,自以爲

志

第

二二八

水德,以十月爲正,服色上黑。

六元 黄帝 辭 皆觀 唐都 帝 其術斗分多,上不可檢於春秋,下不驗於漢、魏,雖復假稱帝王,祇足以惑時人耳。 不服,竟下吏。 課 + 地,〇〇 用 以 諸 餘 鄧 明 比 元 不 平 封 事 疏 人 調 受之於天也。 星 分 漢 同, 雑 大不 所造八十一 天 密, }曆 度, 七年,太中大夫公孫卿、壺遂、太史令司馬遷等,言曆紀廢壞,宜改正朔,易服色,所 興,襲秦 雖 部,落下閎運算轉曆。 候 ,「今陰陽不 分章 日 盡 凡十一 敬。 晦朔 精 月行,更以算推,如閎、平法, 或 至孝成 正朔,北平侯張蒼首言律曆之事,以顓頊曆比於六曆,所失差近。 巧,非其實 弦望 詔 家。 (異,至· 分律曆,以严爲太史丞。 勿劾。 乃詔遂等造漢曆。 二十四氣。 調,更曆之過」。詔下主曆使者鮮于妄人與治曆大司農中丞 時 起三年盡 今所差,或三日 劉 也。 復候,盡六年,太初 向 班固 總六曆, 其法積八十一寸,則一日之分也。 五年。 叉詔 謂之密要,故漢 選鄧平、長樂司馬可及人間治曆者,二十餘人。 逐相 ,或二日數時, 壽王 列是非,作五紀論 、御史、大將軍、右將軍史各一人雜候 一月之日二十九日八十一分日之四十三。 課疏遠。 至元鳳三年, **泛曆第一。** 層志 又漢元年不用黃帝調曆,劾壽王 考其遠近, 壽王 述之。 太史令張壽王上書,以 曆乃太史官殷曆 向子飲作三統曆 校 之何 率皆六國 **閎與鄧平所治同。** 承天等六家 及秦時 也。 以 說 上林清臺, 壽 為元 麻光等二 施用至武 人 之曆 春秋 王 、所造。 方士 逆 年用 再 詔 於是 劾 遷

天一日。 ;初失天益遠,宿度相覺浸多,候者皆知日宿差五度,冬至之日在斗二十一度, 晦朔弦望, 先 平中,待詔楊岑、張盛、景防等典治曆,但改易加時弦望,未能綜校曆元也。 咸熙。」於是四分法施行。黃帝以來諸曆以爲冬至在牽牛初者皆黜焉。 刑,於氣已逆,用望平和,蓋亦遠矣。今改行四分,以遵堯順孔,奉天之文,同心敬授,儻獲 象不稽。 曆改憲。』史官用太初鄧平術,有餘分一,在三百年之域,行度轉差,浸以繆錯,琁璣不正,文 冬至之日,日在斗二十一度, [三先立春一日,則四分之立春日也。 (建武八年,太僕朱浮上言曆紀不正,宜當改治。時所差尙微,未遑考正。 章帝召治曆編訢、李梵等綜校其狀。 [三] 遂下詔書稱:「春秋保乾圖曰:『三百年斗 至元和二年,太 而以折獄斷 明帝 大

有驗。今下晷景漏刻四十八箭。」其二十四氣日所在,幷黃道去極、晷景、漏刻、昏明中星, 並列載于續漢律曆志。 日去極遠近,日道周圜,不可以計率分。官漏九日增減一刻,違失其實,以晷景爲刻,密近 至二刻半,不如夏曆密。」其年十一月甲寅,詔曰:「漏所以節時分,定昏明。昏明長短,起於 和帝永元十四年,待詔太史霍融上言:「官漏刻率九日增減一刻,不與天相應,或時差

張衡、周興皆審曆,數難誦、豐,或不能對,或云失誤。 衡等參案儀注,考往校今,以爲九道 安帝延光三年,四中謁者亶誦上書言當用甲寅元,河南梁豐云當復用太初。 尚書郎

<u>《四分雖密於太初,復不正。皆不可用。甲寅元與天相應,合圖</u> 最密。 詔下公卿詳議。 太尉愷等參議:「太初過天一度,月以晦見西方。元和改從四分, [讖,可施行。]議者不同。尙

書令忠上奏:「天之曆數,不可任疑從虛,以非易是。」直等遂寢。

元,公卿參議,竟不施行。且三光之行,遲速進退,不必若一。故有古今之術。今術之不能 來,考之行度,密於太初,是又新元有效於今者也。故延光中,亶誦亦非四分,言當用甲寅 等以庚申爲非,甲寅爲是。按曆法,黃帝、顓頊、夏、殷、周、魯,各自有元。光、晃所援,則殷 以 詔書,文備義著,非羣臣議者所能變易。」三公從邕議,以光、晃不敬,正鬼薪法。詔書勿治 臺,課在下第。 司徒府集議。 上通於古,亦猶古術不能下通於今也。又光、晃以考靈耀爲本,二十八宿度數至日所在,錯 曆元也。 二歲,孝武皇帝始改太初,元用丁丑。行之百八十九歲,孝章帝改從四分,元用庚申。 甲寅爲元,不用庚申,乞本庚申元經緯明文。」詔下三府,與儒林明道術者詳議。 靈帝熹平四年,五官郎中馮光、沛相上計掾陳晃等言:「曆元不正,故盜賊爲害。 昔始用太初丁丑之後, 六家紛錯, 爭訟是非。 張壽王挾甲寅元以非漢曆, 雜候清 |元和二年用至今九十二歲,而光、晃言陰陽不和,姦臣盜賊,皆元之咎。 |元和 議郎蔡邕曰:「曆數精微,術無常是。 漢興承秦,曆用顓頊,元用乙卯。 太初效驗,無所漏失。 是則雖非圖讖之元,而有效於前者也。及用四分以 羣臣會 今光 百有 曆當

揚雄 緯,遂關治亂,此之爲蔽,亦已甚矣。劉歆三統法尤復疏闊,方於四分,六千餘年又益一日。 未能有定。 有餘年」。曾不憶劉歆之生,不逮太初,二三君子言曆,幾乎不知而妄言歟 心惑其說,采爲太玄,班固謂之最密,著于漢志,司彪因曰「自太初元年始用三統曆,施 何承天曰:夫曆數之術,若心所不達,雖復通人前識,無救其爲敝也。 <u>(四分於天,出三百年而盈一日。積代不悟,徒云建曆之本,必先立元,假言讖</u> 是以多歷年歲,

端,以立多少之衷,因朔積分設差,以推合朔月蝕。 **璿璣,各盡其法,一年之間,得失足定,合於事宜」。奏可。明帝時,尚書郎楊偉制景初曆,施** 非,舍本卽末,爭長短而疑尺丈,竟無時而決。按三公議,皆綜盡曲理,殊塗同歸,欲使效之 **閪,大魏受命,宜正曆明時。** 造乾象法 用至于晉、宋。古之爲曆者,鄧平能修舊制新,劉洪始減四分,又定月行遲疾,楊偉斟酌 以爲乾象減斗分太過,後當先天,造黃初曆,以四千八百八十三爲紀法,一千二百五以爲乾象減斗分太過,後當先天,造黃初曆,以四千八百八十三爲紀法,一千二百五 其後尚書令陳羣奏,以爲「曆數難明,前代通儒多共紛爭。 和 ,又制遲疾曆以步月行。 中,穀城門候劉洪始悟四分於天疏闊,更以五百八十九爲紀法,百四十五爲斗分, 韓翊首建黃初,猶恐不審,故以乾象互相參校。歷三年,更相是 方於太初、四分,轉精微矣。 此三人,漢、魏之善曆者。 黄初之元,以四分曆久遠疏 魏文帝黃初中,太史丞韓翊 然而洪之遲 爲 斗

志

暦中

疾,不可以檢春秋,偉之五星,大乖於後代,斯則洪用心尚疏,偉拘於同出上元壬辰故也。

雖與正歲不 魏 明帝景初元年,改定曆數,以建丑之月爲正,改其年三月爲孟夏四月。 同,至於郊祀、迎氣,祭祠、烝嘗,巡狩、蒐田,分至啓閉,班宣時令,皆以建寅爲 其孟仲季月,

正。

三年正月,帝崩,復用夏正。

載胤祉 蟲之不 農 官。日官司曆,則頒之諸侯,諸侯受之,則頒于境內。夏后之代,義、和 昊,則玄鳥司分,顓頊帝嚳,則重 使大才通人,造太初曆,校中朔所差,以正閏分,課中星得度,以考疏密,以建寅之月爲正 在 此 廢 時。 朔 而不紹,登臺之禮,滅而不遵。 以降,暨于秦、漢,乃復以孟冬爲歲首,閏爲後 7,累載 楊偉表曰「臣攬載籍,斷考曆數,時以紀農,月以紀事,其所由來,遐而尙矣。 ·藏也。 仲尼之撥亂於春秋,託褒貶糾正,司 由此觀之,審農時而重人事者,歷代然也。 相 襲,巨人而不 是時也,天子不協時,司 革也。 一、黎司 閏分乖 至武 曆不 天,唐帝、虞舜則羲、和掌日。 帝元封七年,始乃寤其 次而不識,孟陬失紀而莫悟,大火猶西流,而 曆失閏,則譏而書之,登臺頒 書日,諸侯不受職,日御不分朔,人事不 九月,中節乖錯,時月紕繆,加時後天 逮至周室旣衰,戰國橫騖, 、繆焉。 三代因之,則世 於是改 湎淫,廢時亂日 朔,則謂 正朔,更曆數, 之有禮。自 告朔之羊, 恤,廢 乃自少 了, 則 漕 怪蟄 一有日 棄

月,究極精微 法 然備足,乃改正 朔,以黄鍾之月爲曆初。 在 餘日,推考天路,稽之前典,驗之食朔,詳而精之,更建密歷,則不先不後,古今中天。 至于今日,考察 唐帝 日 學之則易知。雖復使研、桑心算,隸首運籌,重 顓頊 今改元爲景初,宜日景初曆。 協 ,襲自軒轅,則 日 ,盡術數之極者,皆未 E 朔, 時,允釐百工,咸熙庶績也。 日蝕,率常在晦,是則斗分太多,故先密後疏 更曆數, 曆日黃帝。 其曆斗分太多,後遂疏闊。 以大呂之月爲歲首,以建子之月爲 如臣如此之妙也。 臣之所建景初曆, 暨至漢之孝武,革正朔,更曆數,改元日 欲使當今國之典禮,凡百 黎 司晷, 至元和二年,復用四分曆,施而行之。 法數 是以累代曆數, 則約要, 羲、 而不可用也。 曆初。 和察景, 施用 皆疏 制度,皆韜合往古,郁 臣以爲昔在帝代,則 以考天路 則近密, 是以臣前以 而 太初 不 密, 治之則省 因名太初 自黄帝 步 以昔 驗 制典 日

曆初,元首之歲夜 壬辰元以來,至景初元年丁巳,歲積四千四十六,算上。 半甲子朔旦冬至。 此元以天正建子黃鍾之月爲

以來,改革不已。

元法,萬一千五十八。

紀法,千八百四十三。

紀月,二萬二千七百九十五。

志第二 律曆中

章歲、十九。

章月,二百三十五。

章閨,七。

通數,十三萬四千六百三十。 日法,四千五百五十九。

餘數,九千六百七十。

歲中,公十二。 周天,六十七萬三千一百五十。

氣法,十二。

沒分,六萬七千三百一十五。

沒法,九百六十七。

月周,二萬四千六百三十八。

通法,四十七。

朔望合數,六萬七千三百一十五。 會通,七十九萬一百一十。[+]

入交限數,七十二萬二千七百九十五。

通周,十二萬五千六百二十一。

周日日餘,二千五百二十八。

斗分,四百五十五。

甲子紀第一:

紀首合朔,月在日道裏。

交會差率,四十一萬二千九百一十九。

遲疾差率,十萬三千九百四十七。

甲戌紀第二:

紀首合朔,月在日道裏。

交會差率,五十一萬六千五百二十九。

遲疾差率,七萬三千七百六十七。

甲申紀第三:

紀首合朔,月在日道裏。

志第

律曆中

二三元

宋書卷十二

交會差率,六十二萬一百三十九。

遲疾差率,四萬三千五百八十七。

甲午紀第四:

紀首合朔,月在日道裏。

交會差率,七十二萬三千七百四十九。

遲疾差率,一萬三千四百七。

甲辰紀第五:

紀首合朔,月在日道裏。〔六〕

交會差率,三萬七千二百四十九。

遲疾差率,一十萬八千八百四十八。

甲寅紀第六:

紀首合朔,月在日道裏。

交會差率,十四萬八百五十九。

遲疾差率,七萬八千六百六十八。

交會紀差,十萬三千六百一十。求其數之所生者,置一紀積月以通數乘之,會通去之,

所去之餘,紀差之數也。以之轉加前紀,則得後紀。 加之未滿會通者, 則紀首之歲天正合

朔, 月在日道裏。 滿去之,則月在日道表。 加表滿在裏,加裏滿在表。

遲疾紀差,三萬一百八十。求其數之所生者,置一紀積月,以通數乘之,通周去之,餘

以 減 通周,所減之餘,紀差之數也。以之轉減前紀,則得後紀。不足減者,加通周

求 ,次元紀差率,轉減前元甲寅紀差率,餘則次元甲子紀差率也。 求次紀,如上法也。

也,餘則入紀年數。 推 前親積1 月術曰:置壬辰元以來,盡所求年,外所求,以紀法除之,所得算外,所入紀第 年以章月乘之,如章歲而一爲積月,不盡爲閨餘。 **閏餘十二以上,其年**

有閏。 閏月以無中氣爲正。

日,餘爲大餘。 推 朔 術 日 大餘命以紀,算外,所求年天正十一月朔日也。 以通數乘積月,爲朔積分,如日法而一爲積日,不盡爲小餘。以六十去積

求 次月,加大餘二十九,小餘二千四百一十九,小餘滿日法從大餘,命如前,次月朔日

也。小餘二千一百四十以上,其月大也。

定小餘, 餘,大餘滿六十去之,餘命以紀,算外,上弦日也。 推 弦望,加朔大餘七,小餘千七百四十四,小分一,小分滿二從小餘,小餘滿日法從大 如 所近 中節 間 限,限數以下者,至算上爲日。 又加得望、下弦、後月朔。 望在中節前後各四 日 以還者,視限 其月蝕望者,

數 在 中 節 前 後各五 Ħ 以 上 者 視 間 限

推 十 四 氣 術 日 置 所 入紀 年 外 所 求, 以 餘數 乘 滿 紀 法 爲 大 餘 盡 爲 小 大

餘 六十去之,餘命以 紀,算外,天 正 十一 月 冬至 H 也

求 次 氣 加 大 餘 十五 小 餘 四 百 小 分 十 , 小 分 滿 氣 法 從 小 餘 小 餘 滿 紀 法 從

餘 (101) 命 如 前 , 次 氣 日 也

數 從 天 推 盟 正 + 月 術 月起 曰 以 算 閨 外 餘 減章 閨 月 歲, 也 餘 閨 以 歲 有 淮 中 退 乘 以 無 滿 中 章 氣 閨 御 得 之。 月 餘 滿 半 法 以 上 亦 得

月

大

冬至,十一 小 大 寒, 雪 月 月 月 節 中 節 間限間限間限間限間限間限間限 限數限數限數限數限數限數限數限數 九千千千千千千千千千千 。十十十百百百百百百百百百百 三四五四四 •+++++++++ 二言四五五四六二

水 春 正 正 月 月 節 中 大五三二四七九 六五三二四七九十二十二二。 二二二二。 七。门门

大寒,

月

中

蟄 月 節 百八三六九

鷩

雨

立

春分,二月· 中。 + 九

二三八

第 立 霜 秋 處暑,七 立 淸 大暑,六月 小 小 穀 秋 夏 明 五五 五 九 九 月 月 月 月 月 月 曆 中。 中 中 中

小 雪 一,十月中。 間限千二二 一百二十九。

推 ;沒滅術曰:因冬至積日有小餘者,加積一,以沒分乘之,以沒法除之,所得爲大餘,不

盡爲 小餘。 大餘滿六十去之,餘命以紀,算外,卽去年冬至後沒日也。

求 ,次沒,加大餘六十九,小餘五百九十二,小餘滿沒法得一,從大餘,命如前。小餘盡,

爲 滅滅也

六十,小餘不足減者,減大餘一,加紀法,小分不足減者,減小餘 八,小餘四百八十三,小分六,餘命以紀,算外,各四立之前土用事日也。 推五行用事日:立春、立夏、立秋、立冬者,卽木、火、金、水始用事日也。 ,加氣法。 大餘不足減者,加 各減其大餘十

推卦用事 日:因冬至大餘,六其小餘,坎卦用事日 也。 加小餘萬九十一,滿元法從大

餘,即中孚用事 日 也。

求次卦,各加 大餘六,小餘九百六十七。其四正各因其中日,六其小餘。

推 日 度 術日:以紀 法乘朔積日,滿周天去之,餘以紀法除之,所 一十一月朔夜半日所在度及分也 得 爲 度,不盡爲分。

求 次 日,日加 一度,分不加,經斗除 斗分,分少退一 度。

度

從

牛前

五

一起,宿·

次除之,不滿宿,則天正

推 月度術曰: 以月周乘朔積日,滿周天去之,餘以紀法除之,所得爲度,不盡爲分,命

如上法,則天正十一月朔夜半月所在度及分也。

求次月,小月加度二十二,分八百六,大月又加一日,度十三,分六百七十九,分滿紀法

得一度,則次月朔夜半月所在度及分也。其冬下旬,月在張心署之。日立

推合朔度術曰:以章歲乘朔小餘,滿通法爲大分,不盡爲小分。 以大分從朔夜半日度

`分滿紀法從度,[10]命如前,則天正十一月合朔日月所共合度也。

求次月,加度二十九,大分九百七十七,小分四十二,小分滿通法從大分,大分滿紀法

從度。經斗除其分,則次月合朔日月所共合度也。

推 弦望日所在度:加合朔度七,大分七百五,小分十,微分一,微分滿二從小分,小分滿

法 .從大分,大分滿紀法從度,命如前,則上弦日所在度也。 又加得望、下弦、後月合也。 推弦望月所在度:加合朔度九十八,大分千二百七十九,小分三十四,敷滿命如前,卽

通

上弦月所在度也。又加得望下弦後月合也。

推 日月昏明度術曰:日以紀法,月以月周,乘所近節氣夜漏,二百而一,爲明分。日以

减 紀 法,月以減月周,餘爲昏分。各以加夜半,如法爲度。

則 所 求年天正 推 合 朝交會月蝕術曰:置所入紀朔積分,以所入紀交會差率之數加之,以會通去之,餘 干一 月合朔去交度分也。 以通數加之,滿會通去之,餘則次月合朔去交度分

志

第

也。

以朔望合數各加其月合朔去交度分,滿會通去之,餘則各其月望去交度分也。 朔望去

交分 如 、朔望合數以下,〔三〕入交限數以上者,朔則交會,望則 月蝕

之,倍會通去之,餘不滿會通者,紀首表,天正合朔月在表,紀首裏,天正合朔月在裏。 推合朔交會月蝕 月在日道表裏術曰: 置所入紀朔積分, 以所入紀下交會差率之數 滿會 加

通去之,表在裏,裏在表。

表 會近於限數者,則豫伺之前月,前會後交近於限數者,則後伺之後月。 則望在表,朔在裏則望在裏。 交會月蝕如朔望合數以下,[三]則前交後會;如入交限數以上,則前會後交。 求次月,以通數加之,滿會通去之, 先月蝕後交會者,看食月朔在裏則 加裹滿在表,加表滿在裏。 望在表,朔在表 先交會後月蝕者,朔在 其前交後 則望在

爲法。 十五以上,雖交不蝕也。 其前會後交者,以去交度分減會通,餘 求去交度術曰:其前交後會者,今去交度分如日法而一,四三所得則 十以下是蝕,十以上虧蝕微少,光晷相及而已。 如日法 而一,所得則前去交度,餘皆度分也。 却 虧之多少,以十五 去交度分 去交 也。[圖] 度

角起。 求 其月在內道, 先交後會者, 虧食西北角起, 先會後交者, 虧食東北角起。 日 蝕 · 虧起角術曰:其月在外道,先交後會者,虧蝕西 南角起; 先會後交者, 虧蝕 虧食分多 東 南

少,如上以十五爲法。會交中者,蝕盡。月蝕在日之衝,虧角與上反也。

十三日	十二日	十一日	十日	九日	八日	七日	六日.	五日	四日	三日	二日	日		少 如上以
十二度五分	十二度八分	十二度十一分	十二度十三分	十二度十六分	十三度一分	十三度七分	十三度十四分	十四度一分	十四度五分	十四度八分	十四度十一分	十四度十四分	月行遲疾度	上以十王無法 會
損二十一	損十八	損十五	損十三	損十	損六	損	益七	益十三	益十七	益二十	益二十三	益二十六	損益率	會多中者 食霊
盈積分二十萬五百九十六	盈積分二十八萬二千六百五十八	盈積分三十五萬一千四十三	盈積分四十一萬三百一十	盈積分四十五萬五千九百	盈積分四十八萬三千二百五十四	盈積分四十八萬三千二百五十四	盈積分四十五萬一千三百四十一	盈積分三十九萬二千七十四	盈積分三十一萬四千五百七十一	盈積分二十二萬三千三百九十一	盈積分一十一萬八千五百三十四	盈初[三]	盈縮積分	至 「戶食者」「沒有」「雇弃」」「戶七
二百三十三	二百三十六	二百三十九	二百四十一	二百四十四	二百四十八	二百五十四	二百六十一	二百六十七	二百七十一〇〇〇	二百七十四	二百七十七	二百八十	月行分	

志第二

律歷中

苍
1-

二百七十九	縮積分六萬三千八百二十六	損二十五	十四度十三分	周日
二百七十八	縮積分十七萬三千二百四十二	損二十四	十四度十一分	二十七日
二百七十七	縮積分二十七萬八千九十九三十二	損二十三	十四度十一分	二十六日
二百七十一	縮積分三十五萬五千六百二	損十七	十四度五分	二十五日
二百六十五	縮積分四十萬五千七百五十一	損十一	十三度十八分	二十四日
二百五十九	縮積分四十二萬八千五百四十六	損五	十三度十二分	二十三日
二百五十四	縮積分四十二萬八千五百四十六	損	十三度七分	二十二日
二百五十	縮積分四十一萬三百一十	益四	十三度三分	二十一日
二百四十六	縮積分三十七萬三千八百三十八	益八	十二度十八分	二十日
二百四十三	縮積分三十二萬三千六百八十九	益十一	十二度十五分	十九日
二百四十	縮積分二十五萬九千八百六十三	益十四	十二度十二分	十八日
二百三十七	縮積分十八萬二千三百六十	益十七	十二度九分	十七日
二百三十五	縮積分九萬五千七百三十九	益十九	十二度七分	十六日
二百三十三	縮初	益二十一	十二度五分	十五日
二百三十一	盈積分十萬四千八百五十七	損二十三	十二度三分	十四日
			-	á á

推合朔交會月蝕入遲疾曆術曰:置所入紀朔積分,以所入紀下遲疾差率之數加之,以

通 周 去之,餘滿日法得一日,不盡爲 日餘,命日算外,則所求年天正十一月合朔入曆日也。

滿 日法 求 成日,日滿二十七去之。又除餘 月,加一日,日餘四千四百五十。〔三〕求望,加十四日,日餘三千四百八十九。 如周日餘,日餘不足除者,減一日,加周虛

次

時在後 分。 周 者,以周 日 [度小 日度 以章歲減所入曆月行 推合 日; 小分幷之,以除後定積分,所得以 分幷之,以損定積 日日 ·朔交會月蝕定大小餘:以入曆日餘,[lēz]乘所入曆損益率,以損益盈縮積分爲定積 減之,不足者, 餘乘縮積分,爲定積分。 分,餘爲後定積 分,餘以除之,所得以盈減縮加本小餘。 交會加時在前 以損 加 分。 日。 本 率乘入曆日餘,如以周日日餘乘之,以周 小餘,如 以章歲減周日月行分,餘以周日日餘乘之,以 月蝕者,隨定大小餘爲日加時。入曆在周 上法 加之滿日法者,交會加 日 日

以 餘 上排成之,不滿半法廢棄之。 不 盡者 推 加 四之,如 時。以十二乘定 日 法 而一爲少, 小餘,滿 以强幷少爲少强,幷半爲半强,幷太爲太强。 日法得一辰,數從子起,算外,則朔望加時所在辰也。 二爲半,三爲太。 又有餘者三之,如日 法而 一爲强,半法 得二强者為

志

第

律

曆

二四六

少、太、半及强、弱也。 少弱,以之幷少爲半弱,以之幷半爲太弱,以之幷太爲一辰弱。 其月蝕望在中節前後四日以還者,視限數,五日以上者,視間限。 以所在辰命之,則各得其 定

小餘如間限、限數以下者,以算上爲日。

斗二十六分四百五十五 牛八 女十二 虚十 危十七 室十六 壁九

北方九十八度分四百五十五

妻十二 胃十四 昴十一 畢十六 觜二

西方八十度

井三十三 鬼四 柳 十五 星七 張十八 翼十八

軫十七

參九

南方百一十二度

角十二 亢九 迅 十五 房五 心五 尾十八

箕十一

東方七十五度

小寒月節 女二少 百一十三强冬至月中 斗二十一少百一十五度 中 節 日所在度 去 極 度 **丈三尺** 日中晷景 晝漏 四 十 五. 刻 夜漏 五 + 五. 刻 奎六弱 昏中星 氏 亡 二 强 强 少 明 一中星

一十三强 丈二尺三寸

四十五分

五十四分婁六(MI)

立大小夏芒小立穀清春驚雨秋暑暑至種滿夏雨明分蟄水 水春 中七節七中六節六中五節五中四節四中三節三中二節二中正節正月十 月月月月 月月月月 月 月 月 志 · 畢六太(壹) 昴二 胃 翼張 星 柳 井 井 參 奎 壁 室 第 二十四十弱半弱少 ---十 八八 太 半四 强强太弱太 宣半 强强太 少 五. 强少 律 强半 曆 中

六 六 六 七 七 八 八 九 百 百 十 十 十 十 十 十 十 十 一 六 七 七 七 九 三 七 三 九 五 ^{强弱少} 七六十十 强弱少 太弱少强太弱少强少

月中二

危

三尺二寸 四尺一寸 尺 尺 九 寸 一尺 五 寸 尺七寸 六尺 九丈 尺 九 五. 分八分八 寸 寸 分三分五 分五分五

六 六 六 六 五 五 五 五 四 四 十 十 十 十 十 十 十 十 十 十 三分八八 四 五四三二分五八五 分九分九分四 分三分八分三

三四 三十 三十 四四 四 五 十 十十十 十 十 五六七九一四六九一三 五. 五 分八分七分二分三 斗 箕 尾 尾 亢 角 翼張 星鬼 井參 廷 十六 十五扇十十四 四 五 七 弱半弱少 强太 二 太 七七 少强太 五 太 **二半 二半 宣太** 弱少 太 弱少 三强

危 危 女 牛 斗 十 弱太 十 六 二 四 弱少 半 十 斗 斗 箕 尾 十 初 5 半 七 一 少 3 弱 弱半 室十 奎 ·Ľ 太强太 太弱太 强 弱 强

半

得 星 以 以 減 日 節八 右 其 所 中 斗六 軫 節 節 在 五 四 氣昏 三十 爲 () 半弱 强太强半 几 弱 太 正 强少 应 明 中 氣, 置 百一 百 百 百 九 星各定。[四] 所 如 七 求 十一弱 術 十三强太 强少强少 强半 年二十四氣 求之, 强太 强少 丈[] 丈一尺 六尺 得 丈二尺五寸分 四 八尺四 五 四 尺 ||冬至十一月 小餘四之,如法得一爲少,不盡少三之,如法爲强。所 八 五. 计写 寸 寸 四 寸 分五 四 中 五. 五 五. 五. + 十 十 也。 五五分五 分三 Fi. 加之得次月節, 五十 五. 几 四 干 四 室三[20] 危 虚六 斗二 壁 女 牛 七 强半 五. 加節 太 强 太 得其月中。 强 軫十五 張 星 鬼 井 參 十五 三宝 五. 五. 强少 G少 言强 **园太 强太** 强少 中

推五星術

逆, 疾, 與 互相 有留 歲之日,通分相 五. 星者,木 1有逆。 逮 及。 曩 曰 星 歲 與 自 約,終而率之,歲數歲則謂之合終歲數,歲終則謂之合終合數。四三二率 開 星, 火日 H 會 闢 清 同 濁 宿 熒惑,土 共 始 度,則謂 分, 則 日 H 塡 之合。 月 星, Ŧi. 星聚于 金 從 日 合至合之日,則 太 星紀 众白,水 日 發自星紀, 辰 謂 之終。 凡 並 五. 星 而 各以一 之行,有 行天,遲 終之日 疾 遲

以周天乘之,如日度法而一,所得則行星度數也,餘則度餘。 之,以日法乘合月法除之,所得星合入月日數也。 小餘減日法,餘爲朔虛分。以曆斗分乘合數,爲星度斗分。 法 去大餘,餘爲星合朔大餘。大餘之餘爲朔小餘。回以通數乘月餘,以合月法乘朔小餘,幷 旣定,則法數生焉。以章歲乘合數爲合月法,以紀法乘合數爲日度法,以章月乘歲數爲 月分,如合月法爲合月數,合月之餘爲月餘。 而 一,所得則行星度數也,餘則度餘。 以通數乘合月數,如日法 餘以通法約之,「四月為入月日餘。「二八以朔 木、火、土各以合數減歲數,餘 金、水以周天乘歲數,如日度 而一爲大餘,以六十 合

木"合終歲數,千二百五十五。

合終合數,千一百四十九。

合月法,二萬一千八百三十一。

日度法,二百一十一萬七千六百七。

合月數,十三。

月餘,萬一千一百二十二。

朔大餘,二十三。

朔小餘,四千九十三。

志第二 律曆中

入月日,十五。

日餘,百九十九萬五千六百六十四。

朔虚分,四百六十六。

斗分,五十二萬二千七百九十五。

行星度,三十三。

度餘,百四十七萬二千八百六十九。日記

火:合終歲數,五千一百五。

合終合數,二千三百八十八。

合月法,四萬五千三百七十二。

日度法,四百四十萬一千八十四。

合月數,二十六。

月餘,二萬三。

朔大餘,四十七。

朔小餘,三千六百二十七。

入月日,十三。

日餘,三百五十八萬五千二百三十。

朔虛分,九百三十二。

斗分,百八萬六千五百四十。

行星度,五十。

度餘,百四十一萬二千一百五十。

土:合終歲數,三千九百四十三。

合終合數,三千八百九。

合月法,七萬二千三百七十一。

日度法,七百一萬九千九百八十七。

合月數,十二。

月餘,五萬八千一百五十三。

朔大餘,五十四。

朔小餘,千六百七十四。

入月日,二十四。

日餘,六十七萬五千三百六十四。

志

律曆

中

朔虚分,二千八百八十五。

斗分,百七十三萬三千九十五。

行星度,十二。

度餘,五百九十六萬二千二百五十六。

金:合終歲數,千九百七。

合終合數,二千三百八十五。

合月法,四萬五千三百一十五。

日度法,四百三十九萬五千五百五十五。

合月數,九。

月餘,四萬三百一十。

朔大餘,二十五。

朔小餘,三千五百三十五。

入月日,二十七。

日餘,十九萬四千九百九十。

朔虚分,千二十四。

斗分,百八萬五千一百七十五。

行星度,二百九十二。

度餘,十九萬四千九百九十。

水:合終歲數,一千八百七十。

合終合數,萬一千七百八十九。

合月法,二十二萬三千九百九十一。

日度法,二千一百七十二萬七千一百二十七。

合月數,一。

月餘,二十一萬五千四百五十九。

朔大餘,二十九。

朔小餘,二千四百一十九。

入月日,二十八。

日餘,二千三十四萬四千二百六十一。(BO)

朔虚分,二千一百四十。

斗分,五百三十六萬三千九百九十五。

志

第二

律曆中

行星度,五十七。

度餘,二千三十四萬四千二百六十一。

盡名合餘。 推 五星術曰:置壬辰元以來盡所求年,以合終合數乘之,滿合終歲數得一,名積合,不 以合終合數減合餘,得一者星合往年,得二者合前往年,無所得,合其年。 。 餘以

減合終合數,爲度分。金、水積合,偶爲晨,奇爲夕。

除積月,所得算外,所入紀也,餘爲入紀月。副以章閏乘之,至乃滿章月得一爲閏,以滅入 紀月,餘以歲中去之,餘爲入歲月,命以天正起,算外,星合月也。其在閏交際,以朔御之。 推合月朔:以通數乘入紀月,滿日法得一爲積日,不盡爲小餘。以六十去積日,餘爲大 推五星合月:以月數月餘各乘積合,餘滿合月法從月,爲積月,不盡爲月餘。 以紀月

餘,命以所入紀,算外,星合朔日也。

合入月日也,不滿爲日餘。命日以朔,算外,入月日也。 推入月日:以通數乘月餘,合月法乘朔小餘,幷之,通法約之,所得滿日度法得一,則星

推星 |合度:以周天乘度分,滿日度法得一爲度,不盡爲餘,命以牛前五度起,算外,星所

合度也。

求後合月,以月數加入歲月,以餘加月餘,餘滿合月法得一月,月不滿歲中,卽在其年,

滿去之,有閏計焉,餘爲後年,再滿,在後二年。 金、水加晨得夕,加夕得晨也。

求後合朔,以朔大小餘數加合朔月大小餘,其月餘上成月者,又加大餘二十九,小餘二

千四百一十九。〔三〕小餘滿日法從大餘,命如前法。

滿 後合入月日,命以朔。 求後合度,以度數及分,如前合宿次命之。 :其虚分者,去一日,後小餘滿二千四百一十九以上,去二十九日,不滿,去三十日,其餘則 求後入月日,Chall 以入月日、日餘加入月日及餘,Chall 餘滿日度法得一。其前合朔小餘

順,遲,日行九分,五十七日行九度而留。不行,二十七日而旋。逆,日行七分之一,八十四 百六十四分,行星三十三度百四十七萬二千八百六十九分。 分,五十七日行十一度,在日前,夕伏西方。 日退十二度,而復留二十七日。 二度百 二百三十八分,而晨見東方,在日後。順,疾,日行五十七分之十一,五十七日行十一度。 木:晨與日合,伏,順,十六日九十九萬七千八百三十二分,行星二度百七十九萬五千 七十九萬五千二百三十八分,而與日 復遲,日行九分,五十七日行九度而復順。 合。 順,十六日九十九萬七千八百三十二分,行星 凡一終,三百九十八日百九十九萬五千六 疾, 日行十一

九千三百四十五 火"晨與日 合,伏,七十二日百七十九萬二千六百一十五分,行星五十六度百二十四萬 一分,而晨見東方,在日後。 順,日行二十三分之十四,百八十四日行百一十

凡一終,七百八十日三百五十八萬五千二百三十分,行星四百一十五度二百四十九萬八千 十八度而復疾。日行十四分,百八十四日行百一十二度,在日前,夕伏西方。順,七十二日 十二分之十七,六十二日退十七度,而復留十一日。復順,遲,日行十二分,九十二日,行四 六百九十分。 百七十九萬二千六百一十五分,行星五十六度百二十四萬九千三百四十五分,而與日合。 二度。更順,遲,日行十二分,九十二日行四十八度而留。不行,十一日而旋。逆,日行六

七千六百七十五分半,行星二度六百四十九萬一千一百二十一分半,而與日合。凡一終, 日半復順,日行十三分,八十六日行六度半,在日前,夕伏西方。順,十九日三百八十四萬 而留。不行,三十二日半而旋。逆,日行十七分之一,百二日退六度而復留。不行,三十二 三百七十八日六十七萬五千三百六十四分,行星十二度五百九十六萬二千二百五十六分。 千一百二十一分半,而晨見東方,在日後。順,行百七十二分之十三,八十六日行六度半 土:晨與日合,伏,十九日三百八十四萬七千六百七十五分半,行星二度六百四十九萬

六度。 疾,日行一度九十一分之十四,九十一日行百五度而順。益疾,日行一度九十一分之二十 留,不行,七日而旋。順,遲,日行四十五分之三十三,四十五日行三十三度而順。 一是與日合,伏,六日退四度,而晨見東方,在日後而逆。 遲,日行五分之三,十日退

行星五十二度十九萬四千九百九十分,而與日合。 一合,二百九十二日十九萬四 千 九 百 一,九十一日行百一十二度,在日後,而晨伏東方。順,四十二日十九萬四千九百九十分,

九十分,行星如之。

分,行星如之。 伏西方。逆,六日,退四度,而與日合。凡再合一終,五百八十四日三十八萬九千九百八十 四十五日行三十三度而留。不行,七日而旋。逆,日行五分之三,十日退六度,在日前,夕 度而更順。遲,日行一度十四分,九十一日行百五度而順。益遲,日行四十五分之三十三, 百九十分,而夕見西方,在日前。順,疾,日行一度九十一分之二十一,九十一日行百一十二 金"夕與日合,伏,順,四十二日十九萬四千九百九十分,行星五十二度十九萬四千九

六十一分,行星如之。 度二千三十四萬四千二百六十一分,而與日合。凡一合,五十七日二千三十四萬四千二百 行二十二度,在日後,是伏東方。順,十八日二千三十四萬四千二百六十一分,行星三十六 行,一日而旋。順,遲,日行八分之七,八日行七度而順。疾,日行一度十八分之四,十八日 水:晨與日合,伏,十一日退七度,而晨見東方,在日後。逆,疾,一日退一度而留。不

水:夕與日合,伏,十八日二千三十四萬四千二百六十一分,行星三十六度二千三十四

二五七

志第

律曆

萬四千二百六十一分,而夕見西方,在日前。順,疾,日行一度十八分之四,十八日行二十 日前,夕伏西方。逆,十一日退七度,而與日合。凡再合一終,百一十五日千八百九十六萬 二度而更順。遲,日行八分之七,八日行七度而留。不行,一日而旋。逆,一日退一度,在

千三百九十五分,行星如之。

前,逆則減之,伏不書度,除斗分,至是以行母爲率。分有損益,前後相御。 行分,分滿其母得一度。逆順母不同,以當行之母乘故分,如故母而一,當行分也。留者承 日及度餘也。以星行分母乘見度分,如日度法得一,分不盡, 半法以上, 亦得一,而日加所 五星曆步術:以法伏日度餘,加星合日度餘,餘滿日度法得一從全,命之如前,得星見

五. 星乎。唯日之行天有常,進退有率,不遲不疾,不外不內,人君德也。 凡五星行天,遲疾留逆,雖大率有常,至犯守逆順,難以術推。月之行天,猶有遲疾,況

求木合終歲數法,以木日度法乘一木終之日,內分,周天除之,卽得也。

木合終合數法,以木日度法乘周天,滿紀法,所得復以周天除之,即得。 五星皆放此

也。

魏黃初元年十一月小,己卯蔀首,己亥歲,十一月己卯朔旦冬至,臣偉上。」

劉 氏 在 蜀,不見改曆,當是仍用漢四分法。 吳中書令闞澤受劉洪乾象法於東萊徐岳字

公河。故孫氏用乾象曆,至于吳亡。

於 酉 ,終於丑 晉武 帝泰 , 宜 始 祖 元 以 年 酉日 ,有司奏:「王者祖 臘 以 丑 日。 「氣而奉其□終,晉於五行之次應尙金,金生於己,事 改景初曆爲泰始曆。」 」奏可。

周,改 學,不 秦氏 不 則 水 漢 劉 體 而 以秦 宜 漢 代 氏 神 劉 水 云赤帝 母 所 卽 其行 廢 向 夜哭,云赤帝子 魏 臣 有 證 爲 術 以 詳 按 周 爲 土 數 運。 相 子 論 之建 鄒 代。 、晉木、 列則 不 生 也。 衍 値 若不相 爲 有周 說,各有其 國 五. 論 矣。 義。 德, 白帝子又何義況乎? 也。 宋金 秦 遺文雖不 殺 勝,則 周 據 臣 漢雖 周之火木 心白帝子 一;若 以爲張蒼雖是漢 以爲言, 爲火行。 義。 同 克木者金,相 殊 賈 畢在,據漢 ,然則 張蒼 誼 其 而 不得出 行 取秦 周 則 事 生在 漢 爲 ,易詳。 以 蓋由 列 非 火 漢 生則 此二 水行 臣, 周 火 水勝 漢土、魏 時, 也。 漢是土德,土生乎火,秦是水德,水生乎金,斯 而 事 家者。 木 生 且. 何』斯 一與周 五. 不容不知周氏行運。 周 實 然則 非虛作。 火,廢秦 生 德更王 木 接, 假 火。 叉不 晉金、 相 使 勝 司 即劉向 秦氏 一,唯有二家之說。 然 不 賈誼 之義,於事 秦 宋 班 矣。 柱 乃 火 取秦 五. 下, 稱 之說, 漢若 也。 德。 水 云:「三 備覩 爲長。 德 且周之爲曆年八百, 賈誼 難 周爲 爲 火,則 者 漢 圖 理 上德。」 非謬 鄒衍 云 則 書。 木行 若 漢高 以 當云 同 然。 漢 秦氏 且. 以 蒼 蓋 秦 相 土 一赤帝, 馴秦 勝立 斷蛇 一勝秦 以 雖 斯 是 滅 則 代

志

第

相

勝者,以土勝水耳,相生者,土自火子,義豈相關。」

子,何也。」答曰:「五行自有相勝之義,自有相生之義。 則 漢 以土 |爲赤帝子,秦以水德爲白帝子也。 難者又曰:「向云五德相勝,今復云土爲赤帝 不得以相勝廢相生,相生廢相勝也。

祖,名諡彫滅,墳塋不復存於銘表,游魂不得託於廟祧,故以初歲良辰,建華蓋,揚綵旌,將 神,謂之祖有事於道者,君子行役,則列之於中路,喪者將遷,則稱名於階庭。 含祖道賦序曰:「長〕漢用丙午,魏用丁未,晉用孟月之酉。曰莫識祖之所由。說者云祈請道 以招靈爽,庶衆祖之來憑云爾。〔异〕 崔寔四民月令曰:祖者,道神。黃帝之子曰累祖,好遠遊,死道路,故祀以爲道神。 或云,百代遠 嵇

晷景,即用漢 甲子、善其術、欲以九萬七千歲之甲子爲開闢之始、何承天云「悼於立意」者也。 以代之,猶有前却。 五. + 爲度法,三十七爲斗分。飾以浮說,以扶其理。 晉武帝時,侍中平原劉智,至立推三百年斗曆改憲,以爲四分法三百年而 四分法,是以漸就乖差。 其推五星,則甚疏闊。 江左中領軍琅邪王朔之以其 晉江左以來,更用乾象五星法 :減一日,以百 景初 上元 炭炭在 日中

宋太祖頗好曆數,太子率更令何承天私撰新法。元嘉二十年,上表曰:

書監徐廣,素善其 臣 授性頑惰,少所關解。自昔幼年,頗好曆數,耽情注意,迄于白首。臣亡舅故秘 (事,有旣往、2曜曆,每記其得失。 自太和至太元之末,四十許年。 臣

故其疏密差會,皆可知也。

因

此歲考校,至今又四十載。

推日 驗天 累 歳 也。 ,積微成著。 夫 則 圓 躔次可知焉。 漢代雜候清臺,以昏明中星,課日所在,雖不可見,月盈則蝕,必當其衝,以月 極常動,七曜運行,離合去來,雖有定勢,以新故相涉,自然有毫末之差,連日 是以虞書著欽若之典,周易明治曆之訓,言當順天以求合,非爲合以 捨易而不爲,役心於難事,此臣所不解也。

月蝕 度左 繁,宜當隨 天 則 日 至之間 之南至 有 虚 餘。 檢之,則景初今之冬至,應在斗十七。又史官受詔,以土圭測景,考校二至,差三 右 中。 堯典云「日永星火,以正仲夏」。今季夏則火中。 也。 一, 而 從來積歲及交州所上,檢其增減,亦相 、短日在 爾來二千七百餘年,以中星檢之,所差二十七八度。則堯令冬至,日在須 時遷革,以 漢之太初曆,冬至在牽牛初,後漢四分及魏景初法,同在斗二十一。 有長短, 斗十三四矣。 取其合。 因識春分近夏至,故長,秋分近冬至,故短也。 案後漢志,春分 此則十九年七閏,數微多差。 日長,秋分日短,差過半刻。 符驗。 又「宵中星虚,以殷仲秋」。今季秋 然則今之二至,非天之二至也。 復改法易章 楊偉不悟,即用 」, 則 尋二 用算滋 一分在 公女十 臣 以

志第

律

曆中

日。 有遲疾,合朔月蝕,不在朔望,亦非曆意也。故元嘉皆以盈縮定其小餘,以正朔望之 爲氣初,以諸法閏餘一之歲爲章首。冬至從上三日五時。日之所在,移舊四度。 之,上曆表云:「自古及今,凡諸曆數,皆未能並己之妙。」何此不曉,亦何以云。 更建元嘉曆,以六百八爲一紀,半之爲度法,七十五爲室分,以建寅之月爲歲首,雨水 是故臣 叉月

聞,窮神知化,罔不該覽。是以愚臣欣遇盛明,効其管穴。伏願以臣所上元嘉法下史 官考其疏密。若謬有可採,庶或補正闕謬,以備萬分。 伏惟陛下允迪聖哲,先天不違,劬勞庶政,寅亮鴻業,究淵思於往籍,探妙旨於未

詔曰:「何承天所陳,殊有理據。 可付外詳之。」

太史令錢樂之、兼丞嚴粲奏曰:

蝕,加時在卯,到十五日四更二唱丑初始蝕,到四唱蝕旣,在營室十五度末。景初其日 影,檢署由來用偉景初法,冬至之日,日在斗二十一度少。檢十一年七月十六日望月 日在軫三度。以月蝕所衝考之,其日日應在翼十五度半。CKOJ又到十三年十二月十六 土圭測影,知冬至已差三日。 詔使付外檢署。以元嘉十一年被勑,使考月蝕,土圭測 太子率更令領國子博士何承天表更改元嘉曆法,以月蝕檢今冬至日在斗十七,以

衝考之,則其日日在氐十三度半。凡此五蝕,以月衝一百八十二度半考之,冬至之日, 考取其衝,其日日應在井二十。又到十七年九月十六日望月蝕,加時在子之少,到十 戌,其日月始生而已,蝕光已生四分之一格,在斗十六度許。景初其日日在井二十四。 半,到二更四唱亥末始蝕,到三更一唱食旣,在井三十八度。Ckill景初其日日在斗二十 五日未二更一唱始蝕,到三唱蝕十五分之十二格,在昴一度半。景初其日在房二。以 五。以衝考之,其日日應在斗二十二度半。[<言] 到十五年五月十五日望月蝕,加時在 以衝考之,其日日應在牛六度半。。又到十四年十二月十六日望月蝕,CKII加時在戌之 日望月蝕,加時在酉,到亥初始食,到一更三唱蝕旣,在鬼四度。景初其日日在女三。 日並不在斗二十一度少,並在斗十七度半間,悉如承天所上。

長。「於可到十九年十一月六日冬至,其三日影極長。到二十年十一月十六日冬至,其前 年十一月十三日冬至,其十日影極長。到十八年十一月二十五日冬至,二十一日影極 日影極長。到十四年十一月十一日冬至,其前後並陰不見。「Gal到十五年十一月二十一 日冬至,十八日影極長。 到十六年十一月二日冬至,其十月二十九日影極長。 到十七 二年十一月十八日冬至,其十五日影極長。 到十三年十一月二十九日冬至,其二十六 又去十一年起,以土圭測影。其年景初法十一月七日冬至,前後陰不見影。到十

後陰不見影。尋校前後,以影極長爲冬至,並差三日。以月蝕檢日所在,已差四度。土 **圭測影,冬至又差三日。今之冬至,乃在斗十四間,又如承天所上。**

三大、頻二小,比舊法殊爲異。舊日蝕不唯在朔,亦有在晦及二日。公羊傳所謂「或失 又承天法,每月朔望及弦,皆定大小餘,於推交會時刻雖審,皆用盈縮,則月有頻

之前,或失之後」。愚謂此一條自宜仍舊。

晦,爲新紀之首。」承天乃改新法依舊術,不復每月定大小餘,如延宗所難,太史所上。 今皇猷載暉,舊域光被,誠應綜覈晷度,以播維新。

承天曆術,合可施用。

宋二十二年,普 有司奏:「治曆改憲,經國盛典,爰及漢、魏,屢有變革。 員外散騎郎皮延宗又難承天:「若晦朔定大小餘,紀首值盈,則退一日,便應以故歲之 良由術無常是,取協當時。方

校勘記

用元嘉曆。」

- 劾壽 王逆天地 「劾」字上各本並有「效」字,據漢志删。「天地」,漢志作「天道」。
- 章帝召治曆 編訢李梵等綜校其狀 「綜校其狀」各本並作「綜核意狀」,據續漢志改。
- 日在斗二十一度 「二十一度」各本並作「二十二度」,據後漢書集解引盧文弨說改。

- 29 __/ 安帝延光三年 「三年」續漢志作「二年」。
- ハガリ 累載相襲 各本並脫「襲」字,據晉志補
- 歲中 「歲中」上各本並衍「紀日」二字。按古曆無「紀日歲中」之名,開元占經一〇五景初曆條

下卽作「歲中」,無「紀日」,今據删

- フェリ 會通七十九萬一百一十「一十」各本作「二十」,據局本及晉志改。
- 紀首合朔月在日道裏 去之、則月在日道表。本紀及下甲寅紀交會率皆滿會通去之後所得之數。故此紀首合朔俱應作 按下術文謂,以交會紀差轉加前紀,得後紀交會差率。 加之滿會通者

「月在日道表」。

- 八九し 如所近中節間限限數以下者 按文義、「如」下應有「在」字。
- 小分滿氣法從小餘小餘滿紀法從大餘 「小餘」下各本脫「小餘」二字,據晉志補
- 間限千一百四十七「四十七」各本作「三十七」,據局本及晉志改。
- 限數千一百二十二「二十二」各本並作「一十二」、今從局本。
- 間限千三十六「三十六」各本並作「二十五」、晉志則誤作「四十六」,今從局本。
- 限數八百二十三「二十三」各本並作「二十二」,據局本及晉志改。
- 二吾 間限八百一十二 「一十二」各本及晉志並作「一十三」、今從局本。

志

第

校

勘

記

二六五

- [1六] 間限八百一 各本並脫「一」字,據局本及晉志補。
- 二十二 間限千一百五十七 各本並脫「千」字,據局本及晉志補。
- 二合 限數千一百八十一「八十一」各本並作「八十」,據局本及晉志補
- 其冬下旬月在張心署之 「月」各本作「夕」;「之」除局本外,各本作「也」,今據續漢志及錢大昕

廿二史考異說改。

- 以大分從朔夜半日度分分滿紀法從度 各本「度分」下脫「分」字,今據文義補。
- 朔望去交分如朔望合數以下 「如」各本作「加」、據晉志改。
- 交會月蝕如朔望合數以下 「合」各本作「會」,據晉志改。
- [1] 今去交度分如日法而一 「今」依文義當作「令」。
- [12] 所得則却去交度分也 各本脫去「分」字,據晉志補。
- [ヨ] 盈初 「盈初」各本作「盈一初」,據局本及晉志改。
- (三六) 二百七十一 各本脫「一」字,據局本及晉志補。
- 宝 縮積分二十七萬八千九十九 「九十九」各本並作「六十九」。 據局本及晉志改。
- 〔三六〕 日餘四千四百五十 「日」字各本並脫,今從局本補。
- 〇元〕以入曆日餘 各本並脫「餘」字,據晉志補。

以損率乘入曆日餘 「損率」各本作「率損」,據局本及晉志乙正。

婁六半强 各本作『婁五半强』,誤,今改正。按景初曆二十四氣各數,基本上沿用四分曆,數字

雖間 算。以下凡差異較大者,加以改正。 有出入,則由於兩曆斗分微有差異所致。本表數字均據字銳四分術注所述方法,加以推 如僅尾數有出入,則指出正確之數,不加改正。

CMII 虛五半弱·各本並作「虛女半弱」,誤,今改正。

[三] 胃十一太强 按當作「胃十一半强」。

[118] 箕半弱 按當作「箕半強」。

CMED 畢六太 按當作「畢七」。

CIKT 尾十五半强 按當作「尾十五半弱」。

[m+] 五尺五寸 各本並作「五尺五寸二分」,誤,今删正。

CMC 亢八半弱 按當作「亢八少弱」。

Clfc] 丈 各本並作「丈八寸三分」,誤,今訂正。

CBOD 室三半强 按當作「室三太强」。

[四] 翼十五太 按當作「翼十五太弱」。

图] 四十五五分 三朝本作「五分」是。各本並誤作「三分」。

志第

校

勘

記

[四]〕軫十五少强 按當作「軫十五少」。

所得以減其 節氣昏明中星各定」「所」下各本並脫「得」字,據晉志補。「定」下疑脫「數」字。

歲 數歲則謂之合終歲數歲終則謂之合終合數 依文義當作 「歲則謂之合終歲數, 終則謂之合

終合數」。

[四代] 大餘之餘爲朔小餘 各本並脫「大餘」二字,據晉志補。

[四] 餘以通法約之 「以」下、各本並行「朔」字、據晉志刪。

[BC] 爲入月日餘 「日」下各本並脫「餘」字,今從局本補。

度餘百四十七萬二千八百六十九 各本脫去「六十九」三字、據局本及晉志補。

日餘二千三十四萬四千二百六十一 各本「千」上脫「四」字,今補

[H]] 副以章閏乘之 依文義, [副]字疑衍。

金 小餘二千四百一十九「二千」各本並作「一千」,據局本及晉志改。

金 求後 入月日 按所求者爲後合入月日〉「後」下當有「合」字。

呈 以入月日日 餘加入月日及餘 按所加者爲一合的入月日及餘了加」下當有「合」字。

〔三〕除斗分 按依義當作「經斗除斗分」。

全 嵇含祖道賦序曰 各本並作「合祖賦序曰」,據沈濤說改。 沈濤銅熨斗齋隨筆云三此乃初學記

卷十三禮部嵇含祖道賦序文。『合』乃『含』字之譌,傳寫又奪『嵇』字『道』字耳。」

崔寔四民月令曰至庶衆祖之來憑云爾 「此節論祖道,不當入之曆志。」又「四民月令」原作「四人月令」,蓋後人避唐諱追改,今改正。 張元濟曰:「與上文不接,是禮志錯簡。」孫獻宋書考論。

晉武帝時侍中平原劉智 「晉武帝時」各本並作「晉江左時」,據晉志改正。 錢大昕廿二史考異

金艺 天之南至 云 劉智字子房,司空寔之弟也。 「至」字各本並脫,據通鑑宋文帝元嘉二十一年補。 仕武帝朝, 非江左時, 志誤。」

其日日應在翼十五度半 二度考之,其日日應在「翼十六度半」。 各本並作「翼十五度半」。按蝕旣在營室十五度末,以月衝一百八十

又到 十四年十二月望,已超過一蝕年,不當有月蝕。 十四年十二月十六日望月蝕 各本並作「十二月」。按元嘉十三年十二月望月蝕,至元嘉 今推是年十一月丁亥望(十六日)月蝕, 原文有

至三 在井三十八度 月望 |月蝕應在「井二十六度」。 各本並作「三十八度」。 按井僅有三十三度,原數顯誤。 **今推元嘉十四年十**

誤。

会 其日月 }曆 所推者實差三度半,今景初其日日在斗二十五,則實際應在斗二十一度半。 應在斗二十二度半 各本並作「二十二度半」。 按以此處所述各月蝕檢 日所在, 今推是月望月 與景初

志

第

校

勘記

蝕在井二十六度,以衝考之,亦與此數相合。故應作「二十一度半」。

其前後並陰不見 按依上下文例,「見」下應有「影」字。

各本並作「二十一日」。按上下各例,以土圭測影,冬至各差三日,二十五日

(关吾)二十一日影極長

冬至,則應「二十二日影極長」。

宋書卷十三

志第三

律曆下

元嘉曆法

上元庚辰甲子紀首至太甲元年癸亥,三千五百二十三年,至元嘉二十年癸未,五千七

百三年,算外。

元法,三千六百四十八。

章歲、十九。

紀法,六百八。

章月,二百三十五。

紀月,七千五百二十。

志第三 律曆下

章閨,七。

紀日,二十二萬二千七十。

度法,三百四。

度分,七十五。

氣法,二十四。

餘數,一千五百九十五。

歲中,十二。

日法,七百五十二。

沒餘,一百九十六。日

通數,二萬二千二百七。

通法,四十七。

沒法,三百一十九。

周天,十一萬一千三十五。三 月周,四千六十四。

通周,二萬七百二十一。

周 日 日 餘 四 一十七。

周 虚 ,三百三十 Ħ.

會數,一百六十

交限數,八百五十 九。

會月,九百三十九。〔三

朔望合數,八十。

甲子紀第

六十三

甲 甲戌紀第一 申紀第三

四

四 + 五

甲辰紀第五 甲午紀第 匹

甲寅紀第六

大

紀 年 也。 推 入紀法:置上元 滿法去之,得後紀。入甲午紀壬辰歲來,至今元嘉二十年歲在癸未,二百三十一年,算外。 庚 辰 盡所求年,以元法除之,不滿元法,以紀 法除 之, 餘不 滿 紀 法

推 積 月 術 置 入 紀年數算外,以章月乘之,如章歲爲積 月, 不 ·盡爲 閨 餘 閨 餘十二以

志 第 Ξ 律 曆 下

其年閏

推朔術 以 通數乘積月, Ξ 爲朔積分,滿日法爲積日,不盡爲小餘。 以六旬去積日,不

盡 一爲大餘,命以紀,算外,所求年正月朔日 也。

求 次月,加大餘二十九,小餘三百九十九,小餘滿日法從大餘,即次月朔也。 小餘三百

五十三以上,其月大也。

餘,命如前,上弦 推 弦望法:加朔大餘七,小餘二百八十七,小分三, 日也。 又加之得望,又加之得下弦。 小分滿四從小餘, 小餘滿日法從大

小 去 分十 積 沒,不盡 推二十四氣術 一,小分滿氣法從小餘,小 爲大餘,命以紀,算外,所 置入紀年算外,以餘數乘之,滿度法三百四爲積沒,不盡爲 餘滿度法 水年 從大餘, 酮 水 日也。 次氣1 求 日 次氣, 也。 雨水在十六日以後者,如法滅之,得 加 大 餘 十五, 小餘六十六, 小餘。 六旬

推 閨 月法。以閏餘 减 章 歲,餘以歲中乘之,滿章閨 得一, 數從 正月起, 閨所在也。 閨 有

進 退 以 無中 氣 御之。

立

立

驚蟄二月節 春 正 月 飾 間限間限 數數數數 百百百百 七七九九 十十十十 二七 四

間限間限 數數 數數 百百百百百六六八八 十十十十十 二七二六

春

分二月中

雨

水

正 月

中

立 淸 夏 明 匹 月 月 餰 餰 七四二七二七五二四三二三九二四八 小 穀 滿 丽 四 月 月 中 中 間限 間限 間限 間限 間限 間限 間限 間限 間限 數數 數數 數數 數數 數數 數數 數數 數數 數數

芒 種 五. 月 節 間限 間限 間限 間限 間限 間限 間限 間限 間限 數數 數數 數數 數數 數數 數數 數數 數數 三五 六五 九九 八七 六五 四四 三三 三三 三四 玉五 +++++++++++++++

月 節

月 節

立

秋

七

小

暑

六

白

露

八

月

餰

處

暑

七

月

中

大

暑

六

月

中

六 二七 三九 九六 二一 四六 五九

夏

至

Ŧi.

月

中

秋 分 八 月 中

霜 降 九 月 中

雪 十 月 中

小

(寒十二 至 + 月 月 中

冬

中 千 七

大

沒 水 前 也 沒 日 雨 也 水 前 2 沒 多 求 在故歲、常 次 沒 加 有 Ħ, 大 沒,官以沒正之,一年常有五沒 餘 六 + 九 , 小 餘 百 九 或六沒。 + 六 滿 小 沒 餘 盡 法 爲 從 滅 大餘 H 也。 雨 命 水 如 小 前 餘 雨 水

九 以 還 雨 水 六旬 後 乃 有 (元)。 後

H

雨

推

沒

滅

術

因

雨

水

云

以

沒

餘

乘

之,滿

沒

法

爲

大

徐,不

盡

爲

小

餘,

如

前 ,

E

所

求

年

爲

小

寒

十

月

節

大

雪

+

月

節

立

冬

+

月

節

寒

露

九

月

節

推 土 用 事 法 置 並 春 大小餘 小分之數,減大餘十八,小餘七十九,小 分十八,命以 紀,

夏、立冬求土用事皆如上法。

立春 前 土用事日也。 大餘不足加六十,小餘不足減,滅大餘一,加度法而後滅之。立

室二,次宿除之,算外,正月朔夜半日在度及分也。求次日,日加一度,經室去度分。 推日所在度法 以度法乘朔[積日,周天去之,餘滿度法爲]積度,[10]不盡爲分。命度起

爲大分,如所入遲疾加之,經室去度分。 百四十五,分滿度法成一度,命如前,次月朔月所在度及分也。曆先月法:以十六除月行分 月朔夜半月所在度及分。求次月,小月加度二十二,分一百三十三,大月加度三十五,分二 推月所在度法:以月周乘朔積日,周天去之,餘滿度法爲積度,不盡爲分,命度如前,正

望去交分如合數以下,交限數以上,朔則交會,望則月食。 月去之,餘則其年正月朔去交分也。求次月,以會數加之,滿會月去之。求望,加合數。朔 推合朔月食術:置所求年積月,以會數一百六十乘之,以所入交會紀差三十三加之,滿會

十四。 周 日 日日餘,不足減,減一日,加周虚。日滿二十七而日餘不滿周日日餘,爲損。周日滿去之,爲入曆一日。 法 得 推 求望,加十四日,日餘五百七十五半。 一日,自己不盡爲日餘,命日算外,所求年正月朔入曆。求次月,加一日,日餘七百三 入遲疾 曆法:置所求年朔積分,所入遲疾差一萬五千二百四十五加之,滿通周去之,餘滿 餘滿日法成一日,日滿二十七去之,除日餘 如

積分,值! 法。 以除定積分,所得減 推 合朔 損則損之,值益則益之。 月食定大小餘法 加本朔望小餘,值盈則減,縮則加之。 爲定 ·以入曆日餘乘入曆下損益率,入一日,益二十五是也。 積 分。 以入曆 日 餘 乘 列差,滿 爲定小餘。 日法盈 減縮加差 加之滿 日 以損 法, 法, 爲定差 益 合朔 盈 縮 月

食進 日,減之不足減者,加 日 法 而 後減之,則 退一日。 値周日 :者,用 周日定 數

餘者四 易 以 つ二言 排 推 以弁 加時 之, 成 滿 , 少 以十二乘定小餘 日 不滿半法棄之。 爲 法得一 半 ·弱,以幷半爲太弱,以幷太 爲少, ,滿日 以强弁 二爲半,三爲太。三三又有餘者三之, 法 少爲 得一辰,數從子起,算外,則 少强, 爲 **幷半爲半强**, 辰弱。 以 所在 幷 辰 名之。 朔 滿 太爲太 望加 日 法 强 時所在辰也。 得 得二者為 爲 强, 半法 有 少

夜漏 中 節 之 推 前後 合朔 半, 卽畫漏 五 月 食 日 以 加 時滿 上者, 加 時刻及 刻法:[四各以百 視間 分 限 也。 數。 **晝漏盡**, 月食加時定小餘不滿限數、間 刻 乘定小 又入夜漏 餘, 如 在 日 中 法 節 而 前 一,不盡什之, 後四 數者,皆以算上爲 日 以還者, 求分。 視 限數 日 先除

日 日 + 月 十 行 四 四 度十三分 遲 度十一分 疾 度 損 益二十三 益二十五 益 率 盈萬八千 盈 盈 縮積 分 亢 百 列差 差法 二百五 二百六 十八 十

志 第 Ξ 十 四 度八分 律 曆 下 益 三十 盈三萬六千九十六 四 一百五十五

十八日	十七日	十六日	十五日	十四日	十三日	十二日	十一日	十日	九日	八日	七日	六日	五日	四日
十二度九分	十二度六分	十二度四分	十二度三分	十二度四分	十二度六分	十二度八分	十二度十一分	十二度十四分	十二度十七分	十三度二分	十三度七分	十三度十三分	十三度十八分	十四度四分
益十七	益二十	益二十二	益二十四	損二十二	損二十	損十八	損十五	損十二	損九	損五	益	益六	益十一	益十六
縮四萬九千六百三十二	縮三萬四千五百九十二	縮一萬八千四十八	縮	盈一萬六千五百四十四	盈三萬一千五百八十四	盈四萬五千一百二十	盈五萬六千四百	盈六萬五千四百二十四	盈七萬二千一百九十二	盈七萬五千九百五十二	盈七萬五千九百五十二	盈七萬一千四百四十	盈六萬三千一百六十八	盈五萬一千一百三十六
五.	=		1101				=	=	=	四	五	六	五.	五.
二百一十八	二百一十五	二百一十三	二百一十一	二百一十三	二百一十五	二百一十七	二百二十	二百二十三	二百二十六	二百三十二台	二百三十五	二百四十一	二百四十六	二百五十一

度。 度 周 二十 二十七日 二十二 一十一 二十五 二十四四 二十六日 一十三日 H 命 求 推合朔度:以章歲 如 經室除度分。 次 前,正 日 日 H 日 月,加度二十九,大分一百六十一,小分十四, 十三 十四四 十三度十二分 十三度七分 小分一百三 十四度十一分 十四度五 十四度八分 十四度一分 月 朔 度十三分 一度十六分 日月合朔所在共合度也 分 乘朔小餘,滿通法爲大分,不盡爲小分。 損二十 損十七 損二十五定 損二十三 損 損二百二十四 損 損 益 十三 九 五. 縮一 千四百八二〇 縮二萬七千八百二十四 縮 縮六萬五千四百 縮七萬 縮七萬五千九百 縮 縮四萬二千八百六十四 七萬 五萬五千六百四十八 七萬五千九百 萬五百二十八定備九萬三 二千一百九十二 五十二 五十二 二十四 小分滿通 以大分從朔夜半日日分,滿 法 五 四 四 四 從大分, 法二千三百九(二:5) 一百三十五 一百五· 一百四 一百五 自 百六十定意差 百五 百四十八

十八

十五

干二

九

日

度十四分

益

干二

縮六萬二千四百一十六

一百二十三

一百二十九

四

十四四

+

H

十三度一分

益

縮

一千

四 百

四

求望,加十四度,大分二百三十二,小分三十半。求望月所在度,加日度一百八 大分滿度法從

第 \equiv 律 曆 下

志

立秋	大暑	小暑	夏至	芒種	小滿	立夏	穀雨	清明	春分	驚蟄	雨水	四二氣十
張五半過	柳十二弱	鬼一弱	井十八	井三半弱	畢十五少弱	昴十一弱	胃九太弱	婁六半	奎七少强	壁一强	室一太强	度日(三)在
二尺五寸	一尺九寸七分	一尺六寸九分	一尺五寸	一尺六寸九分	一尺九寸七分	二尺五寸	三尺二寸五分	四尺二寸五分	五尺三寸九分	六尺七寸二分	八尺二寸二分	日中晷影
六十二三分	六十三九分	六十四八分	六十五	六十四八分	六十三九分	六十二三分	六十三分	五十八	五十五五分	五十二九分	五十五分	畫漏刻
三十七七分	三十六一分	三十五三分	三十五五	三十五二分	三十六一分	三十七七分三	三十九七分	四十二	四十四五分	四十七一分	四十九五分	夜漏刻
箕三	尾八太弱	房四太弱	氏五少弱	角十太弱	軫 十弱	口翼十太弱	張十	柳十二太	井二十九半强	井九半强	觜一少强	昏中星
胃二太弱	奎十二太弱	壁六太弱	室五少强	危七弱	虚二弱	女三少	斗二十五半	斗十四半	斗四弱	箕四少弱	尾十一强	明中星

	木		推五星	立春	大寒	小寒	冬至	大雪.	小雪	立冬	霜降	寒露	秋分	白露	處暑
志第三 律曆下	三百四十四	合歲	生法:	危四	女十半强	牛三半强	斗十四强	箕十	尾十二太强	心二半弱	氐七半	亢 一 少	軫十五	翼十七太弱	翼二半
	三百一十五	合數		九尺九寸一分	一丈一尺三寸四分	一丈二尺四寸八分	一丈三尺	一丈二尺四寸八分	一丈一尺三寸四分	九尺九寸一分	八尺二寸八分	六尺七寸三分	五尺三寸九分	四尺二寸五分	三尺二寸五分
	九萬五千	日度法		四十八四分	四十六七分	四十五六分	四十五	四十五六分	四十六七分	四十八四分	五十五分	五十二九分	五十五五分	五十八	六十三分
	九萬五千七百六十			五十一六分	五十三三分	五十四四分	五十五	五十四四分	五十三三分	五十一六分	四十九五分	四十七一分	四十四五分	四十二	三十九七分三
二八一	二萬三千	室分		昴九少	胃四半强	奎十五少	壁八太强	室九半强	危十三半强	危二弱	女十一半弱	牛八半强	斗二十五少强	斗十四半弱	三斗三半
	二萬三千六百二十五			心四强	氐十三太强	亢九	角七少强	軫八少强	翼八太强	張八太弱	柳十一半强	井二十九弱	井九少强	畢十六半弱	昴七太弱

水 金 土 火 七十九 三百八十三 二百六十七 百五五 十九九 二百四十九 三百七十 二百一十五 百六十七 六萬五千三百六十 七萬五千六百九十六 五萬七百六十八 一十一萬二千四百八十 二萬七千七百五十 萬二千五百二十五 萬六千一百二十五 萬八千六百七十五

木後元丙戌,晉咸和元年,至元嘉二十年癸未,百十八年算上。

火後元乙亥,元嘉十二年,至元嘉二十年癸未,九年算上。 |後元甲戌,元嘉十一年,至元嘉二十年癸未,十年算上。

土

金後元甲申,晉太元九年,至元嘉二十年癸未,六十年算上。

水後元乙丑,元嘉二年,至元嘉二十年癸未,十九年算上。

水一年三合或四合也。以合餘減合數爲度分,水度分滿合歲則去之也。以周天十一萬一千三十五乘度分, 合數除之,得一,星合往年,得二,合前往年,不滿合數,其年。木、土、金則有往年合,火有前往年合, 推 ;五星法:各設其元至所求年算上,以合數乘之,滿合歲爲積合,不盡曰合餘,多者以

伏日及餘木則十六日及餘是也。[三]加星合日及餘,滿日度法成一日,命如前,星見日也。求星見 小 ·餘,幷度餘爲日餘,滿日度法從積度爲日,命以雨水,算外,星合日也。 求星見日法,以法 滿日度法爲積度,不盡曰度餘。命度以室二,算外,星合所在度也。以合數乘其年,內雨水

志第三 律曆下

室去分,不足減者,破全度。五星室分各異,若在行分,各依室分去之。 其母成一度,逆順母不同,木逆分母七也。當各乘度餘,留者承前,逆則減之,伏不書度,曰三經 以星行分母木則二十三見也。〔三〕乘見度餘,滿日度法得一,分乃日加所行分。木順日行四分。分滿 度法,以法伏度及餘木則二度及餘是也。加星合度及餘,滿日度法成一度,命如前,所見度也。

十六日而逆。日行七分之一,八十四日退十二度。又留二十六日。順,一百一十五日行二 牛,晨見東方。去日十三度半强。順,日行二十三分之四,一百一十五日行二十度。留,不行,**二** 三十三度,餘五萬九千九百三十五。 十度,夕伏西方,日度餘如初,與日合。一終三百九十八日,日餘八萬三千五百六十,行星 木:初與日合,伏,十六日,日餘四萬一千七百八十,行二度,餘七萬七千八百四十七

半。小遲,日行七分之四,一百二十六日行七十二度而大遲。日行七分之二,四十二日行 西方,日度餘如初,與日合。一終七百七十九日,日餘四萬九千六百二十五,行星四百一十 十二度。留,不行,十二日而逆。至己日行十分之三,六十日退十八度。又留十二日。順,遲, 四十二日行十二度。小疾,一百二十六日,行七十二度。一百八日半行七十七度半,夕伏 九千四百三十,晨見東方。去日十六度半强。〔三〕順,疾,日行七分之五,一百八日半行七十七度 火:初與日合,伏,七十一日,日餘二萬四千八百一十二半,至己行五十四度,度餘四萬

四,度餘三萬三千五百。除一周,行星定四十九度,度餘一萬七千三百七十五。日之

逆。日行十七分之一,一百二日退六度。又留三十六日。順,八十四日行七度,夕伏西方, 半,晨見東方。去日十五度半强,順,日行十二分之一,八十四日,行七度。留,不行,三十六日而 日度餘如初,與日合。一終三百七十八日,日餘八千九百六十五,行星十二度,度餘九萬三 土:初與日合,伏,十八日,日餘四千四百八十二半,行二度,度餘四萬六千八百四十七

千六百九十五。

六日,退四度而與日合。又六日退四度,晨見東方。逆,九日退六度。又留八日。順,四十 四十五日行三十三度。留,不行,八日而逆。至三日行三分之二,九日退六度,伏西方。伏 九千六百八十四半,見西方。至三去日十度。順,疾,日行一度十三分之三,九十一日行一百十 五日行三十三度。小疾,九十一日行一百五度。大疾,九十一日行百一十二度,晨伏東方, 二度而小遲。日行一度十三分之二,九十一日行一百五度。又大遲。日行十五分之十一, 日 一十八度,度餘三萬六千七十六。一合二百九十一日,餘四萬九千六百八十四半,行星 :度餘如初,與日合。 一終五百八十三日,日餘四萬八千六百一。〔三〕除一周,行星定二百 金:初與日合,伏,四十一日,日餘四萬九千六百八十四半,行五十一度,〔回〕度餘四萬

十七日,日餘七萬一千二百一十半,行星亦如之。盈加縮減,十六除月行分,日法除盈縮 日度餘如初,與日合。一終一百一十五日,日餘六萬六千七百二十五,行星如之。一合五 七分之五,七日行五度。 分,以減度分,盈加縮減。 日退六度,而晨見東方。 一十半,見西方。〔言〕去日十七度。順,疾,日行一度三分之一,十八日行二十四度而遲。日行 水:初與日合,伏,十七日,日餘七萬一千二百一十半,行三十四度,度餘七萬一千二百 留,不行,四日,夕伏西方。伏十一日,退六度,而與日合。又十一 留四日。順,遲,七日行五度。疾,十八日行二十四度,晨伏東方,

二十七日餘不足加減不加周虛。[三] 推卦:因雨水大小餘,加大餘六,小餘三百一十九,小餘滿三千六百四十八成日。 日滿

非唯先法不精,亦各傳寫謬誤。 春分日長,秋分日 舊刻,參以晷影,删定爲經,改用二十五箭。 元嘉二十年,承天奏上尚書:「今旣改用元嘉曆,漏刻與先不同,宜應改革。 短,相承所用漏刻,冬至後畫漏率長於冬至前。 今二至二分,各據其正。 請臺勒漏郎將考驗施用。」從之。 則至之前後,無復差異。 且長短增減,進退無漸, 按景初曆 更增損

順 度。 前 劉向論 世 諸儒依圖 九道云:「青道二出黃道東,白道二出黃道西,黑道二出北,赤道二出南。」又 **緯云,月行有九道。** 故畫作九規,更相交錯,檢其行次,遲疾換易,不得

焉。 路也,月者陰精,不由陽路,故或出其外,或入其內,出入去黃道不得過六度。入十三日有 奇而出,出亦十三日有奇而入,凡二十七日而一入一出矣。 交於黃道之上,與日相掩,則蝕 云:「立春、春分,東從靑道,立夏、夏至,南從赤道。 漢世劉洪推檢月行,作陰陽曆法。一元嘉二十年,太祖使著作令史吳癸依洪法,制新術, 秋白冬黑,各隨其方。」按日行黃道,陽

令太史施用之。

陰陽曆 元嘉曆月行陰陽法:

日 微前分限 一千七百三十八

益十六

益十七

初

兼 數

損

益 桽

日

益十二

四十八

益十五

益 益 四

六

H

五

日

四

日

三月

益

損

六十八

六十

九日

十 日

十一 目

H

分日 日後限餘二千一十九

> 損 損 五

損

+

損 六

損十六

十六大大者五千三百七十

損

六十五 五十 五

四十二

二十七

曆周,五萬五千五百一十七半。

差率,一萬一百九十。

微分法,一千八百七十八。

推

入陰陽曆術曰:以會月去入紀積月,

之,滿微分法爲大分,不盡爲微分。 大分滿周天去之,餘不滿 曆周者爲入陽曆。〔三张〕餘,皆 如

餘以會數乘之,以所入紀交會差加之,

周 天 乘

月周得一日,算外,所求年正月合朔入曆也。 不盡爲日餘。

之,除日餘 求次月,加二日,日餘一千三百三十一,微分一千五百九十八, 如分日。 陰陽曆竟互入端,至引入曆在前限 餘前,後限餘後者,月行 如法 成日,日滿 中道。

求朔弦望定數:各置入遲疾曆盈縮定積分, 以章歲乘之,差法除之,所得滿通法爲大

志 第 律 曆 下

不盡,以微分法乘之,如法爲微分。 盈減縮加陰陽日餘,盈不足,以月周進退日而定,

以定日餘乘損益兼數、「尽」爲加時定數。

卻一日,卻得分日,加其分,<BDJ半微分爲小分,<BDJ即朔日夜半入曆曆餘小分也。 推 ;夜半入曆:以差率乘朔小餘,如意如微分法得一,以減入曆餘,不足,加月周而減之,

四,小分七百八十九半,「圈」爲入次曆。 求次日,加一日,日餘十六,小分三百二十,小分如會月從餘,回回餘滿月周去之,又加 曆竟,下日餘滿分日去之,互入曆初也。回三不滿分日者,值之,加餘一千三百九十

盡 夜 損 益 半入曆日及餘也。以日餘乘損益率,以損益盈縮積分,^[四]爲定積分。 以會月乘之,如法爲小分,以盈加縮減入陰陽日餘,盈不足進退日而定也。 率,如月周,以損益棄數,爲夜半定數 求夜半定日:以朔小餘減入遲疾曆日餘,不足一日,却得周日,加餘四百一十七,卽月 滿通法爲大分,不 以定日餘乘

求 昏 明數:以損益率乘所近節氣夜漏,二百而一爲明,以減損益率爲昏,而以損益夜半

數爲昏明定數也。

少弱 也。 求 月去黃道度:置加時若昏明定數,以十二除之爲度,其餘三而一爲少,不盡爲强, 所得爲月去黃道度。

大明六年,南徐州從事史祖沖之上表曰:

有三。 無準。 見伏, 略,今已乖遠。 古曆疏舛,頗不精密,羣氏糾紛,莫審其要。「思己何承天所奏,意存改革, 至差四旬, 臣生屬聖辰,逮在昌運,敢率愚瞽,更創新曆。謹立改易之意有二,設法之情 以臣校之,三覩厥謬:日月所在,差覺三度,二至晷影,幾失一日,五 留逆進退,或移兩宿。 分至乖失,則節閏非正,宿度違天,則伺察 而置法節 星

未盈 令卻合周、漢,則將來永用,無復差動。 閏旣移,則應改法,曆紀屢遷,實由 謬旣著,輒應改制,僅合一時,莫能通遠,遷革不已,又由此條。 蝕檢日,知冬至在斗十七。 漢武改立太初曆,冬至日在牛初。 推之,唐代冬至, 百載,所差二度。舊法並令冬至日有定處,天數旣差,則七曜宿度漸 改易者,其一,回以舊法一章十九歲有七閏,閏數爲多,經二百年,輒差一日。節 日在今宿之左五十許度。漢代之初,即用秦曆,冬至日在牽牛六度。 今參以中星,課以蝕望,冬至之日,在斗十一。通而計之, 後漢四分法,冬至日在斗二十一。「图乙晉時姜岌以月 此條。 其二,以堯典云、「日短星昴,以正仲冬。」以此 今改章法, 三百九十一年有一百四十四閨。 今令冬至所在,歲歲微 與曆舛。 乖

志第

 \equiv

律曆

下

差,卻檢漢注,並皆審密,將來久用,無煩屢改。

中,元氣肇初,宜在此次。前儒虞喜,備論其義。今曆上元日度,發自虛一。其二,以 歲首爲始。則合壁之曜,信而有徵,連珠之暉,於是乎在,羣流共源,實精古法。 差,日已裁合朔氣而已。條序紛互,不及古意。今設法,日月五緯,交會遲疾,悉以上元 歲,莫值此名。今曆上元,歲在甲子。其三,以上元之歲,曆中衆條,並應以此爲始, 日辰之號,甲子爲先,曆法設元,應在此歲。而黃帝以來,世代所用,凡十一曆,上元之 而景初曆交會遲疾,「元首有差。又承天法,日月五星,各自有元,交會遲疾,」亦並置 又設法者,其一,以子爲辰首,位在正北,爻應初九,斗氣之端,虛爲北方,列宿之

也。 異之嫌,披心日月,仰希葵藿之照。若臣所上,萬一可采,伏願頒宣羣司,賜垂詳究,庶 是用深惜毫釐,以全求妙之準,不辭積累,以成永定之制。非爲思而莫悟,知而不改 自懼,用繁之意,顧非謬然。何者。夫紀閏參差,數各有分,分之爲體,非細不密。臣 今臣所立,易以取信。但深練始終,大存整密,革新變舊,有約有繁。 竊恐讚有然否,每崇遠而隨近,論有是非,或貴耳而遺目。所以竭其管穴,俯洗同 若夫測以定形,據以實效,縣象著明,尺表之驗可推,動氣幽微,寸管之候不忒。 用約之條,理不

陳錙銖,少增盛典。

上元甲子至宋大明七年癸卯,五萬一千九百三十九年算外。

元法,五十九萬二千三百六十五。

紀法,三萬九千四百九十一。

章歲,三百九十一。

章月,四千八百三十六。

章閨,一百四十四。

閨法, 十二。

月法,十一萬六千三百二十一。

日法,三千九百三十九。

餘數,二十萬七千四十四。

歲餘,九千五百八十九。

沒分,三百六十萬五千九百五十一。

沒法,五萬一千七百六十一。

周天,一千四百四十二萬四千六百六十四。

志

第

律

曆下

虚 一分,萬四百四十九。

行分法,二十三。

小分法,一千七百一十七。

通周,七十二萬六千八百一十。

通法,二萬六千三百七十七。 會周,七十一萬七千七百七十七。

差率,三十九。

推朔術:置入上元年數,算外,以章月乘之,滿章歲爲積月,不盡爲閏餘。 閏餘二 百四

餘。 大餘命以甲子,算外,所求年天正十一月朔也。 小餘千八百四十九以上,其月大。

十七以上,其年有閏。以月法乘積月,滿日法爲積日,不盡爲小餘。六旬去積日,不盡爲大

求次月,加大餘二十九,小餘二千九十,小餘滿日法從大餘,大餘滿六旬去之,命如前,

次月朔也。

求 ,弦望:加朔大餘七,小餘千五百七,小分一,小分滿四從小餘,小餘滿日法從大餘,命

如前,上弦日也。 又加得望,又加得下弦,又加得後月朔也。

推閏術:以閏餘減章歲,餘滿閏法得一月,命以天正,算外,閏所在也。

閏有進退,以無

中氣爲正。

推二十四氣術"置入上元年數,算外,以餘數乘之,滿紀法爲積日,不盡爲小餘。 六旬

去積日,不盡爲大餘。大餘命以甲子,算外,天正十一月冬至日 也。

求次氣,加大餘十五,小餘八千六百二十六,小分五,小分滿六從小餘,小餘滿紀法從

大餘,命如前,次氣日也。

求土用事:加冬至大餘二十七,小餘萬五千五百二十八,季冬土用事日也。 又加大餘

九十一,小餘萬二千二百七十,次土用事日也。

推沒術:以九十乘冬至小餘,以減沒分,滿沒法爲日,不盡爲日餘,命日以冬至,算外,

沒日也。

求 次沒,加日六十九,日餘三萬四千四百四十二,餘滿沒法從日,次沒日也。日餘盡

爲滅。

推 ;日所在度術:以紀法乘朔積日爲度實,周天去之,餘滿紀法爲積度,不盡爲度餘,命

以 虚 一,次宿除之,算外,天正十一月朔夜半日所在度也。

求次月,大月加度三十,小月加度二十九,入虚去度分。

求行分, 以小分法除度餘,所得爲行分, 不盡爲小分。 小分滿法從行分, 行分滿法

志第三 律曆下

從度。

求次日,加一度。入虚去行分六,小分百四十七。

推月所在度術,以朔小餘乘百二十四爲度餘。又以朔小餘乘八百六十爲微分。 微分

滿月法從度餘,「是」度餘滿紀法爲度,以減朔夜半日所在,則月所在度。

加度二十二,度餘萬七千二百六十一,微分六萬三千七百三十六,入虛去度分也。[三] 求次月,大月加度三十五,度餘三萬一千八百三十四,微分七萬七千九百六十七,小月

遲疾曆:

七日	八日	日	日日	二日	日	日	
十 三 十 一	十三十七	十三二十二四三	十四四	十四八	十四十一	十四行分十三	月行度
益六	益二十二	益三十四	益四十七	益五十七	益六十五	益七十	損益率
盈七百七十七萬二千七百一十四	盈七百二十萬二千六百九十一	益三十四 盈六百二十九萬七千八百五十七	益四十七 盈五百五萬八千二百八三	盈三百五十五萬七百六	盈百八十四萬二千三百一十六	盈初	盈縮積分
四千八百七十九	四千九百八十一	-	五千一百五十一	五千二百一十九	五千二百七十	五千三百四	差法

JU

十八日 十二日 二十月 H H H 日 H H Ħ 日 日 日 日 + = + 益四十 益五 損 益六十二 益六十七 損 損 益 益 損 損 損 損 損 **猛三十二** 干九 匹 干二 五. 縮 盈 盈 縮 縮二百二十三萬七百 縮 縮 縮 縮 縮三百八十七萬五 盈百三十八萬三千五百八十 盈三百九萬三百二 盈 盈六百三萬五千七 盈 太酉四十 三十萬九千三百八十五日表 ·六百 五. 五. 一十四至 干二 几 九〇巻

志 第

曆下

二九六

二十四四 二十五 一十八日 一十 一十七日 一十三日 六日 日 日 十四四 十四四 十四四 十四 十三十九 十四六三元 十四四 十 二 十 損 損 損六十七 損六十二 損三十九 損二十七 五十二 七十四 縮四 縮 縮二百八十五萬 縮六百九十萬一千四 縮七百六十一 縮百八萬二千三百七十九 五. 百四十九萬 百 八 十七萬 萬五 七千七百三十二 九千一百五十九 二千七百三十五 千四百四 百 九 十 + 五 五千二百八十七 五千一百八 五千三百二十一〇丟 五. 五 五 千 千二 千二百 十五 百 五. 十三 十五

算外,天正十一月朔夜半入曆日 推入遲疾曆術 以 通法 乘朔 也。 積 日為 通實,通周去之,餘滿通法爲日,不盡爲日餘。 命 日

四 六百三十一,則 求次月,大月加二日 去之。 小月加一日,日餘皆萬一千七百四十六。 曆滿二十七日,日餘

求次日,加一日。

退。 爲 度, 求 求 不 度 日 盡 行 所 爲度餘, 分 在定度。以 如 E 法 以 夜半入 盈 求 加 次 縮 日_, 曆 减 平行 日 如 所入 餘 度及 乘損 遲疾 餘 益 加之,虚去分如上法。 爲定度。 率,以損 益盈縮積分,如差率 益之或滿法, 損之或不足, 面 一,所 以紀 得滿 法 紀 進 法

曆 損益率 兼數

陰

陽

十十一日 八日日 六 九日 五 四 应 入 日 H 日 日 日 陰 H 日 陽 唇術 損十五 損十三 損二 損十 損六 ·置通實以會周去之,不滿交數三十五萬八千八百八十八半爲朔入陽 益 益 益 益 益 益 益 十二 十四 干五 十六 九 五 七十 六十四 七七六五四三十十十十二一六七五一 五十四四

曆

分,滿去之,爲朔入陰曆分。 各滿通法得一日,不盡爲日餘,命日算外,天正十一月朔夜半

入曆日也。

求次月,大月加二日,小月加一日,日餘皆二萬七百七十九。 曆滿十三日,日餘萬五千

九百八十七半則去之。 陽竟入陰,陰竟入陽。

求次日,加一日。

加一十四日,日餘二萬一百八十六,小分百二十五,小分滿六百六從日餘,日餘滿通法爲 求朔望差,以二千二十九乘朔小餘,滿三百三爲日餘,不盡倍之爲小分,則朔差數也。

日,即望差數也。 又加之,後月朔也。

小 分滿六百六從日餘, 求合朔月食:置朔望夜半入陰陽曆日及餘,有半者去之,置小分三百三,以差數加之, 日餘滿通法從日,日滿一曆去之。命日算外,則朔望加時入曆也。

朔 《望加時入曆一日,日餘四千一百九十八,小分四百二十八以下,十二日,日餘萬一千七百

入曆也。 八十八,小分四百八十一以上,朔則交會,望則月食。 求合朔月食定大小餘:令差數日餘加夜半入遲疾曆餘,日餘滿通法從日,則朔望加時 益之或滿法,損之或不足,以日法進退日。 以入曆餘乘損益率,以損益盈縮積分,如差法而一,以盈減縮加本朔望小餘,爲定

小餘。

餘者四之,滿日法得一爲少,二爲半,三爲太。又有餘者三之,滿日法得一爲强,以强幷少 求合朔月食加時:以十二乘定小餘,滿日法得一辰,命以子,算外,加時所在辰 也。 有

爲 少强,幷半爲半强,幷太爲太强。得二者爲少弱,以幷太爲一辰弱,〔к0〕以前辰名之。

求月去日道度:置入陰陽曆餘乘損益率,如通法而一,以損益兼數爲定,定數十二而

爲 度,不盡三而一,爲少、半、太。 又不盡者,一爲强,二爲少弱,則月去日道數也。 陽曆在

明	分工	産	雨水八八	春	寒	寒		二十四氣 日	表,陰曆在裏。
己二十五分	尺三寸七分	尺六寸七分	八尺一寸七分 エ	尺八寸	丈一尺二寸	丈二尺四寸三 章	丈三尺	中影	-
Π.	71.	Π.	五十五	75	25	74	25	晝漏刻	
		四十七一	四十九五	五十一六	五十三三	五十四四	五十五	夜漏刻	
百六二十一	百二三	九十七九〇〇三	九十三	八十九三	八十六一	八十四	十一	昏中星度	
二百五十九八	二百六十四三	二百六十八二十	二百七十三六〇三	二百七十七三	二百八十五〇八	二百八十二六	二百八十三行分八	明中星度	

志. 第 \equiv 律 曆 下

小雪	立冬	霜降	寒露	秋分	白露	處暑	立秋	大暑	小暑	夏至	さ種	小滿	立夏	穀雨
一丈一尺二寸	尺八寸	尺一寸七	尺六寸七	尺三寸七	二寸五	尺二寸六	尺五寸三	尺九寸九	尺六寸九	尺五寸	六寸九	一尺九寸九分	五寸三	三尺二寸六分
四十六七	四十八四	五.		五十五五五	八	四	六十二四	\equiv	四	六十五	74	六十三九		六十四
五十三三二八	十	十	十	十	+	十	十	十	+	+	十	三十六一	十	
三八十六一	八十九三	九十三	九十七九	百二三	百六二十一	十	一 十	<u>一</u> 十	· 十		一 十	百一十七十二	-	百一十一三
二百八十五公	二百七十七三	二百七十三万分元	二百六十八二十	二百六十匹三	二百五十九八	二百五十五三二章	二百五十二十二十二	二百四十八十七	二百匹十七三	二百四十六十七	二百四十七二	二百四十八十七	二百五十一十一	二百五十五三〇〇

一百八十二六

求昏明中星:各以度數加夜半日所在,則中星度也。

推五星術

木率:千五百七十五萬三千八十二。

火率"三千八十萬四千一百九十六。

土率"千四百九十三萬三百五十四。

金率:二千三百六萬一十四。

水率"四百五十七萬六千二百四。

推 五星術。置度實各以率去之,餘以減率,其餘如紀法而一,爲入歲日,不盡爲日餘。

命以天正朔,算外,星合日。

求星合度:以入歲日及餘從天正朔日積度及餘,滿紀法從度,滿三百六十餘度分則去

之,命以虚一,算外,星合所在度也。

求星見日術:以伏日及餘〔於己,加星合日及餘,餘滿紀法從日,命如前,見日 求星見度術"以伏度及餘,[40]加星合度及餘,餘滿紀法從度,入虛去度分,命如前,星

也。

見 度也。

志 第 Ξ 律 曆 下

因前,逆則減之,伏不書度。[41]從行入虛,去行分六,小分百四十七,逆行出虛,則加之。 行五 屋法:以小分法除度餘,所得爲行分,不盡爲小分,及日加所行分滿法從度,留者

百九十八日,日餘三萬五千六百六十四,行三十三度,度餘二萬五千二百一 十一度五分。又留二十八日。從,日行四分,百一十二日,夕伏西方。日度餘如初。一終,三 東方。從,日行四分,百一十二日,行十九度十一分。留二十八日。逆,日行三分,八十六日,退 木:初與日合,伏,十六日,餘萬七千八百三十二, 行二度, 度餘三萬七千五百四, 晨見 十五。

分,九十二日,夕伏西方,日度餘如初。一終,七百八十日,日餘千二百一十六,行四百一十 四度,度餘三萬二百五十八。除一周,定行四十九度,度餘萬九千八百九。 大遲,日行九分,九十二日,行三十六度。留十日。逆,日行六分,六十四日,退十六度十六分。[4]] 見 東方。從,疾,日行十七分,九十二日,行六十八度。小遲,日行十四分,九十二日,行五十六度。 火:初與日合,伏,七十二日,日餘六百八,行五十五度,度餘二萬八千八百六十五,晨 從,遲,日行九分,九十二日。小疾,日行十四分,九十二日。大疾,日行十七

度十八分。又留三十三日。從,日行二分,八十四日,夕伏西方,日度餘如初。一終,三百七 東方。行順,日行二分,八十四日,行七度七分。留三十三日。行逆,日行一分,百一十日,退四 土:初與日合、伏、十七日,日餘千三百七十八,行一度,度餘萬九千三百三十三, 晨見

十八日,日餘二千七百五十六,行十二度,度餘三萬一千七百九十八。

十一日,日餘三萬八千一百二十六,行星亦如之。 百六十一,行星如之。除一周,定行二百十八度,度餘二萬六千三百一十二。一合,二百九 分,九日。留九日。從,遲,日行十七分,四十五日。小疾,日行一度四分,九十二日。大疾, 日行一度五分,九十二日,晨伏東方,日度餘如初。 ^{六分。}夕伏西方。伏五日,退五度,而與日合。又五日退五度,而晨見東方。逆,日行十六 二十六,夕見西方。從,疾,日行一度五分,九十二日,行百十二度。小遲,日行一度四分,九十二十六,夕見西方。從,疾,日行一度五分,九十二日,行百十二度。小遲,日行一度四分,九十 二日,行百八度。大遲,日行十七分,四十五日,行三十三度六分。 留九日。 遲,日行十六分,退六度 金:初與日合,伏,三十九日,餘三萬八千一百二十六,行四十九度,度餘三萬八千一百 一終,五百八十三日,日餘三萬六千七

百三十九,行星如之。一合,五十七日,日餘三萬七千一百一十五,行星亦如之。 疾,日行一度六分,二十三日,晨伏東方,日度餘如初。 一終,百一十五日,日餘三萬四千七 二分。留二日。逆,日行十一分,二日,退二十二分。[fill]夕伏西方。伏八日,退八度,而與日合。 叉八日,退八度,晨見東方。逆,日行十一分,二日。留二日。從,遲,日行二十分,八日。 五,夕見西方。從,疾,日行一度六分,二十三日,行二十九度。遲,日行二十分,八日,行六度二十 水:初與日合,伏,十四日,日餘三萬七千一百十五,行三十度,度餘三萬七千一百一十

上元之歲,歲在甲子,天正甲子朔夜半冬至,日月五星,聚于虛度之初,陰陽遲疾,並自

此始。

世祖下之有司,使內外博議,時人少解曆數,竟無異同之辯。唯太子旅賁中郎將戴法

興議,以爲

三精數微,五緯會始,自非深推測,窮識晷變,豈能刊古革今,轉正圭宿。 案沖之

所議,每有違舛,竊以愚見,隨事辨問。

宮之作,畫漏 忒。 流,司曆過也。」就如沖之所誤,則星無定次,卦有差方。名號之正,古今必殊,典誥之 申之時也。「定之方中」,又小雪之節也。 取其萬世不易也。沖之以爲唐代冬至日在今宿之左五十許度,遂虛加度分,空撤天 審,後雜覘知在南斗二十一度,[+图] 元和所用,即與古曆相符也。逮至景初,而終無毫 有恒度,而宿無改位。古曆冬至,皆在建星。戰國橫鶩,史官喪紀,爰及漢初,格候莫 其置法所在,近違半次,則四十五年九月,率移一度。在詩「七月流火」,此夏正建 書云:「日短星昴,以正仲冬。」直以月維四仲,則中宿常在衞陽,巖、和所以正時, 案沖之新推曆術,「今冬至所在,歲歲微差」。臣法興議:夫二至發斂,南北之極,日 五十三刻,此詭之甚也。 仲尼曰:「丘聞之,火伏而後蟄者畢。 今火猶西 若冬至審差,則豳公火流,晷長一尺五寸,楚

音,代不 通軌,堯之開、閉,今成建、除,今之壽星,乃周之鶉尾,卽時東壁,已非玄武,軫

星頓屬蒼龍,誣天背經,乃至於此。

閨。 之所先,愚恐非沖之淺慮妄可穿鑿。 倍減餘數,則一百三十九年二月,於四分之科,頓少一日,七千四百二十九年,輒失一 狹,古人制章,立爲中格,年積十九,常有七閏,晷或虛盈,此不可革。 夫日少則先時,閏失則事悖。 沖之叉改章法三百九十一年有一百四十四閏。臣法興議:夫日有緩急,故斗有闆 竊聞時以作事,事以厚生,以此乃生人之大本,曆數 沖之削閨壞章,

乎? 令

多至在虚,則黃道彌遠,東北當爲黃鍾之宮,室壁應屬 差,又謂虛爲北中,舍形責影,未足爲迷。 亦 非 攝提 曲 沖之叉命上元日度發自虛一,云虛爲北方列宿之中。臣法興議:沖之旣云冬至歲 使 所紀,不知 分至屢遷,而星次不改,招搖易繩,而 五行 何居,六屬安託。 何者。凡在天非日 律呂仍往,則七政不以璣衡致 玄枵之位,虛宿豈得復爲北 不明,居 地以斗 而 齊,建時

中

忒,景初壬 效於當時。 沖之又令上元年在甲子。 臣法興議: 夬置 辰,晦無差光,远嘉庚辰,朔無錯景,豈非承天者乎。 沖之云,「羣氏糾紛,莫審其會」。昔黃帝辛卯,日月 一元設紀,各有所尙,或據文於圖 不過,顓 沖之苟存甲子,可謂爲 頊 乙卯,四 一讖,或 時 亦 取

三〇六

合以求天也。

與來,斷可知矣。 極。 求,遲疾之際,非凡夫所測。 以爲煩也。 且五緯所居,有時盈縮,即如歲星在軫,見超七辰,守三術家旣追算以會今,則往之 沖之又令日月五緯,交會遲疾,悉以上元爲始。 沖之旣違天於改易,又設法以遂情,愚謂此治曆之大過也。 景初所以紀首置差,元嘉兼又各設後元者,其並省功於實用,不虛推 昔賈逵略見其差,劉洪觕著其術。 臣法興議:夫交會之元,則食旣可 至於疏密之數,莫究其

不及一下。 終之理,日數宜同。 臣法興議:日有八行,各成一道,月有一道,離爲九行,左交右疾,倍半相違,其 此則當縮反盈,應損更益 沖之通周 與會周相覺九千四十,「中心其陰陽七十九周有奇,遲疾

沖之隨法興所難辯折之曰:

舛。 歆詭謬其數,此則算氏之劇疵也。乾象之弦望定數,景初之交度周日,匪謂測候不精, 遂乃乘除翻謬,斯又曆家之甚失也。 加該驗。 臣昔以暇日,撰正衆謬,理據炳然,易可詳密,此臣以俯信偏識,不虛推古人者也。 臣少銳愚尙,專功數術,搜練古今,博采沈奧,唐篇夏典,莫不揆量,周正漢朔,咸 罄策籌之思,究疏密之辨。至若立圓舊誤,張衡述而弗改,漢時斛銘,[マヤン]劉 及鄭玄、闞澤、王蕃、劉徽,並綜數藝,而每多疏

之乖 按 反以譏詆,不其惜乎。 何承天曆,二至先天,閏移一月,五星見伏,或違四旬,列差妄設,當益 遠,臣曆所改定也。 尋法興所議六條,並不造理難之關楗。 旣沿波以討其源,删滯以暢其 要,能使躔次上通, 謹 陳其 目 一反損, 皆前 術

陽,法興所未解,誤謂兩率日數宜同。凡此衆條,或援謬目譏,或空加抑絕,未聞折正 合可疑。 三,次改方移,臣無此法,求術意誤,橫生嫌貶。 其二,臣校晷景,改舊章法,法興立難,不能有詰,直云「恐非淺慮,所可穿鑿」。 其一,日度歲差,前法所略,臣據經史辨正此數,而法興設難,徵引詩書,三事皆 心之論也。 其五,臣其曆七曜,咸始上元,無隙可乘,復云「非凡夫所測」。其六,遲疾陰 謹隨詰洗釋,依源徵對。仰照天暉,敢罄管穴。 其四,曆上**元年甲子,術體明整,**則 其

黄帝 夏曆 聖賢 星。」沖之曰:周漢之際,疇人喪業,曲技競設,圖緯實繁,或借號帝王以崇其大,或假名 而 乾鑿 以 七 曆 法 神 度 曜 有 興 四 議曰:「夫二至發斂,南北之極,日有恒度,而宿無改位。故古曆冬至,皆在建 云殷曆以八十一爲日法。 西行 其 說。 法,顓頊、夏、周並有二術,詭異紛然,則 ,特違衆法,劉向以爲後人所造,此 是以讖記多虛,桓譚知其矯妄,古曆舛雜,杜預疑其非直。按五紀論 若易緯非差,殷曆必妄,此可疑之據三也。 可疑之據二也。 '孰識其正, 此古曆可疑之據一也。 殷曆日 法 九百四十, 顓頊曆

志

第

失十三。二曆並乖,則必有一偽,此可疑之據五也。古之六術,並同四分,四分之法, 其勢相隣,自非帝者有造,則儀漏或闕,豈能窮密盡微,纖毫不失。建星之說,未足 餘。以此推之,古術之作,皆在漢初周末,理不得遠。且却校春秋,朔並先天,此則非 人則後天。以食檢之,經三百年,輒差一日。古曆課今,其甚疏者,朔後天過二日有 朔者凡二十六,其所據曆,非周則魯。以周曆考之,檢其朔日,失二十五,魯曆校之,叉 三代以前之明徵矣,此可疑之據六也。尋律曆志,前漢冬至日在斗牛之際,度在建星, 元,歲在己卯,而命曆序云:「此術設元,歲在甲寅。」此可疑之據四也。 春秋書食有日

非通談,運今背古,所誣誠多,偏據一說,未若兼今之爲長也。景初之法,實錯五緯,今 漏,事在 聞,乙卯之曆,秦代所用,必有効於當時,故其言可徵也。漢武改創,檢課詳備,正儀審 度,「長二元和所用,即與古曆相符也。 逮至景初,終無毫式。」沖之曰:古術訛雜,其詳闕 尙 則 不知革,日度微差,宜其謬矣。 在衝口,至曩已移日。蓋略治朔望,無事檢候,是以晷漏昏明,並卽元和,二分異景, 法 興議曰「戰國橫騖,史官喪紀,爰及漢初,格候莫審,後雜覘知在南斗二十一 |前史,測星辨度,理無乖遠。 今議者所是不實見,所非徒爲虛妄,辨彼駭此,旣

志第三 律曆下

觜參尙隱,則不得言,昴星雖見,當云伏矣。奎婁已見,復不得言伏見□□不得以爲 捨午稱已, 午上非無星也。必據中宿, 餘宿豈復不足以正時。若謂舉中語策七列者, 陽之位,自在巳地,進失向方,退非始見,迂廻經文,以就所執,違訓詭情,此則甚矣。 和所以正時,取其萬代不易也。沖之以爲唐代冬至,日在今宿之左五十許度,遂虚加 竟在何日,循復再三,竊深歎息。 之義,此談何因而立。苟理無所依,則可愚辭成說,會泉、桑野,皆爲明證,分至之辨, 辭,則名將何附。 其詳易准,流見之勢,中天爲極。先儒注述,其義僉同,而法興以爲書說四星,皆在衞 度分,空撤天路。」沖之曰:書以四星昏中審分至者,據人君南面而言也。 且南北之正, 法興議曰:「書云『日短星昴,以正仲冬』。直以月推四仲,「き」則中宿常在衞陽,羲、 若中宿之通非允,當實謹檢經旨,直云星昴,不自衞陽,衞陽無自顯

涉數每乖,皆此類也。月盈則食,必在日衝,以檢日則宿度可辨,請據效以課疏密。按 證,(<0) 而虛貶臣曆乖差半次,此愚情之所駭也。又年數之餘有十一月,而議云九月, 太史註記,元嘉十三年十二月十六日甲夜月蝕盡,云己在鬼四度,以衝計之,日當在牛 日度,法興所是,唯徵古曆在建星,以今考之,臣法冬至亦在此宿,斗二十一了無顯 法興議曰:「其置法所在,近違半次,則四十五年九月率移一度。」沖之曰:元和

四蝕,皆與臣法符同,纖豪不爽,而法興所據,頓差十度,違衝移宿,顯然易覩。 故知天

節,自信之談,非有明文可據也。 始動之辭也。就如始說,冬至日度在斗二十一,云則則火星之中,當在大暑之前,豈隣 若冬至審差,則豳公火流,晷長一尺五寸,楚宮之作,畫漏五十三刻,此詭之甚也。」沖 也。然則中天之正,當在室之八度。臣曆推之,元年立冬後四日,此度昏中,乃自十月 建申之限。此專自攻糾,非謂矯失。夏小正:「五月昏,大火中。」此復在衞陽之地乎。 之曰:臣按此議三條皆謬。 誤稱流火,蓋略舉西移之中,以爲驚寒之候。 流之爲言,非 之初,又非寒露之日也。議者之意,蓋誤以周世爲堯時,度差五十,故致此謬。小雪之 又謂臣所立法,楚宮之作,在九月初。按詩傳箋皆謂定之方中者,室辟昏中,形四方 數漸差,則當式遵以爲典,事驗昭晳,豈得信古而疑今。 法興議曰:「在詩『七月流火』, 此夏正建申之時也。『定之方中』, 又小雪之節也。

典,獲容豈襲韶節,誠天人之道同差,則蓺之興,因代而推移矣。月位稱建,諒以氣之 列宿分方,而不在於四時,景緯環序,日不獨守故轍矣。至於中星見伏,記籍每以審時 度察晷,實效咸然。 訓,依以成說,將緯候多詭,僞辭間設乎。次隨方名,義合宿體,分至雖遷,而厥位不 所本,名隨實著,非謂斗杓所指,近校漢時,已差半次,審斗節時,其效安在。 者,蓋以曆數難詳,而天驗易顯,各據一代所合,以爲簡易之政也。亦猶夏禮未通商 以生殺定號,豈得春躔義方,秋麗仁域,名舛理乖,若此之反哉!因茲以言,固知天以 當在玄枵,而今之南極,乃處東維,違體失中,其義何附。若南北以冬夏稟稱,則卯酉 之。夫陽爻初九,氣始正北,玄武七列,虛當子位。若圓儀辨方,以日爲主,冬至所舍, 介咸陳,則水火有位,蒼素齊設,則東西可準,非以日之所在,定其名號也。 背經,乃至於此。」沖之曰:臣以爲辰極居中,而列曜貞觀,羣像殊體,而陰陽區 閉,今成建、除,今之壽星,乃周之鶉尾也。即時東壁,已非玄武,軫星頓屬蒼 之所誤,則星無定次,卦有差方,名號之正,古今必殊,典誥之音,時不通軌。 改,豈謂龍 法 興議曰「仲尼曰」『丘聞之,火伏而後蟄者畢。 火貿處,金水亂列,名號乖殊之譏,抑未詳究。 至如壁非玄武,軫屬蒼龍,瞻 元嘉曆法,壽星之初,亦在翼限,參校晉注,顯驗甚衆。 今火猶西流,司曆過也。』就如沖 天數差移, 或義非經 龍,誣天 別、故羽 堯之開、 何 以明

次留 文存禁閣,斯又稽天之說也。堯典四星,並在衞陽,今之日度,遠準元和,誣背之誚,實 近徵漢籍,讖記碎言,不敢依述,竊謂循經之論也。月蝕檢日度,事驗昭著,史注詳論, ,則無事屢嫌,乃臣曆之良證,非難者所宜列也。尋臣所執,必據經史,遠考唐典,

更短 推之,曆置冬至,後天亦二日十二刻也。|熹平三年,〔六四時曆丁丑冬至,加時正在日中。 差九分半弱,進退均調,略無盈縮,以率計之,二氣各退二日十二刻,則晷影之數,立冬 數旣同,則中影應等,而前長後短,頓差四寸,此曆景冬至後天之驗也。二氣中影,日 四分志,立冬中影長一丈,立春中影九尺六寸。 尋冬至南極,日晷最長,二氣去至,日四分志,立冬中影長一丈,立春中影九尺六寸。 尋冬至南極,日晷最長,二氣去至,日 按後漢書及乾象說,四分曆法,雖分章設篰創自元和,而晷儀衆數定於熹平三年。只司 事,事以厚生,此乃生民之所本,曆數之所先。愚恐非冲之淺慮,妄可穿鑿。」沖之曰: 頓少一日,七千四百二十九年,輒失一閨。夫日少則先時,閏失則事悖。竊聞時以作 此之謂。 「或盈虛,此不可革。 沖之削閨壞章,倍減餘數,則一百三十九年二月,於四分之科, ,立春更長,並差二寸,二氣中影俱長九尺八寸矣。 卽立冬、立春之正日也。 以此 法興議曰:「夫日有緩急,故斗有闊狹,古人制章,立爲中格,年積十九,常有七閏,

晷

術,減 其 乎? 法。 後天,經三百年,朔差一日。 中天冬至,應在十一月三日。求其蚤晚,令後二日影相減,則一日差率也。 七分半,十一月二十五日,一丈八寸一分太,二十六日,一丈七寸五分强,折取其中,則 分寸,銅表堅剛,暴潤不動,光晷明潔,纖毫儘然。據大明五年十月十日,影一丈七寸 以二日十二刻減之,天定以乙亥冬至,加時在夜半後三十八刻。又臣測景歷紀,躬辨 要,生民之本,諒非率意所斷矣。 不 數 日,天數之正也。 前二日減,以百刻乘之爲實,以法除實,得冬至加時在夜半後三十一刻,在元嘉曆後一 非者,誠有 非, 可 不 '易,則 可移。 臣 今以臣曆推之,刻 閨 横 所未 餘二,直以襲舊 謂 分無增損,承天置法,復爲違謬。 效於天也。章歲十九,其疏尤甚,同出前術,非見經典。而議云此法自古, 臣 譬也。 若古法雖疏,永當循用,謬論誠立,則法興復欲施四分於當今矣, 曆 爲失, 量檢竟年,則數減均同,異歲相課,則遠近應率。臣因此驗,考正章 若謂今所革創, 知日少之先時,未悟增月之甚惑也。 如前,竊謂至密,永爲定式。尋古曆法並同四分,四分之數久則 分粗 是以漢載四百,食率在晦。魏代已來,遂革斯法,世莫之 一,故進退未合。 又法興始云窮識晷變,可以刊舊革今,至道復謂晷數 **遠**舛失衷者,未聞顯據 節氣蚤晚,當循景初,二至差三日,曾不覺 至於棄盈求正,非爲乖理。 誠未 有以矯奪臣法也。 親 天 驗 , 就 豊 測 倍之爲法, 如 議意,率 元嘉曆 理容然 唇數之

盈 影彌年,窮察毫微,課驗以前,合若符契,孟子以爲千歲之日至,可坐而知,斯言實矣。 而立。 虚,不可爲准,互自違伐,罔識所依。若推步不得准,天功絕於心目,未詳歷紀何因 案春秋以來千有餘載,以食檢朔,曾無差失,此則日行有恒之明徵也。 且臣考

H

有緩急,未見其證,浮辭虛貶,竊非所懼。

在天 法之違設也。 此 仍往,則七政不以璣衡致齊,建時亦非攝提所紀,不知五行何居,六屬安託。」沖之曰: 應屬玄枵之位,虛宿豈得復爲北中乎。曲使分至屢遷,而星次不改,招搖易繩,而律呂 條所嫌,前牒已詳。次改方移,虛非中位,繁辭廣證,自搆紛惑,皆議者所謬誤,非臣 非日不明,居地以斗而辨。借令冬至在虚,則黃道彌遠,東北當爲黃鍾之宮,室壁 法興議曰:「沖之旣云冬至歲差,又謂虛爲北中,捨形責影,未足爲迷。 七政致齊,實謂天儀,鄭、王唱述,厥訓明允,雖有異說,蓋非實義 何者?凡

曆存 値 糾 元嘉庚辰,朔無錯景,豈非承天者乎。 沖之苟存甲子,可謂爲合以求天也。」沖之曰:夫 !始名,體明理正。 紛 : 効密,不容殊尙,合讖乖說,訓義非所取,雖驗當時,不能通遠,又臣所未安也。 元 ,莫審其會』。昔黃帝辛卯,日月不過,顓頊乙卯,四時不忒,景初壬辰,晦無差光, 法興議曰:「夫置元設紀,各有所尙,或據文於圖讖,或取効於當時。 沖之云 掌氏 未詳辛卯之說何依,古術詭謬,事在前牒,溺名喪實,殆非索隱之

志第三 律曆下

謂也。 籍淪逸,春秋漢史,咸書日蝕, 晨,未聞可以下通於今者也。 設,循密 無名之歲,自昔無之,則推先者,將何從乎。歷紀之作,幾於息矣。 若以曆合一時,理無久用,元在所會,非有定歲者,今以効明之。夏、殷以前,載 而至,千載無殊,則雖遠可 元在乙丑,前說以 正朔詳審, 知矣。 顯然可徵。 備閱囊法,疏越實多,或朔差三日, 為非正, 以臣歷檢之, 今値 甲子, 數皆協 議者復疑其苟合, 夫爲合必有不合, 同, 氣移七 誠無虛

願聞顯據,以覈理實。

衝也。 洪粗著其術,至於疏密之數,莫究其極。 此治曆之大過也。」沖之曰:遲疾之率,非出神怪,有形可檢,有數可推,劉、賈能 後元者,其並省功於實用,不虛推以爲煩也。 時,此數咸同,史注所記,天驗又符。 可累功以求密矣。議又云「五緯所居,有時盈縮」。「歲星在軫,見超七辰」。 七辰,術家旣追算以會今,則往之與來,斷可知矣。 辰也。 法興曰:「夫交會之元,則蝕旣可求,遲疾之際,非凡夫所測。 若審由盈 案歲星之運,年恒過次,行天七市,輒超一位。代以求之,曆凡十法,並合一 一縮,豈得常疾無遲。 此則盈次之行,自其定准,非爲衍度濫徙,頓過 夫甄耀測象者,必料分析度,考往驗來,准以實 且五緯所居,有時盈縮,即如歲星 沖之旣違天於改易,又設法以遂情,愚謂 景初所以紀首置差,元嘉兼又各設 昔賈逵略見其差,劉 在軫,見超 謂應年移 述,則 其

謬, 謬之小者也。 不得有盡,乃爲允衷之製乎。設法情實,謂意之所安,改易違天,未覩理之譏者也。 者以爲過,謬之大者。 **嬌異,蓋令實以文顯,言勢可極也。** 天之後元,云云實以奇偶不協,故數無盡同,爲遺前設後,以從省易。 見,據以經史。 堅執偏論,以罔正理,此愚情之所未厭也。算自近始,衆法可同,但景初之二差,承 必當虛立上元,假稱曆始,歲違名初,日避辰首,閨餘朔分,月緯七率,並 曲辯碎說,類多浮詭,甘、石之書,互爲矛楯。今以一句之經,誣一字之 然則元嘉置元、雖七率舛陳、而猶紀協甲子、氣朔俱終,此又過 稽元曩歲,羣數咸始,斯誠術體,理不可容譏;而譏 夫建言倡論,豈尙

疾對,則在交之衝,當爲遲疾之始,豈得入曆或深或淺,倍半相違,新故所同,復摽此 是衍文邪。左交右疾,語甚未分,爲交與疾對。爲舍交卽疾。若舍交卽疾, 定所,豈容或斗或牛,同麗一度。 及一下,此則當縮反盈,應損更益。」沖之曰:此議雖游漫無據,然言迹可檢。 終之理,日 率入曆七日及二十一日是也。 行譬月九道,此爲月行之軌,當循一轍,環币於天,理無差動也。 法 興曰「日有八行,合成一道,月有一道,離爲九行,左交右疾,倍半相違,其一 數宜 同。 沖之通周與會周相覺九千四十,「ᠺも〕其陰陽七十九周有 值交蝕旣當在盈 去極應等,安得南 |縮之極,豈得損益,或多或少。 北無常。 若日月非例,則八行之說 然則交會之際, 奇,遲疾不 按以 即交在平 若交與 日八八 當

句,欲以何明。 之詳矣。而法興云日數同。 **愚情,竊所深惑。** 曆不密,又謂何承天法乖謬彌甚。 衷,復不備記其數,或自嫌所執,故汎略其說乎?又以全爲率,當互因其分,法興所列 |一數皆誤,或以八十爲七十九,當縮反盈,應損更益, 此條之謂矣。 至非景極,望非日衝,凡諸新說,必有妙辯乎? 臣覽曆書,古今略備,至如此說,所未前聞,遠乖舊準,近背天數,求之 尋遲疾陰陽不相生,故交會加時,進退無常,昔術著之久矣,前儒言 竊謂議者未曉此意,乖謬自著,無假驟辯。 若臣曆宜棄,則承天術益不可用。 總檢其議,豈但臣 法興所見旣審, 旣云盈 縮 失

執據宜用。 時法興爲世祖所寵,天下畏其權,旣立異議,論者皆附之。 施用,而宮車晏駕也。 上愛奇慕古、欲用沖之新法、時大明八年也。 唯中書舍人巢尚之是沖之之術, 故須明年改元,因此改曆。未及

則應革創。

校勘記

沒餘一百九十六 二百七,不盡爲沒餘一百九十六,今據以改正。 「一百九十六」 各本並作「三十六」。 按以沒法三百一十九去通數二萬二千

周天十一萬一千三十五 「三」各本作「二」,今從局本。

志

第

- CMJ 會月九百三十九 「三」各本作「二」、今從局本。
- 交會差六百二十 「十」下各本並衍「一」字。按以各紀交會差率五百九十八減前紀交會差二 百七十九,不足減,加會月九百三十九而後減,得甲申紀交會差六百二十,今據以删。
- [E] 以通數乘積月 「月」各本作「分」,今從局本。
- CK」因雨水積 按依文義當作「因雨水積沒」。
- 中〕如前 按依文義當作「命如前」。
- 所求年為雨水前沒日也 按依文義當作「爲所求年雨水前沒日也」。
- 八九 雨水六旬後乃有 按依文義「有」下當有「沒日」二字。
- 餘滿日法得一日 「日」下各本無「法」字,今從局本補。 以度法乘朔積日周天去之餘滿度法爲積度 「積日至法爲」十一字,今從局本補。
- [15] 三爲太 「太」各本作「太半」,今從局本。
- 得二者爲少弱「少」各本並作「小」,按此節上下文均作「少」,此處亦不當作「小」,今改正。
- [12] 推合朔月食加時滿刻法 按「滿刻」依文義當作「漏刻」。
- [1] 二百三十 各本並作「一百三十」,今從局本。

- [14] || 「||]各本作「一」,今從局本。
- [IC] 定備九萬三千四百八 「定備」依文義當作「定縮」。
- 定意差法二千三百九 「定意差法」依文義當作「定差法」。
- [10] 日所在度 各本「所」下無「在」字,今從局本補。
- 三十七七分 「三」各本作「四」,今從局本。張元濟校勘記云:「當作『三十七七分』,與畫漏刻『六

十二三分』,相加得一百。」

三十九七分 「七分」各本並作「三分」。 今從局本。 張元濟校勘記云:「三分當作七分。 與畫漏

刻相加合百分。」

- [lm] 木則十六日及餘是也 「餘」各本作「金」,今從局本。
- [三] 木則二十三見也 「見」依文義當作「是」。
- 宣吾 伏不書度 「書」各本並作「盡」,據續漢志及本志景初曆術文改。
- 伏七十一日日餘二萬四千八百一十二半 「一十」下各本並奪「二」字。按火僅初伏與後伏日 數 有日 餘 且兩數 《相等》 則當爲一終日餘四萬九千六百二十五之半,卽二萬四千八百一十二

半。今據以改正。

去日 志 第 十六度半强 三 校 勘 記 「六」各本並作「七」。 按以火行度五十四度,度餘四萬九千四百三十,減日 三九

行 .度七十一度,度餘二萬四千八百一十二半,得十六度半强。 今據以改 Ē

〔三〕 不行十二日而逆 「逆」各本並作「遲」。按下謂「日行十分之三,六十日退十八度」,顯由留而

逆,不當謂遲,今改正。

除一周行星定四十九度度餘一萬七千三百七十五

「度餘」二字、據下金星例補 各本「定」上無「行星」二字,「一萬」上無

行五十一度 「行」下各本並衍「半」字,按五星行度例,並據金星各行度相加之和與一終總行 度核、此處不當有「半」字、今删。

見西方 「見西方」及下「伏西方」,據本志景初曆、大明曆金星例,當作「夕見西方」、「夕伏西

不行八日而逆 當謂遲,今改正。 「逆」各本並作「遲」。按下謂「日行三分之二,九日退六度」,則星由留而逆,不

方。

一終五百八十三日日餘四萬八千六百一 按「一終五百十三日,日餘四萬八千六百一」下,依

文義當有「行星如之」四字。

見西方 按本志大明曆水星例,當作「夕見西方」。

宣吾 日滿二十七日餘不足加減不加周虛 按此段文字與推卦術不相涉,或由前推入遲疾曆法末段

術文錯簡於此,且又有脫誤,更不成文義。

餘不滿曆周者爲入陽曆 按依曆理、於此下當有「滿去之、餘爲入陰曆」數字。

陰陽曆 竟互入端 「互」各本並作「平」,據晉志乾象曆推朔入陰陽曆術文改。 按依曆理當作「以定日餘乘損益率,如月周得一,以損益棄數」。「乘」字

下疑脫「損益率如月周得一以」九字。

「差率」下各本脫「乘」字,依曆理補。

以差率乘朔小餘

以定日餘乘損益兼數

(層0) 加其分 「加」各本並作「如」、依曆理改。

「小分」之「分」字各本並奪去。 殿本作「小餘」。

晉志作「小分」。

今據晉志補。

半微分為小分

小 分 如 會月從餘 「會」下各本並脫「月」字,依曆 理 補。

互入曆 互入曆初,言互入次曆之初。 初也 「互」各本作「于」。 互卽參錯之意。」今據改。 張元濟校勘記云:「于,當是互字。互古作牙,與于相似而誤。

四四 者,以分日日 餘一千三百九十四小分七百八十九半 分二千六百八十五半減月周四千六十四,加 「三百」各本並作「二百」。按曆竟,下日餘不滿分日 一日之日餘十六,小分三百二十,得

千三百 九十四,小分七百八十九半。 今據以改正。

以損 益 盈 縮 積 分 「盈」上各本並脫「以損益」三字,依曆理補。

志

第

Ξ

校

勘

記

莫審其要 下戴法興議沖之曆及沖之駁法興議引,皆作「莫審其會」。

改易者其 「改」下各本並脫「易」字,據南齊書祖沖之傳補

冬至日在斗二十一 「一」各本並作「二」,據續漢志改。

而景初曆交會遲疾元首有差又承天法日月五星各自有元交會遲疾亦並置差 按此段文字各本

並作「而景初曆交會遲疾」亦置紀差」。今據南齊書祖沖之傳校補改正。

微分滿月法從度餘 「度」下各本並脫「餘」字,依曆理補。

入虛去度分也 「度」下各本並脫「分」字,依曆理補。

至三 盈五百五萬八千二百八 「二百八」各本並作「三百」。按法共明歷月行遲疾曆表中各數之求法

爲:(一)損益率:以一日之月平行分五千二百二十七減各日之月實行分,得損益率小分。

以目

法乘之,約以通法,小數四捨五入,即得表上之損益率數。 (二)盈縮積分:以各日盈縮率小分

即得各日之差法。本表數字均經校算,以下僅指出其校改之處,其具體運算不贅述。 分累加之,卽得各日之盈縮積分。(三)差法:各日之月實行分減以一日之日行分三百九十一, 乘一百一,以三十減之,餘乘三十九,再加三十四或三十五,得各日之盈縮分。以各日前盈縮

十三二十二「二十二」各本誤作「二十一」、唯局本是、與校算合、今改正。

盈七百七十七萬二千七百一十 「七百一十」各本並誤作「一百一十一」,今改正。

- 至至 縮三百八十七萬五百一十四 「五百一十四」各本並誤作「五十四」,今改正。
- 縮五百三十萬九千三百八十五 「三十萬」各本並誤作「三十一萬」,今改正。
- 四千七百九 各本並奪此五字,僅局本有,與校算合,今據補。
- [云] 十四六 各本並誤作「十四十六」,今改正。
- 金艺 五千三百二十一 「二十一」各本並誤作「三十一」、唯局本是、與校算合、今改正。
- 得二者爲少弱以幷太爲一辰弱 依文義,此段文字當作「得二者爲少弱,以幷少爲半弱,幷半

爲太弱,幷太爲一辰弱」。

- 二百八十五 六、本表此兩項數字,均據此加以校算改正。 行分「五」各本並誤作「六」。 按昏中星度與明中星度之和應爲三百六十六度、分
- 〔六〕 二百七十三六 行分「六」各本並誤作「七」,今改正。
- CKIII 九十七九 各本並奪行分「九」,今補。
- [KB] 二百五十五三 行分「三」各本並誤作「四」,今改正。
- (六三)二百五十五三《行分「三」各本並誤作「四」,今改正。
- 〔六〕二百七十三六 行分「六」各本並誤作「七」,今改正。
- 五十三三 分「三」各本誤作「二」。 張元濟校勘記云:「與大寒比,當作『三』字。」是,今據改。

[KC] 二百八十五 行分「五」各本並誤作「六」,一个改正。

求星見日術以伏日及餘 「術以」各本並作「以術」、今據前後文例改正。

(94) 求星 見度術以伏度及餘 「術以」各本並作「以術」,今從殿本。

伏不書度 「書」各本並作「盡」,據續漢志及本志景初曆術文改。

[HI] 退十六度十六分 各本並奪「分」字,今據前後文例補。

逆日行十一分二日退二十二分 「逆」各本並作「遲」。下旣云「退二十二分」,則顯由留而逆,今

改正。

行門 在南斗二十一度 「二十一」各本並作「二十二」,據續漢志改。

至至 見超七辰 「辰」各本並作「晨」,據下沖之駁戴法興議所引文改。

沖之通周與會周相覺九千四十 「周」各本並作「同」,據上大明曆本文改。

子出 漢時 解銘 「斛」各本並作「解」, 據隋志上及九章算術方田章注 改。

CHC) 後雜 覘 知 在南斗二十一度 「二十一」各本並作「二十二」,據續漢志改。

〔七九〕直以月推四仲 前戴法興議作「月維四仲」。

斗二十一了 無顯證 「二十一」各本並作「二十二」,據續漢志 改。

元嘉十三年十二月十六日甲夜月蝕盡 「甲」各本並作「中」。 按漢魏以來,自昏至曉分爲五更

或五夜。 漢舊儀:「夜漏起,省中黃門持五夜,甲夜畢傳乙夜,乙夜畢傳丙夜,丙夜畢傳丁夜,丁

夜畢傳戊夜,戊夜畢,是爲五更。」 無中夜之名,今推元嘉十三年十二月十六日(癸巳)月蝕,

食旣約在下午八時,正值甲夜。今改正。

公司 冬至日度在斗二十一 「二十一」各本並作「二十二」,據續漢志改。

而晷儀衆數定於熹平三年「熹平」各本並作「嘉平」。按四分曆雖創自元和,而晷儀諸數於後

逐步制定。續漢志末謂「從上元太歲在庚辰以盡熹平三年歲在甲寅,積九千四百五十五歲也」,

此係劉洪撰四分曆經時所記,則衆數之定不當遲於熹平三年。以四分術推是年冬至,爲丁丑,

加時近日中。 以今術推是年冬至,爲乙亥九時,加時正夜半後三十八刻。更足證非嘉平三年。

今改正。

[CB] 熹平三年 「熹」各本並誤作「嘉」,參閱上條校記。

欠 吾 可以刊舊革今「舊」下各本奪「革」字、據上戴法興議補。

「六」承天之後元 「元」上各本奪「後」字、據上文補。

沖之通周與會周相覺九千四十 「周」各本並作「同」,據上大明曆本文改。

